




四庫禁燬書叢刊編纂委員會

北京出版社

四庫禁燬書叢刊





# 集部第一一〇冊目次

石民四十集九十八卷(二)

〔明〕茅元儀撰  
明崇禎刻本

..... 一

石民渝水集六卷

〔明〕茅元儀撰  
明崇禎刻本

..... 八七

石民又峴集五卷

〔明〕茅元儀撰  
明崇禎刻本

..... 一四一

石民橫塘集十卷

〔明〕茅元儀撰  
明崇禎刻本

..... 一八九

石民賞心集八卷

〔明〕茅元儀撰  
明崇禎刻本

..... 二八三

掌記六卷

〔明〕茅元儀撰  
明崇禎刻本

..... 三五九

雪屋集八卷

〔明〕孫永祚撰  
明崇禎五年古嘯堂刻本

..... 三九九

雪屋二集五卷

〔明〕孫永祚撰  
清順治十七年古嘯堂刻本

..... 四八三

瀑音四卷附碧濤芟逸存一卷

〔清〕苗蕃撰  
清康熙刻本

..... 五五三

石民四十集九十八卷(二)

〔明〕茅元儀撰

明崇禎刻本

北京圖書館藏



石民四十集目錄

卷第八十九

與梅惠連書 庚申

與韓公子書 庚申

與吳栗仲書 壬戌

寄劉晉仲書 壬戌

報薛中玄陽武書 壬戌

與王客卿將軍書 庚申

石民四十集 卷八十九目 文部

卷第八十九目錄終

石民四十集卷之八十九

防風茅元儀止生著

書 三十二

與梅惠連書 庚申

先君子附尊甫先公金蘭之譜聲契址相合尊

先公時年長於先君子二十餘歲不數年建大

功報 天子亦隨作仙都遊先君子見世將亂

中原必有故宦遊不得志中年備水河上猶日

石民四十集 卷之八十九 文部

募百金之士以濟緩急不意遂從尊先公遊不

然自丁未至今凡一紀矣所聚壯士嘗膳之于

河上散曹可膳靡官不可膳至于今當不下若

干亦隱然中原干城也嗟乎已矣第讀禮時故

鄉遭大水民鳥獸聚恐其卽爲亂散家儲萬石

以賑之以此風諸巨室是時李少司徒方分藩

敝郡卽以第十五小秀才勵諸大老著姓得粟

若干金若干而又以嚴法按盜是年民無粒食

竟不諱十年以來海內晏然第得盡讀先人之  
書勉事詩賦古文詞雖未能卓然成家亦自謂  
有所窺欲卽人山閉戶了明史一事以上報  
天子之世恩而私念舉子業先王父爲一世標  
幟今數年以來邪說橫行詭辭惑衆懼吾道之  
終滅故勉爲此圖博一第得微信四方明吾  
道之是守先世之學卽退而耕諸野耳齷齪館  
閣不足困人况區區牛馬走耶不謂兩年來羽  
石氏四十集 卷之八十九 文部

書旁午土崩之事在于睫下嗟嗟惠連我與足  
下世荷國寵使非肝腦塗地率九族爲天下先  
便無以見先人于地下此豈悠悠靜養課文講  
業時耶奴酋一狡夷耳觀其用兵制勝剽悍則  
有之若其疎漏可乘不可枚舉大約遠遜于金  
元之勦業者况孟德一流人耶孟德下江南目  
中有孤無使君不謂南陽一耕者談笑而殲之  
平生兵家接要竟無一字可用人便料武侯足

以長驅制中原而竟以百戰僅得鼎足郝昭名  
不聞于當時守一孤城武侯百計攻之竟不能  
下平生心書八陣圖說亦竟無一字可用天下  
人未可測量如此區區胡馬便謂必不可與爭  
鋒雲梯鉤鉞夾以勁矢便以爲必無可守之城  
何其闇而懦也心竊悲之思一得當可以必得  
志而縣官資格方嚴吾輩兩年內斷無出頭地  
兩年後事又斷不可知且文法拘密用其人用  
石氏四十集 卷之八十九 文部

其資必不能得我志我志不得安望得志于人  
耶兄所居蘄黃之間盜賊之區天下有事必遭  
屠滅且聞柯陳徐譚諸盜密邇亂情已見小民  
怨大姓恨不得其便此斷非保家之所苟家不  
可保何如散財聚衆爲勤王之舉以如此門望  
簪之英槩如惠連豈在曹袁之下事成則爲郭  
李不成則爲宗李勝固欣然敗亦可喜聞太夫  
人明于大故豈不知此耶我輩名家子必不可



辱于腥羶亦不可泯泯死于亂軍之下并不可  
以沒淵自縊區區小節了當國恩兄苟有意弟  
執鞭以從矣弟家久破尚有水田二十頃亦必  
不敢遺之子孫李司徒應知我心耳秉燭作書  
心摧背裂

與韓公子書 庚申

側聞道兄足下義甚高常承平之日卽散金結  
客求賢豪于博徒賣漿之間此等才識皆在者  
石民四十集 卷之八十九 四 文部

舊名臣之上不肖于戊申已酉間卽慨然有扶  
衰起危之思天下方以爲狂竊聞足下而私自  
喜也繼之尊府君建節巨鎮抑志禮賢精心講  
武天下望風而息奮者非一人又聞足下與諸  
將吏相結納使尊府君得士死心古之名將如  
南宋韓岳其子出入行伍以之摧鋒取勝然介  
冑之家猶易求耳唯范文正經略西夏以文帥  
主兵事而其子亦出入將吏之間結士戮力爲

史冊之不再于今而得足下矣足下勉之哉尊  
府君履至危之地值至難之時非西夏可比也  
願爲足下竟其說管西夏之事文正實得主之  
故練兵揀將擇形勝招熟羌卽可以抗禦今之  
禦奴酋者非尊府君之責也一旦師潰則三輔  
皆受其禍不使之禦寇而使之持戶不使之持  
戶而使之操堂厦之鑰盜入中庭干戈漂血而  
欲以中堂之綺廂爲備禦之障捍必不能也且  
石民四十集 卷之八十九 五 文部

虜入關必趨京城趨京城則三輔應爲勤王之  
晉近而不先赴非義也孤軍獨入如羊突狼非  
智也此一難也大虜薄京城必分兵四抄知真  
定之易乘則以偏師據之知真定一有備則銳  
師挫之未及外援而先圖自固此二難也幸而  
自固而京城已不可救矣此鎮之兵以爲京城  
之聲援則猶可孤軍稱重鎮則不足河北諸州  
乃虜人入寇之故道必先以大兵壓之度其兵

力可以抗之否此三難也三者俱未計卽如遼陽報危朝議必守廣寧廣寧苟破朝議必守山海則徵發之兵必費于真定真定不應之乎則玩上也應之乎則真定一空城耳不待攻而自潰矣此四難也有此四難而使尊府君當之竊爲足下危也雖然生而不辰當此末季播遷之禍欲諱不能晉文以迎王而伯天下袁紹以遠駕而失人心地近則易爲乘權重則易爲致養

石民四十集

卷之八十九

六

文部

矣其書已成付之梓人而力絀未能顧觀其序則知其槩矣敢附足下乙覽足下有心男子能無啓予雜刻數種并附一粲交神有日握手無期聊託素書不勝瞻切

與吳栗仲書

壬戌

石民四十集

卷之八十九

七

文部

國家今之簪纓拖玉者乃食報者也且天所貴在人所重今人所重者非微侯也則受德者無如薦紳薦紳之中人所豔羨無如言路則受德淺者又無如言路捨生報國之士不生于言路之家非天道也今乃有栗仲豈非高皇帝之靈哉元儀雖不肖亦言路之子也其力不能如栗仲萬一其才識學不如栗仲萬一志則一也

昨年以不識面妄男子受知于尊甫謂非此二



三人者不足以犁庭掃穴澆思之而不得其故  
尊甫衡鑒妙天下何遂悞于渺書生當必栗仲  
憐其志哀其同心而矜其無仰報國家之路也  
使朝廷之上早聽尊甫之言何致千里之疆委  
之庸妄人哉第雖不肖亦必能死守廣寧卽王  
撫在事亦必能使之不逃今言之似爲事後思  
之實痛心脾今誠意効矣賓明用矣死者不可  
復生用者未當前驅第自去冬入山已無意當  
石民四十集 卷之八十九 文部

世矣嗟乎豈不負尊甫盛心栗仲雅志哉然其  
耿耿不自已雖菰蘆醉夢之中亦不敢一日忘  
知己之言此皇天后土實鑒臨之自去冬以來

踵尊公而薦者多矣凡奉俞旨者九向之職方  
銓曹亦多故人其取覆也甚易然辭之者甚力  
何也無可共事之人也今春廣寧破部奉科抄  
帛使相聘其辭之也亦甚力何也無可共事之  
人也南樞立新營求大將過而及第使以副總

戎練新兵六千人今使者持部劄督郡邑郡邑  
一日三使坐守邊戶然其辭之也更力何也此  
非大丈夫捨身報國之地也第之苦心不敢忘  
尊甫一言之知亦可見亮于鬼神矣栗仲養壯  
士結奇客必有一當第仰觀天文天下事正無  
涯略栗仲之愛我者淡吾之望栗仲者遠丈夫  
七尺終當爲國死耳天不生我則天負國我不  
自勗則我負天第尚不敢忘此二語況栗仲乎  
石民四十集 卷之八十九 文部

勉之矣丈夫讀書曾恨絳灌無文隨陸無武幸  
一身兼之不取金印如斗徒使鄧禹笑人千古  
之上非夫也千里書郵敢諛敢佞乎哉

寄劉晉仲書

壬戌

一別數年能無懷想今西南半壁安危在尊公  
之手而我晉仲方內叅帷幄外攬英賢不肖第  
辱在芝蘭謚當有一言之助然其身遠矣其淡  
者不可以書傳淺者又晉仲之所不茹也今大

兄之西眷眷不能已於懷則姑言其大者今獻  
策紛紛不出三語三語之利天下所知三語之  
害在明者之一察而已一曰宿將不可恃今所  
謂宿將皆就其名位之已貴戰陣之已經而言  
也非真有頗牧儀弼之宿望也然則其虛聲既  
不足以恫敵而要之實際則各安於平簪之所  
便而於事機之倏忽萬變進退之縱橫萬狀勦  
撫鼓舞之各盡其妙皆未諳也今畢其力請於  
石民四十集 卷之八十九 文部

朝而得之力任則不勝護短則事債此在異日  
必有淡尤願晉仲一存此言一曰火器不可恃  
火之用盡於本朝而西南夷之所乏絕天之祚  
中國而制四夷也火器之用第輯之至十六卷  
雖有智者不能踰其外然第獨以火器之不可  
恃者以其要在於練用火之士也用火之士不  
習於素不愛其上不仇於敵則東事往轍昭昭  
可鑒今日之制辦皆以爲敵資此在智者必有

遠慮願晉仲一存此言一曰土司不可恃以土  
攻土策之上也然必我之兵力足而後可卽素  
所籠絡之人事在今日亦宜深防何也語雖小  
可以喻大譬如公卿之家方豪於其里閭里之  
富人子皆願交歡於其僕雖有過溢亦所甘心  
一朝失勢望其簪日之固結不可得也今國家  
之勢方在鼎盛但以多事之秋卽公卿失職上  
官不敬羣豪相攻之時也所以制馭富人之道  
石民四十集 卷之八十九 文部

報薛中玄陽武書

壬戌

弟此歸已辦隱心天崩山裂致仁兄謬推及弟  
弟之騎射矯捷遠不如兄明敏機決遠不如兄  
况賓明淡心大力佐之于外雲公早智密機佐



之於內犁掃之事如反掌耳又何必第耶伏承  
遠訊第所自待之地第雖累擯于有司然玉堂  
三尺地非第分外事今以覆巢之下無完卵故  
決機矢命圖全天下而後自全在國家則爲不  
共之仇在身則爲擇死所又何問官耶但第之  
官可以不問而兄之事權不可不商潰兵潰民  
招之大是良策但今非其時矣王鑑心兄練兵  
一疏聖人復起無以加矣今欲募三萬以守關  
石民四十集 卷之八十九 文部

第度素所知可有三萬人三萬人皆百金之士  
卽奴之強卒必不能過之況如第所籌盃甲器  
械十倍于奴乎不憂其事之不濟也卽廟堂之  
上恐用兵太多以第實計之三萬亦足矣此李  
藥師之所將也但此中募兵皆二十金今其人  
勝彼百倍損之不可游肩生費過縣官垂五十  
萬而僅得疲兵一萬二千人核其實在伍者不  
過八千人今我輩以六十萬金而得三萬死士  
豈爲過乎器具之費募將之費不過二十萬若  
其月糧則在外只須一兩五錢至關上則不足  
耳然第之鄙見必運本色以給之使米價不騰  
湧而後軍得實惠不然如山海關上小米至九  
兩一石雖三兩不足用也兄旣捨命肯當耐貧  
今已有朝命小小舉動皆人所屬目萬宜加意  
第略商行藏在雲公獻孺劄中可則當効一臂  
不可則第至事急之日自成一師捐此身以報

累朝天子耳若處非其宜似人之求官者則第  
宜誦楊素之語以答之矣遠承惠信感荷刺髓  
但不堪驅策有負盛懷耳

與王客卿將軍書

庚申

前家兄來有一書奉寄應已得達今天下事如  
此足下卽欲退不可退矣以其不可退不如擇  
一進進者何卽死法也人苟不立向死中必不  
得生地天下之殺人者多矣水火盜賊寒暑饑  
石民四十集 卷之八十九 文部

病殺人無算而人徒畏一立義之死可笑也但  
旣死矣則我何事不可爲旣死矣何事復可念  
卽白晉之老母已不可念況妻子乎妻子不可  
念何所需錢財乎不貪錢財何必爲美官不必  
爲美官何必奉上官不貪錢財則必得士心不  
奉上官則得獨行其志以必死之心踏敢死之  
事空空洞洞死亦瞑目光光明明動必有效立  
不世之功名卽在此矣已知身不可保猶戀一

官已知身不可保猶惜錢財僥倖于萬一俛首  
于人下一日有事隕命其中知足下之死者唯  
妻兒耳豈不大可憐耶打淨心腸捐屏閒事專  
心一志養成死士數百明日張膽自請獨當一  
面勝亦使人知敗亦使人識不負我門牆耳老  
母妻子其在我矣努力努力

石民四十集

卷之八十九

文部

石民四十集卷之八十九

石民四十集卷之目錄

卷第九十

報樊山王書一 庚申

寄樊山王孟嘗書二 庚申

與王鑑心都尉書一 丁巳

與王鑑心都尉書二 辛酉

與劉冲和誠意伯書 巳未

與王坦山吏部書 壬戌

石民四十集

卷九十九

寄顏雲漢太守書 壬戌

文部

卷第九十目錄終

石民四十集卷之九十

防風茅元儀止生著

書三十三

報樊山王書一 庚申

張憲使來拜手書常君至復辱諄誨殿下何愛之淡而念之切耶然愛者必愛其言念者必念其行敢不竭其言而列其行今海內土崩之禍在于旦夕觀其情勢似東海之極水至而返夏

石民四十集

卷之九十九

文部

熱之下化而為寒雖有至人無可奈何然祖宗翊業正立法純惠下厚無負于代天之義天之不仁應不至此甚也然紀綱漸滅已盡如已破之釜不可復補人心潰亂已極如已枯之骨不可復肉非有煮石補天之手則不能補釜非有茅山中山之藥則不能肉骨此二者非坐而致之必竭其智潛其神積其歲月而後可得則其人何易求也其名甚正而其力易施則無如

宗藩漢唐宋皆有名宗臣獨于今而缺然豈倍  
魁之後有讓于後三代乎以非其時耳今其時  
矣豪杰之興應不乏人但恐天下有其主而人  
懷覬心未能以純白之衷對天下則人心不孚  
事必無立徒自竊賊以應讖緯耳今君王欲拜  
疏言天下之弊盛舉也然其言終不足以收咫尺  
之用不如卑其智晦其神需其時月以爲擇  
外匡內如唐之皋宋之鼎也然古今異勢唐之

石氏四十集

卷之九十

文部

宗室皆推擇爲刺史別駕故臯得積功至此宋  
之宗室在朝者代有人故鼎得躋政本今之成  
格則未破也以此望殿下殊迂然人于天下何  
常之有天下我用則用于天下天下不我用則  
自用其天下夫子之轍環訓述皆自用者也自  
用者誠難然時值其難唯有濟難之策無就易  
之圖我國家異姓之卿如于忠肅之拯北事王  
文成之起義師皆不避難而自用者也苟避其

難則景泰間王太宰以元老當國人未嘗以不  
忠責之正德中環江右之撫使者人未嘗以觀  
望相疑也但千古之下不聞有少保謙新建伯  
守仁耳則同姓如殿下不待愚言卑矣若元儀  
者三世八十年受國寵眷以文學經濟名其家  
常見草昧名臣之碑版曰祖某任某朝爲某官  
父某任某朝爲某官心竊羞之雖有伊呂之望  
王佐之名不願爲也况國運傾圯大丈夫當乘

石氏四十集

卷之九十

文部

時建立共扶王綱縱殉身畢命子孫猶有顏于  
人世苟束身退避俟時清之日從容挾策譚詩  
書論禮樂人人如此國何賴焉卽位至三公僕  
實無顏先王父嫺于兵事小用之于苗而奠百  
年之安爲他人用之于故鄉而胡襄懋收蕩平  
之蹟先君子仕于太平之日且十九家居未嘗  
與軍旅之命然過庭之訓夙夜不忘每度天下  
不出十年必有大故見棄藐諸孤于河干時爲

老吏猶捐家貲集豐沛拳勇之士以備未雨之  
綢繆故僕爲兒童時卽習兵家言今十五年  
矣輒一書各武備志雖其精微之言不能踰于  
古人然集古人之大成救一世之胥溺謂有微  
長今授之梓而力未能就也寄其序呈教可以  
獲我心矣天下皆知僕家三世爲文士以殘篇  
斷簡取當時之謬譽而不知其庭授塾習率在  
緇鈴今若抱晉遠窺侯河之清不特上負國恩  
石民四十集 卷之九十五 文部

亦且下負家學生無以爲人臣死無以爲人子  
故以身之不用欲用其言以鄙議見之書告之  
當事今或有採而行之者而未盡其說至于根  
本之闢沉疴之疾雖言之而如石之入水友人  
好事并瀨上宋獻孺書刻之輒以呈覽雖不足  
以見其人以足以見其心矣常君談柯陳徐譚  
事甚悉此荆楚之晉禍也閩之晉禍卽在袁伯  
老之徒昨訶辱及節鎮今揖拜于轅門異日卽

啓戮夫八閩者也江南北傳佘山賊至十萬然  
海中實無此數合之内地貫串之人應不止此  
此舊京維揚吳下之晉禍也山東牢山有衆與  
海島通今爲水陸之要扼其吭者有人浙之東  
有不逞之徒日夜垂涎新都新都闔郡鬼哭已  
其微矣汝穎之間大饑此中必有起者天下可  
措足之地無如秦蜀山海苟不守朝廷之上苟  
有意焉事猶可爲也而今無其人矣言之徒鳴  
石民四十集 卷之九十五 文部

咽耳一綢二續聊以識意不足云報

寄樊山王孟嘗書二 壬申

孟嘗君王殿下元儀爲長安遊因歷塞上迂迴  
曲折涉人所嬾到故音問疎渺嗟嗟孟嘗今天  
下事尙忍言哉 祖宗血戰數十年目不交臥  
不帖食不知味而今乃使聖子神孫驕奢暴虐  
而失之亦復何憾乃主德罔缺聽言如流祗因  
二三書生今日豎黨明日要錢舉手而以二千



里山河付之一極劣不堪之小夷今黔蜀數千里又授之狂監稚童矣 祖宗以詩書教此輩使之身名兩泰帝者不如亦何所負必欲禍之至此乎不肖頃爲言者所薦致屢厯明旨然鄙夫不可與事君僕聞之久矣青山有緣生無以對 今上死可以質 九廟嗟乎哀哉不肖慟世二十年而終不能挽毫末之天運蒼蒼不仁亦人之罪乎願大王自愛荆襄斷黃事在日夕石民四十集 卷之九十 文部

寄王鑑心都尉書一 丁巳

西吳友弟茅元儀致書鑑心君侯道兄盟契往歲枉手子霏雪射日儀與道兄握手作別又六

年往矣道兄發九鼎之言廻六龍之力身退名高光寵四溢吾道幸甚宗社幸甚元儀雖匹夫耳恨不得與黨人儀死且不朽儀世受國恩每欲候一第之後決肝傾腦一報 明天子今三上書而不錄依然江東一布衣耳去年又以老母偶病改事南雍至不及踐九達之塵一送道兄出國門使衣帶間襲香氣至不幸然酒態雖衰頂骨猶在終不肯奄奄作泉下人故于道兄石民四十集 卷之九十 文部

三疏日夕諷誦之恨天下好事盡讓一人爲也無論銀海國本命脉攸係卽故相江陵人皆知其功孰肯張目而言者第綴葺野史收拾遺事以爲此老異日張本今有道兄之言第數年苦心不虛矣今天下之事未敢淡言然循實核弊可計日以備不虞第苟未死猶及見之幸君侯益潛養自重以需天眷國家之親臣磊磊者不數人報二百四十年之國恩光 十二帝之卷

常是在君侯矣韜光故里甚善此聖恩不淺第  
久欲向兄草堂乞十日醉今歲未能也先令門  
人王生觀國一叩堦堦王生雖武弁頗知節胸  
次間事故令來也馬上不能寄將小詩聊見所  
懷惟順時珍重

與王鑑心都尉書二

辛酉

震來虩虩後笑言噬噬古今之時乎得敵或鼓  
或罷今之執政乎大人之吉子之謂乎遯尾之  
石民四十集 卷之九十 文部

厲我之謂乎竊聞之民勞止汔可小康惠此中  
國以綏四方無從詭隨以謹無良竊有志焉然  
安形性事欲靜以待陰陽之所定亦盟心而未  
敢忘也今有車鄰鄰有馬白顛河水津津北流  
恬恬樂而忘死但予美之誰與獨處雖然聖人  
耐以天下爲一家以中國爲一人者非意之也  
必知其情辟于其義明乎其利達于其害然後  
能爲之雖無德與汝式歌且舞唯曰欲至于萬

年吾非斯人誰與歸

與劉冲和誠意伯書

已未

側聞君侯有封事言天下大計不知所言大計  
如何愚竊度之今天下之大計不過兩者而已  
一則京邊之兵俱不足以戰須別練一師以救  
緩急所謂緩急者非救遼瀋救廣寧之謂也以  
今之勢俟兵之既練安得復有遼瀋廣寧哉特  
以待勤王之詔過都城之馬足耳一則紀綱之  
石民四十集 卷之九十 文部

弛實繇於臺省臺省貪饕戀權驅大臣於暗聾  
之地敘小臣以唆剝之術以至大事已去而徒  
歸咎於天聽之遠試問臺省之所欲爲有一事  
不終爲者否其所終爲之事有一中窾者否卽  
問三百萬之餉作何支銷非有不可問何臺省  
無一語也卽問十二萬之書帕果否施受非有  
不可言何楊鎬至今未逮也而今日之條陳尚  
欲發內帑以招兵而委之臺省苟一事有利何

處不言今日尚如此況於管乎今君侯欲言大計舍此二者是舍水火而言文繡棄豺狼而問賣菜傭也僕於天下事有槩於中久矣而又辱君侯之知故不敢不竭其愚與國同休君家之謂也君侯無言報國亦空自愛其家主臣

與王坦山吏部書

十戊

後吏部東行不

元儀頓首坦山先生執事元儀與當世士大夫苟有志於天下者未嘗不聲相聞也顧其心之

石民四十集

卷之九十

十

文部

真衷之坦識之確乎其不可移算先生若矣今朝廷以來事付先生于先生之行也于機宜進止兵食調度俱宜有一言以効土壤細流之助然言之而不敢諍也何也身不在事中而言之易則悞人言之難則召疑故不敢也唯有一言事雖小而機則鉅爲則易而效甚大天固有假其機宜以助至人之鼓舞而不可不仰承者請得而盡言之無如陳州壯士一事陳州壯士

皆非兵也陳州之俗喜勇好鬪競功名而輕性命其鄉里豪傑日以鬪雞走狗爲事家有餘資不顧生產一聞江淮招士兢淬刃賣犢而來其人皆願爲冠軍部曲其力皆可招致百什人姑以其身呈之當事使得當則自爲召募其三百人者可致三四萬之衆成一大軍出塞勦奴以自見當世者也向以募臺之檄故依宋公子而自結今以離臺之招故褰裳而赴宋公子之約

石民四十集

卷之九十

十

文部

此其人皆有所挾持非若應募出塞之衆自知其一去不復返暴虐凌人而不顧者也故無論坐之逆黨人知其妄即於誤殺之後坐以驛騷亦淡寃之所宜白也今朝廷以冠冕寵士大夫而受寵最盛如逆經者乃皆逃矣以斧鉞假將帥而劉杜之後千百將領死敵者指可屈矣以十八金之安家招士而士常全伍以逃以國公萬金之賞募賞斬奴酋之人而天下豪杰之士

裹足募敢東向其所倚藉以圖再振之業者唯以二三同志意氣自爲鼓舞以素恩易其畏死之心以慕義易其好生之念耳今草莽自結之士如宋公子壯士之徒彼簪纓之裔豈曰乏人而宋生獨破家以報上耕鑿之中素封者累百萬而獨陳州一二編氓自裹糧以赴急如必欲殺之而後已此夫子之所以臨河而歎也始之殺者以不及察也罪不在于士卒亦不在于有司而在于小吏偵探不明猶可言也今知其冤矣而恐其罪之及已必欲殺之而後已向之召之者又恐其累已知其冤矣而反不敢爲之出一言今死亡大半矣所存者七八十人耳七八十人者于群生億兆之中殺之不足見損生之不足見益然而于天地之和不可不一念也今以真心坦衷確識而又值新受命力可得而救之者無如先生而先生不之救則無望有天心

石民四十集

卷之九十

三

文部

者矣然而秉天下之大任不能行小德知先生可以不爲也獨戰陣之間晉重死士唯恐不得其必死之人生死而肉白骨之使効其致命之忠耳今前行無冒刃之士誠得此數十人者可以爲三軍之倡夫私行小惠此霸者之事兵家之常而知堂堂正正之儒將如先生者所不爲也然而反覆思之終不敢不以此言盡之先生者以先生今日雖受服乘鉞然而爵位事權不能枉經撫諸公上也今江南豪杰望風而從先生者唯以爵位事權之外先生別有意氣足以鼓舞耳今此數十人者事無可疑力無不逮而終不爲之救亦烏在王先生異于人哉管經略之出也人延頸而望之遼撫之常局也設君子營以祿從遊者數千人亦豈乏士哉然而士終肯爲之効命者無它以始歸而終失望也先生可不念之哉管經略之初出也如誅李如楨鄭

石民四十集

卷之九十

三

文部

之范是天假以行威之機也而經略不受遼撫之當局也如用高監軍羅副將是天假以任人之機也而遼撫不受以至于此今天意昭昭假先生以招徠豪傑犇激忠義之大機先生可不念哉元儀于今之天下而僅見先生安敢不盡言于先生之前以見儀于人所不言者實天下之人不可言而非儀之不敢言也儀亦天假以見其生平不縮不懦之機也敢違天之意哉儀

石民四十集

卷之九十

文部

文部

方以言逆經之故爲庇逆者所擲捨身命日促縱先生欲誅其言亦安得復顧哉况受盡言如先生者乎雖然言之太盡矣主臣

寄顏雲漢太守書

長安碌碌竟不能盡一語然當是時方爲經撫左右袒言其兩人皆不任者反以爲狂及今日而不幸言中亦宜洗心易志而其左右袒愈甚此鴻濛所僅有夢寐所不及者也今占之天官

家今年楚有變明公所臨之地頑內革面然楚之幅員幾千里剽悍喜亂好爲禍晉一旦震動三楚沸如鎮撫危疆收輯異志此明使君之事然而不可以德化感也藏其勇于不見振其武于極敵爲朝廷奠名壤爲中原固切隣爲東南扼上流非明使君其誰望哉雖然以明使君臨之亦反掌事耳以一郡之力保一郡則不足以全省之力制全省則有餘以一郡之力供全省則不足以一人之力攝全省則有餘兵者機也機所在可以一發三百步失其機雖巧者不能數武寄卿來此明公故人可以言機者也然其家亦貧明公所知以一郡之力供十萬師不足養一士則有餘得一士而賢于十萬師此之謂矣于其行也灑酒而告之天曰顏使君爲我君保有全楚也其視此矣主臣

石民四十集卷之九十終



石民四十集目錄

卷第九十一

寄于振芳南納言書 辛酉

與徐玄仗中丞書

與瞿稼軒給事書 癸亥

與方仁植職方書 甲子

與余集生職方書 乙丑

與丘少岳職方書 庚午

石民四十集 卷九十一 文部

與李我存太僕書 癸亥

與黃倬星少宰書 乙丑

卷第九十一目錄終

石民四十集卷之九十一

防風茅元儀止生著

書 三十四

寄于振芳南納言書 辛酉

骭髀軀不能俯仰見公卿然苟有心血有真實磊落丈夫雖在霜戟間不敢匿身自遠也然而欲以天下事爲已事料天下事如家事將掀天揭地之業如布帛菽粟而講求未有如明公者

石民四十集 卷之九十一 文部

也然長安道上雖知明公者多矣卽嘗啓事推舉明公者亦猶以清廉真品知明公之淺而易見者人固不易知知人亦不易元儀反于明公覺自負焉今東事敗壞在于睫下而廟堂諸公冀其瓦全者十之七覬其倖勝者十之三晉者士大夫自愚以悞人家國今之士夫自愚以自悞可笑也可痛也今撫臣曰進取經臣曰自守撫臣欲進取而恐其不勝則難內曰須後勁經

臣欲自守而恐人成功亦難內曰須後勁在廷諸公心有左右袒而口不敢曰甲乙是恐其勝則已失先事之明其敗則已冒同扶之誚耳最宜裁擇者莫如閣臣最宜擔任者莫如樞臣最宜明決者莫如臺臣省臣而其模稜則千人一轍皆職此故也不肖竊以爲一言可決已主進取則當專任撫臣而撤經臣回京不可以異同之論撓其權不可以阻擾之說藉其口如此而

石民四十集

卷之九十一

三

文部

後撫臣無所置喙矣如主固守則當改撫臣別鎮而令經臣自守廣寧未有身坐千里之外置生死于不相干之地而責必不欲守之人以固守之事舉朝皆以爲然然而莫敢任其決也既莫敢任則進必敗守亦敗堂堂天朝無以長安拱手讓人之理則當息第二着所謂第二着者豈能復調兵復聚餉只將目下兵餉量畱關內以備緩急無傾家以齎盜而已樞部諸公頗以

其言爲然而恐經臣之窺其溪恣其毒口故僅陰行之而什失其七八矣將來之事恐當以累明公目下畱得一兵畱得一餉皆足爲異日之地而無奈臺省諸公未有以爲然者爲室內之營者無域外之觀理固然也而其如旁人之痛惜何元儀雖屢擯于有司然世受帝澤果在廷諸公俱不肯承任之時儀不敢愛一死今非其時也靜以禱上帝使宗廟社稷之靈愈藉愈

石民四十集

卷之九十一

三

文部

### 與徐玄仗中丞書

邇者半年以來老親翁旁午軍事元儀不敢以私謁干疎闊之罪或能見亮于長者元儀本以書生謬誤人知力辭不居蓋循省自明不待人言也忽聞賊氛甚惡而二陵孤峙莫任其責故早間具揭親謁聊以自靖但捐生殉國諒草茅

一念之私忠擇將出師乃當樞熟籌之大計如儀不可任斷不敢以親故求私如進或有榮儀亦不敢冒昧以處儀雖至懦至孱固不敢偷生以負國儀雖至愚極陋亦必不以趨死爲希榮老親翁爲國家大計自不以私干公但儀若不明告恐有恃親冒瀆之嫌故開會議枉卽復陳其縷縷唯老親翁鑒在

與瞿稼軒給事書

癸亥

石民四十集

卷之九十一

四

文部

向從文字久結聲聞幸際披襟遂瞻心膽過承誤以知言命諄淪塞曲折具仰逃懷不安流吻抵闕以來幾五月矣不敢驟聞左右者以見之不詳則察之不真察之不真則言之不快言之不快則阿附成私獨徇成癖均負虛懷自增戾戚今旣五月矣將吏之隱士卒之情險易之勢亦得其槩矣日侍樞相幕中事中規畫意外微情亦略測一二矣隨巡寧遠又奉使獨入胡疆

直揆西虜之穴諄諦東奴之道叅察回鄉度稽謀報二虜之情備勦之術亦稍得其涯涘矣敢不竭所知以副萬一奴有長驅之勢頓兵二載不進智者算得其解故欵虜牽制之家各持其功然以兩者之無益於國非也以虜之不來實因兩者則更非也何也不欵虜則生一虜也雖知其漏卮而不敢憚雖知其冗姦而不敢問然而奴若東則晉過反青之界其部落不過五千而奴若西則晉過反青之界其部落不過三千人也人也次過扶兔之界其部落不過三千人也奴以數萬之衆直前而至二虜敢與爲構哉今嘗託我遠謀問奴消息此豈能爲我耳目者至於虎酋自有內難必不敢離巢穴一步哈喇慎遠在關西何關勝敗更不必言矣且近者哈喇慎挾增賞額幾于犯關撫夷者方將飽其欲樞相堅持不動陰勒兵馬示以必戰虜懼而互相尤悔一夕自潰撫夷者爲之無色此它人爲之不

石民四十集

卷之九十一

五

文部

知幾許矜詡樞相不言功而朝廷之上亦若弗聞之者夫方備其犯焉能藉其力以制犯者語言背戾算此爲甚此亦不可恃也海上牽制甚爲得策但六月之捷關上使者與之偕至鎮江陳兵十一日不見一虜而還乃妄言斃虜二萬斃虜馬三萬夫虛設火陣陷虜百人後者不進矣何以使二萬之虜盡入彀中馬之馳驅頓斃三萬誰爲數馬足者況寸步未進何自而馳此

石民四十集

卷之九十一

六

文部

語不足以欺童稚而中朝信之遂有董骨寨牛毛嶺斬獲之報矣夫苟至董骨寨牛毛嶺則奴穴無一險何不盡滅其種使不能盡滅則此險豈易出耶中朝不知地理任其欺妄邊人聞之無不笑失聲此二不可恃也然而虜之不來又豈真畏渝關之兵強渝關之地險哉渝關之地乃山海不足之處一垣補之非真有山海之可恃也以此較居庸紫荆何異傭工白板較蔡戟

朱門二關虜可入而豈畏此乎渝關之士膽不堅而易逃馬多羸而舟未備唯樞相親教之火器手三萬及効死之遊人可用耳然未經一捷虜視之蔑如也何畏而不來然則謂我不往虜不至無輕戰以嘗奴無踰關以迎奴者皆愚夫之言而不終日計也垂死待盡之耄欲冀一歲半歲之不至相載而歸或卽死而不及見則可矣一心社稷之臣懷身家之遠圖者不宜爲此

石民四十集

卷之九十一

七

文部

言也今奴于極災無食之後忽得大獲而民有樂生之心欲殺不易殺之遼民今芟除之已十八九而腹心之病已除構仇之宰賽懼逃于極北和好之抄花且漸密而與之合營製戰車盜甲已齊備而無慮不足室家戚屬已盡移遼陽金帛子女具陳於是穴中空虛不餘反側之慮則其長驅而西非春卽夏可計日而待廟堂之上方幸其不來使款虜牽制者竊其一日之功

一日之功不妨竊也一旦失恃而尤悔徒勞豈  
不痛哉樞相沉機遠略着必實而機必淡以之  
制奴如猛虎之制羊言之此日似爲誕而驗之  
異日則可徵屢請回朝則有淡意每言此擔之  
不可卸謂奴苟入關雖身在草莽豈能自避一  
死其言可貫金石卽居中以馭而士大夫將帥  
之間俱無可任者必非欲少息暴露中道自廢  
之懷而中朝之主款虜者不妨崇其功而無入  
石民四十集 卷之九十一 文部

與方仁植職方書 甲子

昨歲得奉瑤函復蒙淡語儀何人得此于明公

哉感而欲死儀以所僱戰艦半凍于海畔往來  
關津之間因所節省之數千金造車千有餘輛  
遂無寧晷瞻候樞政一清百年未有至弊勇抑  
逃爲當今頂門一着行伍之士無不聞而感泣  
儀以此知天下不足平也儀空負必死之志期  
得一當以無負先人乃管議主守而儀以爲不  
當株守關門今議主戰而儀以爲當步步爲戰  
齊王之門好筭古今切喻但以仰負明公微言  
石民四十集 卷之九十一 文部

與余集生職方書 乙丑

病榻俗人邸報已知二疏必出名手讀手教益

感虛抱然儀竊以翁兄待二龍者俱過也當高  
司馬發檄撤兵高陽公委其轡唯撫軍視撫軍  
曰唯大將軍視然既略其地則如右如錦可無  
兩車營以壓虜心乃將聞撤兵就以金帛趨  
其門沓至不能却故遂盡撤車營後勁且遣糧  
拒野督發嚴迫以致軍民慟號委遺數十萬計  
元儀力疾與爭之數四不可得述號慟之狀以  
告高陽公高陽公徒爲沾襟耳及其撤兵回關  
石民四十集 卷之九十一 文部

其所能哉今去矣黎亦短其所憂別有在蓋不  
在東西虜也而儀不敢言請言水龍之事水龍  
之于須彌蓋玩虜也非戒虜也涎鮮也非駕過  
于鮮也水龍果能奮自當進據蓋州方能聯兩  
河合二鎮乃至鐵山而止鐵山之于奴止隔一  
江闊不及三壘水則陸矣故其向營皮島而身  
居之皮島則無水而安若泰山今既鐵山之人  
滿縱未能自鳳凰山下蓋亦當營壘而守乃  
徒遷于須彌須彌者去朝鮮之內地愈近而實  
無海以爲隔奴如并力攻之則盡殞耳故曰玩  
虜也然去朝鮮內地近窺人多釁庸無他心也  
其才庸終無就耳此禍當勝于宋之全而何言  
僅傷牽制局耶儀棄婦也諛不復言因翁兄處  
抱故略陳之然終不敢言關事矣如東江之  
翁兄啓事尙遲當再答明問耳今亦不敢  
窾也



與丘少岳職方書 庚午

元儀伏在草莽卽聞明公從公車間建無前之功是時妄以爲附聲氣之末而忘其賤姓名未徹左右也今從戎八載三折權奸猶以未死之軀再事度遼而得從明公鞭弭之間天下當爲儀快况儀耶此中三捷晉虜及千而虜之亡者無數矣明公決機于薊豐之間功當更著恨虜隔于中未得早聞耳合併兩師共圖大業非劉石只四十集 卷之九十一 文部

子羽一流人物何以克任天生明公正爲今日耳元儀頃將兼督水師正欲爲運而且得從明公之後和附二帥苦此中儲精不多促津門之運以共濟在明公指麾間耳使回謹附鄙懷軍書填委未悉欲言伏惟崇炤

與李我存太僕書 癸亥

與先生俯而泣仰而別愴乎有餘恫焉至長安而哽咽如一日也廼見張將軍必不欲東百口

開之共如畏粵如虎哉及抵關涯略爲督師公言之督師公之急張將軍如左右手也卽粵者亦渙然遂復咨請而告夷人辭闕矣惜哉然其法儀令人陰肄之得其一二或有濟乎 二祖 十宗實鑑先生之功矣咫尺故鄉有如隔世之言言虜不至儀謂虜至尙可爲苟不至而天下之禍更大儀何言哉一死以質 二祖 十宗庶知其非質官者也異日以質之 二祖 十宗石只四十集 卷之九十一 文部

與黃倬星少宰書 乙丑

恭唯閣下獨膺帝眷佐領銓衡方卜宣麻匪朝伊夕海內承弛靡之餘兼兵燹之後非有挺生豪杰何以弘濟時艱蓋 二祖 十宗實或憑于淵穆小子儀昨歲白門辱承繼仰藉庇覆得以竣役所省鉅萬亦何足言今年春初添鹿相公時在講筵欲使之爲大將固守金甌以窺

奴穴言路以聞已得旨下部元儀請兵三萬當  
直取葢州夷滅守城之東虜因招攜其所羈縻  
之西虜可得二萬口從此河東與河西合爲一  
家而東江毛帥地接勢迫自不得復爲陰陽可  
以用其衆以不致虛糜所用三萬取之關門而  
兵不必別募餉不必別加故竊曰通三鎮合兩  
河奴在掌中是時事以別故中阻今儀因高陽  
相公得去可遂生入玉門矣關門別有新猷非  
元儀所敢言而東江近事且與鮮爲構管日之  
謀而不用其弊已見元儀一片癡膽付之流水  
如儀者人不足數而言或可繫異日之息也閣  
下行至大政幸存此區區以爲左質雖然天意  
相閣下天下又何慮虜哉小子儀終拭日需之  
矣

石氏四十集

卷之九十一

南

文部

石民四十集目錄

卷第九十二

與鹿伯順方書 壬戌

與王其茨職方書 壬戌

與葉問義職方書 壬戌

與孫初陽贊畫書 壬戌

與袁自如兵使書一 壬戌

復袁自如兵使書二 甲子

石民四十集

卷九十二目

文部

復袁自如兵使書三 丙寅

與趙喇吾副將軍書 癸亥

與友人論五星聚張書 甲子

卷第九十二目錄

石民四十集卷之九十二

防風茅元儀止生著

書 三十五

與鹿伯順職方書 壬戌

長安道上兩接風儀以匆匆束裝未得從容領

誨入夏以來知有視師之行此楊虞坡從翟公

之後再見于明公者也翟公以無事行今樞相

以危急出翟公之品槩猶在中庸樞相之志意

石民四十集

卷之九十二

文部

即功業未就而已昭灼于天下然則明公今日

之行豈特同于虞坡哉他日之所就不問可知

今復遺銓曹之選同督師而出置身危邊與衆

異趨元儀雖伏草莽焉得不聞而興起乎儀受

擬用之旨已七次矣科抄部聘亦已久矣而儀

不敢任者以算爲之倡無繇爲和也倡者非倡

其連帥之任而倡其忠義之氣也今樞相與明

公行此草莽之士人人興起之日况儀屢辱明

詔義當致死者乎頃南冢宰孫公攝樞務以儀  
爲將將君子六千以護陵京儀竊不敢任也不  
敢任者以明公方辭銓曹之榮而就危邊使儀  
猶衆人之見則清華一路亦未自絕何必兜牟  
而稱稽旣已裂冠毀冕不向廣寧寧前冲鋒爲  
士卒先又何以自靖于先王乎唯明公憐其志  
錄其氣則此舉也謂之馳驅四塞得其所從從  
軍無苦樂但問所從誰可也謂之屏之四裔使  
石民四十集 卷之九十二 三 文部  
禦魑魅也可天下亦必有亮之者矣唯明公俯  
念之小徇呈覽

與王具茨職方書 壬戌

不肖儀以家季父得從遊于左右謬附通門之  
末一晤芝宇卽圖束裝不及專申晉謁從容沃  
誨愧悔如何頃從邸報見明公爭馬帥之事色  
正詞嚴此非三代以後人之所能辦也頃又聞  
同樞相督師以出淪關一片石今日始可稱吾

圉矣不肖謬辱南冢宰孫公欲任以護鎮留都  
之事方在邊巡竊聞恢復之計不覺其中夜而  
興也士旣爲國家戮力致命不于夷虜荆棘之  
中銜銳搗堅又何不從容藝苑守先人之敝廬  
朝吟夕咏澤車款馬不亦可冀耶敢以衷私布  
之下執事願以怯書生爲天下志士倡安坐江  
南擁數千之衆亦可以曲突徙薪蒙不見之功  
然而非其志也唯明公念通門之誼憐志士之  
私爲緩頰于樞相之前士欲以其身爲國家死  
而不可得豈不悲哉主臣小揭呈覽

與葉問義職方書 壬戌

去歲邂逅危邊辱承縉縉一言之知終身以之  
况所知者不止一言而銜報者無繇自効于尺  
寸人各有心能無慚死頃見樞相之疏極道薊  
鎮安危全藉長城萬里改授專閫以襄重鎮此  
宗社之靈豈特一士之喜哉然儀躍冶之心未

免終宵不貼枕矣元儀七受明命擬用東西皆不敢任者以貧賤之士非附青雲而聲施則不能也青雲之士非素知之於貧賤之日而欲望厚于美事之時所不能也今南冢宰孫公以留都危于累卵欲以儀將君子六千鎮護陵京儀竊不敢任者以危邊方有大役而一介之士擁麾節于內地此鬼神之所惡而志士之所恥也儀於木天金馬未曾自絕使其裂冠毀冕兜牟石民四十集 卷之九十二 四 文部

與孫初陽贊畫書

上戊

嗟乎元儀之交初陽蓋一紀于茲矣雖然謂之未交初陽可也往在壬子與初陽頡昂辟雍當是時名相高文相摩耳及初陽脫穎去元儀賤而不試日攻苦于經世實學乃從長老先生聞初陽非今之儒也乃欲請益而無繇矣雖然元儀雖浪遊而初陽之絳帳常在寒宗卽負笈而至玄亭亦衣帶水耳乃十年來疎落如此元儀豈能交初陽者哉雖然於今日而竊願交也初石民四十集 卷之九十二 五 文部

兵曹郎其慷慨擔荷非一時諸雄意見所及儀  
又何必不免牢而禰衡耶南冢宰孫公之知儀  
也勝于儀之自知其愛儀之文詞亦甚于儀之  
自愛然豈以儀擔荷四字相勗勉欲使之不  
假一第自見已爲授副帥之銜使率新兵護留  
都矣元儀竊不自安我之兜牟而禰衡誠有感  
于初陽耳初陽在危邊極塞而我顧居於江南  
祗席之地則初心之謂何以決計出塞爲初陽  
石民四十集 卷之九十二 文部

與袁自如兵使書一 壬戌

祖宗養士二百六十年至於今危急極矣必有

一人爲之報者居恒每念之未見也至今日而  
知在明公矣明公已擢高第稱循良需次言路  
之選 神廟已來言路之權兼君相而有之人  
之豈美哉一日愈于已明公乃挺身從軍棄  
之若敝屣明公豈遠於人情哉實擔天下之重  
不復顧也頃見樞相之疏謂明公自請改大將  
更卓乎男子哉古者文武之途合故其權不待  
申飭而自重自宋分左右之班而韓范諸公遂  
石民四十集 卷之九十二 文部

以文帥爲軍主西夏之功終不克終日凌日弱  
兩陷于虜本朝因之而 祖宗之時命將出師  
必將介冑之士八座在軍止曰叅贊意蓋淡矣  
然必趨之東流天地所不能挽以至今日偏重  
至矣雖重將之說倡于一兩年之間屢屢明詔  
既諄且切然終不能勝也何也庸將之不足重  
雖欲重之而不能也今以堂堂之監軍改而爲  
之則其重自與經略等至於決機之時無論文



武必在前鋒此志士之所不避而亦事勢之所  
必然也明公發其言必當終其志矣元儀讀先  
人之遺書名玷藝林亦已久矣去年有欲任之  
贊畫者肯假以高科之資格儀不敢受也以既  
在軍旅而徒資口舌士所恥也王制府欲拜爲  
大將儀不敢受也不敢受者以舊經撫在事恢  
復之策不決則無以盡其志也今何時哉出關  
之意決于明公一人之懷廟堂之上改志而相  
石民四十集 卷之九十二 文部

從屢敗之氣振於一朝積弱之勢變在旦夕丈  
夫不于此時自効更何待耶元儀迂書生也然  
當去年經撫黨爭之日元儀一言以敝之曰兩  
人俱不可用請福清自督師而願身備前行福  
清不能用也今樞相在邊明公爲將而元儀既  
不憚毀冠裂冕兜牟而襦襜乃猶捧南樞之檄  
將衆擁麾于江南華縉之地元儀其非人哉願  
傾肺腑告之下執事稍得邀同心之懷使以偏

裨從明公之下風無朋不從有德不孤破文士  
之積習洗庸將之陋風豈不快哉即明公仍以  
監軍需經撫之擢儀亦以橐鞬於役左右上馬  
殺賊下馬作露布儀竊任之矣樞相之知儀勝  
于儀之自知然出關之議決于明公則用出關  
之人亦必當決于明公惟明公矜其志而與之  
共爲天下士所縮頸色戰之事則天下士必有  
望風而應者矣

石民四十集

卷之九十二

文部

文部

復袁自如兵使書二

甲子

我若不往奴可不來奴若來我可不走關上將  
吏走京師可不潰京師潰天下可不亂天下亂  
志節昂藏丈夫可以草間求活則邵武令自可  
爲銓曹臺省太學生自可待兩榜即不中于世  
令不失一部郎司道諸生不失爲絳帳耆儒也  
今俱不安于心棄身此地復有退縮一念虛浮  
一着如登華山巔而哭哭豈濟于死哉時鋒不

可側目而樞相之心如金石以天子之明聖  
眷任重臣瘁尺寸之力以圖共贊有吾君吾相  
而不得于天地神明者吾不信也樞相志沉而  
機密吾輩當實爲以奏其沉不露以奏其密樞  
相着穩而機舒吾輩當多算以成其穩疾行以  
成其舒此非望于明使君又誰望哉承惠利矛  
豈能出馬一枰自可從公于邁

復袁自如兵使書三

兩寅

石民四十集

卷之九十二

文部

寧遠圍急時 主上召對馬蒼淵蒼淵以城必  
破欲以爲經理必不可請爲薊帥 上不憚而  
罷所以欲推弟者正爲此也時有疑弟已行者  
余集生謂此時必不去者茅止生也其言可謂  
知已矣然欲推弟則未謂知弟也弟報之曰寧  
遠必不破經理不必推不一日而捷音至矣所  
以舉朝謬譽弟者正爲此也弟久不得去止爲  
吏兵二曹互推不覆耳集生于未有寧變時已

爲咨覆吏部吏部已許爲具題而翁兄必欲畱  
之弟誓以身許吾君矣烏敢二三但翁兄欲  
以弟爲大將又欲弟爲款奴事此非弟之所能  
也奴以勦始以撫終固籌之熟矣然非大期之  
後必不可言撫翁兄亦以弟之言爲然而今謂  
寧遠之銳力可以當大期則弟未敢聞命寧遠  
之寇彼來送死非我往也覺華之失喪我老家  
軍需百萬軍民二萬非小敗也我縱能自寬彼  
石民四十集 卷之九十二 文部

豈不亦以一自寬乎而欲望奴之因期求撫不  
可得也故弟非薄大將不爲負知己不赴而終  
不得不出于此也翁兄寬我當以禮退不然則  
汶上之行豈能免哉人之相知貴相知心無庸  
多譚

報趙喇吾副將軍書

癸亥

正以久不奉翰敘淡切懷想承教具仞壯懷養  
馬一事散之關外則可望臚壯不特以草之便

也往見貴營嚴行比較之法而關上諸公置之  
腦後耳若散之郡縣其不便有五民喪兵兵擾  
民一也挾馬而逃何以追捕二也不肖將領且  
爲貓鼠三也遠者數百里調不易至至亦疲而  
難居四也馬兵爲盜所在皆然散之益遠益肆  
猖狂五也此鎮撫之意而第終以爲未可耳高  
明以爲何如昨者天象日上半暈謂之日負負  
者主國君有喜得地日有暈有兩耳白虹貫之  
石民四十集 卷之九十二 文部

順所擊則勝一虹得偏將二虹得大將此大祥  
也此中術士不知妄以爲背背之象無暈不若  
是也第于此道最精心十五載亮不大謬仁兄  
幸存此言以觀其驗今年長至恰在子月之朔  
明年歲在甲子又爲下元之會此大更革之時  
天下安危視此危關而受賑得人中興可卜本  
朝隆運過漢幾周此正再興之日也佳節共慶  
而弟與仁兄獨抱終天之痛枕上淚痕想同之

也貂卮之惠知眷念特深第此中交際嚴禁未  
能頓絕吾輩官以身爲則遂違雅意媿耿而已  
與友人論五星聚張書 甲子

伏審 皇今年七月十三日至十六日五星聚  
于張夫張房周祥以昌聚箕齊桓用霸漢興聚  
井宋盛聚奎是四者皆昌明之會亦俱因福德  
先臨獨唐天寶聚于尾箕而罰星先至遂有祿  
山之禍嘉靖三年正月聚于營室但太陽相近  
石民四十集 卷之九十二 文部

當隱伏不現樂護有言數不爽而象暗聚則其  
降精流氣亦必成祥自後土工不休兵謀歲作  
而 世宗遂以開中興之業亦正應其符今年  
七月亦與太陽同度而適當晨見與嘉靖之事  
相合德星先臨宜國有大慶而現則爲興革伏  
則爲中興往事可稽則必有中興之象亦昭然  
矣張爲宗廟告廟獻俘正其應也廓清海宇爲  
周之宜爲漢之武爲唐之肅爲宋之真殆將過

焉無不及也世儒不知妄傳淆惑我非史氏不  
宜昌言聊告我子驗之異日

石民四十集

卷之九十二

終

文

石民四十集卷之九十二終

石民四十集目錄

卷第九十三

報李衷貞兵垣書一 癸亥

與李衷貞兵垣書二 甲子

與李衷貞兵垣書三 甲子

報李雲辭給事書 乙丑

報霍鍾栖兵垣書一 乙丑

報霍鍾栖兵垣書二 乙丑

石民四十集 卷九十三 文部

與霍鍾栖兵垣書三 乙丑

報謝苧蘿中丞書 乙丑

卷第九十三目錄 終

石民四十集卷之九十三

防風茅元儀止生著

書 三十六

報李衷貞兵垣書一 癸亥

捧接至誨真慶明廷得有柱石廓清有大機也  
關門人心不固有如來論然關以外者皆有死  
綏之心兵將皆知無可逃之地故懦夫出關亦  
有烈士之風九地之說貴重惡輕真有以也關  
石民四十集 卷之九十三 文部

門三帥馬有其才而膽不堅尤王無其心而力  
亦不及樞相之意亦欲芟除究其悞用之故以  
拾攘之時姑從未逃未潰之中擇其家有戰士  
貌有福澤者而未深察其略耳今已試之才如  
趙率教屯守有功如滿桂經紀有方其忠勇更  
過于趙使任此二將而以儀書生莽銳蠱氣商  
度鼓舞以佐之以此圖廣寧不足道也樞相常  
曰中朝言進取而此地度機審時猶之可也今

欲提拔士氣而中朝每言不可進一步卽欲以  
賞罰臨將吏而將吏回頭一顧沉痾難拔不能  
爲進則必爲退一九泥封豈遂可必得明公大  
疏良爲感歎今于用人進取之間若獲一言以  
爲之先此鎮生色全藉之矣仰恃披心敢布衷  
悰

與李衷貞兵垣書二 甲子

儀于新正三日卽隨樞相出關駐于寧遠雪色

石民四十集

卷之九十三

文部

粘天寒颼沁骨征夫蕩子付軀命以答明廷塗  
肝腦以報知己固其所也此中將吏可同心殺  
賊者無幾已著功效則趙率教新見風猷則滿  
桂而已今滿桂于去冬出防寧遠城甚有次第  
人心甚固器具甚備偏將感之三軍懷之賊若  
西來送死儀當親當矢石挾諸將與一戰擒賊  
之功可必也至修復二百里封疆全倚前屯以  
爲基諸城糧運不繼趙將軍能分其所有以補

不逮今漸守檣杵相將三百里矣謂非趙將軍  
屯守之功不可頃過前屯相與執手唏噓歎公  
道之潭滅感知已之昌言不覺涕淚之零也

與李衷貞兵垣書三 甲子

東北之事方搖異議西南之禍又起同舟天簡  
鴻才管茲樞鎖天下已危而後存人心旣死而  
後生當藉之矣敢爲 二祖 十宗舉手加額  
儀悞蒙擢拔部覆獨遺固知禍機深矣儀豈謂

石民四十集

卷之九十三

文部

今日必能勝賊但如碌碌之流畏賊欲避止圖  
目前一旦賊來終于一走故以爲踐土食毛俱  
當勵不與賊俱生之意而後天下之事可圖也  
自明公恢復廣寧之說已大不合于舊撫而大  
疏欲使出關遂謂儀倡此言前日舊撫之疏謂  
材官募士騙官騙餉豈真有滅賊之意近日霍  
道長謂戎幕之客最能誤人皆指儀也儀以此  
爲死死可從岳武穆諸公于地下儀亦何恨但

目下樞相必欲儀往南雇船蓋以用海方可爲  
守方可爲恢而船不多則無以用海今雇船雇  
水手而非招兵事在司而不任使者儀處此  
可謂苦心具計小揭中恐欲中之者淺之而謂  
言騙餉決之而無所不至矣若非明公于樞相  
題疏中極爲抄叅明透或特疏申明之使誣口  
不得橫加稍容船來之日若非十分節省十分  
寧諒有負知己當一死以報明公明公本欲以  
石民四十集 卷之九十三 四 文部

報李雲潯給事書 乙丑

儀蓋東海書生也懵然無所知識徒以世荷國  
恩雖未得一第帶組曳綬然食其土而不與其  
患廼偷食息之婦人也故憂淡則言危憤積則  
志決常以賈不測之禍而不顧屢荷明綸遂蒙  
特詔有司敦趨覲顏就道及中途而知高陽公

亦有疏薦仍欲如前人之議使以偏裨主一旅  
拜疏立辭又荷嚴旨督促赴關無可爲之權擁  
已爲之名暴短于天下集戾于一躬有胸心者  
不爲也故逡巡閒地以冀寡過而又命之募樓  
船督軍需所辦鉅萬所省鉅萬而委吏之責也  
惶汗不敢上先人之塚矣自謂爲時所棄方圖  
旦暮乞骸忽荷特剡推轂受賑無半面之識而  
受千古之知儀何人斯儀何人斯以累明公之  
石民四十集 卷之九十三 五 文部

虛衡哉淮陰一市井無賴子儀一老兵耳當其  
時人縱信鄼侯僕奉未有不竊疑其萬一者此  
以知淮汾功不成則膏原野不則爲鄙丈夫終  
身是其職耳而以累二君之虛衡大可懼也古  
人若此况儀何人斯乎今日之奴不可不滅海  
內賢愚共知之亦千古而下賢愚共知之廼說  
者以爲不然今日而可以爲不然則蜀漢之不  
欲出祁山唐之不欲平淮西宋之不欲恢河北



不可以爲過也而說者爲童子受書之日未嘗  
不笑古人則又何也大疏謂未有歲費五六百  
萬供一軍不足而能常無事者此聖人後起不  
能易也至其論形勢權先後洞若觀火夫身在  
封疆而質質者彼何人哉儀非敢謂今日用違  
其子亦非敢謂待價而沽也何也才不足而安  
敢言違時平則可待價待價莫如守章句以冀  
一日筆未秃年未老人間清華俱非夢外既棄  
石民四十集 卷之九十三 六 文部

身于邊身且不有又何有于官官之至者亦兇  
乎耳又何待焉但體不定權不一口頭拾地于  
人而與人共收此牧豎之所不爲也今聖心日  
啓泰運方開而又有大豪傑主兵樞而圖遠略  
儀今日不効死更何待乎然而體不定權不一  
雖奉成畫而無能設施以此累明公之虛衡其  
懼更夫始終枉圖遠略者持之耳

報霍鍾柄兵垣書一 乙丑

欽仰風猷益在神明吳會時也草茅微賤引領  
而已昨在津門聞徐檀燕兵使以儀所製竹火  
器上左右愧不及泥晉登龍而馮鹿菴太史忽  
傳瑤函及于邊鄙苟非明公公忠拔俗何能出  
此非獨儀一士之感也反覆雋永所以下詢者  
實關大計非書生所能知至恢復二字則舉世  
方禁而明公獨言之 二祖 十宗實式憑焉  
儀本書生不與人家國所以忘身殉邊者實爲  
石民四十集 卷之九十三 七 文部

此耳今舉邊之人無不欲延日月待潰敗唯督  
師相公力持此議三年于茲恢復之具實已辦  
具恢復之圖實已周詳日來長安輿論似欲聽  
其遂緣野之謀何其爲督師公者忠而爲國家  
者未盡也雖然明公已不遠千里下詢之矣敢  
不竭其愚四衛者 高皇帝取遼之先着也不  
得四衛則未據心腹晉尾易斷據四衛則其地  
曠而險勢短而疾可以坐而致人而關東東鎮

皆近而易通可合三爲一處處皆靈今奴棄金  
復非棄之也力未及也稍徐之則固守矣故管  
目力非不能圖張盤而不取今日取之而不遺  
力者蓋時有後先着有緩急深得用兵之道也  
故廣寧初棄之時我策其入窺之者一一不應  
人以為不然不知其今日力完資備將出此矣  
而說者曰奴不來也我當自守可以萬全豈非  
處堂之喻而貽國家之大禍乎今日欲守四衛  
石民四十集 卷之九十三 文部

必自蓋始蓋守則金復爲腹而海可闔矣得海  
則有一夫當關之勢我所備者隘而所據者廣  
奴必不能安坐遼陽情見勢迫瑕釁易成爲時  
無幾而坐致全遼矣蓋之去關東最近而離海  
止十里一呼而登列營待戰置我兵于死地雖  
有百萬虜賊人持必勝可以決其萬全然非舟  
楫數百則不能渡海非車營則不能當虜馬非  
更番之火器則不能立車營今關門亦且備具

矣車營十二每營馬步可六千而又各有輜車  
以爲運前鋒三營後勁五營皆精銳奇兵也亦  
有車以爲衛又有神器一營用車以載大砲而  
亦有騎以出銳中分麾下可以辦此水師五營  
兵可及萬船可五百不足者則天津之船百餘  
兵五千錢昭自兵使方議欲佐守旅順糧之折  
色各有舊額不必添增本色今年已運至右屯  
自右屯而抵蓋不過一日程每石加脚價二分  
石民四十集 卷之九十三 文部

用兵五萬歲不過食三十萬石加脚價六千金  
耳軍資衣甲關門皆備無所復需將領不必他  
求擇之關門可資爪牙只督師相公一去明公  
度繼之者誰肯言恢復二字乎即 主上之信  
任不難專樞機之主持不難定而邊人又安能  
違帥之意指而自揚眉吐氣乎無論儀書生所  
不能任即百倍儀者亦豈能乎明公眞實爲國  
家主恢復之計先在持眞實肯恢復之元老一

言興邦不俟儀言之畢矣伏承下詢冒昧仰奏  
曷任主臣

報霍鍾栖兵垣書二

乙丑

伏承下詢途罄蕩蕩非明公心于宗社愚生亦  
何絲吐露萬一乎若其迂疎麤徑固深愧于夢  
寐矣余復一着關於東事成敗邊人之現當事  
者非盡無恢復之見而事每失之遲機每錯于  
變非廟算既定奉睿謨以令邊人則邊人以欲  
石民四十集 卷之九十三 文部

去未去之身見利思害之圖幾何其所餘也奴  
載子女造舟楫結炒化入犯實有其形說者以  
爲不然言之似過一旦勢露又無所措手若早  
據金蓋則狡謀難措制之亦猶反掌一日千金  
正在于此而入每以誅一身之進退遂失綢繆  
之時日良可痛也

與霍鍾栖兵垣書三

乙丑

儀自錦州奏記卽以大馬之疾委頓幾死亦見

樞相西歸而撫鎮道從之如流商賈烏散軍民  
獸驚遂愈遲遲其行庶爲慰鎮昨寧前道東巡  
儀始力疾西行至十七日方抵關故前奏記度  
已得批答尚未及捧讀儀不爲一世所可而獨  
可于明公儀死無所恨今大病幸而不死敢忍  
死爲明公一吐衷曲儀生平自謂于兵事有獨  
解以兩言盡之御兵在約而精御將在整而神  
使以此道了此局自謂三年之內可以全遼還  
石民四十集 卷之九十三 文部

朝廷然其事大矣不唯天下不能信儀卽知我  
如明公恐亦未能信儀雖儀亦何敢望人信也  
其次則有兩言遼雖失而易復在于可用水虜  
雖強而易制在于善用火水火之用分之則小  
合之則大此中舊有督練五部火器總兵官愴  
以逃將李秉誠爲之不盡其道今已斥矣水兵  
舊有五千一協帥主之自查國寧去後至今未  
補今其兵滿萬矣二者皆宜建鎮使合之爲一

而以南兵萬人盡隸之使水火皆可兼蓋南人不畏舟而又精巧便于火也以此二萬之衆駐覺華爲老家防大凌爲汎地出沒長生雙鹿之間相機乘時有萬勝而無一敗遼瀋可圖何況四衛此當今之急務儀不敢以身隱而并諱言之若儀旦夕有疏乞身如得允放不使浮沉此中死于悍將忌人之手畱其身以歌咏太平卽不然亦尙備他日緩急儀竊願明公心許之也

石民四十集

卷之九十三

十三

文部

九死之餘故敢直吐衷曲唯明公弗訝而教之幸甚

報謝亭蘿中丞書

乙丑

伏讀大教謂若守金復可以犄角東江而又云西紀之耗甚迫儀棄婦也誼不復言今一言于知己之前知當爲祕之也儀竊以奴酋今年不來也其不來亦有故今年柳河之勦直以舟楫不到而事久機洩耳其所損傷亦略相當而是

時前鋒左輔者分兵至三公上流有船城者其民數百口得我約卽夜殺孤山并殲夷人數十孤山卽我之總兵也此孤山爲奴婿并其女殲焉止走一七歲兒遂傳烽致追我民半渡幾爲虜盡而左輔之師適至遂拒回而援之損傷已過半而尙有三百餘口因柳河之勦故不入塘報而船城在遼陽之上瀋陽之下去其巢甚近奴固已震矣彼方以我有餘故未敢輕入也特

石民四十集

卷之九十三

十三

文部

易將之際彼所慣乘而撤錦右之守遣官民之屯數十萬于外虜應必來然昨月十一日出兵的耗也爲非有事于唬喇慎則必往東江矣毛帥未嘗與奴一戰也然用歸正之遣人以覘虜昨年冰凍時其偵騎直從陸行甌脫之地七百里而渡三岔以至寧遠夏半之時有竊虜之騎直至蕎麥衝事露爲虜所殲蕎麥衝爲遼陽所屬而去三岔不百里其入亦深矣奴慮其深入

今乘其在須彌島無海可限必并力攻之如不  
勝則且驚伏如得勝則正月杪叩關矣近傳造  
九橋于黃泥窪黃泥窪其淺不必橋其建橋者  
防冰泮未泮也故曰其來必在明春正月若金  
復之議儀以必得蓋州則金復方穩而蓋州止  
有東虜二百西虜二萬西虜無馬無弓矢服則  
遷之不服則坑耳其取之甚不難既得蓋州則  
與毛帥相通不必渡海彼既得我以固而我亦

石民四十集

卷之九十三

十四

文部

與切近彼自不得陰陽爲疑功爲虛兵以日取  
天下之厭朝鮮所稱流離二十萬實之金復一  
年而富强今年涿鹿相公會爲料理兵食一書  
與樞部蓋不費國家一錢增國家一兵而自足  
儀無其稿想尚在相公記室可一索而觀也此  
事目下必無人敢爲然後日之悔必更勝今日  
至關上之慮不在二虜而在我兵此禍醞釀已  
深雖不易將亦不易免今欲以新猷振之恐適

足以速亂耳此事一決恐不下涇陽之難思患  
預消是在廊廟之上幸明公爲存而秘之如宣  
露則元儀無死地矣承奕世知愛故敢冒昧耳

石民四十集

卷之九十三

十五

文部

石民四十集卷之九十三

終

石民四十集目錄

卷第九十四

與馬仲良民部書 癸丑

與魏合虛大行書一 己未

與魏合虛大行書二 庚申

寄曹元甫進士書一 己未

寄曹元甫進士書二 己未

與曹元甫民部書三 壬戌

石民四十集 卷九十四 文部

報曾棠芾給事書 壬子

與唐君俞書 庚申

與湖中諸老書 壬申

與雲栖直院僧書 壬申

卷第九十四目錄 終

石民四十集卷之九十四

防風茅元儀止生著

書 三十七

與馬仲良民部書 癸丑

氣運將開人文否變詞壇之上旗鼓一新足下

邁時特挺奔走豪杰剏垢扶新驅塵辟穢吾黨

幸甚不肖卽剖心露猷何所仰助萬一但念萬

世之功成於一時則萬世之弊亦開於一日端

石民四十集 卷之九十四 文部

本澄源良在今日今之士大夫或追崇千古近

貌一時固出耳聞無關心得亦有巧詭安驅逐

聲附魄睥睨千古降心一時推其所同亦豈真

見而適當機會說逐聲馳使主盟之長不嚴取

與於寡和之日而欲芟除於濫觴之際亦已晚

矣當今之世唯足下門庭最廣甄別最精然不

肖猶惓惓於此者痛典刑之已藐望匡正於將

來若不肖揣身量世皆所不堪行將長入溪山

自勸一家之語待群兇盡掃大業已成之時當作四夷君長守一隅以奉正朔亦不敢夜郎問漢大也中原之役侯將至者圖之耳

與魏合虛大行書一已未

往聞使君有事爲銀臺所阻不得從邸報覽閱心耿耿焉繼而江南有傳寫者讀之不啻三歎也二百五十年奏疏之習日壞一日至萬曆之末而其言不可示之後世大疏之議論文章石民四十集 卷之九十四 文部

俱在陸敬輿蘇子瞻之間而蘊藉過之瓦礫之中無完璧叢草之中無香草其阻進也天實主之臧氏之子豈能爲哉今天下敝極矣皇皇求將不可得儀以當卽于文人中求之文人給句飾字鈔月雕雲者其無常于文也苟能條理通達宏矯邈則聲其心表其衷不是之求安可得哉以如此之人方當爲天下求而用之安可避其未同而不以一言通左右哉

報魏合虛大行書二 庚申

叔夏來得手教眷眷於楊文襄張文忠嗟乎先生之意遠矣然二君子者亦生當其時耳使今日帷幄之臣兜牟而山人不曰操曰懿負成王而立不幾幾謂居攝謂卽真哉然使其時有一臣豈子出反唇橫詆二君子亦豈卽奉身而退耶是以君子貴自信也今之鼎席無復完人然其忽閉門忽入直任其身爲木偶而聽線索於石民四十集 卷之九十四 文部

三二後生豈得已哉彼皆無以自信耳退則恐春明不可復入不引避則恐弋繳之四出庸庸旅旅萬人一局君子羞之如二君子在使度事之必不可爲雖前有九錫之榮亦所不顧使已無可自娛則妄言亂政之人有國典在豈憚已之微名而耽國之大法哉儀愚憤其所論相道如此丈不以儀爲不肖而引之於兩君子之途儀安敢不盡其謬見哉唯有以教之雖然亦難



言矣謀人之軍旅敗則死之 冲聖罪已之詔  
黑未乾公卿之酒香餽在以千里之疆土交而  
棄之而人曰無罪是則春秋之義所不及也亂  
臣賊子當其翊戴之時猶可博功德之巍巍敗  
軍之將雖有辯者不能爲之辭而今則惘然欲  
回大政則今日天下傳之後世猶在操懿居攝  
卽真之下士君子各有心血亦何顏復與事君  
哉北山之業儀幸已成矣豹潛龍隱非足下安  
石民四十集 卷之九十四 四 文部

望恃在同心輒進狂瞽

寄曹元甫進士書一 已未

古人羨慕一人有千里往看之者儀以爲此聲  
相慕耳非真相知也故有聞所聞而來見所見  
而去者矣若苟真知其人則千古一室何必執  
手道契絮絮如兒女子耶故不肖儀未識元甫  
之耳目聳然竊以爲非元甫意外人也但倦  
懶成性不能以尺素相通辱天上人先之慚愧

元甫以文章領袖東南今天下有土崩之勢所  
望于元甫者非文章矣元甫自爲諸生時卽以  
才望罩天下天下人久歸心古人如唐之房李  
宋之趙寇皆以文士而成勦世之功天下第一  
流人未必盡在文士中然天下文士決不輕易  
服人必其人爲天下第一流而文章又足以奪  
文士之氣始帖然無異辭今所望于元甫豈小  
也布衣而王侯轉盼事也况已食人之祿寧以  
石民四十集 卷之九十四 五 文部

崇卑論乎願元甫堅其氣一其志以待天下之  
事管人曰我豈憂不富貴哉但恐富貴逼人耳  
正元甫今日之謂也古人于富貴未嘗不欲特  
于此逼人處有多少躊躇凡承天下之乏功不  
足以副位者皆逼人也豈必如越公處君臣父  
子之間哉故願元甫養其虛衷其用以勝天下  
之事儀聞之尺素所以當面尺素而不盡所言  
其何異執手道契絮絮如兒女子耶故不覺塵

禮

寄曹元甫進士書二 已未

前妹婿朱生走謁圖一通訊以病不果今以獻  
孺之專使特附此十年以來卽傳庚辛有變不  
意今歲遂成潰決之勢今不可言之事遠不出  
數月耳足下已委質於人者將何以待之丈夫  
一死易耳今不早圖善計徒至腥羶滿前不甘  
屈伸引刃一決何異解牛烹雞卽使忠義如雲

石民四十集

卷之九十四

六

文部

亦不過爲三百年養士添一佳話耳何與人社  
稷事萬物之歸終於一死故一生善物算如釋  
死今死尙不可可默默待之乎忠臣孝子烈士  
英夫皆可頃刻爲之獨望不可以蹴至望者至  
而算知其端去而難覓其影者也故天下有清  
望有德望有文望有才望有肝膽之望而當今  
之世以後二者爲急百萬之衆一朝流離百千  
勇健終日躋足必有所歸也得一忠義之士具

兩者之望而使之歸則宗李之業不足言也宗  
李亦死耳此死差不辱僕嘗有言成則爲郭李  
敗則爲宗李所謂勝固欣然敗亦可喜者也足  
下自爲諸生時天下士皆言足下之才不知足  
下何地自見其才也今足下已登籍而信義愈  
著於朋友言真肝膽者必嘗屈足下一指我又  
不知足下之肝膽何以使人人皆信也此所謂  
望也足下能養之而不能致之能致之而不能

石民四十集

卷之九十四

七

文部

知之者也人患無足下之望耳有足下之望何  
求不得計足下御琴之後被 天子之命守一  
城將一旅足下饒爲之耳恐天下擾擾不能待  
也願足下留意僕家之仕于朝子孫不絕者八  
十年矣八十年無一日稱編氓分當効死僕亦  
誠未得死所耳僕觀今之天下 祖宗之澤未  
斬也 主上之失德未甚也特以積弛成玩自  
委其轡天下之政皆歸於臺諫耳臺諫食饗故

推戴喑聲之大臣以便其欲弊借剝脫之有司以遂其求繇此成風而聰明者亦變爲喑聾廉愛者亦習爲剝脫以爲不如此則不得一日安於朝廷不如此則不得僥倖離於文網苟如此則大臣可以濡臺諫之餘藩有司得以爲臺諫而取其系榆之收且萬倍也故國家之大計俱不暇講而止講書帕之厚薄疆場之陷沒俱不足慮而止慮宦資之遜人委君命於草莽皆不石民四十集 卷之九十四 文部

必問而止問蹈事之渙淺以三百年之天下而斷送於一二措大之手渙可念也自措大失之自措大得之非元父何望焉臺諫之威燄足以殺人雖然僕分宜効死者也知死所矣元父以爲如何

與曹元甫民部書三 壬戌

昨歲抵長安而丈已南轅矣何心之易通形之難說也往年所約之事今其時矣聞大集豪傑

陰爲部署翹晉義舉匪朝伊夕今廟堂諸公爲奴所弄真如小兒今奴騎未叩關是一片黃葉也而諸公之啼聲止矣焉肯下勤王之詔耶然不出數月必有不可言之舉動則丈於此時定不肯披髮左衽則儀敢不從丈之後今外人於丈知其真實與謂姑爲是言者相半然非如此不足以爲元甫也儀塵薦牘者累矣項兵垣一疏欲使之自爲招致自爲團練自爲戰守一以石民四十集 卷之九十四 文部

便宜從事此亦勤王之意也而一片黃葉來諸公想又置之腦後矣儀之終不肯披髮左衽此元甫所知也將何以教之專伺德音無我遐棄素所物色英雄不吝見教若明使君不以儀無光明藏亦定有以佐材館也

報曾棠甫給事書 壬子

儀方委頓困伏不敢有所自見卽揚摧今古蠹魚職也亦入長安而絕口矣縱閉戶有所著述

亦自匿且不敢示之友生乃辱明公俯而教焉  
敢不略陳左右竊以居長卿先生特雄于文耳  
非能文者也特豪于學耳非傳學者也夫文之  
有派先祖鹿門先生道之諱矣長卿且不知其  
派况于祖乎如陳勝張耳之起草澤未嘗不屠  
城略地也然非諳韜略而措施苟以其屠城略  
地而以爲能戰則不可以其不能戰而逆之以  
爲不能屠城略地亦不可當勝耳未失足之時  
石民四十集 卷之九十四 文部

人亦目之揭竿斬木之雄耳然其自視不啻劉  
項也此可以論長卿之文矣若長卿之學則又  
不然長卿固落魄諸生也出入其之學究學究  
之視長卿瞠乎其後矣故翩翩自喜豪于諸生  
間耳諸生之真有學者又未必與之較短長也  
卽與之較而辨不足以勝之甫登明庭長卿亦  
不敢自信也亦不過以豪于諸生者豪諸垂紳  
委帶者耳諸垂紳委帶者亦卽向之諸生耳也

遜避不敢前而長卿自以足豪同類矣長卿因  
妄認天下之才盡于一時之登雋者耳然猶不  
敢當典刑稍稍自試其才遂暴露于元美元美  
當此時得一自喜自豪之長卿亦空谷之足音  
也許之者過實引之者不已遂儼焉入後五子  
之列而長卿名以大矣然元美之意豈有他哉  
欲借其縱橫之氣約之于法俊敏之資進之于  
輿耳而長卿方睥睨天下籠罩豪杰又烏能深  
心以求之哉殆踞蹠見斥虞卿窮愁著書之時  
殆天所以成長卿也長卿方激烈曠放益棄而  
譚二氏二氏之淡于學者長卿亦以其睥睨籠  
罩者俯而臨之誰爲窮淡摘微以言其秘哉遂  
撫拾其萬一以自飾其文而當是時典刑淪喪  
執辨無繇卽一元美亦晚入道入道亦得其皮  
毛故當時與新都皆浸淫而爲有爲之法狗牛  
毛之見明公試讀介州太函二編歷歷可指也

嗟乎驅天下才人志士譚理而嗜其皮三先生之過也其有能振而矯其弊者吳楚二三君子起于十五年間耳此長卿之學大槩也至長卿之鴻苞則又有說焉長卿晚年其所標榜而不已者此書也天下士大夫罕睹其全本長卿至易簣之時欲付一炬長卿之意淡矣然非能悟道而然也使其書終不表見則天下之疑長卿者益淡長卿之誤天下者益甚矣此非有所薄

石氏四十集

卷之九十四

士

文部

于長卿也長卿之短不妨與千古共之長卿之長不妨與千古共之鴻苞之可採而取自一二狂歌外如輿地圖考亦略而得其槩可以備職方者也義烈諸傳亦激而得其體可以備說苑者也說鬼說夢說因果亦暢達明快可以備稗官者也其所微而不可核淡而不可茹者無如譚理而經濟次之其所誕而不可信者無如合三教之說夫三教未嘗不可合也今欲以世同

出世猶可言也欲先假長生而後修三昧亦何其貪婪無已而支離不祥乎長卿嘗爲曇華傳奇生平之學盡之矣丈夫未回晉耳苟回晉而左顧右盼惡入玄則非無漏遽入禪則難速證亦何其多情也因玄而入禪如三藏所言五百仙人一時證悟商那和修得佛心印者豈少哉然當其入玄之時亦未知禪耳觀膏梁而不取入窠谷犯嶮巖而拾草食道之所不載也長卿

石氏四十集

卷之九十四

士

文部

豈真能如是哉淆兩說而不斷欲設奇以駭人耳長卿今悔晚矣以長卿之才豈非宿根者哉好奇不已慧劍自失從茲墮落後車之戒也當鐫鴻苞時貞甫諸先生皆欲裁其冗雜去其不經去其不經而長卿之才掩矣裁其冗雜而長卿之面目失矣村婦薄妝以臨流蘇卽不當於王孫少年而里中之狹邪未嘗不羨而喜也及傳之艷妝習之容態彼且自露其醜而人皆唾

之矣此不肖之鄙見所以寧全而無裁也故其簡策之際略寓微意條各爲簡意各爲類將以待士大夫之採擇也雖然長卿不惟自負宿因亦且自負其才矣歷指上下百年間自一二名家以外其能盡其欲言者無長卿若也使長卿而肯潛心于學縱不斂其才以就于法卽以其能盡言者而言其所能言亦當勝用修之艱澀過元瑞之雜沓也豈止自雄自豪而取譏于天石民四十集 卷之九十四 文部

下萬世哉明公將以爲然乎否耶

與唐君俞書 庚申

君俞足下古之有文事者未必有武備有武備者未必有文事能兼之者唯我兩先人乎荆川先生不可一世每過先王父則欷歔而泣撫掌而歎也曰知兵者天下唯我與子乎先王父亦嘻然曰庶幾第五六歲老僕每謂弟言之且曰荆川先生善飯每置脯肉粒米兩頰間徐徐食

之童子侍而知其奇第時已能誦荆川先生舉子業文數百晉古文詞百十晉然竟以兵事敬先生竊問于先王父先王父曰孺子志此乎恨不使荆川子見也弟感此言曰不交睫數日使荆川先生見我以我爲何如哉然以先王父之言竊以爲有當于先生也稍知學問益知無當于先生也後知太常先生世先君子之業弟自十五六以後卽欲修本朝信史竊欲質于太常石民四十集 卷之九十四 文部

石民四十集

卷之九十四

五

文部

所以啓後人者多矣今以不平之事過謁仁兄武編一書荆川先生一生大作用處也今乃一悞于弱侯再悞于弱侯之所姬之書賈使其書不可句讀此仁兄之恥也若書之家又有藏書者爲之子孫豈無先人之遺本欲一借觀正其謬誰使仁兄無負于荆川先生不亦可乎弟又竊有私焉頃刻武備志每于引用處知鄴架有李荃太白陰經弟本苦不善并欲一借之二書

石民四十集

卷之九十四

十六

文部

俱可旬日奉璧以弟與兄四世交契知兄不吝以弟兩謁兄而不面恐兄或棄弟也兄卽棄弟使荆川先生而在必以弟可備兵家文家之藥龍使太常先生而在必以弟可備史家之藥籠使仁兄肯以其爲藥籠中物也幸不憎片峇簡以成弟素業弟不勝引頸

與湖中諸老書

壬申

儀嘗聞諸禮家曰子路有姊之喪除之而弗除

也曰由寡兄弟而弗忍也儀不天實寡兄弟姊之嫁于董者死于不滅儀不能問也早寡未寡而割肱于其夫旣寡而持其身如秋霜持其家如拱璧若之人孰不聞焉死不得一塊肉以爲後暴露十餘年身不附于土名不顯于世行路傷心而直如無人焉儀雖爲世所擯何至于骨肉毛裏不能爲有無如此哉仲培兄先姑之子也儀有共姊敢忘其姑有所苛乎哉然不立嗣而蝕其家家之贏可一再倍矣而以其三十之一以爲墓百之一以乞墓前一片石孰曰當後焉而終靳靳然今儀敢明告之縣官以寡之所留其三十之一百之一以爲寡之身之名而歸其餘以佐縣官亦或司世道者所許也今仲培兄又將問其旁又因而爲彌祖立嗣之說不言于此時安待乎唯司世道者憐之教之苟中表無決詞有決詞無必色則實封上聞儀敢不

石民四十集

卷之九十四

十七

文部

齋沐拜發

與雲栖直院僧書 壬申

管日尊師爲末劫殺業太重故立放生法門原是從權得實本師和尚不特飛躍之倫付之天海一切生命無不收養蓋豕鷺之流衆生參養以俟刀俎如植蔬種稻將子抵母舍之四虛不特易遭非命亦將得食無繇故任其送捨捐供僧之餘爲養牲之具非止利益微命亦以長養

石民四十集

卷之九十四

文部

善根意甚盛也不慧受法本師二十三年失身窮微不入此山已十四年矣頃過養牲之所見肥豕如象群鷺亂軍牛竿滿山雞鷺成群生資死化一如往式飲啄啖眠各適其性仰知自來直院美遵本願不廢良規因小占大甚爲欣慰竊有未安輒敢奉白群生之中有老獼猴肉旣拖骨力甚濟黠怒目踳踳意在山林愚竊思之似亦過矣凡物順其性則樂違其性則悲今人

之生不安犴狴死不安地獄者止以違其性耳猴之爲物跳梁山澗傲睨林樹古稱反性莫若檻猿今不放之空林而徒喂以果餌飽以稻粱與家禽豕豕同一拘繫竊謂此物有死之心無生之樂矣且鷺鷥之倫本資殺業故參養餘生卽爲壽者善果猴當未捨之時亦止供戲弄今復拘囚何異管日一也豕鷺苟逐得食惟艱卽勉致一飽而種種所值在在殺機猴則飽窺栗

石民四十集

卷之九十四

文部

芋遊戲林泉捕羅甚艱謀生甚易卽有猴脯之事惟于遼西見之他方不聞雖夏羅戈捕亦不廢食亦不戕生今冒喜捨之名而不沾解脫之實二也猴頗善盜間亦弄人或疑爲祟不如拘制然則此中萬嶺虎豹之區豈能一一伏降使歸檻籠舍大慮小猴必斃爾三也且嘗讀本師自知錄曰籠繫禽獸一日爲一過正爲此耳聞其施捨亦在近時未有明眼一爲點證旣經枯



破仰異釋然更有請者其中老鹿亦頗肥腴鹿  
擬于猴易作落河稍通傘豕而其山野之性不  
樂拘囚水草自便不俟人力亦差近焉儻荷竝  
付空巖便是隨地極樂惟與大德共加裁察

石民四十集

卷之九十四

示

文部

石民四十集卷之九十四

終

石民四十集目錄

卷第九十五

上世父大同郡丞書一 巳未

上世父大同郡丞書二 辛酉

上季父書 巳巳

與弟書一 戊午

與弟書二 丙寅

石民四十集 卷九十五 文部

卷第九十五目錄終

石民四十集卷之九十五

防風茅元儀止生著

書三十八

上世父大同郡丞書一 巳未

睽違數年音問俱闕元儀之疎節迂懶與不足  
比數俱不言可知已雲中一片地何足久煩游  
刃疆場多故正丈夫自見之日天下無不結之  
苟擇其善者而處之可以千古正不必倚恬退

石民四十集 卷之九十五 文部

二字向三家村中生活也元儀無地可以辭恩  
猶以世蒙國寵夢昧不自安伯父試觀同儕中  
以乙科起家徘徊二十餘年者能有幾人如此  
淡恩豈止一飯之德可不爲報塞計乎雲中非  
無事之地卜素內禍削平必并力于我五十年  
之款貢如背腦十年之毒未有不發發亦未有  
不甚者六年未給之賞異日彼以詞來應之非  
所以爲訓不應之則其曲在我何也譬之飲酒

日飲一升其人不醉以數日之不飲合數升而飲之則狂呼呌號自不能禁窮虜之于財亦猶酒也故曰非所以訓也六年以來虜雖不旬旬而向奉表貢馬然亦未嘗以一矢加邊氓我欲以不王而致其罰彼亦不服故曰其曲在我也然則與之亦亂不與之亦亂況積數年之資于邊愈足以啓其貪心而士卒恃款而不簡城郭恃款而不修微聞數年之額賞又借爲無益之用是愈失計也以元儀之愚不如畱二年之賞以待不時之需傾三四年之賞以實爲勵甲治器械繕城犒士之費大破常格別養死士數萬人得此則虜必震懼俟其搖尾之日以一二年者應之必嚙服不敢動苟有戎心吾應之者綽然有餘此最上策也且不止于此遼左之患切近京師可慮之事又不止遼勤王之詔可以旦發夕應奠社稷于安建百世之功卽此舉也此大

吏之事非郡司馬之所得專然言而不用則其失在人狂而不言則其失在我所謂言者非泛若迂闊出一條陳之謂也必迎機以導之浚析以折之使其人不能不聽古之談士說客無半面之識可以立譚之間聳動君相况上下相孚數載之久其才猷心術一一如列眉者乎如此而不聽方可曰其失不在我也外此則又有自盡之法管建康之末陳矩以文法小吏佐德安之幕師潰將逃衆推爲守陝東西河南北無不陷於腥羶而矩以孤城嬰其間八年不敗以伯父之名地才力豈不十倍于矩丈夫當此日可以位卑自諉乎臣子當此日忍以位卑自諉乎管人云七十老人何所求今伯父卽避難引退悠悠林泉亦有限耳何不思一自奮之地乎况今日之事其易十倍天下有成則爲王敗則爲賊者勦業之功名也有勝固欣然敗亦可喜者

中興之功名也故勦業者當先計成敗中興者但須實具其心宋之宗李不下于唐之郭李也儀聞之蛟龍得勺水則興若元儀者困于枯澤者也伯父有勺水之可資幸爲門戶光濟沐奏記自忘狂妄

上世父大同郡丞書二 辛酉

踈侍既久仰切葺脩前歲捧讀手諭慨然息雪國恥烈士暮年意志如此真可爲子弟矜式但

石民四十集

卷之九十五

文部

以下式之義望之小子則伯父去家日久不知其唯身置一劔耳萬人食祿一士酬恩儀雖屢擯有司然世沐帝澤闔門簪紱肝腦塗地是其本懷但世不我用故退而輯武備志二百四十卷欲以兵家實學陰益捍護社稷人之智慮今其書已播之國門矣身可隱矣然後將軍有言兵難遙度故欲一按九邊觀其形勢薄有論著告之天下有心人從此南山之南不復問戶外

事承見召更愜所懷今以王大司馬屢使相招當一起其意卽圖自雲中上谷而抵關中矣縱觀之餘得一叙骨肉何快如之願伯父加餐自愛恐素飭舉動不遠卽此地可成大業無使它人謂伯父徒老一官也勒謝不旣

上季父書 己巳

前書匆匆未及盡衷曲亦恐叔父初到人事匆遽無暇省察耳來諭責其不詳敢不服罪今敢

石民四十集

卷之九十五

文部

述一二以祁下鑒然先有一語希求見納方可讀此牘終篇一語者何曰平其氣叔父視儀猶子也人氣卽不平何忍于其子况叔父已許容而與之進乎然儀猶爲此言者以凡自處處人苟氣不平則見不虛不虛則人言不入夫人之智固有限而已亦人耳何能盡天下事乎卽如儀被讒一事姪止不合不忍衆正受抑不量匹夫之力欲一挽天河耳使其爲一官計則徐

俟今督師公之至豈無前鋒一片席耶曾具小疏商處逆黨召舊以及富強之策將上而爲張異度所阻今異度可問也此時小人有吳下三君子托儀爲先容之說故異度阻之而儀亦不欲以是累友耳疏雖不上而諸君子次第採之入告今之所行不出其大都也惜未盡耳至自訟一疏亦以非此不應入長安原非自爲也而不意驟蒙聖知當事者遂疑遼左帥篆將以石民四十集 卷之九十五 六 文部

見屬故遂致紛紜此事洪學海陳雪灘諸公甚悉之豈真蒙昧至此投既傾之宇以庇未羽之鷗哉此時亦有一疏欲破其根底而說者以似多事故止辭都督以明本志耳至都督得辭而後南垣之疏暗譏豈真以人言而辭哉叔父數千里之外宜其不諱也此事已過矣本意原不欲補官以待知己者共事且王太倉入樞以舊相之嫌知無銓用之理矣方具求去之疏偶以

銀臺他故格未上而舊相于吳侍卿疏中奉召用之旨疏尾卽薦今戎政懋銘李公及儀同奉旨速用而儀之禍不可解矣又有小人自欲得要地以儀爲贊謂儀已拜疏効之故倉皇上疏見効夫以介冑之士而直論本兵義所不出然前疏中頌舊相恢復之功與太倉攘爲已有實相水火宜其疑也然其意不過欲逐之去以息其禍褫其官以雪其憤耳不意長山從館閣時召民四十集 卷之九十五 七 文部

久許可武備志一書故止聽其去而不乙其官太倉始大怒以爲儀力勝之適袁侍卿論長山遂以爲奇貨矣蓋是時袁晉論而高史繼之高史者燕人也與舊相爲粉社遂誣長山曰此三人者皆欲起高陽故逐相君耳而三人之脉茅基聯之不見袁嘗薦茅平長山生平極忌高陽而又見其跡似之遂以膚訴衆正衆正或不察而粹攻高陽遂明以此事入告矣而因以駐私

事誣及今高陽之爲正人太倉之爲邪類儀非  
聯燕漸之脉夫固人人知之矣特不欲卽雪袁  
故儀事未得白耳今觀叔父之言若全然不知  
此事端末而真若儀爲袁之黨高陽爲小人之  
尤前此諸公之非悞聽則諸公有洗心自領者  
有云一藥舊見者叔父當未一一聞也而直欲  
自居清流子弟爲汚類出之口似快矣旁人豈  
不揶揄耶叔父豈有他腸哉直以未知詐曲它

石民四十集

卷之九十五

文部

人又以叔父必已知故不復及見其言之怪則  
更不言矣叔父今試將此語一一質之鹿乾老  
當知非謬也鹿乾老爲正人宗主叔父入長安  
半月矣得無亦尚未悉耶至于目下之事使宵  
黨果興則儀禍未已功名之念久已冰消只求  
一去以守先人塚耳然事關大局無論愛儀者  
無所用其力卽惡儀者亦無所加其罪只求叔  
父從史人早爲一結此局使得還山更無牽復

之望如此而已至于叔父自處之事雖愚不可  
以佐智卑不可以論尊然事關骨肉亦不敢如  
它人傍嗤暗笑而不直陳大略叔父從來皈依  
正人年來亦頗鬱鬱昌明之時人孰無乘運之  
心但今日上書言事恐非取官之術屈晉舉業  
亦終迂闊之談何也叔父年來受累者東西二  
門耳東門叔父多事之日曾與面好道舊今欲  
執之爲辭亦已晚矣西門叔父視之一勁敵他

石民四十集

卷之九十五

文部

人觀之一么魔貲郎耳且又嘗爲正人之所庇  
叔父所指爲通逆弄權之事當欽案既寒之後  
亦似後時叔父卽逢人訴白亦隨口應之而其  
心曰此自與鄉里爭構耳此人情也所恃以爲  
左質者唯同心錄有名及遠卹楊忠烈二事耳  
此錄有名叔父與儀共之儀更被嚴譴今叔父  
又指爲越中一派矣則其書于叔父獨足盡信  
乎卹忠烈之孤義舉也然爲之者亦不少如鹿

乾老直以百口之命存三家之孤人雖敬之重之而未有爲之頌言者卽如儀亦不自外也但恥自言耳今越人一波而叔父盡沒之矣此何等事而忍于自言乎故欲以被禍求直于此時以之立鬚眉則可以之取青紫則疎也若夫邊事更不同于晉西南之事旣已底定東北二虜共憂方大而一戰一款主上付托有人羣策群力皆聽其駕馭而不自主苟欲言兵如何練石民四十集 卷之九十五 十 文部

技如何精以之聳當宁之聽必不能矣無已則西款一事大悞社稷肯忘死輕生如陳歐尊舉技辭直陳此事負斧抱礮以叩闕下此可爲異日之地而非目下求進之術也卽插木入太倉鹿插之時儀直陳插齒禍甚奴酋以此取禍竟亦無患梅福于今朝者亦其左驗也至于舉業之說此不能爲叔父地者借此以謝叔父耳叔父行年五十六七使得一第亦自本分煩故人

諄諄勸埋晉卽使欲埋晉潔溪山中不勝長安道上耶二者之外則唯有平平實實俗聲氣之檢揚善其本分之得如不早結此局自圖別見而徒向公卿叢中負肩世道之人此事二十年前所不效而今更爲人所輕卽不然而儀前車之鑒禍患不足惜而一片忠義肝膈亦未能見亮於骨肉此志士之深痛而叔父所宜取裁也言患太盡如叔父肯平氣則操心慮患之餘頗石民四十集 卷之九十五 十 文部

文部

可爲萬一之助不然徒以聒清聽耳卽儀自諄本末亦恐資叔父談柄勿欲使人窺我骨肉耳若一身受謗如丘山矣非一言所輕重而拳拳也此書萬勿露于人或與念堂先生密商之必有肝膈之助

與弟書一 戊申

我十四而孤汝纔七歲門戶之虞如岸崩驚濤勢不可止以先人之舊德得齒士林偶從苦硯

之間遂叨非分之譽方欲規折矩步躡古勵時  
不意區區足來骨肉之忌因緣支蔓并且恨汝  
兩人性命如啞子被杖止餘氣息猶不能呼恐  
一旦入罪獲日曜不回故辭母棄汝遠徙屢竄  
雜以狂情飾其恣色嘯歌哭泣皆非吾情尤絨  
閉舌齒寧受惡聲不彰其故母汝而外并知吾  
心吾以女媧婦人猶能積煑沸之勞補天一缺  
豈以骨肉淡恩况在士流宿有名字志意况趣  
石民四十集 卷之九十五 文部

何太非情數年之誠或動萬一故稍歸定省因  
布斯衷冀解澤前愆重守鄉里雖風雲不偶亦  
可水石娛人不意今春之禍幾于駢首叱咤斯  
須頓周四網陰施陽鼓鍛鍊百方區區餘生天  
授之也志意摧挫還復自慰秋風伊邇庶幾得  
與選人聊假公車避地都下或遂宦遊無違色  
養如此轉展十餘載人事不可知再圖出處耳  
不謂吹竽之誚復見今日得喪常理行隱有時

亦復何恨但疆場構釁殆如漏卮中原思亂民  
志不佳叛蕩之虞正自不免世受殊恩無緣授  
命又憶昔時名雋如王華之在漢桓謝之在晉  
裴王杜李之在唐造次流離幾不可忍于古喻  
今將無不遠又念汝纔通文事未練時瘼使在  
平時猶可悠遊待進卽叨祿公家亦復不難潤  
色苟當離亂出固須才隱亦須略且維持老母  
寄命人世城郭多虞山林多盜苟非立身著烈  
石民四十集 卷之九十五 文部

難望僥倖苟全故中夜轉側時下兒女之淚獨  
臥石子岡前風雨聲如聚霹靂于一室據枕排  
徊無可自譬但念祖爲名將父稱循吏祖典文  
章父精史學吾二人能守此四者危而不墮我  
于治亂出處亦復綽然豈遂以區區爲太夫人  
憂哉不覺披襟長嘯繼以浩歌絲端土積難可  
卒傾知汝溪懷聊相慰勗



前月奴歸略悉情由今年在津門度歲我自十  
三爲諸生至今便二十載止是年除夕府君方  
宦太夫人又正強好新列穉儒聚集好譽差可  
爲樂而適汝二兄殤痘闔家哀戚我更指傷于  
心殆于不起是歲遂奉府君之諱窮愁喪苦歲  
歲相逐稍落生產遂多債家或時避之遂在客  
舍兼之歲暮悼去惜來便生百感及至歲朝世  
人各作歡喜何不爾者亦或勉馳縱復不能亦

石民曰十集

卷之九十五

文部

文部

擊冗迫俱可自遣而我性厭俗禮歲歲出門終  
歲之閒在此旬日憂來難驅如影隨鏡邇來三  
載邊人盡在哀疚此痛此毒無復情理今年生  
入玉門且公除已久南發在卽便可差解鬱胸  
而所志不成負君負母已斷之腸不可復續噉  
噉之聲更無離絕每夢先人或見故舊失聲之  
慟輟于鄰榻至于驚呼而起一夕累百不復得  
聞朝來強起既不見賓客遂不復盥櫛如此五

十日便更不勝褰巾近日邊來攜一貂冠名曰  
護兔狀似健兒面如老僧對鏡一照輒復自笑  
不止幾于絕倒怔忡之疾得之塞上邇更劇發  
心如風葉又似遊魚影既短復又嬾食終日  
嘗不再食食亦不能兩孟嘗連日不飲卽飲亦  
不過五升輒復嬾啜量既未滿醉不可得往時  
失意差于醉中一快又得熟臥遂至五夜差可  
自聊今既無醉致可樂而又不得穩眠一漏神

石民曰十集

卷之九十五

文部

文部

情越楚楚不可支回思十三四時太夫人日料  
白米三升蝦三斤豕腰二十每苦不足十四五  
時日飲酒三斗賓客誦讀未嘗或廢此殆異世  
事矣我本志在山丘著述聊以自娛爲世所強  
途應徵命然外度國勢內料已宜不死于賊必  
死于法苟或不死決志高遜故瀕發之際欲先  
誅茅包山乃事竟不果今幸得生還而山居未  
就頗往來胸中使在山數載著述少可觀或

可消破塊壘今素業耽閣而勲名未建欲暫紓  
眉自非時宜吾聞達人終年一百無累神一日  
以此爲况汗欲成雨然情志綢繆叅于理道益  
不可解固知非冲素之致亦名理所纏耳然于  
時寧竟不欲言雖對妻子見密友亦無不吐一  
語其神內傷乃更甚矣嘗私念之我不以不得  
一命爲負親而以不得九命爲負君此志此痛  
良可分憫及其衰也又以幸不得九命爲酬親

石民曰十集

卷之九十五

六

文部

而以幸不得一命爲酬君此爲堪痛又極  
今病苦有限而神理索算英雄之色雖在眉宇  
而挾瑟提壺橫槊據鞍之致不可復覓此正未  
免自笑何況時輩乎元旦第三日俗呼爲小歲  
朝達官穉兒各嬉其次我夜坐岑寂胸次所結  
有如圓雪雖理所可消自難責于此日援筆爲  
此書聊當一夕情話

石民四十集卷之九十五

終

石民四十集目錄

卷第九十六

北虜近事考

女直近事考

四十集 卷九十六目

文部

卷第九十六目錄終

石民四十集卷之九十六

防風茅元儀止生著

考一

北虜近事考

萬曆九年俺答殂子黃台吉襲王封烝其庶母  
三娘子妻之十三年黃台吉殂子擗力克襲王  
封亦妻三娘子三娘子已封忠順夫人爲其經  
事三王約束諸夷奉中國唯謹故也三十四年  
石民四十集 卷之九十六 文部

四月擗力克殂長子晁兔台吉亦殂石  
兔應嗣而三娘子所生不他失禮收其異母兄  
子那吉妻大成比妓生子素囊者最狡黠多智  
善用兵睥睨王封市賞而侮卜石兔部落少又  
幼孫行也嫚言忠順曰爾老矣何顏復與卑幼  
聚且王事始吾母大成比妓投降降中國中國以  
我父母故授我祖王封祖王殂應那吉襲王那  
吉殂應我父不他失禮襲王我父殂應襲王封

者我也卜石兔何爲者我親祖母孫不以我襲  
王而遺所不親之卜石兔我不甘矧爾老且病  
經事三王又戀戀黃口小兒何顏復相見耶忠  
順聞而愧之卜石兔以應襲王故卒來入忠順  
幕長揖忠順踞上座藐素囊不爲禮而忠順用  
事左右服役部落一切蔑視之於是素囊怫然  
怒瞋目視忠順忠順目卜石兔速避去素囊與  
諸部謀曰卜石兔來各持挺挺之卜石兔聞不  
復來忠順亦怒卜石兔慙慙不足事而毛明暗  
者捨力克次子也姣而僂忠順頗暱之明暗亦  
百計媚忠順陰與素囊比而厚賂用事左右日  
交口譽之忠順密與明暗約將言於中國請以  
王授之而捨酋所遣坐纛膺子手感喇手已入  
明暗所矣總督馬鳴鑾大同巡撫霍鵬相與謀  
曰虜王纂拒忠順所忠順不出纂則卜石兔爲  
空王雖封猶未封也而忠順不許婚則王纂必

石民十集

卷之九十六

文部

不出素囊不可馴則忠順不可婚夫虜部有變  
倚忠順今忠順內制於素囊陰暱於明暗婚事  
不能自主王纂不復可問將奈何卜石兔久不  
得封使使請於鳴鑾曰虜地之所以重必王者  
爲能制市賞之權也今必雖不王而歲以白頭  
表貢市賞不失何用王必爲今日須止市賞不  
開則必王有日矣夷語以必爲我也總督傳令  
禁止市而忠順力爭以爲不可且邊夷人  
各自撤回恐生它端故貢市仍舊而一酋忿怨  
矣自丁未至庚戌虜無定主我無他奇中外洵  
洵其年秋鳴鑾卒鵬亦罷去乃以涂宗濬爲總  
督汪可受爲巡撫是時有五路台吉者黃台吉  
之次子也於卜石兔爲大父行辛亥春因素囊  
抗撓忠順拒封乃糾集宣大薊鎮七十三酋部  
落聚豐州灘與素囊爲難挾婚忠順忠順素囊  
恥爲所挾亦將治兵相攻宗濬至素囊輸款宗

石民十集

卷之九十六

文部

游詰之謝不敢又詰忠順曰爾主虜事久矣反不能自主耶夷使曰忠順年已六十餘病淡髮白不可婚故不許耳宗濬曰婚事聽爾封不成非所以言恭順也五路使亦至宗濬謂之曰爾義舉也然我枉無庸兵夷使曰五路義氣憤盈糾集大衆能聚而不能散也宗濬曰兵不罷則曲在爾矣使唯唯宗濬乃調西將勵兵待戰於是素囊不敢恣至五月忠順與卜酋聚鹿矣五

石民曰一集

卷之九十六

四

文部

路自以爲功欲挾大賞宗濬不許忠順宣言各部曰婚已竟中國必請我封姑散去待後命已而老婦得少夫大喜引卜酋入佛寺歷閱三王所積金銀蟒獬虎豹貂狐玉石卜酋心動欲挾益賞始受封故數月無使至宗濬知其故亦不遣行人虜遣使來曰往者婚竟使來請封今不遣何也宗濬曰封者爾所請於天朝者也天朝何請焉其計沮九月乃使使求封秦王益市馬

宗濬拒不見整軍容試火器使者錯愕乃不敢言固請見宗濬復不許傳諭之曰爾卜酋將以守邊爲功乎我將自山西水泉營至得勝堡割而與素囊守自得勝至新平割而與兀慎擺腰守自新平至新河割而與五路守自新河至宣鎮割而與白洪大守人自貢人自市無煩王也虜使大驚又固求見宗濬始見之詰之曰請封何遲曰收穫未畢又詰之曰請封何以求益賞

石民曰十集

卷之九十六

五

文部

曰卜石兔西海窮夷望量賜給爲養膳又詰之曰前王之積多矣卜酋實有之何曰貧也曰分散各部王實無幾矣謂之曰散者散矣忠順所布當與王子同享之封則可賞弗言也夷使去卜酋大驚虜婦尤之曰何自辱也乃傳調各部至壬子四月三枝十二部皆集事將成三娘子死卜酋哀惋諸部皆素感三娘子號擗修齋如是者兩月素囊心變乃盡擄三娘子所蓄卜酋

不敢言蓋卜酋之部落皆忠順之部落也素酋  
一旦跳卜酋一匹夫耳素酋乃遣使請曰虜之  
有王始於我父之降中國卜石兔何爲者哉况  
祖母死卜石兔不當封宗濬論之曰俺答有約  
世世相傳封王以長今卜石兔倫序當立三枝  
十一部者算不歸心爾將叛盟則皆欲聲罪致  
討爾抗天朝之封命天朝亦以兵夾攻爾爾將  
安歸素酋心折於是合詞請封是時虜婦所遺

石民四十集

卷之九十六

六

文部

牛馬萬餘牧放在野故卜酋以嚴寒爲詞請回  
巢取衣實掠以歸至次年五月乃始受封如故  
事而封素囊母把漢比妓爲忠義夫人以其始  
降也然素酋日以強卜酋日以弱貢則素酋居  
其利故不時至自俺答始封以來至於今五十  
年矣高拱所言八事者始嘗命大臣閱視繼而  
卽令按臣兼之然終以奉行鮮實而市貢亦歲  
增大同市本至七萬金宣府至十八萬金山西

石民四十集

卷之九十六

七

文部

至四萬金其撫賞名至二萬金而鎮將私措不  
與焉苦不給則剝士以供之而邊備日弛矣故  
管轄力克之嗣封甫定而火落赤跳梁於洮河  
張家口之貢市報完而哈不慎陰助逆於長昂  
五路挾賞於上谷而穿寨相通今素囊兢兢旦  
夕不可測皆自弛其備以啓戎心而小王子者  
自徙東方曰土蠻至嘉靖三十六年得三衛人  
爲鄉導遂入犯薊鎮稱東虜矣至俺答入貢時

### 女直近事考

萬曆初女直之王杲阿台諸部最傑得時貢時

叛好語誘撫順之守將出而殺之是時 神廟

新御極張居正爲相以法繩邊吏邊吏凜凜事

聞責之撫臣張學顏鎮臣李成梁遂不踰年擣

其穴大有斬獲告廟獻俘是時阿台之女夫曰

他失他失之子曰教場成梁之掩殺阿台也實

使給之已而并殺之阿台城下教場有子曰奴

兒咎赤年十六請死成梁顧哀之且慮諸部勅

書無所寄遂悉以授之請封爲龍虎將軍龍虎

石氏四十集 卷之九十六 文部

將軍者國家授夷狄尊官也奴酋遂籍以號召

東方盡有諸部之地歲以貂參互市得金錢十

餘萬誘并江夷得其珠窟懸珠屋角羅列珍寶

子女璀璨侍御嚴肅儼然如王者南關灰叭諸

部北關金白二酋者皆海西種也奴酋以三女

與南關酋卜占吉因而襲取其地卜占吉遁北

關娶金台他之老女奴酋怒欲攻之老女不敢

嫁已而金酋以二女頗姣一以嫁卜酋一以嫁

卜酋之弟奴酋益怒金台失又有女嫁西虜宰

賽已而失歡歸宰賽欲復娶老女金酋許之而

女不可宰賽怒奴酋乃遣金帛賄西虜諸部且

與宰賽婚使共搆北關陰擾遼地邊吏戒諭之

不聽乃時出驍卒以護北關奴酋益忿曰北關

與我等夷也天朝何偏護焉然是時奴已富強

生聚修築訓練無虛日招亡命誦星術論韜鈴

天下皆知其將大舉其欲圖北關不特私隙也

石氏四十集 卷之九十六 文部

以其地正直開原間于際彼不得與西虜通欲

吞北關以爲寇遼之基時有甌脫地本我界也

爲奴所侵邊臣匿之不以聞中朝有發之者李

廷機掌禮部乃命通事李得時齎諭帖諭之奴

酋憤裂之拘其使三月而後釋事益急乃調西

兵以護遼命御史熊廷弼往勘之廷弼乃款西

虜致東北江夷以攜其黨時不許貢者二年矣

其人參池爛至十餘萬斤奴亦窘乃聽勘稍還

故地然橫江之二百里鴉鵲關之七十餘里皆  
不吐吐仙子峽密箐峻險不可耕之地朝廷亦  
羈縻之而已貢復通後以楊鎬往撫奴酋之事  
未可猝發請質其子以堅貢好實欲緩我備而  
陰襲之也鎬信之鎬去以張濤代濤亦信之然  
朝議不一久之質子復還而援兵亦撤備禦日  
弛矣未幾濤去郭光復代郭光復卒李維翰代  
維翰未至時有邊氓以掘參闌出塞爲奴酋所

石印十集

卷之九十六

十

文部

縛凡三千餘人維翰至奴酋命其中軍以金幣  
賀維翰受其賂而拘其使令以殺人者抵奴酋  
怒以死囚八人塞責維翰令戮之界上將吏得  
其賄旋釋去奴酋知維翰之懦而憚遂生心焉  
遊擊李永芳者故遼人也守撫順素與奴通維  
翰索將吏之賄不已永芳以不滿欲被笞掠不  
勝忿遂與奴合計於戊午二月十一日以互市  
名襲其城屠掠之維翰促大將張承胤戰是時

奴拒我境可以計覆之承胤以維翰督急遂直  
薄之乃爲所誘全軍覆朝廷大震乃命楊鎬爲  
經略調集兵將以援之又命周永春爲巡撫未  
幾攻清河清河破鎬不能禦明年二月師稍集  
奴令謀問曰酋墮馬折足不能軍鎬信之而朝  
議恐師老財潰欲速戰鎬遂于二月十一日誓  
師分四路而入自開鐵者從靖安堡出以大將  
馬林主之自瀋陽者從撫順關出以大將杜松

石印十集

卷之九十六

十

文部

主之自清河者從鴉鵲關出以大將李如栢主  
之自寬奠者從涼馬佃出以大將劉綎主之而  
綎部將喬一琦并將朝鮮師萬三千人共合兵  
八萬餘松渡渾河伏發士半溺死軍遂覆奴遂  
折而衝馬林軍林走其監軍潘宗顏死之綎之  
道最迂遠先松三日發奴之銳師俱以當松綎  
拔其營壘頗有斬獲去奴穴僅六十里松林之  
軍已破而李如栢觀望不進鎬其親暱也聞松



敗卽返其師縋孤軍獨入奴見如栢軍返遂并  
力攻縋縋力戰死之一琦與朝鮮將金應河俱  
殉焉事聞乃以熊廷弼代而令如栢之弟如楨  
將如楨統袴子以任子爲執金吾賂遺宮禁坐  
致宮保至是以軍政杜門久沮命旨竟以是復  
顯省臣李奇珍爭之不聽如楨至奴攻開原馬  
林死之如楨不敢戰宰賽開原之大有獲也  
從而邀之爲奴所破掠以去隕其部落遺尸在  
石四十集 卷之九十六 文部

野如楨拾之以捷聞有發之者亦坐罷而奴竟  
破鐵嶺廷弼至鎬被逮廷弼之意欲復守開鐵  
及受事并瀋陽不可守奴遂尅北關滅其部廷  
弼不及救惟濟河修隍以守遼陽而奴遂運開  
原窖谷而去其後奴大饑籜以自活至明年廷  
弼始復守瀋陽修奉集堡而奴每出銳師以掠  
之屯堡爲之殘毀遊騎時至瀋陽城下廷弼請  
兵十八萬歲餉八百萬而朝廷不猝應 今上

初廷弼遂罷歸先 光廟時永春以母喪歸以  
袁應泰代至是以應泰代廷弼而以薛國用代  
應泰下如栢如楨於理如栢自經死

石民四十集

卷之九十六

文部

石民四十集卷之九十六 終

石民四十集目錄

卷第九十七

朝鮮近事考

日本近事考

石氏四一集

卷九十七目

文部

卷第九十七目錄

終

石民四十集卷之九十七

防風茅元儀止生著

考二

朝鮮近事考

朝鮮之釜山者海口也與日本相對釜山之民  
向與倭往來互市無間有長子孫通婚姻者曰  
倭戶又曰麗倭時王昫久於位急棄政事其臣  
柳承寵李德馨輩邪諛得政戎事廢弛故日本  
石氏四一集 卷之九十七 文部

酋平秀吉乘之師起不兩月而封疆已失其半  
矣入王京其王昫奔義州告急於本朝乃拜兵  
部侍郎宋應昌爲經略將兵以勦之是時議者  
謂倭得朝鮮可以旦夕渡鴨綠內窺畿輔外撼  
山東皆舉手之易故勦之者不惟恤屬國亦以  
杜巨害而兵部尚書石星入沈惟敬之說使往  
倭營說封貢星之意以倭之所以蹂中國者在  
不得互市耳可以表餌代甲兵與之封號如北

虜西番以僭四夷來王之禮固無所不可而惟敬乃請張其說遂私許以帝女下降而其議兩抗而不入矣應昌薄軍平壤倭來博戰遂乘之斬獲頗多於是降議始有緒以詔旨宣諭之羅拜聽命去王京送還王子宮眷百餘口言者謂應昌不任乃以顧養謙代養謙疏上與朝議不合亦謝病去乃以孫鏞代是時小西飛者報命因請封上以倭尚屯釜山乃庭詰之小西飛石心四十集 卷之九十七 文部

稽顙曰留軍待封使非敢有它懷乃鑄王印遣臨淮侯長子李宗城副將楊方亨往封之是時惟敬謂功多可得專使卽不爾亦可介而兩不用宗城復執袴不諳事謾罵惟敬惟敬息有以困之且倭戀釜巢未肯輕去遂羈二使於倭營一載度其窘以危言惕之宗城棄璽書而遁朝議建宗城而以惟敬副方亨倭將行長清正始撤師冊使得渡海朝鮮陪臣從秀吉責朝鮮王

子不親謝及期引使者入見方亨前立惟敬捧印立階下良久忽殿上黃帷開一老叟曳杖挾二青衣而出卽關白秀吉也侍衛呼噪二使匍伏老叟頗加詬讓行長曰此天朝送禮人宜優待之始出就館次日宴冊使惟敬方發言撤兵通好秀吉卽怒曰天朝遣使封我我不敢辭朝鮮決不許和天使亦不須久留詰朝可卽發我當再征朝鮮耳二使行至耶古耶將渡海有酋賞秀吉書來二使謂謝表也發之乃檄責朝鮮列其三罪至釜山釜山倭營尚弱朝鮮將李元翼欲乘虛擊之惟敬不可乃私市珍異爲秀吉貢物以詭報而倭兵陸續渡海以行長清正與哥義弘將朝鮮避兵顛越本朝復議出師而兵已盡撤募者不至乃下石星於理時倭兵二十餘萬分五路而入不復掠財嗜殺唯據險守城爲久遠設施第敵本因糧朝鮮而朝鮮久遭兵

變公私無儲野谷未蕃故倭亦待秋而進鑛乃議設水兵於天津登萊以防其海道衝突自寧城至開城千四百里皆設兵守之據朝鮮形勢之半教其國兵以漢戰卽山以鑄錢因地以開屯亦爲久遠設施未幾鑛亦去而邢玠代楊鎬爲經理惟敬度不能得之秀吉乃乞朝鮮僧百計說清正終不得懼得罪將竄降倭玠乃密授南京守將楊元擒獲之惟敬恨元乃以虛實報石

四十集 卷之九十七 文部

行長攻破南原得拓林要路水陸並關入全州破守將陳愚衷遁時慶尚大半已陷全羅之南賊皆橫行逼王京玠尚未出山海關朝鮮惟倚藉經理鎬鎬駐平壤不卽進聞二城破始至王京漫無一籌是時朝議以朝鮮不自奮傲貴其王苟獎率三軍死守社稷當大發兵餉以助討賊如自輕宗廟竄伏草莽求緩須臾中國豈得代爲爾戍弗持兩端以悞機務朝鮮王具言誠

款請躬服縶韉以待指揮是時王京水路要害皆爲賊所得使其半絲陸牽制於南半絲水抄入於北則吾兵陷死地而倭犯旅順犯天津犯登萊無不可直踐中國第倭酋無雄略恐離海口易進難退故築營壘密芻糧令麗民納糧免戢愈爲久遠設施而我得待兵餉之集玠未抵王京倭遊兵先至全義館距王京止百五十里偏將楊登山牛伯英敗之斬其驍將葉一枝倭

四十集 卷之九十七 五 文部

氣稍挫玠至覬知行長營在釜山清正營在西生浦與諸將計曰我先攻釜山則倭據險阻我水陸失援必先破清正則可以盡步兵之力東至東萊機張北至慶州蔚山但必得水軍爲奇兵以牽其四顧而陸兵方可出所患者水軍弱耳乃合計步馬共得四萬餘并將高麗之軍萬餘以高策爲中軍李如梅爲左軍李芳春爲右軍大將麻貴同經理鎬自忠州烏領向東安而

趨慶州專攻清正然恐行長自西來援則令中  
軍扼全羅使不暇顧又摘三路騎兵千餘人同  
朝鮮之師繇天安全州南原而下命平壤一帶  
備行糧十二萬聲言大舉以搖其心分其勢水  
軍寡使暗伏俟戰鳴鼓爲疑兵倭敗遁則夾擊  
之盟師而發是時丁酉十二月四日也至二十  
日兵會於慶州知賊巢於蔚山蔚山之南爲烏  
山二山不甚峻而城依山爲固中有一江可通

石四十集

卷之九十七

六

文部

釜山其陸路則繇彥陽亦可通釜山麻貴將專  
攻蔚山分軍扼彥陽以絕釜山之援李如梅等  
斬獲四百四十餘遂逼烏山營遊擊茅國器又  
斬獲六百六十餘遂密匝四圍困之十日倭食  
盡汲斷至嚙紙飲溺并食以食善礮者而餘聽  
其餒死礮彈以碎鐵藥可一發傷兩人清正  
固守不下俟我之急詐以降請鎬信之疏報曰  
清正乞降臣不之許必當生擒以獻闕下老將

吳惟忠曰圍城必缺走而可擒也鎬叱之連十  
日行長援至然恐我師乘其後止抽精銳二千  
遍樹旗幟蔽江而下水兵寡故不足以禦鎬震  
懼議正月初四撤兵先一日輕騎遁去士皆奔  
竄清正襲之損失過半矣是時鎬罷歸三軍俱  
回屯慶州築濬以自固乃益召川廣兩浙之師  
而名將陳璘劉綎張榜鄧子龍藍芳威等皆至  
以爲世德爲經理玠以地理隔越山川險阻兵

石四十集

卷之九十七

七

文部

不可聚分爲水陸四路以李如梅主中麻貴主  
東劉綎主西陳璘主水合師十萬各守信地未  
幾如梅鎮遼以董一元代之世德猶未至玠卽  
於九月二十日進師是時倭據朝鮮七年于茲  
矣沿海千里分爲三窟清正仍據蔚山行長則  
據順天義弘則據望津泗川麻貴駐溫井當清  
正溪溝高壘時出遊兵以擾之劉綎駐水源當  
行長行長寨逼于海綎兵不能進乃誘行長出

會以擒之每期則單騎候於道行長信之而紆  
部下降倭洩其謀行長驚遁紆以兵迫之不利  
逾迫之遂大獲董一元當義弘躬往宣府募家  
丁未至裨將茅國器請以身當賊日有斬獲乃  
作檄諭之以攜其黨黨有離心乃俟一元至大  
舉後臨江固守勢若長蛇國器曰觀其形勢以  
星江爲首首碎則立破矣然晉江不可飛渡當  
以計得之邏騎得一婦自倭營來懷中出一紙

石山四十集

卷之九十七

八

文部

署曰此婦將度異域吾憐而贖之天兵弗害也  
未知我姓者令公之後埋兒之父問吾名者有  
或之口無才之按國器贊畫諸葛繡解曰此郭  
國安也以語叅謀史世用世用躍然曰郭國安  
華人也往與共在日本誓自効於本朝今在茲  
可以聞矣乃謀調之知義弘尚在泗川主望津  
營者國安也乃遺書約之於九月二十日伏火  
屯聚俟我師渡焚糧以應之至期如所約遂大

勝奪其營倭退守於泗川是日麻貴亦襲破永  
春焚其營壘積聚二十一日西破昆陽焚燬殆  
盡三營既破我兵得駐江南二十八日夜半襲  
泗川驍將李寧以先入失道陷沒我兵反爲所  
乘及曉我兵四集倭奔敗遂斬獲數百倭棄城  
奔新寨乃燒其東陽倉二十九日議取新寨卽  
義弘所居也國器曰倭雖敗而士尚衆併歸大  
營其守必力攻之不下而援兵四集往事可鑒

石山四十集

卷之九十七

九

文部

也不若先攻固城倭方挫未敢出救固城拔則  
新寨絕此長策也一元徂於屢勝掀髯曰疾雷  
不掩耳寨將不戰而下矣遂進師城幾壞而木  
槓破藥煙障目倭遂乘之我兵大敗奔潰國器  
欲死守望津而諸將已不能軍乃還星州是時  
陳璘率鄧子龍等扼海道倭艇不敢橫行忠清  
道有九龍島者不可燃犀裨將方日新過其處  
銃驚水怪一軍盡沒十月世德至王京乃移檄

倭營數秀吉之罪而嘆憫島民無辜八年暴露以感激之是時倭衆久思歸得檄心動值秀吉死其子金哥幼國中潛謀篡奪三將皆欲歸葬敢先發國器知義弘素怨秀吉可間也乃遣茅國科持世德檄齎金帛以見義弘郭國安從旁贊之義弘諾國安私謂國科曰國有大故勢當疾歸所恃者釜山數月糧耳糧盡當歸矣已而清正糧果盡告借義弘義弘不許清正乃先撤蔚山之師義弘行長以次而撤陳璘俟其渡海以水師邀之鄧子龍深入後軍火器悞中其帆檣遂戰沒我兵戰益力倭不善水戰且無鬪志遂大敗復竄於岸者爲陸兵所掩溺死萬餘斬首尚千餘級行長最後發師猶枉道爲劉綎所邀大敗之至是三路二十一寨悉蕩平是時戊戌十一月也我師凱還朝鮮得再有其國焉至庚子善後始畢大司農計度支自玠出凡四載

用餉銀八百餘萬兩軍資不與焉肱卒子暉嗣四十六年奴酋犯順乃勅王整軍協勦經略楊鎬於己未二月十一日誓師而發鎬卽故經略朝鮮釜山宵遁而罷者也起鎬田間識者曰無以謝遼士且不可使朝鮮聞也然事急莫敢言者鎬以詔旨發其師暉命姜弘立爲都元帥金景瑞副之率士萬三千人銃手居多朝鮮之習火器自東征始也其法以木爲牌並列如牆開穴置銃銃力頗猛鎬命屬於劉綎綎卽征東時大將也時當一面其道出寬奠與朝鮮近故使屬之而命遊擊喬一琦耑督焉綎之師頗有斬獲朝鮮再喪之餘稍知訓練亦能成軍虜覆他路將杜松假其幟以襲綎綎一琦皆戰沒朝鮮裨將金應河據山爲營嚴銃以拒虜中銃不退天乃大風揚塵銃不能發應河據胡牀持大弓射賊力屈而死弘立與景瑞舉軍降次年天

子下詔恤朝鮮之死事者命經歷程崙以二萬金往廷議又請以行人劉時俊往且駐義州以獎勵朝鮮士卒是時朝鮮使臣在京師以往者東征之役官軍頗暴其民請自奉勅齎資以往不敢煩天使且言殘敗之餘未能整衆義州之駐無益事宜本兵黃嘉善遂請令順齎勅資如所請而時俊駐寬奠寬奠則我境也非勵率外藩之意矣時俊辭遂罷其使是時奴嘗威脅朝鮮

石民四十集

卷之九十七

上

文部

朝鮮懼遂陰與通而陽調於我邊臣有言其餽鹽米與虜者言路以爲言王暉震恐乃表咎行人失辭請命專使并白其遂辭緩禍非敢陰餽鹽米疏畱中

日本近事考

日本稱王者自原氏歷橘氏平氏以至泰氏卽藤氏其秉政者曰關白 神廟初平信長爲關白雄雋能御下有秀吉者幼而賤勇驍辯才販

魚而醉臥樹下信長出獵馬驚欲殺之以辯而免養爲義子更名森吉每出戰無不摧信長遂據二十餘州殺其主而秀吉以賞輕頗怨望信長恐其叛乃令爲攝津鎮守大將已而信長爲部將所弑秀吉討平之廢信長之子而自立當是時乃萬曆十四年也至十七年盡并六十六州矣嚴刑以御衆狡智以誘叛故所嚮皆靡亦以是失衆心是年誘琉球不下脅朝鮮朝鮮遂入貢次年將自朝鮮入寇禁琉球弗我貢恐以洩其事琉球相鄭迴密以聞 上乃下詔責朝鮮壬辰遂自釜山掠朝鮮戊戌秀吉死始底定詳朝鮮考中

石民四十集

卷之九十七

上

文部

石民四十集卷之九十七

終



石民四十集目錄

卷第九十八

撫夷議志

石民四十集 卷九十八

文部

卷第九十八目錄終

石民四十集卷之九十八

防風茅元儀止生著

志

撫夷議志

明興三百年以威力制御四夷故 穆皇帝以前甘固延寧宣大六鎮專謀首功慎開貢賞獨環薊遼而處者爲三衛部落授官制俸略等內地雖種類潛移順背異政其爲羈縻終始弗絕

石民四十集

卷之九十八

文部

故遼之有撫非創也自東奴驚發諸虜狙伺朵顏之地爲哈喇慎泰寧之地爲插漢名曰西虜侵掠無常哈喇哈五營乃福餘之舊宿鄰東虜與女直遺孽雖殊種類常結聲勢故醜奴竊發其悖叛彌張旣失遼陽就賞無地情慄本同搖尾恢張遂詫信爭而西虜兩部亦遂變誑故撫王化貞始有用虜之議遂謂哈喇哈抄巴等五大營盟結于東插漢八大營効款于西而恢遼

之計倚爲軍鋒然實未得要領故逆奴西渡五  
大營有助逆於彼者而虎酋以內禦冰雪爲詞  
於是用虜之議見疑於天下然廣寧旣失虎酋  
欲聚兵十萬控凌山海誦折舊賞遂與奴爭廣  
寧而哈喇慎夷酋白彥台吉等欲約秦晉諸大  
部聚族而東以蕩奴穴其爲名皆忠款而情實  
巨測于是中外危之少傅王公象乾奮起曰虜  
不忘賞而叩關要挾則山海危薄我賞而連奴

文部

卷之九十八

文部

入寇則山海益危是斷當撫然撫不易言也臣  
自待罪宣撫以及制府和柔諸夷四十餘年素  
所煦沫而鞭笞者皆其大父行前移節西南舉  
帳號泣今欲羈縻以紆一日之急固無踰老臣  
者于是 天子欲倚之而中外益疑其靡賂受  
誑近災激禍少傅曰臣固知其難也請先言其  
五難而後言虜之可信者五其不可不撫者六  
虎酋元孽稱慙虜中分恭尊號召八大營控弦

數十萬兵恭強舊領撫賞於團山正安堡等處  
金錢萬利恭厚廣寧陷後故牘無稽勅事將吏  
在者止王牧民朱梅張定兩三人耳臆想約略  
遺缺實多虜貪而狡漫云額賞挾我必從有限  
金帛銘鑒庸可慎乎未利而先害此撫賞虎酋  
之所以難也十萬夷兵能吸風啜露乎數百酋  
兵肯枵腹垂索乎無財無賞募往募來可望夷  
狄乎遼左舊例領兵夷司來邊上者人犒蟒一  
段八布數十兩銀牌一牛羊米麵大約值五

文部

卷之九十八

文部

十金次者而下以及廝隸賞各有差諸夷日用  
舖食外折酒飯銀若干今可議格乎曩者來不  
過千夫長耳虜王率衆十萬貴介畢從八部名  
王聯鑣鎔趾虜之望必奢于格外我之賞尚靳  
于例中數來激怒何以示鼓舞作敵愾此犒賞  
虎酋之所以難也朵顏諸虜聞慙至邊必移遠  
逆奴叛將聞慙至寧必率衆以防奴兵整而狡

虎部悍而輕虎勝則廣寧可復不勝則慙必遁去渝關以外誰爲可守臣謂哈喇慎白彥等酋之兵可並用也今白酋率夷衆駐寧前一以壯虎慙後勁一以作渝關外藩而撫犒月費亦須視虎酋之半天不雨粟術難點金此繼虎酋後勁之所以難也進兵賞格罪撫王化貞與虎酋約平奴之後賞酋萬金八大部各萬金諸部夷兵先賞乾模萬金倘復廣寧祛逆賊於臥榻固關門于磐石似當照前議半給之而哈喇慎各部亦量議犒賞懸金賈勇勝氣自倍至於擒斬首功須金更多假令斬馘萬級則五十萬金臨時迫索其何以應之此賞功之所以難也插漢哈喇慎諸大酋同心効順或奴遂斂跡故巢第恐既得廣寧不耐畱兵遠戍奴必尾而從之徒滋勞費臣謂插漢賞在廣寧卽畱插漢及哈喇部各萬兵守之萬兵駐牧逆賊覘窺算測衆數

加我遊徼遁出廣寧寧前數百里間彌布山野渝關以外山若增而高塹若濬而深月給布米約歲費三十六萬似夥矣較今日募兵例歲費一百九十四萬四千有奇未及十二而司農仰屋露肘提襟此夷兵月糧之所以難也其他一切勞費絲紛蜩集是五難者持其槩耳然臣所謂難者以金錢難辦意見難齊非敢畏事之難而欲趨避之也臣計插漢哈喇哈諸部撫賞歲計二十萬按故事多半取足部發馬價而領兵犒賞進兵功賞哈喇慎之犒賞大約費三十萬金以守邊部夷二萬之月餉三十六萬總計非九十萬不可插漢去年秋賞未給通計之則百萬也而首功之銀不與焉輕輸百萬以與虜無駭聽視而以我兵較之僅萬人一歲之募資耳至其可信及不可不撫亦有可言先是廣寧初失虜相向而泣曰破我食器壞我砥道益金

繪甘脆惟中國是籍慮暨子若孫誰不是戀而甘心棄擲也可信一獸相食人且惡之逆奴艾除儕輩草管鄰封豈虎酋與諸酋所樂歟可信二爭雄競長夷部爲甚如虎酋漠北之王也奴以勞軋之虎酋肯下乎可信三我欲款虜以壯聲虜亦欲籍我以爲倚其欲助我以滅奴酋猶我欲制奴以款虜也可信四虎雖涵涵其部族之長慮却顧者無不以逼虎狼虞搏噬而亟欲去之也可信五我不用虜虜必去爲奴用其誰禁之不可不撫者一我不用虜廣寧之逆黨不可驅除根蒂旣固蔓延逼關其誰禦之不可不撫者二我不用虜虜聚族要我必從金錢繒絮如約則糴裝而北不如約必怒獨不能自計如奴乎方迫於東又挾于西將與之乎不與之乎必與之乎不可不撫者三我兵甫集氣猶未振借資二虜以養我全力持之用之奴不敢西向

卷之九十八

文部

文部

不可不撫者四農務正殷禾黍布野修築伊始苗插盈郊華夏貿易穰穰熨熨雖云偷一時之安羈縻有法獨不可引而長之乎有如宣雲三晉始順假三年之安固我壁壘孰意五十餘年未始踰盟微之往事不可不撫者五乘虜仰我收而撫之不失中國字小之體卽其陰陽叵測我亦因而陰陽之乍輯披猖乘時修備未爲失策倘要而後增不獨無以示恩且啓之寶壑疆事愈不可爲不可不撫者六夫可五信若彼六當撫若此利害判於毫末而臣猶惴惴焉難之何也從來夷情最重况全遼淪陷虜益輕我而又欲偕力自固則其情益重從來撫夷費煩况十庭畢至虜情紛沓而我又欲結其心使毋敢二則其費愈煩撫不從厚何以示羈縻撫不從厚何以裕物力舊例所載者咎已與之則難裁舊例所不載者今急需之又難斬臣所條列

卷之九十八

文部

文部

者皆出於諸臣傳說之口而無片紙隻字之足  
憑臣所待用者多至金縢百萬之費而無寸絲  
一毫之夙儲講警駕馭舌敝唇焦調劑縱操殫  
息畢慮勞耶苦耶臣之分也臣何敢辭惟是不  
貲金縢不獨身在事外者駭目驚心卽臣心私  
計亦未嘗不憚其費之多而難繼然計又出此  
者譬之醫然烏附聚毒舉世所知而厥證在寒  
用之則生不用則死用虜則安不用虜則危求

卷之九十八

文部

八

文部

安去危日夕軫臣方寸其誠也我受其實利其  
詐也我亦可僭其虛聲夷情一日安邊氓一日  
靜練士修備控險設防相次而舉况乎名義正  
國體尊非往代可幾幸漢唐之和親宋之獻納  
經費億萬僅求其不爲患非能用之以防患僅  
求其勿侵塞非能用之以保塞唐人以回紇之  
力收復兩京及其恃功跳梁子儀折之不過曰  
我甥舅之國也豈如今日臣妾乞憐頤指而驅

策之乎臣犬馬愚衷猶有進于是者奢安逞黔  
蜀妖賊逞鄒魯皆逆奴嚆矢之也千里征兵旣  
盡其力百方朘削又盡其財語云無衣無食雖  
慈父不能有其子宋魏齊梁燕趙秦晉雀符潢  
池脊脊息動不急收之獸伏鴟張不知其幾臣  
竊欲僭金錢以餌諸虜以靖奴氛以息民力以  
杜亂萌陽所經畫者若在一隅而陰所消阻者  
實在四宇于是天子可其奏下廷臣雜議期

四十集

卷之九十八

九

文部

三日覆奏樞臣集議奏曰款虜之不可已也微  
邊臣言之卽廷臣亦言之其不可長恃也微廷  
臣知之卽邊臣亦知之知其不可恃而姑爲之  
曰彌縫以濟此日也修築以備異日也邊務蓋  
殆哉臣奉詔會議隨單咨九卿臺省大率意見  
同而論稍枝有謂款可暫不可繼竟歸重於備  
者有謂款不可已亦不可濫或量加新賞者有  
謂款不可輕尤不可驟宜因其効力以次給與

者有謂虜不款叛款亦叛宜以賞金養死士者臣因合衆議諦思歲犒之額邊臣業有成說百萬之數西虜視在囊底倘靳不與因羞生怨轉向爲仇淪關安危介在呼吸以賞金養死士上策也但養之未豫難濟燃眉竊謂此時舍款虜無禦夷者臣第願邊臣與虜約曰奴吞南北關同類相殘旣覆有前車蛇豕薦食豈惟我之侮亦爾之憂今爾受恩當報自謀亦當審爾能殺

文部

卷之九十八

十

文部

其叛臣賞若干能復其土地賞若干能哨守廣寧寧前諸處母使奴得鳴鏑西向賞若干犒之有名馭之有法百金萬錢庶不委逝波以飽豺狼之腹臣又願與關鎮文武諸臣約曰前賞一歲爲期若以金錢假日爲修譁計畢歲之力增險要勤訓練謹斥堠明烽火內備旣修外侮自杜則用虜可不用虜亦可我不用虜求爲我用則多賞可少賞亦可若姑籍了旦夕蹉跎優

游金日出而不返例日增而無已將職業安在惟諸臣老成壯猷無庸過計而臣部猶惓惓者非常之原黎民懼焉尾閼難繼犬羊巨測異日皇上責臣部採款議以談朝廷臣責邊臣操款議以悞臣部嗟噬臍之何及矣督臣將百萬之數備細臚列除舊額及瑣數不具論其謂去年秋季未領應補賞銀十萬兩是今年補領則賞明年則否其謂哈喇慎夷兵賞銀十萬兩是助

文部

卷之九十八

七

文部

兵則賞不助兵則否其謂譁折夷使啖食犒賞等物約用銀十萬兩則譁款之初則賞款後則否其謂插漢進兵賞銀十萬兩是進兵則賞不進兵則否其謂朶顏等夷兵三千防守關者歲該月犒銀六萬五千兩又謂插漢哈喇慎二大營防守廣寧寧前夷兵二萬名歲該月犒銀三十六萬兩是來守則賞不來守則否實有其人則賞無其人則否此數十萬者雖先時預擬然

賞給猶得臨期斟酌議甚便制曰可是時大司農置乏金錢不時發于是經略王公在晉疏曰山海關原備西虜非備東夷向隔三韓風馬不及萬曆初虜衆犯遼直抵關下又越數年虜衆大舉驚潰薊鎮故本關民即有西虜不知有建酋西虜向稱巨敵化爲藩籬徙東跡臣所履南海口至橫嶺邊長八千五百七十六丈一片石至黃土嶺義院口石門界邊長一萬三千三百十二丈何處不可入犯何處不當固守虜如不靖卽添兵一二十萬添餉四五百萬東至西應無救空疎乃知無形之險固于人心先事之防周於人事雖有智者必不能舍款虜之一策第因款虜而忘備不可因款虜而修備則化無備爲有備矣俗西虜以守關不可使西虜之不攻關則化有患爲無患矣今石門義院口虜皆與我設帳前屯之虜離犬未能必嚙賊然賊至

而犬吠亦黑夜窺牆者所望而走也東夷可犯之處止一片石黃土嶺遶而西則漸入虜地而馳羊腸九折之坂矣惟是虜情何嘗見利而嗜虜嗜金而奴括什遼民之黃金以餌之彼以精鏐我以敗繪彼以實惠我以空言豈惟憑虜抑且自愚也唯陛下念之當是時廷臣言當撫者十八九而獨以虜爲兵責虜以守虞兵不可使而地遂以委虜然虜實不能爲我守也天啓二年十月十六日撫夷叅將朱梅報哈喇慎大酋伯顏台吉送坐門帳房三百精兵一千至廣寧道僉事萬有孚報抽酋助防之兵已至大凌河將抵中右所候布信地十二月初四日又報撲免諸男及青等率兵東至錦義西至寧遠大約諸酋來兵就水草於諸空城城外而亦有巢窟城中者其分布防訊大約如往之坐門而夷帳稍增焉旣而奴棄廣寧墮右屯而去虜欲以爲

功我先謀知之以語虜虜無以應廣寧遺孱弱  
千餘虜欲取之以爲功我報曰誠真夷賞如約  
殺遼民抵無宥虜遂詘吾師亦漸出守寧遠諸  
夷皆退屏境外如坐門故事闖入者以盜論而  
撫事告竣於是王少傳疏曰臣職任封疆不能  
躬提一旅收復兩河以仰慰我 皇上霄旻之  
慮臣之恥也虛糜金錢倍力驅毛幾幸不可必  
得之事臣之所大懼也顧度吾之力屢潰之後  
必不能戰度吾之時震鄰之會又必無暇修戰  
事機安危介在呼吸不得不用款以救燃眉顧  
脩款修戰可也恃款忘戰不可也今日之款既  
欲收西虜又欲制東夷今日之戰不獨制東夷  
且兼欲制西虜顧戰之途一而款之途多有款  
而款者有不款而必不可不款者有可以款可  
以無款而終不得不款者有款之未必有益不  
款遂以激禍者有陽以款誑我而陰以搆結奴

卷之九十八

文部

文部

者有心實忠順願附于款而勢不附於心者混  
而無別則藏奸分別太過則露隙寬以收之慎  
以防之真心內附者吾以實收之脩名冒賞者  
吾以虛糜之期以搆奴交厚我勢已耳虎腦抽  
拱諸部與朮顏哈喇慎叩關保塞者也是不可  
不款者也哈喇哈炒煖喇與奴通是不可款者  
然亦不可不脩名於款以佯示招懷者也宰賽  
久繫奴營患奴灼骨遠徙漠北是可以款可以  
無款款之必且盡力爲我用者也卽云諸虜之  
款未必能爲我用而不款則必爲奴用爲我用  
未必能制奴而不爲我用必轉而從奴是又一  
奴也款則外可紓禍于遼不款則內且貽禍於  
蓊然苟恃款忘戰奚啻無以制東奴亦且無以  
用西虜內地齊民且生戎心不觀之飼犬者乎  
左持餌右必持挺無餌將掉尾而去舍挺且信  
然而起此戰款互用之說也樞輔評謀遠略開

卷之九十八

文部

文部



誠布公人必詢事必親井竈壁壘心無不周優  
隆大將噢咻士卒情急蒸黎又日分遣贊畫諸  
臣教練各營分陰是懽威明信義遠乎漠北諸  
虜望之儼若神明虜廷之有台吉猶中國之有  
宗室也臣奔走塞上幾四十年曾未見有台吉  
進塞投見者樞輔諭帖一傳而抽扣遣三台吉  
入叩輔臣於歡喜嶺蓋從來未有之事也輔臣  
之忠信行於蠻貊內飭戎兵外脩款撫合夷華

文部

卷之九十八

文部

文部

之全力以芟夷逆奴之小醜鴨綠之妖氛黃龍  
之窟穴從此掃蕩之廓清之計日俟矣于是中  
外人心始安而用賂百萬說遂布乎天下或者  
以糜金錢少傳曰是不知度支經費也復疏曰  
臣前疏贖列當費一百二萬九千兩今天啓二  
年兩防竣共用過銀七萬六千四百八十四兩  
四錢六分六釐原議者如彼其多而實用者若  
是其少則以插漢大八營哈喇哈五六營三季

額賞共銀三十萬兩內哈喇哈尚未叩關必待  
其款而後用之未款則否視師之月犒六萬五  
千兩必待坐門夷人俱至而後用之不至則否  
進兵懸賞銀二十萬兩必待進兵斬獲逆奴恢  
復舊疆而後用之不進則否夷兵每歲月犒銀  
三十六萬兩必待取復廣寧而後用之未復則  
否又如虎墩廣寧背約應領季賞者三而臣等  
勒其二開科之賞亦并勒未與計今所用者僅

文部

卷之九十八

文部

七萬六千有奇臣原請百萬有奇者預擬應用  
之款而七萬有奇者核據所用之實若齋裹喫  
食十萬兩則以九邊大部名王環列薊遼宣三  
鎮邊外者十之六七加以朶顏三十六營狡黠  
難馭而其巢穴更近郊關逆奴方以重賄婚媾  
誘結諸虜今也既欲攜東虜之交又欲借西虜  
之力問餽招徠往復講譬用謀行間機非一端  
強梗者不得不啗之以籍其口恭順者不得不

優之以勸其來援舊乞新夷欲難厭朝三暮四  
操縱隨機皆籍賞以爲緣縱費宜從寬必不可  
省者也其停勒虎酋二季額賞并閱科之賞屈  
於一時之警服雖未敢信信而爭恐犬羊之性  
終未肯忘情既投之骨又視臨時所講處大都  
撫夷一事難從難法斟酌秤停如飼虎如養鷹  
時其喜怒觀其饑飽遊環而善用之不可拂其  
情亦不可滿其欲未宜執一歲之例較以爲常

文四十集

卷之九十八

文部

者也於是 天子嘉之議者稍息而次年諸夷  
助兵盡撤犒亦遂止止於舊額稍增賞物而撫  
額遂春秋各約十萬又次年春如之其秋哈喇  
哈沙巴宰暖卜五大營叩關遂額爲十五萬而  
竟以三十萬爲一年之額先是甲子春王少傳  
以喪去諸議者尚未息瀕行入告曰咎漢庭諸  
臣縉紳之儒爭言和介胄之士爭言戰今則反  
是武夫怯而甘和文吏激而快戰臣又襲江都

長沙之唾餘堅言款極言其不可不款世且以  
怯畏爲臣訛然臣任封疆寄身生死利害之場  
援酌今咎參驗彼此孰不欲一戰滅奴而以力  
以勢既所不能含款而外無可應急臣因毅然  
任款蓋欲借款以修戰非恃款而忘戰也臣聞  
天下有治人無治法罕字羅勢之入寇也臣以  
款收之揮漢虎腦諸大酋之尋盟也臣以款縻  
之哈喇哈沙暖宰賽之媾於奴也臣以款撫之  
則素之欲寒盟已貢也臣以款來之譬之養虎  
飼狙因所欲以調其性而已舍款不用猶如噉  
嚙之馬絕御斷轡尚可馳之驟之爲我用乎臣  
去矣後來撫虜者果肯循其塗轍諸夷自可恬  
于養養不然而烏窮則喙獸窮則攫終必傾全  
局逆奴非我屬夷乎馭之不得其道今日責地  
界明日責木材十餘年間相尋無已結恨刻怨  
一發燎原竊據三韓流毒四海延及蜀黔以迄

鄒魯梁趙韓魏秦晉曾無寧宇殷鑒固不遠矣  
樞輔每語臣曰今日之款邊方日用而不知舉  
朝日用而不知天下日用而不知亦足徵矣於  
是中外之議遂一

大白一集

卷之九十八

文部

石民四十集卷之九十八

終

石民渝水集六卷

〔明〕茅元儀撰

明崇禎刻本

北京圖書館藏

石民渝水集序



當天啓癸亥僕奉

徵書起家蓋是時役渝水者十  
無一還僕顧瞻墳墓俯瞬妻孥  
俱付之遼東霍矣乃竟恢遼西

石民渝水集序

四百里而始以忤璫罷罷之歲  
爲丙寅至八月抵舊京私第始  
卒渝水之役其間得詩六卷文  
於蓮幕使車公牘爲多別有集  
而其詩則囊句中所謂先燒出

塞詞者也其言一入目如見復


弼懦將氣蓬蓬欲燒泥垣每思  
付祖龍然抗衆議以開故疆定  
國囂以固軍志雪茅以待還俘  
天幕以共燒羊依依在目不可

石民渝水集序

忘也針芥旣入水乳無間撫松  
而成密謀臥月以圖大計耿耿  
當心不可忘也指麾而水犀畢  
集咄啐而武庫如山匹騎胡疆  
孤航海外宛宛如見不可忘也

則從殘燼之餘復圖置罍之計  
題曰渝水集

逸史茅元儀止生父題



石民渝水集

石民渝水集目錄

卷第一

偶題 題如公睂菴草堂 子陵釣臺

少年 阻風京口隔江寄內 別內 淮

北 渡河 過鄒魯卽事 辛酉渡汶水

有所見賦得馬上佳人渡處逢癸亥復渡

感而成此首三 紫衣歌妓避輜軒柳下

將軍營和高陽相公韵 盤山和來道之

石民渝水集 卷一 目錄

叅知韵 湯泉和高陽相公韵 奉命赴

渝關孫相國軍中首二 遵化道中寄內

聊蕭 彩虹閣詩爲康水衡賦水衡德涵

太史孫也藏賜書于其處 沿塞東行

寄內 過首陽山 宿昌黎公署有述

夢 記店家壁上詩 出渝關寄內 和

孫相國九日登前屯新築宴集以六月菊

代菊次韵 和孫相國過中後所次疊前

韵 和孫相國過中右所次再疊前韵

和孫相國過寧遠次三疊前韵 和孫相

國自連安諸山至罽笠山葫蘆套次四疊

前韵 和孫相國過覺華島次韵 和孫

相國佩月亭次韵 塞外道中孫魯原折

花爲蓋戲作和之 和孫相國過溫泉追

和唐文皇韵 前屯趙將軍歌 和孫相

國閱寧遠塞過湯泉次劉侍御韵首十 和

石民渝水集 卷一 目錄

孫相國閱仙靈寺諸邊障遙見諸將爲獵

次韵 和孫相國旋前屯大風雨次韵

鹿伯順初度時在遼西塞外 宿大紅螺

山下 和孫相國中右所不寐次韵 和

孫相國望團山營次韵 和孫相國過延

安堡次韵 前出塞次高陽相公韵首十

卷第一目錄 終

石民淪水集卷之一

防風茅元儀止生著

偶題

溪壑高林何所求  
閒檐天地擔頭愁  
何時得遂  
尊周志抗手一言心便休

題如公肩菴草堂

澹紅香月不尋常  
掛錫何妨村市傍  
池未放生  
先種芰堂餘隙地亦栽桑  
祇因見熟人忘羨若  
石民淪水集卷之一

到他年思未央  
試問畫公焚草處  
當時詩價可  
相當

子陵釣臺

濁世勞勞嘆爾清  
至人何意得高名  
當時大業  
非炎漢那得披裘畢此生

少年

少年四海結同心  
老大披襟臥密林  
宿將邊頭  
寄雕羽畸人雲外擲黃金  
異書校過猿來領方

藥成時雀慣尋  
不受婦人憐  
一飯剖符何意到

淮陰

阻風京口隔江寄內

醉客當歌興不豪  
荻花江雨自蕭蕭  
廣陵千尺  
濤休阻私謝東風笑伯勞

別內

鹿門山上掩雙扉  
濯罷攤書送落暉  
忽有徵車  
問菰藿恰當吳楊對薔薇  
五湖去早誰金鑄九  
石民淪水集卷之二

月還遲寄絮衣  
依舊賃春吳廡下  
時平倘許賦  
噫歸

淮北

計行淮北二百里  
夢遶吳山凡幾回  
料得空閨  
亦頻夢相逢應在大江隈

渡河

三十年來七渡河  
扁舟每柁急湍何  
離家千里  
心如沸反怪安流萬里多



過鄒魯卽事

驅車過廣原絕徼在田園雞犬嘶戎馬絃歌起  
戍屯新蒿榮燐火敗竈餒遊覓行樂當年日何  
人信此言

辛酉渡汶水有所見賦得馬上佳人渡處

逢癸亥復渡感而成此 三首

馬上佳人渡處逢三年彷彿想遺踪分明一水  
牽長鏡疑有波光寫照容

石民公大集卷之十一

其二

馬上佳人渡處逢垂楊影裏水淙淙雙眸斜溜  
同心結不數西泠幾樹松

其三

馬上佳人渡處逢此來重渡意憧憧若還一渡  
一相見擽得風塵不負儂

紫衣歌妓避轡軒柳下

鄭東門外迴長袖駟馬停岐筭所知何事偏依

垂柳下故添煙月與柔枝

將軍營和高陽相公韵

未歌杖杜敢言勞倚瑟提壺秋正高但見普天  
同皎日不知何路向雲霄

盤山和來道之叅知韵

削石成雲煙劃雪成岫嶺身扶日月躋自與天  
爲迴湍泉吼幽澗性寒響不冷聲色非人間鬼  
神豈能梗

石民公大集卷之十一

湯泉和高陽相公韵

萬里徵書一劍裝溫泉正沸月纔涼當樞冷眼  
知難洗且爲閒人澆熱腸

奉命赴渝關孫相國軍中 二首

頻下徵書到草廬自慚猿雀久躊躇十年還負  
雙龍劍一日何當駟馬車不脫白衣聊偶耳出  
叅黃閣卽歸歟灌壇老令終勞卜早畢區區穩

釣漁

其二

當關已是一流人  
檠戟森森盡寶臣  
豈有訐謀增勝算  
祇教志士感溫綸  
畱來一劍長爲伴  
草就千言未敢陳  
珍重聖恩羞莫報  
男兒何事欲圖麟

遵化道中寄內

荒荒落日古城東  
萬樹秋暉萬樹風  
寄語空閨休見怨  
酬恩非爲望彤弓

石民泂水集

卷之五

五

聊蕭

聊蕭短夢不成眠  
半榻西風月在天  
夢裏相思思似夢  
不須隨夢到君邊

彩虹閣詩爲康水衡賦  
水衡德涵太史孫  
也藏賜書于其處

日雨互爲勝長虹  
引天半陽采鬱不舒  
流光生絢粲伊人笥  
異書溢言成藻翰使  
同陽晷昇萬品生雄  
觀密林深菁間迴環  
隱秀幹山根何綿

綿毓萃在茲畔從之苦無津引領發長惋

沿塞東行寄內

塞上山奇麗江南似不如問耽山水者癖尚向同余

過首陽山

卽孤竹故封俗傳爲首陽山

遼衄于今幾淚揮  
驅車忍過首陽磯  
悔遲一出存商祚  
輸與如熊自采薇

宿昌黎公署

有序

石民泂水集

卷之六

六

昌黎韓退之故郡也爲永平屬邑有邸舍在郡余奉命赴榆關偶宿此感賦

當年平蔡幾元戎  
二李韓弘盡世雄  
暫輟中書猶席煖  
已看幕府奏敷功  
遂令儒雅昌黎子  
亦附鴈揚裴晉公  
今日書生重惆悵  
君王久矣飾彤弓

述夢

雲岫霞裾俛不前  
飛瓊簇擁渡河邊  
當時何處

曾相識今日相逢第幾天

記店家壁上詩

春風拂拂集蜂房  
苑藥初成空自忙  
種就好花人不賞  
誰家移去鬪新芳

出渝關寄內

萬里趨岩塞  
三軍發玉關  
何時清漠北  
同上鹿門山

和孫相國九日登前屯新築宴集以六月

石民滄入集 卷之一 七

菊代菊次韵

高城軍宴壯岩關  
六月花驚九月攀  
久抱晚香經日月  
故畱芳色潤河山  
以公釣渭耕莘意  
容我莊周管仲間  
轉盼封疆歸尺籍  
好教海燕及時還

和孫相國過中後所次疊前韵

絮飛方始度渝關  
秋擁高城許共攀  
雉堞忽成疑吐  
蜚旌旗不動  
咤如山  
草花咽露垣  
牆上兒

女孤燈啼笑間  
洛社初成觀厥政  
和恒正倚暮

思還

和孫相國過中右所次再疊前韵

六月行師兵度關  
卽今天塹費躋攀  
受降三壘開  
封域鄴善諸城在  
舊山壯士死綏杯  
酒內名王生繫笑  
談間千秋共仰公  
新築豈似沙堤一  
往還

和孫相國過寧遠次三疊前韵

石民滄入集 卷之一 八

久虛揆席度危關  
故壘新歸客共攀  
耀日銀槍雲作陣  
排天玉浪海爲山  
兩年腥穢芟除盡  
一代中興指顧間  
夷夏總收襟帶內  
名王未許得生還

和孫相國自連安諸山至翠笠山蒟蘆套

次四疊前韵

百戰封疆剩一關  
重圖阨塞歷躋攀  
海天日湧開新城  
夜月濤歸咽故山  
烽燧依然荆莽內  
人

家若在黍離間醫閭一望皆吾土長白峰頭始  
凱還

和孫相國過覺華島次韻

覺世應生間世才千濤一葦自雄哉旌旗振疊  
連天海羽扇從容闢草萊宿夢十洲知有待從  
軍萬里似歸來英雄業就應回首碧洞青岩豈  
浪開

和孫相國佩月亭次韻

石民滄入集

卷之一

九

晉聞賓從庾公樓今日相隨上此丘紫塞尚聞  
縻表餌白衣何敢問滄州三千珠履雲中擁十  
萬水犀風正適那得舳艫橫海蔽從公擊楫向  
中流

塞外道中孫魯原折花爲蓋戲作和之

關山風日入秋佳極目空閨萬嶺遮折得一枝  
擎作蓋囑君休認隔簾花

和孫相國過溫泉追和唐文皇韻

靈泉新手闢感槩駐飛旌心焚因懷土啣哀遂  
沸聲洗羶千載淨挾纊一身輕噴沫同春澤澄  
潭待日明唐皇與漢相地脉爲重生

前屯趙將軍歌

各率教

威策一聲天地黑沙月胡鵠舞勅勒將軍雕羽  
下雲霄胡馬趨趨人失色胡兒日夜射黃羊一  
片脂燒百帳香十日風高羊不得名酋左部盡  
傷皇將軍禾稼與天齊前場後圃東復西饑胡  
望見馬嘶蹄欲來又恐衝駭犀躊躇背裂相對  
啼將軍戰馬櫪中嘶高城無事烏夜棲卽今狹  
路直千里分付行人任帶齋

和孫相國閱寧遠塞過湯泉次劉侍御韻

十首

嶄絕通星斗潺湲逼海洋陽回從直北泉噴沸  
如湯澄底懸千日溫波潤萬方腥氛從洗盡我  
欲問滄浪

其二

荒野前旌駐居然山水間  
幔城風謾謾霧壑澗  
浚浚清響海音澈安流絕  
徼閒焚腸應益熾臨  
照惜紅顏

其三

煙光能躡轡碧落貼長旌  
徒御驚雄槩登臨自  
勝情春風寒澤上暘谷  
冷時明城郭新生聚歸  
鴉繞樹鳴

其四

冷澗洋春水翻疑楓樹霜  
蒸雲生造化似雪舊  
肝腸旣濯三年穢重開  
五百荒謳歌還野戍新  
日在扶桑

其五

海闊魚龍靜原平雲樹深  
披襟疑舊隱引轡入  
幽林大戟爲筇拄戎衣  
俯檻臨三軍疑共續此  
際有遐心

其六

霜色依天外秋沙揖海平  
細流堅燠性含蘊有  
深情陽德畱生氣和光  
民大名王師非好殺天  
意示箴銘

其七

劍裝來萬里到此忍言歸  
雲湧蒼龍躍風高黃  
鵠飛羣鳧溫渚浴衆鳥  
煖林依是日方揮手初  
心自不違

其八

島夷皮服缺于此築烽臺  
方紀旆常績俄驚胡  
馬來天心非好亂大業  
欲重回不俟恭耶拜甘  
泉久矣開

其九

龍臥嗟經歲蟬鳴不耐秋  
人間花作錦天上玉  
爲樓冷面羞魀癘寒心  
獨抱愁春從天末轉傷  
水一邀遊

其十

巖隱寒沁骨不肯傷人籬于邁從軍樂安知我  
馬遲溫泉新沐澤定遠舊心期柔翰羞難報前  
茅問屬誰

和孫相國閱仙靈寺諸邊障遙見諸將爲  
獵次韵

秋原寂寞畱孤寺十日馳驅敢謂疲勝國殘胡  
依絕徼中山遺事在豐碑射雕名手天山上逐  
石民渝大集卷之一

免雄心渭水娛大業卽今憑選將老臣未欲當  
龍影

和孫相國旋前屯大風雨次韵

大麓于今動迅雷幽燕王氣逐東來漢家將相  
開基業小築俱瞻梁棟材

鹿伯順初度時在遼西塞外

聞道懸弧在此辰中興經畫沸風塵常情倍念  
勞生我今日知君不媿親一紙諫書終聖美

三年戎馬答 冲人霞觴瀝盡無私祝遼水安  
流萬國均

宿大紅螺山下

月色遲遲暮角催荒荒極塞冷天垂不須更說  
些兒事一晌低頭悄自知

和孫相國中右所不寐次韵

寒色侵幃可奈何宵長夢短惹愁多披衣起問  
雙雕卒壯士何時始渡河

石民渝大集

卷之一

十四

和孫相國望團山營次韵

落照遲遲戀小山羣峰簇簇水灣灣悲笳暮動  
嘶征馬不許鄉心入夢間

和孫相國過延安堡次韵

海勢平來山幾灣蕭疎高樹塞雲間雕弓未掛  
心餘熱枯管休催鬢色斑

前出塞次高陽相公韵

十首

萬里撲塵來兵火連年遍九垓今日旌旗

都一變謀人飽看算輕回

其二

桃花駒小帶霜嘶絳葉波羅狐夜號早起屬夷  
傳戍卒胡兒乘月竄河西

其三

前排大戟與長槍更有貔貅擁道飭豈是威儀  
偏漢相如林何處不嚴防

其四

石民渝水集 卷之一  
滿天風雨半天秋午夜征人攬敝裘寶劍淬來  
猶未試閒閨休問大刀頭

其五

新調良家氣若雲爭先躍馬淨胡氛早清沙漠  
歸綸閣 天子明年閱六軍

其六

解辦歸來喜舊山更逢上相得親攀島中不少  
田橫客還告明庭啓 聖顏

其七

奔騰壯士龍駒馬技癢書生露布文何日齊酬  
文武志翁歸歸去好耕雲

其八

霏霏零雨草斑斑出入胡疆漢域間將相勲名  
伊呂冠可曾驅頓損紅顏

其九

石民渝水集 卷之一  
堂上三千誰報恩躊躇無語月黃昏依稀雪夜  
平淮者名位何曾足比論

其十

新築新民新爨煙重來重遇月當圓一天秋色  
爲幃幕萬姓謳歌當管絃

石民渝水集卷之一 終

石民淪水集目錄

卷第二

和孫相國後出塞次韵十首 和孫相國平

川營示諸將次韵 和孫相國再過充隱

堂次韵 和孫相國再登望海臺次韵四首

和孫相國同過白塔峪次韵 送滿憐

丹副將軍出鎮寧遠次鹿伯順職方韵

將軍石次孫相國韵五首 病去四首 喜宋

石民淪水集 卷二目

獻孺省覲還塞幕 壽鹿太夫人 渝關

酒殘憶舊京 渝關甲子立春和獻孺韵

甲子正月初三夜宿中前所夢王季木

題馬都護蒼鷹搏兔圖次高陽公韵二首

新闢寧遠人日隨高陽公移鎮 寧遠

夢譚友夏 和高陽公人日抵寧遠有作

示同行幕寮次韵四首 和高陽公寧城雪

夜撫松訪幕寮同滿將軍論邊次韵二首

寧遠上元 春懷次高陽公韵八首 邊夜

聞大凌河捷次高陽公韵五首 寧遠夢

夏長卿得詞微涕淚交向寤而成之 三

過白塔二首

石民淪水集 卷二目

卷第二目錄終



石民淪水集卷之二

防風茅元儀止生著

和孫相國後出塞次韵 十首

甌脫羣夷不到寥空日月俱閒憑取一時杖履

重開百代河山

其二

大海西流澎湃百泉回繞潺湲試看朝宗天意

依然突阨重關

石民淪水集

卷之二

其三

鳩杖扶攜南向弓鞋踏破西還詎獨漢朝金鑄

幾多楊氏玉環

其四

騰舉半天黃鵠愍慈宿世青羊戲下誰何學步

遠人豈患無梁

其五

毳帳淡脂濃粉生駒草白沙黃降虜涎流甘酪

款夷蹠獻肥羊

其六

不問胡山三宿但憑漢月高懸擅幙健兒分睡

小輿支枕當眠 高陽公近事

其七

烈士肝腸似鐵懦夫頭項如金一自元揆出塞

頓生上將雄心

其八

石民淪水集

卷之二

水卒乘風鼓檝騎兵冒雪披氊但看士騰將奮

何須雲候星占

其九

繡臂牙兵奔放雕韉大馬縱橫踏遍故疆千里

繫來酋首成行

其十

三世主恩未報十行溫詔驅來遘會南山瞻止

主臣東閣常開

和孫相國平川營示諸將次韵

凍塞荒天莽不分，橫空如陣亘長雲。  
快蹄風急難安握，健翮霜深易出羣。  
輦上計謀曾到否，漠南誰在可堪聞。  
兩河歸後歸三徑，肯向司勳望策勳。

和孫相國再過充隱堂次韵

極塞盤旋歲月深，其如瞻望淚難禁。  
平章原是書生業，戎馬依然隱客心。  
風曲樓邊霜草白，雪

石民滄太集 卷之二

三

纓天外海雲沉，東山久矣勞姬旦。  
不負當年抱膝心。

和孫相國再登望海臺次韵 四首

衝寒飛轡再登臺，天爲驅雲淨洗埃。  
一偕鯨波清虎穴，投鞭隨地是招徠。

其二

靜月驚波望海臺，軍中笑賀得殊材。  
驕騎蕃馬涼州士，個個齊跨陣裏來。

其三

自從書劍學從軍，叉手長思邁出羣。  
今日滄波肯相偕，敢辜隕昴示星文。

其四

左臂遼西護漢京，好尋天險築重城。  
一千里內歸輿版，十二州中唱太平。

是時議築寧遠重關後不果

和孫相國同過白塔峪次韵

重驅匹馬按胡山，雲正蒼蒼草正斑。  
僧定千年

石民滄太集 卷之二

四

何日起地歸一統，恰如環共瞻無縫。  
玻璃塔藉樹羣才，虎豹關異日蓮臺閒。  
問訊爲言曾此一躋攀。

送滿愔丹副將軍出鎮寧遠次鹿伯順職方韵

十載空山梁父吟，快看絕塞爾先臨。  
報恩雖有三千客，獨許同懷一片心。  
蕭相算教專美咎，淮陰應使不如今。  
紅螺峰下盟天語，異日功成好

細尋

將軍石次孫相國韵 五首

壁立雄關萬虜驚  
縑繆寒幕敢西行  
狂瀾獨障安天下  
不受人間砥柱名

其二

萬岫千岩撲紫宸  
漁陽猶自沸胡塵  
孤峰一被將軍號  
山後何曾有虜人

其三

右民水集 卷之二  
一丸自可封函谷  
萬虜遙瞻疑漢兵  
私笑秦松無一事  
無端亦受大夫名

其四

孤岩猶似望夫然  
美女墳高自管傳  
一片雄心亦化石  
肯教勲業付秋煙

其五

醫閭幽土獨稱尊  
今被胡塵隔玉門  
好借將軍重洗刷  
半天峰嶺籍兒孫

病去 四首

病去方知身自樂  
時平始見隱爲恬  
算教白髮羞戎馬  
好剩紅顏對鏡奩

其二

紅顏紫塞綠沉槍  
白髮青山碧玉觴  
猛省少年容易盡  
肯遲勒銘誤東牆

其三

右民水集 卷之二  
少年猶負棲霞癖  
勒銘于今望幾人  
鵲印若移鴻冥志  
空慚北海久垂綸

其四

垂綸何意欲封齊  
鴻冥高懷終不迷  
健劍好憑酬聖世  
豈勞明主復聽輦

喜宋獻孺省覲還塞幕

之子牽絲久寧親  
非浪遊孝聞當勇陣  
職乃在溪籌食藿同  
危論垂紳豈忘憂  
攬槍應掃盡山水  
恣吾謀

壽鹿太夫人代

帝羅何蔓蔓香翠滿高木瓊章滴玉露孫枝共  
欣沐不少鳴珂人誰爲備介福鴈族集行行鳳  
野羣翩翩舖帳行慶杯五葉次第伏青鳥報西  
母不數桃三熟

渝關酒殘憶舊京

牛首酒人今那在甲寅在牛首爲竹林之遊俱一時名彥秦淮社  
集有謚賡已未作秦淮大社會詞客三百人十年往事同殘夢

石民渝水集卷之二

檢點風流付後生

渝關甲子立春和獻孺韵

軍中蕭散白衣尊慙媿重經物候溫豈爲求勲  
張敵愾恐長坐嘯忘君恩敢當漢相無雙目幸  
際明朝第一元三百六十年爲一元天啓甲子爲下元之首本朝初際  
笑倩東君無別事時平尚許老丘樊

甲子正月初三夜宿中前所夢王季木

宛爾披襟對殊忘萬里人相看仍慟世無語及

謀身冰合踪狐尾春行先鴈臣平生詠征戍羸  
得此時真

題馬都護蒼鷹搏兔圖次高陽公韵

二首

不負調鷹手甘同獵犬行自矜偏眼疾未許任  
縱橫

其二

未共冥鴻遠平原且試雄一朝三窟破健翮好  
凌風

石民渝水集卷之二

新闢寧遠人日隨高陽公移鎮

長安歌舞度良辰人日危邊有幾人胡雪滿空  
迷日月漢官到後識君臣重頒寶曆知殘臘尚  
剩椒盤消首春訝家家都貼勝今年勝虜凱  
歌新

寧遠夢譚友夏

君行將五載昨夕到遼西莊謔仍相半寒暄竟  
不題彈詩爭字句尚論推高低無計畱君住歸

途夢或迷

和高陽公人日抵寧遠有作示同行幕寮

次韵 四首

久忘休與咎此日復占人但獲能勝甲終期報  
所親戍歸寬妾夢疆闢浣胡塵化日人人被歡  
聲徹玉宸

其二

客心嗟節序况此殫殘人未脫犬羊類誰憐板

石民詩大集

卷之二

九

蕩臣風塵迷改歲涕淚望同春岱礪懸如日  
王豈愛嘖

其三

恰直人爲日驚看此日人旌旄兒女膽桃李婦  
姑脣腰帶今朝重絲綸昨夕新如何偷食息出  
處愧君親

其四

年年逢是日輦感媿爲人一劍未酬主高車亦

負親隄糜人外事韎鞞夢中新黃髮方馳驟誰  
能論苦辛

和高陽公寧城雪夜撫松訪幕寮同滿將

軍論邊次韵 二首

庭松交雪月鄉夢怯勲猷姓字攀銘石馳驅厠  
從騶天山猶日赭遼海正風邁不任雄心發間  
宵儘俗籌

其二

石民詩大集

卷之二

十

一自開遼衄無端添鬢霜豈期山作礪亦忘薛  
爲裳七載天心復孤松雪霽芳何時上長白合  
坐焚燒羊 戊午  
至此七年

寧遠上元

河橋殊不減昨歲尚丘墟鼙鼓天邊試魚燈海  
畔疎笑啼除換日兒女殫殘餘絕塞臨裳繡孤  
城集珮琚醉噀程不識病笑馬相如寶焰雖慙  
客幽光或鑒余歲時重有記載筆此宵初

春懷次高陽公韵 八首

千山刷翠海澄清  
新洗腥羶分外明  
柳陌望歸空遠睇  
梅花當戎易歡聲  
自期大業摩霄鶴  
誰許同心伐木鶯  
萬里高天懸日月  
不勞煙靄弄陰晴

其二

秣陵占得白雲窩  
飽拾春光歲月多  
木末俄驚浮碧海  
棲霞乍散露青螺  
每來別墅懷音樂  
常

石民翁文集

卷之二

杜

誦移文咏軸適異日  
醉鄉封故郡敢煩明主

誓山河

其三

幾處王庭動暮笳  
雪消毳帳競移家  
蹄輕龍種欺胡馬  
帆飽鳬舟較客槎  
越錦纏牙搖日彩  
吳鉞試石奪霜華  
紅螺山下饒肥澤  
射牧無人起亂鴉

其四

醫閭東望與天平  
誰賣山河黯自驚  
荏苒七年尤日馭  
流離雙眼盼霓旌  
攜兒扶老臨三岔  
敗堞殘垣空百城  
大吏莫誇文且武  
近傳方略善偷生

其五

春到胭脂山更紅  
名王諸部款詞通  
誰開四郡雄天漢  
算使維州怨衛公  
回穴滿囊驕汗血  
護邊新賞集腥風  
今年上相親臨撫  
各戒來夷漸

石民翁文集

卷之二

杜

徙東

其二

絕塞春風倍壯心  
獨行邊外馬駸駸  
因山百代增雄障  
藉水終朝奏捷音  
冠蓋不須驚市虎  
封疆未必敗書蟬  
只嗟冲主孤天上  
五世臣韓淚不禁

其七

散衙緩步出公庭  
春酒無多乍醉醒  
燈市侯家

誰最開梁橋柳色可曾青海樓作供誇靈蜃河  
鼓方明並客星爲謝瀛洲年少者輸入露布普  
天聽

其八

雕韉寶絡度關東列校官裨盡世雄弓勁手柔  
剽逸處獸肥草淺驟馳中樓船漢將衝濤渡絕  
域班生藉火攻何日全遼輦鼓靜五湖春水傲  
羣公

石民汾入集

卷之二

邊夜

日落對空尊攜愁遂入昏留燈如得伴怕夢爲  
銷魂孤被開風竇虛牕吐月痕鐘聲催曙色結  
束報君恩

聞大凌河捷次高陽公韵

五首

荒荒萬里一孤城白首何曾聽凱聲今日扶筇  
看奏捷一行虎將盡朱纓

其二

戰功聞在大凌河河上風嚴水不波昨日吉音  
猶未到閒僚踏破一庭莎

其三

書生自許冠軍材八石強弓浪欲開今日輸入  
先得勝虜頭斜掛馬頭來

其四

千山北峙海東橫天錫元臣定否傾女直算誇  
真算敵從來蒙古亦鯢鯨

此捷乃西虜

石民汾入集

卷之二

其五

海外疑功來衆咤

大將毛文龍奏捷

黔中驟勝博雄名

撫軍王三善

東人亦試穿楊手表餌從今羞賈

生

寧遠夢夏長卿得詞微涕淚交旬寤而成  
之

絕徼無人到殘魂久獨拋烽明虜正急柝靜戶  
誰敲之子輕軀命來余敦漆膠憂深仍寄謠憐

極肯同呶默際肝腸喻詞微涕淚交拭花呈舊  
劍煮餅啓行庖元老同天幕流傭正雪芽欲畱  
愁歲暮將別正風嘒子去如歸鳥余畱終繫匏  
把襟指海噬並馬度山坳未竟畱連語俄驚夢  
幻泡竊疑呼僕問忍說懼人嘲雖復增惆悵精  
神知未淆

三過白塔 二首

三過白塔及春莎小隊縱橫殺氣多寂滅老僧

石民渝文集

卷之二

廿五

還問我當年般若竟如何

其二

血染袈裟莫咤驚法幢豎起是霓旌兩河百萬  
蓮花上任把殘軀報衆生

石民渝水集卷之二 終



石民淪水集目錄

卷第三

初入淪關 自關外至路河 關外來始

見杏花 關外來始雨 河間道中外弟

丁介夫都護初度 見梨花有感往事

東阿道中卽事 紅心道中 池河日暮

繫馬道傍同二三子小酌 自塞上來尋

庵藍香不見遍題江南諸刹招之二首 次

石民淪水集 卷三目

韵荅康侯王孫投贈 塞上還至白下示

遠度 送朱枝昌廣陵采詩二首 有寄六首

藍水 十嫁詩十首 奉使至海陵寓

醒園貽周伯二刺史刺史蜀人時已擢冬

曹郎二首 題海陵陳氏醒園 寄潤州潘

木公二首 海上還七夕抵家示內 靜海

寺 送喬將軍定侯將水師先發 酬沈

農長都護兼喜其謝事二首 募樓船暫省

先墓與弟遠士一握手耳詩以別之二首

甲子初度贈內二首 偶讀唐人句續成之

二首 甲子放榜日憶辛酉是日 甲子放

榜日寄榜下諸君 赴寒月夜過淮上示

同行諸子 寄青綃用陳眉公徵君韵

九日夢弟

石民淪水集 卷三目

卷第三目錄終

石民渝水集卷之三

防風茅元儀止生著

初入渝關

慣成椎武自難禁斜插雕弓手玉鐔忽見柳條  
疑夢境乍看草色獨驚心尋常結束人猜笑一  
樣風塵異淺深自是酬恩頻往返豈擦白骨覓  
華簪

自關外至潞河

石民渝水集 卷之三

潞河不到十三年此際重來春暮天舊日垂楊  
應折盡柔枝羞向老兵前

關外來始見杏花

渝關花信不曾東簇簇春風眼底紅却似老人  
嗟鶴髮忽從午夜夢兒童

關外來始雨

自秋至春  
有雪無雨

別雨三時盡朝來始值茲催齊芳草色觀帖嫩  
花枝戰甲湔塵日閒閨滴恨時爲傳遊子返是

到算嫌遲

河間道中外弟丁介夫都護初度

團龍小襖雪光矛萬里戎旃不識愁今日一杯  
珍重囑汝兄三十未封侯

見梨花有感往事

深深小閣大江東倚檻微吟月漸紅往事七年  
誰作主梨花仍在鏡光中

東阿道中卽事

石民渝水集 卷之三

行行雲物動轉盼色層添曠宇如張幕羣山頓  
隔簾雨過芳徑軟風急柳絲繁馳逐雖王事幽  
懷自可兼

紅心道中

十載驅馳地戎衣衆駭看鄙人識舊僕塞馬怯  
新湍山遠迎雲易原平落日難何時酬 聖主  
殘卷石牀攤

池河日暮繫馬道傍同二三子小酌

一樣車塵裏同君自可閒雨過生靜色雲霽啓  
歡顏鶯囀花增態雲歸春滿山悠然三酌後未  
敢忘危關

自塞上來尋庵藍香不見遍題江南諸刹

招之 二首

祇是江南路如何不可尋何曾避人世但欲適  
身心處寂無潛見居塵別淺溪倘余披晤處隨  
地是中林

石民渝文集

卷之三

三

其二

戎馬經千日蕭疎仍一身自從輕絕地無日不  
良辰漆首筵前器丹骸釜下薪王侯正孱膽止  
可對斯人

次韵荅康侯王孫投贈

詞壇卸却舊篇章收拾精神付戰場未敢忘韓  
五世相豈容我世幾人王鑿開地腑重踞虎俗  
得天弧便射狼一日邊書奏烽息牙門應有羽

流裝

塞上還至白下示遠度

赤羽于今不可聞休論苦樂且從軍君親此日  
如同路意氣當年空若雲誰謂遼東真浪死笑  
他巴蜀祇傳文 孝陵松柏秦淮畔消受歌簾  
與舞裙

送朱枝昌廣陵采詩 二首

敗篷孤笠獨行時春水沉沉酒一卮試問采詩

石民渝文集

卷之三

誰職業却令野舊自躊躇

其二

迂叟閑僧俗客姬斷崖殘壁少人知若干世上  
稱詩者應滿奚囊未去時

有寄 六首

白傳自知恩尚薄況余何敢獨苛君不嫌此日  
隨風絮但負當年幾夢雲

其二

廬山月出大江深行脚紅妝若芙蓉恨少親  
爲道侶眼前誰可與披襟

其三

飛花泛泛與春平趁得江流花瓣輕今日斷紅  
何處泊花神應自獨鍾情

其四

曾言少小在邗江多少傷心氣未降二十四橋  
明月下負君一劍自懣懣

石民滄水集 卷之三

其五

五侯別館貯歌姬出奉賓筵入掃眉自是書生  
酸辣甚非關浪蝶恨花籬

其六

他年披髮在中林花滿牀時月滿襟若欲問禪  
堪一過法堂高處不相禁

藍水

聊蕭花影恨無端藍水悠悠照獨鸞殘夢未知

春已去添衣始識夜猶寒新詞唱舊羞還認快  
境重過不敢看他日絳旌瑤珮擁青銅未許白  
頭歡

十嫁詩

有序壬戌作序甲子補詩  
十首

門外冷落車馬稀老大嫁作商人婦然  
則商人者煙月盡頭風流劫數鷄皮鶴  
髮人安樂窩神龍見首不見尾處也乃  
有香汗雨濃粉光方灼人望之如御雲

石民滄水集

卷之三

十

帶霧飛瓊而乃委身污瀆狼籍芳春千  
秋算洗鬱鬱速凋致使吳宮秋冷湘廟  
雲空豈非恨緒千條長宵不旦者乎遂  
作十嫁詩以喻之亡者不可作庶以示  
諸來茲亡者長于女子沙宛在也  
長于女子嫁長年日日風波其可憐不似商人  
無繮籍自乘大編數青錢

其二

開軒面圃自春租午餉纔回手輓轡不似商人  
無蘊籍金盤玉粒亦長吁

其三

澹妝椎髻自當鑪滌器香聞上客沽不似商人  
無蘊籍酒魂似籍情人扶

其四

冷煙疎雨入蓬牕魚在梁時月在江不似商人  
無蘊籍積珠置玉怯聞麗

石民清集

卷之三

七

其五

聊蕭瘦骨一書傭投筆還思萬里封不似商人  
無蘊籍強操象管墨猪濃

其六

輕刀長箭萬金軀博得胡頭酒滿壺不似商人  
無蘊籍黃金鑄項活須臾

其七

書生負笈草萋萋泣罷牛衣舉案齊不似商人

無蘊籍春情只付子規啼

其八

蠻煙瘴雨少人時薄宦蕭條羸馬遲不似商人  
無蘊籍七香車裏淚漣漣

其九

少年閒手半駸凝傳粉搔頭自弄姿不似商人  
無蘊籍金銀氣穢滿鬟愁

其十

石民清集

卷之三

八

綠林豪客莽蒼蒼一出南塘若虎驤不似商人  
無蘊籍唆人膏血虱居褶

奉使至海陵寓醒園貽周伯二刺史刺史

蜀人時已擢冬曹郎

二首

高懸象管手雕弓蟻虱戎衣戰血紅一自虎頭  
俱竄鼠遂驅犬子亦如熊將軍橫海懷三島使  
者踰淮謁八公見說益州諸水戰阿童久已治  
艨艟

其二

人傳浪死在遼東上相提師歌既攻赤舄擲身  
青海畔白衣誰憶黑頭公送他長日蟬聲裏消  
盡炎心柳蔭中不禁詩懷無可語頗聞地主杜  
司空

題海陵陳氏醒園

經年砂磧間不敢憶山水癖尚若性成夢寐時  
一抵予于江海區奇幽入瞻視形神不相交恍  
石民滄文集 卷之三 九  
恍與夢似驅車至海陵役我無閒晷炎暑蒸病  
骨避焉如逃雨天若憫勞人導之以所履高梧  
發清思長柳自俯起尋常耳目間暑逃如突豕  
豈無山水隈寒暑不能悞壯顏負明時君子有  
餘恥

寄潤州潘水公 二首

金山樹影入江聲十載迴廊認舊名鐵甕詞人  
猶不識題詩張佑枉鍾情

其二

識遍今人畱第一初懷欲作古人看猛思後代  
人難見算使千秋與恨端

海上還七夕抵家示內

荻雨鳧天只信風孤蓬航海復江東人間恩信  
知難倚天上相期不負儂

靜海寺

不謂山開寺翻驚寺有山帆陰先後落江色晦  
石民滄文集 卷之三 十

明間異賞增神輦幽踪若夢閒題詩尋石骨莓  
雨盡苔斑

送喬將軍定侯將水師先發

濺紅戰甲帶霜戈七載傷心自不磨上將樓船

先露布書生盾鼻發鏡歌我于國恥終難忘君

雙親仇一倍多 先將軍伯 主狗虜 異日承恩容上塚胡

頭纍纍後車過

酬沈農長都護兼喜其謝事 二首

一派西風捲陣雲江南詞客半從軍如君得脫  
兜牟去處處山家花正殷

其二

老我詩人作老兵每于午夜自怛怛一朝報  
主應長往不向人間學踐更

募樓船暫省先墓與弟遠士一握手耳詩  
以別之 二首

薜衣未脫又兜牟夜半端揆每僭籌未得酬

石民渝文集 卷之三

君先負母何心報國復封侯少微光焰能欺昂  
猿臂精神定射彪不待蓼莪三復罷幾行血淚  
灑征裘

其二

墓前宿草正萋萋孤子重歸淚濕泥慚愧墨線  
如嗣魯豈能白髮又封齊孫龐絕響勞師耳 用鬼

谷事房杜無人望弟兮 用河汾事并報君親憑七尺

齊心下瀨月纔西

甲子初度贈內 二首

記得當年爾初度新人曾贈一新詩忽忽無端  
還一紀秋鞭霜甲對君時

其二

今年今日我初度還蘭當時贈爾詩再寫一詩  
畱後紀晴山煙艇好相期

偶讀唐人句續成之 二首

屏間珮響藏歌妓幕外刀光立從官不少刀光

石民渝文集 卷之三

無珮響精神全付與雕鞍

其二

映門旌旆春風起對客絃歌白日長一旦功成  
載賓從五湖煙水正茫茫

甲子放榜日憶辛酉是日

微茫曙色吐痕時一霎才人困不支懷懼昨辭  
先第宅藏羞正躲別花枝癡僮仔細看名榜新  
貴聯翩送酒資算道英雄薄科第今朝被搥淚

千絲

甲子放榜日寄榜下諸君

廿年文戰氣如雲此日兜牟獨將軍可使諸君  
長坐嘯算言司命果知文自珍霜戟三千士一  
任春風十二裙聖主殊恩在卿輩從今休忘  
野人芹

赴塞月夜過淮上示同行諸子

算怪宵來客夢新故鄉不肯入良辰如今不醉

石民渝水集

卷之三

七

隋堤月直到黃沙算怨人

寄青綃用陳睂公徵君韵

清溪小史字青綃香月花岩別有妖一任天真  
欺衆艷偏將靜婉着人挑雲間羸女初驂霍天  
半仙人獨倚簫恐託秋鴻遲報命幽情叮囑夜  
來潮

九日夢弟

夢君親把黃花酒來就高齋共細論因悟朝來

定惆悵茱萸獨插更無人

石民渝水集

卷之三

五

石民渝水集卷之三

終



石民渝水集目錄

卷第四

寄董遐周首二 夢天台 清源逢宋獻孺

時同爲督師幕僚余以督樓船戎車墨綬

赴軍獻孺新聞計歸蓋甲子九月也首二

贈鄧遠遊中丞首二 塞下曲首二 渝關

寶坻道中 寄彥先家兄時爲留京光祿

過郭子綦田舍 香微 白日首二 甲

石民渝水集 卷四目

子小除夕 偶然首三 紀事首二 卽事

孤驛 代葛茂永寄內 代丁介夫寄內

紀夢 天津途中口號示內 天津行

爲屯田使者盧子占作 乙丑元日試筆

琵琶行 赴軍首二 右北平道中卽事

渝關上巳 荅如公見懷次來韵 荅

屠瑞之見懷次來韵 半硯詩爲屠冷玄

作首二 督師府中杏花 見杏花寄內 軍

幕月下對杏花 杏葉 前屯牡丹 乙

丑五日從督師相公東巡道中首二 五月

初七夜夢有金牌之事一慟而寤述以識

妄 夢楚生病時 遙題張忠烈遼水祠

嘆邊將

石民渝水集 卷四目

卷第四目錄 終

石民淪水集卷之四

防風茅元儀止生著

寄董遐周 二首

歲饑轉思樂時危不美老歷歷千載間誰能適  
懷抱所思在哲人嬰疾徒懷寶著書盈千尺空  
齋白日杲安病無欣戚閉戶夷醜好愔哉秉遠  
心不分君憂憐薊北疲戎馬江南絕梁稻

其二

春艸衣南山離離實芳情疇知霜萎時山骨傲  
冷性以予耿介軀而與懽靨兢毋乃污素襟亦  
以衡時命赫赫我令祖功高爲世捫誰其構斯  
堂最哉小子敬扶命策旃車朔雪何靄靄念茲  
同枝入北堂發高咏 遐周余祖外孫

夢天台

宿生殊不忘曾隱天台間片席坐十載一壁隔  
萬山繼而誅茅構斗室層峰環恍恍如有得忽

墮仙官班瑤堂齊金瑟珠戶羅玉環荏苒復幾  
時大悟淚如潺茲樂爲道縛願復生人寰天星  
粲如火父夢吞無艱是時月落牕毋夢雙青鬢  
長者前致辭實爲帝所頒驚悟各言夢墮地香  
滿闌干今三十載時夢舊隱閒昨夕軍書急假  
寐度重關忽復攜妻子登攝絕援攀上有閣與  
榭緣壁苔紋斑下有澗流響中立一白鷗如客  
歸吾廬呼童闢草菅高咏謝塵世孤榻對潺湲

石民淪水集卷之四

方爲終焉計夢覺徒潸潸

清源逢宋獻孺時同爲督師幕僚余以督

樓船戎車墨綬赴軍獻孺新聞訃歸蓋甲

子九月也 二首

半生閒夢在邊塵今日相攜似夢新瘦馬帶霜  
風力重凍毫向日彩雲生三年密策傳天上五  
夜軍書動虜人勒銘待卿卿已去羨卿獨不負  
君親

其二

戍旗萬點五更風  
匹馬遙看獵火紅  
半晌頭低知得句  
忽聞鴈過自拈弓  
可容青翰歌朱鷺  
試看丹輪勝碧驄  
敢謂墨緣私戀主  
河東戰鼓正逢逢

贈鄧遠遊中丞 二首

寒旌獵獵薊城東  
軍宴高樓秋雪紅  
朱鴈詞人爭一字  
青萍壯士引千鍾  
侍兒傳視胡王首  
列在良泝水集卷之四  
校偷窺玉府弓  
檢點菰塲誰辦此  
自知名姓幾人中

其二

蟠龍大旆一時新  
才子登壇自異人  
疊巘橫峰侯特賞  
哀笳白草亦良辰  
春雲沾潤融文筆  
秋水韜光照客身  
屏後小姬聽塞曲  
淺顰不信古來真

塞下曲 二首

千山如珮月如弓  
跨得龍駒信曉風  
從騎誤傳新日出  
擡頭獵火海邊紅

其二

昨夜軍書馬上催  
螺丸和露盾頭滋  
如椽大筆同刀掛  
明日封侯知屬誰

榆關

白榆自合栽天上  
試看渝關那一枝  
縱使種榆千萬樹  
也應燒盡入關時

指熊經略焚遼西事

石民泝水集卷之四

寶坻道中

酷似江南好  
徒令客子淒  
塵輕村樹近  
逕坦馬蹄齊  
晚稻綠楊郭  
肥魚青草堤  
昨宵有鄉夢  
是否尚魂迷

寄彥先家兄時爲畱京光祿

八百桑林俯碧條  
爲耽山水入閒曹  
興來不及呼官馬  
趣洽時親蕩小舠  
在管弟兄爲酒伴  
只今耆舊定詩豪  
算言老眼看花倦  
春釀牀頭待

度遼

過郭子綦田舍

知君彈鋏久耕牧自何年寒日澹于水遠山青  
似天居連危塞地門泊故鄉船白髮新醅照歸  
心應曠然

香微

香微燭滅少人知十載心期一諾時解珮未知  
臯正冷爲雲不覺雨相隨花臨將落偏堪惜鶯

右長清文集卷之四

過殘春倍弄姿密約自新年任老文君算咏白  
頭詩

白日 二首

不嫌白日整相思最恨依稀入夢時湘瑟淚彈  
人算辨秦箏聲咽鳳先知跨來赤汗終難逸弄  
殺金錢也是癡昨夜春山發雲雨兩條眉恨柳  
千絲

其二

倡樓誰道嫁偏遲姊妹人人換重貲白袷少年  
人易賞青鋒烈士妾偏知寧敲檀板英雄醉算  
作明珠巨賈持不識調鷹還有暇可曾低首一  
相思

甲子小除夕

聞道小除夕嗟驚已臘殘壯衰于內換閒劇此  
中看里巷催科急兒童歲事歡徒悲老大者撫  
鬢淚漫漫

右長清文集卷之四

偶然 三首

偶然半面露紅綃多少詩人賦月妖一語賞心  
應嫁與不須子晉更吹簫

其二

一寸雙眸十尺光從今春色入蜂房可憐春闌  
花偏密密語何時敢向郎

其三

建州甌子試新芽記得纖纖曾露些閒點旗槍

交若戰軍稱娘子讓誰家

紀事 二首

紕繆殘妝避月明背燈已是漏三更含羞尚未  
分明語兩頰溫生知中情

其二

合歡被內貯同功滿襲沉香花霧濃今夜春流  
昨夜雪情苗應不待東風

卽事

石民詩大集卷之四

七

寒帷方戀月燈火擁輿前移向野舟看能消一  
夜眠

孤驛

半珪殘月貼遙天孤驛疎牕照獨眠何似畫溪  
寒影裏擁衾同上夜來船

代葛茂永寄內

墮月不知遠紅林空好顏風斷雲作浪煙染樹  
爲山天末雀方獨海中魚正鰥行人無一語雪

澗自浹浹

代丁介夫寄內

三年長萬里雖故亦如新離淚歡筵滴殘盟遠  
札中最憐帷內語不若夢中親誰耐梅花曲嚴  
寒又作春

紀夢

春風如剪斷松江有夢還能叩綺牕驚起但餘  
霜上月猶疑夢裏怯聞麗

石民詩大集卷之四

七

天津途中口號示內

楊柳村邊驛舍桃花岸口歸船戍客封侯證果  
閒閨人到登仙

天津行爲屯田使者盧子占作

古時天津在天上今時天津海泱泱膏腴萬頃  
人不耕藍田合浦成丘莽海神玉叩氣如雲幾  
叩帝闕帝不聞一朝感動轟霹靂間點無如盧  
使君使君一載千斯箱三年五年萬斯倉江南

挽卒慎算誇海田玉粒薦馨香如今大柄在人  
手欲使天公比聾叟強預人間佑人國直教罰  
與千醕酒一紙封章不值錢驅人早上贛州船  
人生各自有快意漁陽戰鼓任填填使君一官  
淡如水掉首出門去如駛萬頭紅穉跳蒼濤一  
望春畦千浪裏

乙丑元日試筆

國恥如焚氣若雲劍裝萬里久殷勤終年空說

若長清大集卷之四

九

參卿事何耳方能答我君在左自勝三萬里  
淮西豈在一篇文功成不敢領金鑄借得春潮  
載舞裙

琵琶行

琵琶嘈嘈何處起倡樓陳二調纖指一聲咽斷  
天津水多少有情樓下死賺死有情千萬人一  
旦落身任公子繁絃清管猶未歇鐵鞭已徹紅  
裙底一尺銀鑕粉項間有時仍令開貝齒血痕

浸淚紅欲燃香余歡擁如故然新人度日如度  
歲故人堰眼十年前至今猶復忍死在苟得一  
死如登仙又有嬌娥顏倍儂四肢零落耳鼻童  
去年元夕失意旨新試火淫腸胃通炙肉作脯  
生啖之主人歡笑對長空即今懷孕已七月昨  
日新槌臥廝東哀情欲語傷無人琵琶聲裏訴  
鬼神鬼神聽否不可知忽然千槌萬槌身如塵  
一息哀吟命若絲猶然怒汝不強持劈顧一下  
即千古吁嗟不負新檀槌吁嗟不負新檀槌天  
津大吏知是誰

赴軍二首

一劍酬君日三年負母身回頭語兒女我自有  
君親

其二

日靜蛟龍臥風號狐兔橫一朝振鱗甲聊以慰  
蒼生

右北平道中卽事

春霧初開雨勢天雲光漏日柳黃鮮分明喚起  
英雄色也有三分膩客憐

渝關上巳

蘭亭空有彥渝塞不知春吟咏干戈裏馳驅林  
壑人京華思若夢鄉信夢疑真肥水何時隄山  
陰自在身

荅如公見懷次來韵

有良清太集卷之四

十一

獵火初紅日未斜胡兒多少臥平沙高山積雪  
低山翠一樹東風半樹花已任孱軀拋虜域尚  
餘閒夢到僧家雕弓許掛蒲團側柳巷疎枝滿  
暮鴉

荅屠瑞之見懷次來韵

鼓鼙聲震日將晡一騎橫稍萬里途人血正腥  
卮酒滿龍旗纔轉陣雲鋪健兒賭射名王首別  
將分收部落胡舉世寫生君第一凌煙休画画

輿圖

半硯詩爲屠冷玄作二首

逐隊人呼牛馬羣英雄叉手早從軍玉皇應怪  
書生癖擲斷空山剩片雲

其二

本爲千秋持不平兒曹却欲作謀生明畱一半  
傳家業不付腴田使趁耕

督師府中杏花

有良清太集卷之四

十二

淺香淡粉向人斜榮戟森森一樹花楚漢軍中  
虞與戚將來彷彿不差些

見杏花寄內

豈無紅粉艷却自足風流見日渾忘慮離時祇  
合愁

軍幕月下對杏花

起草亭邊繞碧闌杏花籠月夜香寒分明付與  
人消遣爭奈離人不忍看

杏葉

煦風麗月逗歸鴉倚樹羞看孤影斜小夢乍驚  
因怯睡斷思忽憶失聲嗟柳枝試舞初拋眼杏  
葉新添不讓花錯過而今惆悵也少年未肯待  
侯家

前屯牡丹

刪棘存佳本朝來忽吐芽豈能傾吾國應不染  
胡沙驚此此離地何來富貴花天心明見與失

石良清本集卷之四

七

職算興嗟

乙丑五日從督師相公東巡道中

二首

蒲酒今朝馬上杯傍人相笑算相猜沅湘一死  
終何益且爲三韓續命來

其二

蒿萊纔剪闢新區野艾還畱插鬢無此日長城  
應不負中原休寫避兵符

五月初七夜夢有金牌之事一慟而寤述

以識妄

後知矯 旨過  
東伐正在此時

忽夢飛書下建章王師此日解嚴裝山河永付  
腥羶手謀斷何心姓字香報 主幾時生亦愧  
負親三載死猶傷 聖朝那得無端事空灑孤  
臣淚滿牀

夢楚生病時

蕭瑟羅幃黯淡余無言無淚意深深分明十二  
年前事夢到而今恨到今

石良清本集

卷之四

十四

遙題張忠烈遼水祠

爲  
公建祠

英英御史在遼涓何日荒丘酒一卮袍血盡紅  
君獨碧鐵肝若爛國如絲非無奇節同名世美  
以貞心愧此時既解相欽不相負親提奴首入  
公祠

嘆邊將

萬金鵲印萬金身肯撤歌屏換画麟塞柳算嗟  
春未綠縱垂青眼看誰人

卷終



石民渝水集目錄

卷第五

烏燕謠

首三

應相師教賦得洗兵魚海雲

迎陣 立秋前一日右屯聞砧 月下寄

內 右屯簡諸將

已下五首俱因柳河之役作

夢念

三日督三軍畢渡三岔 駐軍臨海簡劉

岱輿孝廉 荅鹿石卿見示之作 簡鹿

伯順職方 咏錦州十二勝次高陽公韵

石民渝水集 卷五

有序 觀音洞 松山 紫荆山 紅

目在後 螺山 筆架山 錦水 湯河 小凌河

滴翠岩 瀛波 韭菜園 廣濟塔

初度寄內 昨年初度內贈句云明年知此

日應已謝雙旌故及之

首二

十三山

有序

于子章

有序

馬家湖 中後所病中得內

書 去渝關 乞還山 道中別鹿伯順

首二 贈眼花 入塞謁夷齊祠 約杜武

庫遊孤竹城不至 此日 與沈達生祕書

石民渝水集 卷五

二

卷第五目錄終

石民淪水集卷之五

防風茅元儀止生著

烏燕謠 三首

烏棲無樹燕有堂烏聲啞啞燕飛忙烏算啼燕  
算笑去年此日同哀叫新闢遼西五百里問誰  
決計高陽子去年爭此羣信信東海書生幾生  
死長顧却慮公與卿如今寂寂更無人

其二

石民淪水集 卷之五

毳幕瓊車燕難住遼東飛向遼西訴公欲渡河  
來何暮燕算訴東海書生意不休終取遼東汝  
算愁

其三

王謝堂玳瑁梁燕子來時春晝長爲我寄聲侯  
與王薛衣未冷鐵衣霜早容殺賊歸故鄉

應相師教賦得洗兵負海雲迎陣

陣雲千八一時低挽得天河助鼓聲詞客爭拈

銀不律健兒誰顧錦障泥玉纓好似生煙玉屨  
甲休穿照水犀六月車攻勞上相遂攜霖雨旣  
遼西

立秋前一日右屯聞砧

秋來先已怯衣單一派砧聲送日殘虎豹羣中  
鴛侶在縱然衣薄不知寒

月下寄內

別後風光夢裏過爲歡還較比愁多連宵不得

石民淪水集 卷之五

重相夢獨占愁來奈月何

右屯簡諸將 已下五首俱因柳河之役作

竚望王師發樓遲大海邊愁多燈下起事簡日  
高眠知負三徵意羞當一劍前書生終不武之  
子勉戎旃

夢念三日督三軍畢渡三岔

記得臨河陣龍幡較戰時一聲呼畢渡雙漿赴  
誰遲決膽天難主孤忠夢自知醒來閒日月徒

笑鏡中絲

駐軍臨海簡劉岱與孝廉

略地遼西盡麾兵截海過刀光千里遠灰畫一言多健將青駟馬詞人朱鷺歌獨余無稱塞自笑竟如何

荅鹿石卿見示之作

夫子矜孤耿書名蘭譜邊躡霜嘗並勒籀草每同眠辛苦先諸將紛紜闕世賢持身流俗外決

卷之五

三

策衆人前三載空噓拂終朝奈棄捐新恩需大宛舊過籀燕然自合書生避難干上將憐雖依郅椽幕望斷祖生鞭繡黼兒曹事珠鈴後禩傳孤心依日月耿氣付山川剩有文情在其如隱志專已辜司馬法敢上孝廉船

簡鹿伯順職方

一片雄心自不支從今莫望着鞭時文終似或全韓信太白應憐棄子儀祇恐負親兼負主

而今慚友又慚師叮嚀雪夜平淮者點綴昌黎應制碑

咏錦州十二勝次高陽公韵十二首有序序出高陽公筆

觀音洞

觀音洞在城北二十里洞有石塘水冬

夏不涸色紺碧可飲洞居者其松有雪

當暑不消而石子圓如彈丸俗因名曰

二郎山蓋城倚爲托云土人曰石塘松

卷之五

四

雪

天地弄雙丸白髮催人早中有弄丸人日月不能老

松山

松山在城之南可十里城中廣濟塔北負瞻山南襟松也登城望之雲霞映蔚從翠微中見白描淡掃如屏如案土人曰松山點黛亦曰淺黛云

不見山上松猶有山下雪松風時若來吹冷心  
頭熱

### 紫荊山

紫荊山在城東十二里凌水環其下日  
初出如若木捧日而上杲杲然土人曰  
山旣高矣日當卯若架山之上曰紫荊  
紫曉亦曰荊東朝旭

荊花爛如霞前岡平若掌日輪照萬山亦待山  
石民滄大集卷之五

### 擎上

### 紅螺山

紅螺山在城之西三十餘里當日入處  
每夕啣日而承之若擲萬頃玄玉爲几  
以閣無量火齊土人曰山之東見日入  
山之西復見日出曰紅螺晚照亦曰螺  
西夕陽

東山日出遲西山日入早出入自有時人心太

### 草草

### 筆架山

筆架山在城之西南可三十餘里三峰  
高下如筆架然地當巽爲城文筆而大  
海文瀾浴其下土人曰筆峰插海  
晉人銘醫閭架筆應于此我爲長白銘千里餘  
墨泚

### 錦水

錦水從西北直城之西折而佩城之南  
復折而北當城之東大作波濤細作縠  
綺洋洋悠悠顧我欲畱有迴紋之目矣  
土人曰錦水迴紋  
支機傍水涯織水亦成錦欲剪寄情人并刀不  
肯任

### 湯河

湯河在城之西其流佩城而南水溫故

有湯河之目冬不結冰漁人集網其上  
如夏之日亦名玉泉取其溫也土人曰  
湯水冬漁

誰說遼西寒漁人集雪網誰說遼西危常有濛  
濛想

小凌河

小凌河在城之東十五里山有望海寺  
河繞城而東環寺山出其前即晴曉若

卷之五

七

煙鬟然邈若濛濛煙雨更奇也土人曰  
東凌煙雨

山川一片錦須濯海流中爲謝凌河水煙花着  
意紅

滴翠岩

滴翠岩在城南十五里高山中有乳從  
上而下點點有聲土人名曰滴翠亦曰

南岫乳岩

翠色常如滴邊人知不知休言白草惡慣作斷  
腸詩

瀛波

瀛波或曰滌波也城之南八里有河當  
佩如環帶然土人舊名曰瀛波也晴日  
凌波作黃金碧玉便如眺蟾若晶天宇  
午月當空不翅拾翠眺蟾臺已亦曰滌

曲眺蟾

石昆山人集

卷之五

八

波去月常靜月來波愈滌光輝本相偕相偕復  
相爭

韭菜園

城有韭菜園土獨融和不旱乾春畊易  
着耒而菜早生邊地寒多難下種此爲  
勝地云土人曰名園春菜

花信不肯東春風託野菜春風亦常愁吹得十  
條碎

廣濟塔

塔在廣濟寺寺當城之西偏塔作十三  
級勢尚插霄而鈴鐸既墜栢角之木日  
作鳥時蓋遼人藏舍利地也衆鳥欣托  
而多鴉云土人曰古塔昏鴉有金大夫  
高璉記

幾番劫火燒幾度腥風吹任它風火惡正在定  
中時

石民滄天集 卷之五

九

初度寄內昨年初度內贈句云明年知此  
日應已謝雙旌故及之 二首

今年應已謝雙旌虜在猶然事虎爭一樣征人  
明月裏鄰家少婦挾鳴箏

其二

今年猶未謝雙旌爲負 君恩負此生十里湖  
光三里竹料難負我負卿卿

十三山 有序

山在遼西大凌河東三十里峰尖如雲  
幻石骨奇險上有山城遼之義民保者  
十萬自春徂秋募或救也僅千人逸出  
餘盡殲于虜

海上老雲凝不變日光倒射如吐電石骨無情  
不可登上有人家似霞殿虜馬如虎驅人東紫  
衣銀鎧一時空遼人十萬獨不去奔上雲中第  
一峰是時奴家八王子甲光上下疑潮水坐守

石民滄天集 卷之五

十

一山凡八月睢陽砥唐豈過此關內遙傳鬪擊  
聲面黃睛突如不聞我人積骨山上山虜屍亦  
與山腰平漢家宰相來視師整戈秋半慎募遲  
紫衣大吏相顧笑銀鎧將軍輦感時中有辯士  
多光輝手畫長短決是非不獨不必兼不可使  
或不死安所歸相公此日亦輦感還告 天子  
親請督兩行旌節向三韓十萬遼人死一曲至  
今上帝不忍看常有陰雲相覆蟠問誰辯口張

此毒張使君名亦不刊

于子章 有序

其城在大凌河之北東西虜屢攻不能  
尅困久水竭義士曹恭誠作耿恭事出  
以示賊賊乞一壺而去

于子章唯百尺城中有義士曹恭誠拜水水來  
賊反乞白此嚙指不相輕誰入長安寄語明園  
中橫玉舊公卿

石民渝八集 卷之五

十一

馬家湖 有序

遼之四面二千里盡入于虜也其忠義  
者西歸耳馬家湖一民堡也居民數家  
終不去虜亦不能尅凡五年而大師至  
馬家湖四方十雉一城孤遼疆千里五載墟數  
人獨保千金軀千金軀不逃不降重莫踰

中後所病中得內書

荒城病客一停車挑盡殘燈半幅書無限不堪

誰與語却交清淚數行餘

去渝關

一鞭霜影馬蕭蕭辜負寒光七尺刀楫擊斷時  
人未渡驚將喧際雪前消三年幕吏同孤客半  
紙歸綸似落潮只是主仇猶未報五陵兒笑  
霍票姚

乞還山

十行溫詔一霜鞍四載戎旃五夜寒繡甲蟠龍  
若民渝八集 卷之五

十二

終未試錦衾抱虎不知難籌邊樓上頭先白起  
草亭中心自丹將相細看都沒味微風斜日抱  
漁竿

道中別鹿伯順 二首

遼西鼙鼓震龍墀感激從軍遂忘私元老不輸  
西夏績幕僚尚欠蔡州碑三年白草同眠者一  
日紅塵分手時豈但主恩酬未得滿襟離淚  
已難支

其二

雪戟霜翎氣未柔，生還不忿起離憂。  
兩家童僕偷垂淚，共櫪驂驪亦解愁。  
脫下鐵衣仍入夢，空磨劍鏑付誰收。  
五湖欲去君須去，又作邊人白頭。

贈眼花

有序

余幼羸弱，瞪目而視，常見黑圓而空中者，稍長不復見。今病後復見之，故贈以

石民渝文集卷之五

七

詩時還山日也

與君一別二十載，却又相逢病後時。  
二十年中都類此，今朝別彼又逢斯。

入塞謁夷齊祠

殷亂君猶死，時平我敢辭。  
未能空虜穴，猶得定明基。  
志士心還耿，元臣功豈虛。  
庶幾非懦者，慷慨拜君祠。

約杜武庫遊孤竹城不至

清節非時尚，所期應不來。  
霜風千萬樹，獨上古人臺。

此日

平生薄韓范，此日止差強。  
何以酬明主，遂初還故鄉。  
燈前兒女喜，馬上肝腸傷。  
頡頏誰能減，從來屬帝王。

與沈達生秘書

風華可似吳門好，酒量何如燕市寬。  
我老空山石民渝，不集卷之五  
君作吏多情，誰復倚闌干。

七

石民渝水集卷之五

終



石民渝水集目錄

卷第六

入塞示內 歲暮得家書 子牙祠二首

聞覺華島破 美人中酒 長安市上蘭

花 孝若叔遠士弟寄詩爾敞弟寄書画

丙寅寒食 琵琶女 蒙恩允撫軍之

請以翰林待詔督覺華水軍旋樞部以贊

畫遼東副大將軍請恩放歸農承錢明錄

石民渝水集 卷六目

副大將軍以詩贈別荅之因述乙丑之事

予歸農也郭子綦自津門送之德州寫

小草詩似之因題一絕 贏得 酬別郭

子綦 季父孝若先生遠惠詩什次韵奉

荅時將隱華陽五首 示內二首 閏六月立

秋 次韵酬寄王子雲子雲尊公太守殉

黔中之難藁葬蠻地 折紅蓼花挿瓶中

梅花香撲 晝眠 咏鳳頭鴨 無題

二首 慈慈 自是 秋旅 放歸過泗上

謁先水部祠 月 美人晞髮 還家

隋宮詞三首 七夕 泃口紀夢 泃口紀

事 偶作二首 燕磯篇寄王先民 過淮

感舊 卽目

石民渝水集 卷六目

二

卷第六目錄終

石民淪水集卷之六

防風茅元儀止生著

入塞示內

徒有生還踐所期  
画臺零落曉風吹得如牧也  
成雙隱豈負鴻耶歌五噫  
醉後不禁橫槊手夢  
沉猶憶射雕時  
朝來鎔把陰符讀  
擲向東籬夏  
草思

歲暮得家書

右民淪水集卷之六  
歲暮愁將盡書來又益愁  
邊愁無足道祇負故

園秋

子牙祠 在靜海縣  
二首

獨入子牙臺  
英雄淚欲來  
當時垂釣意  
豈在一  
侯哉

其二

不美興周略  
美天多與年  
如君凡幾輩  
民民釣  
臺前

聞覺華島破

曾將樓船欲度遼  
金牌十二可禁消  
漢家已質  
康居火叛客誰教  
烏市燒越士六千  
無衣錦島  
中五百各看刀  
三年心血咸陽炬  
刺得餘灰漾  
碧霄

美人中酒

無言似憶昨宵歡  
又似新愁偷淚彈  
蓮藥未開  
先着雨水仙正好  
不禁寒雲光雖薄  
風還定曉  
色將來月正殘  
冷落檀郎非有意  
羅衫淹潤昵

關干

長安市上蘭花

蕙蘭生澗壑幽香祇自喜  
芬芳不能持一過江  
南市怡蕩失素貞  
遂遇繁華子驅驅入  
長安千  
年自此始傾國來  
聚觀人賞私獨恥  
既愧思歸  
操還懼橘變枳是  
物異衆草何以遂  
至此所以  
煙霞人亦在紅塵裏

孝若叔遠士弟寄詩爾敞弟寄書画

客久書來欲斷魂開緘披賞自傾尊滿牀牙笏  
君休羨三絕于今在一門

丙寅寒食

浣盡邊塵不識春今年又愧陌頭人空山儘可  
酬斯志暇日終還負此身癡膽危時天際試孤  
忠列聖夢中陳承恩上冢非吾望生啖胡王  
便煮尊

右民府水集卷之六

三

琵琶女

相逢酒壚邊流盼若相許算怪寂無言琵琶自  
能語

蒙恩允撫軍之請以翰林待詔督覺華

水軍旋樞部以贊畫遼東副大將軍請

恩放歸農承錢明錄副大將軍以詩贈別

谷之因述乙丑之事

逢君碣石倚長弓橫海樓船笑曉風雪夜不教

常侍去維州恨與贊皇同兩旬待詔三升戀一  
日明農萬斛空功業輸人封較早醉鄉符剖卽  
軍中

予歸農也郭子綦自津門送之德州寫小  
草詩似之因題一絕

算言小草輕三載往事唯存數首詩珍重爲君  
書一過卓公獨到惠州時

贏得

右民府水集卷之六

四

贏得閒身去戎旃夢始消靜言如得意息影愛  
無憀猶剩花源癖難辜酒力饒藍輿較馬背差  
傲霍票姚

酬別郭子綦

抗手與君別躊躇復一言折腰傲彭澤衣白愧  
長源猶可登先冢何難安故園不堪岐路後獨  
坐夏開尊

季父孝若先生遠惠詩什次韵奉答時將

隱華陽 五首

徵書不許野夫閒，櫟付朱顏與玉關。慚愧主

恩空一擲春風綠鬢舊時山。

其二

兩旬供奉一身閒，三載參軍萬里關。不是勞臣

叨聖澤，肯容白草換青山。

其三

耕雲耕石不曾閒，贏得從容虎豹關。仍把兵書

歸峽內，不垂大餌富春山。

其四

年年捉鼻潔溪閒，潔溪有李父隱廬自笑戎旂寄漢關。

淝水他時終大捷，阿玄應獨老東山。

其五

華陽領取幾峰閒，又被陶家占閉關。略地河西

纔四百，先恢千載舊家山。

示內 二首

幸脫戎衣着薜衣，高歌未罷酒先飛。若將塵事

其二

久已自甘兒跣足，何妨便使婦無裨。故知石隱

尋常事，若箇雙雙上鹿門。

閏六月立秋

歲閏秋先到，羈情一倍歡。蟬聲移柳廕，露滴憺

荷殘。風過催杯遞，涼生恰夢闌。明朝縱炎隔人

意，別爲看。

次韵酬寄王子雲子雲尊公太守殉黔中

之難藁葬蠻地

遼水黔山幾點煙，不堪征戰夕陽天。茜顏和淚

隨還鴈，白骨多情付遠蠻。灰策畫成仍滅後，秋

鞭着處不容先。鐵衫面甲難同脫，贏得閒身是

壯年。

折紅蓼花插瓶中

紅嫣枝亞解愁人恰稱幽牕伴客身算更無憐  
臨水照自憐自惜最傷神

梅花香撲

梅花畱影在香雪自年年算說芳菲早飄零亦  
在前

晝眠

緋桃尚怯雨風時宜月宜陰一樹梨玉簾晝眠  
看不足祇緣轉面卽相思

香民滄水集 卷之六

七

咏鳳頭鴨

不離鶯鶯羣自帶靈禽質年少射偏加算同倫  
輩出

無題 二首

替時臨去還畱佩今日辭枝不待風在殺多情  
替腸斷巫雲來往易成空

其二

吹盡春風萬綠休一心猶爲嫩條愁今朝惆悵

非容易穩到蓬山最上頭

愁愁

愁愁半帶狂恩去總無妨明朝同伴笑獨坐嚙  
衣裳

自是

自是春隨水非關天欲秋人心一旦索萬紫盡  
成愁憐極因多恨情深翻易尤若還拋不得恩  
受更無休

香民滄水集 卷之六

八

秋旅

誰爲吹一葉蕭颯入征袍亂荻秋風艇平波明  
月蒿米酣愁睡短多夢覺魂勞不盡旅人味焉  
知高臥高

放歸過泗上謁先水部祠

徵書召典兵誓墓盡孤貞不謂承恩重今猶餘  
此生彊恢人道半賊在幾時平欲上先人塚官  
鑄剗却名

月

望時也有團圓意纔得團圓可奈何自己清光  
能幾日照人幽怨十分多

美人晞髮

涼生曉樹葱晞髮画闌東何處雲垂脚千條柳  
搭風光疑兼映日香散欲旋空晨起誰能慣重  
隈剩枕中

還家

石民翁文集

卷之六

九

奇雲吹作絮老樹葉仍新平生萬里志一日故  
鄉人

隋宮詞

三首  
有序

煬帝醉遊諸宮偶戲宮婢羅羅羅羅畏  
蕭后不敢迎帝帝迴嘲之詩曰不留儂  
住意如何

幽怨無如宮怨多不留儂住意如何碧桃滿樹  
空搔首日向秋風對敗荷

其二

煬帝幸江都至汴御龍舟選妙麗女子  
千人執彫板鏤金檝號爲殿角女中有  
吳絳仙者柔麗不羣有寵于帝帝每倚  
簾視絳仙移時不去殿角女至廣陵悉  
用備月觀行宮絳仙由是不得親侍寢  
殿有郎將獻合歡水果帝命小黃門以  
一雙馳騎賜絳仙詩絳仙附紅箋小簡

石民翁文集

卷之六

十

進詩詞極怨慕

水殿從來第一人却來月觀作閒身野紅不似  
瓊花好爭得君王賜果珍

其三

煬帝在廣陵侍兒韓俊娥尤得帝意蕭  
后誣去之帝不能止暇日帝憶之題詩  
東南二柱

石城笥日開三閣宮井何曾無二嬪一箇俊娥

留不得風流爭似阿儂真

七夕

別來如絕雨天上不勝憐若復頻相見還應易  
棄捐故爲經歲約兼擇在京前卽此諸君巧淡  
情女伴先

加口紀夢

杳景在晦冥奇情入秋水維舟加之曲欲去若  
爲止懷抱旣依依儻忽疑有俟酒斷夜魂清神

右長渝文集卷之六

上

夷境紛詭誰爲入余夢烏巾復白苧玉度如水  
澄平詞含旨美曰余名安石平生嗜光偉一辭  
鍾山雲條忽五百祀憶管挾九州經緯白雲裏  
分明掌上看豈復眩朱紫三朝匿煙藹得君始  
撫仕主明德太豐士愿好戰齒空懷致君術終  
負堯舜恥幽恨鬱不舒况復無信史旣以九府  
法箴之爲鼠尾復以闢國勲織爲開邊罪國貧  
軍不張敵愾慮後悔因致弱宋名千載不可改

日月自遄君臣閒拜跪盛業歸明家良法方  
策在保甲與保馬疇非余所建聊爲後世師徒  
致當時効青松自青青白日自磊磊仰覽盡能  
見世學俱俯耳感慨別余去顧盼有餘彩晨起  
記斯言淚下不能已嗟嗟意氣人見錮無常理  
所慨來者哲孰爲一高視

加口紀事

秋風欺艇子依蒲復依柳五日不能渡迴棹維

右長渝文集卷之六

上

加口何處老翁啼聲續無故新更有老婦哭一  
號氣屢屯云有丈夫子從軍遶西去束矢兩雕  
弧繡帽復錦鞋將軍神且武少小震江淮從之  
銘長白身貴絕塵埃去年五月時官軍聞欲渡  
日夜望捷書忽聞丞相妬去年冬始半將軍脫  
鐵衣列校不得從拜別空淚揮闌地數百里一  
檄讓虜人無爲虜所資內地生風塵虜聞笑不  
休揮斥輕千里合騎逐懦夫霜風拉敗衆輕兵

不五日已至大海涯觀察守孤壘樓船喪水師  
可憐覺華島一島萬餘兵奔避攜老稚如麻澗  
壑盈胡矢似飛霜奔軍類驚翎鐵騎一朝過鬼  
火萬年青萬人笑一命我兒寧獨生不悲一死  
苦所悲死無成老人年七十一身尚行伍中原  
養疲犢危邊棄生虎兒死人不聞名在軍書中  
身長面復紫姓周名世龍聽言尚未罷再拜起  
弔之將軍不神武故為世所遺生還負 縣官

今且慙吾子昔日鬚眉人今日滄州士

偶作二首

放棄心逾適神全應世紛何時無勝日寓目啓

奇文

其二

未竟英雄局姑從曠適來誰能如俗客寂莫待

泉臺

燕磯篇寄王先民

燕子磯頭月欲明江聲拍岸生春星此時同調

二三子拂壇履坵敦詩盟日常江右王伯傳吳

黃智殊紛杳有時間與吾道合允兆吳興吳聲

名竟不息平生數語半相得辟支小乘商閩中

梅與葛包山葛單詞隻字如雲活薊北中丞鄧

遠游建昌鄧漢鳴鐘伐鼓在高樓粵西節使曹能始

福州曹學佺冷澗孤香別貯幽問誰此道稱真契零

落何堪屈指計捧孟瀝血猶未終詞人半被黃

壚閉費生嘉禾費五字如鮮荔玉椀未成先已碎

泉臺此道將欲張漸引同心向冥場亦房吳門王雷

早天遐周西吳董廢凝甫洞庭吳為僧范二茗

范亡道敷秀州佳句畱天壤徒使湯休恨欲狂

馬郎中州馬洗出鉛脂骨宦轡何紆泉轡忙景

陵二子譚譚元與鍾鍾自開衣鉢萬山空一時

從者如續雨紫衣僧定勝能公余亦無心復耽

此倚瑟提壺長直視犀甲荷衣一樣輕鐙上蒲



輪變老兵硯田雖蕪閒春水筆冢如丘花復榮

白傳晚年憐夢得儂今眼底有先民

廣陵王醇

### 過淮感舊

犀甲將軍夜將兵飛凌淮水月三更如今獨對  
閒宵影分外清光分外明

### 卽目

孤蓬容與任閒宵一簇青峰叢髻髻何處遠波  
情眼媚有時蟬斷衆音嬌雲縈月魄燈籠錦煙  
抹林端翡翠翹只是輸人金鑄耳半天韵事可  
禁消

石民又峴集五卷

〔明〕茅元儀撰

明崇禎刻本

北京圖書館藏

人峴集序



天啓乙丑璫禍始熾舉朝擊之  
章疏格不達高陽公行邊至薊  
請朝長至將爲一言委折譌

者謂以甲十萬清君側元儀爲

人峴集

軍鋒幾不免已而稍解終不許  
將大軍擣河東遂以病去明年  
削爲氓較事者踵之不暫釋不  
敢見人人亦畏其居於此遂謀  
一舟爲泛宅焉顏之曰又峴

非能又陶峴之賓客聲伎肴饌

也無已則庶爲水僊續耳幸不

一年璫敗得釋崇禎壬申自戊

歸日困羈纍至癸酉復則奔走

竣其事以澤國爲家家田廬已

人峴集

序

盡獨畱又峴以無又峴無以爲

崔之巢魚之梁至冷夕得詩五

卷大約皆舟中作也名曰又峴

集嗟乎聖治之日升何如

主上之誤眷何如而乃終年踐

璫時之行徑悲乎

石民茅元儀題



石民又岷集 序

三

序

終

石民又峴集目錄

卷第一

晤城門較尉崔西星懷鹿伯順奉常孫啓

泰徵君<sup>晉</sup>二 爲范太濛符卿壽宋母母之

子負節俠符卿佩之 曾波臣爲寫照貽

之 同洪仲韋張集虛詩 飲曾波臣塘

上居 夏日遇長安社人謝長秋粵遊還

次韻酬楊補之 三山門晚泊偶作草

石民又峴集

卷一目

書 泊燕子磯簡次文藁 大風泊繖山

排筍 舟中晝寢夢亡友宋雲公待詔

三年 夢覺 大風變 夢虛白道人

自橫塘渡沿靈巖諸山至石址感懷

一見 養病石址舊隱 韓古州太守隱

居半塘貽之太守敬堂先生之子先君出

先生之門 貽山叟徐太和 癸酉石址

病中度七夕<sup>晉</sup> 書澤農堂壁 寄譚友

夏 山居<sup>晉</sup>二 謝陳益吾納言鐵簡 劉

祖 三年 泊舟東遷 邊婦怨<sup>晉</sup>四 夏

夜追次放翁韻<sup>晉</sup>四 丁未舟中又值大風

今夕 夢與王百谷徵君小坐精舍忽

有僧傳紫栢老人書至 菰城<sup>晉</sup>十

石民又峴集

卷一目

二

石民又峴集卷之一

防風茅元儀止生著

晤城門較尉崔西星懷鹿伯順奉常孫啓

泰徵君 二晉

短髮颯颯單袷身白門風雨正逡巡胸中不着  
欲吞語酒際緣無拘忌人瘦馬秋閒甘苜蓿病  
鷹霜霽尚精神憑君寄語同人道劔老猶然淬  
斬新

石民又峴集

卷之一

其二

朝籍初通意氣新及余繭虱負良辰英雄盡老  
扶犁手氣類唯存折角巾歷落身餘生死外輪  
困膽笑古今人中原正恐多烽燧珍重圓筒藉  
汝頻

爲范太濛符卿壽宋母母之子負節俠符

卿佩之

衡星聞說見南方人壽麟生總此祥賓石不虛

車戶載士行何必盛肴將但看公瑾能推宅會  
見虞潭特起堂我亦飄零思北海爲君舉羽乞  
天漿

曾波臣爲寫照貽之

我豈異于人貌者不能似當繇志意間無復今  
人旨平心勲業心一朝忽作水憂患亦何事無  
足掛冷齒生死等固然病苦如流矢故其眉頰  
間筆墨豈能泚君画人盡驚君豈有他視我懷  
石民又峴集 卷之一 二

在爾懷三毛餘事矣

同洪仲韋張集虛諸子飲曾波臣塘上居  
同樣清氛兩樣香荷花荷葉競方塘千錢不得  
幾人醉一雨還餘三日涼小飲偶然如快夢舊  
詩重咏憎殘妝蕭蕭吟袖秦淮畔祗覺幽心繞  
筆床

夏日遇長安社人謝長秋學遊還

雨滿青簑月滿壺勇餘足健尚先登軟紅恍似

三生石甜黑便如九月鷹避暑曲臺風摺摺懷  
人幾載夢層層英雄消歇無聲影祇有新詩足  
可憑

次韻酬楊補之

野史亭高阮曲溪畋漁老我意沉沉三墨童具  
公卿骨兩扇蓬餘廊廟心算怪燈陰時墜葉

夏徂秋無日不墜葉自從桐斷絕知音得君一語酬心曲

不冀千秋不恨今來句云亦知不可爲茲日其奈平生自有心

石民之規集 卷之一 三

三山門晚泊偶作草書

蓬窓淨如拭放眼無何有洗霞魚濯錦振葛風  
生肘澄江浴晚山落日當孤柳顧此發三歎有  
筆徒如帚不銘長白山只換黃公酒

泊燕子磯簡次文藁

唾壺缺盡老相尋勝日常爲造物侵不恨英雄  
無劒術只嫌烈士有書淫真王妙達誰長短士  
伍汾陽自古今燕子磯頭山鬼叫征西橫槊意

沉沉

大風泊繖山

霧艦煙帆不計憂繖山山下繫中流驚濤如借  
峨眉雪驟雨疑回灩澦牛颶颶野荷離水傲飛  
飛老鸛入雲愁東風擲盡無緣會枉使周郎到  
白頭

排管

排管陳今送日春本爲天地作書傭詩材拾取

石民之規集 卷之一 四

無從賣吾鼎初成手自封良病減杯如將懦愛  
閒覓睡過兒慵細尋快計應猶在弱帽芒鞋縹  
緲峯

舟中晝寢夢亡友朱雲公待詔

交子萬曆間白哲氣堂堂子長已踰倍舉止必  
潤芳十年我復來子顏已蒼蒼動靜合豪素爲  
樂良無方長嘯逃徵書子則侍明光我出子已  
歸志意合鍼鉞一旦黃天頽連繫屠忠良我逐

子則死貞勁不失常褒我不及子中夜殊皇皇  
長呼算爲應禍患隨踉蹌孤航繫江畔恍惚南  
舫廊君長安有齋曰南舫一飽如曩時倒炙復傾漿適極  
疲睡來書畫驚滿床與子共甲乙餘事問縹緲  
快語未及竟江風觸蓬窓良友不我棄生死樂  
泔泔神清安在哉與子長徜徉

三年

一自飛鴻被繳繪三年遺玷不曾登長閒有似  
石民又峴集 卷之一 五  
空幃婦頰冷渾如罷講僧遺上記痕程畧轉有  
時瞪目看雲崩匡州舊路休嫌惡不餽蒸芋怕  
集蠅

夢覺

蘭藉黷無光中道半詭失死者不寄書別者難  
再必駕輶悵算尋孰知在睡國一枕尚未甘紛  
紛每相逼雖難折東召自可無心得舉止宛平  
生燕笑如曩日形神兩不疑但悵別稍亟覺來

入悵然我獨有喜色

大風變

癸酉五六月白袷遊白門詩醉不得醒兀坐閒  
心魂忽聞尺一書追攝方披根盡奪所繇祿母  
使沾餘恩惶悚束素書夙夜戒江輪守風凡七  
日自度風將反孰知乙酉變天地幾爲吞舞瓦  
如舞葉摧城如摧藩巍樓高百尺不煩一夫掀  
老樹蔚千年拔根驚飛翻江汜且數仞俄頃通  
石民又峴集 卷之一 六  
浪痕巨編舞桅檣倏忽無復存小舟傾崩濤三  
揖客入門我時纜孤舫慨焉不復論吾道苟非  
歟何必天威煩有如尺一書將無亦以繁或曰  
此非天風伯濬其源有如子追攝豈真關帝閭  
嗟乎命矣夫此輩不足言俄而竟晝夜風定江  
如春篙師無一語伐鼓渡平津茅子莞爾笑理  
定時難屯

夢虛白道人



算怪相逢處平生客當家神幽外筆墨意邁敞  
煙霞舉止松間鶴風容月在葭自言存紫炁問  
我近黃芽舊伴畱丹竈新知掃落花攬鬢天一  
咫揮酒髮雙髻笑語未能竟不堪譙鼓過  
自橫塘渡沿靈巖諸山至石址感懷  
英雄垂老息機時滿載風流壓急漸輸與夫差  
惟一事會稽城下作男兒

一見

石民又見集 卷之一 七

一見俄看賜執圭如今羈紲皆長低不妨早刈  
當門草何日方烹索鬪雞庫內江南圖典盡櫪  
中冀北馬頻嘶 君王邇歲焦勞甚無暇臨軒  
聽鼓輦

養痾石址舊隱

嫩天澹月一庭幽暫罷蟬嘶暫罷愁有夢不離  
丘壑畔人傳方待海山遊因病始得心魂逸迫  
死翻欣患難休寂寞石民人算問它年高士此

中求

韓古州太守隱居半塘貽之太守敬堂先  
生之子先君出先生之門

絳帳開來五十年後堂音樂久茫然郎君尚有  
遺書在殘客還求故劒看半夜笙歌枕前過三  
春花鳥衆人先更餘一事應輸與金石編聞續  
後編

貽山叟徐太和

石民又見集 卷之一 八

八十年來山水身萬花園處不知貧披裘每笑  
邯鄲枕岸憤寧沾京洛塵桂釀既成時選勝尊  
羹初滑吳比隣時危士靡江河慨轉憶君家白  
衿人

靖康間太學生徐揆  
徇國學中叟遠祖也

癸酉石址病中度七夕 二首

慣經離別轉傷神失計年年鵲馭頻巧乞世人  
知己盡不煩瓜果更爲陳

其二

幽花小砌不生塵病骨稜稜秋露新今歲羸伊  
聊一事胸中無復欲逢人

書澤農堂壁

蕭颺石戶夜窓虛夢斷京華雁斷書何日永州  
簷下卒腰間片紙出徐徐

寄譚友夏

萬里豈爲遠十年不寄書雖然外形迹每自獨  
躊躕身險天爲衛時非道已墟知君爲永歎撫

石民父峴集

卷之一

九

枕夜帷虛

山居 二首

掩臥高齋體不佳只辜藤杖與芒鞋風憐謾謾  
吹愁夢月故娟娟惱病懷戲破不須重下汗無  
求久矣是懸崖恨餘兩事猶爲累酒裏詩籌花

底牌

其二

蓼汀荻浦傍奇山淡墨淡黃渲染間辦得幽心

方領略纔思世道便潺湲形忘祗索千家醉身  
病聊羸一榻閒九疊筇枝都銘遍不堪明月照  
霜管

謝陳益吾納言鐵簡

并謝竹如意何煩鐵簡頒縱橫須一擊棄置已  
長閒如欲呼平虜先當號刺姦天生劉子政應  
有大刀環

劉祖

石民父峴集

卷之一

十

劉祖人推間世豪况逢百六適相遭丹徒布衣  
久貧賤荊州佐命方羈牢玉局羸餐紅蠅殼分  
司誰寄碧腴膏秋風掩起亭臯靜且率兒童弄  
小舫

三年

三年投裔變髭鬚海內交遊意氣殊蠲舍老翁  
時折簡旗亭酒伴或相呼楠癭擁腫同無媚魚  
劍精芒祗自娛不分西風寒櫪下凡筋噴沫笑

龍駒

泊舟東遷

澹澹溪山拂拂風誰教愁攪那些中英雄快劍  
爲排斷驅得愁來載駿駟

邊婦怨 四首

花馬池疑別隔天黃河套曲水潺潺夢時輕路  
醒時怯若得平分久到邊

其二

石民文峴集 卷之一

十一

鐵甲如霜尚賽強涼宵競淬汗疑漿儂家只說  
天山冷獨對秋檠綻絮妝

其三

隔壁鼾聲是小姑不知薑味不知茶儂今豈怨  
郎長別只恨高堂早嫁奴

其四

知郎亦有淚沾襦黽勉人前作丈夫夜半酒醒  
豪氣減英雄贏得變髭鬚

夏夜追次放翁韻 四首

奇峯陡湧至有如春水生變勢無定形忽崩疑  
有聲造物本不常我獨難遐征端居寧不愧皇  
天方慮傾

其二

驕陽正熾矜點點飛白雨怙勢獨胡爲而乃患  
久處昨者虎且冠今日在何許逡巡欲告君恐  
添愁幾縷

石民文峴集 卷之一

十二

其三

陰廣日遠迴堂虛風易入偶然愛荷香臨軒成  
小立幽心正渺微螢飛方熠熠我欲漱寒流鄰  
家靚借汲

其四

雨聲三四點秋懷一夜熾收拾蕭宕心回光簡  
編邃適有萬里書日夕參差至四字盡戰場豈  
能保美睡

丁未舟中又值大雨

驟雨驚飈又一回圖書狼籍倒尊罍一年風日  
幾時好淡月江湖兩度災堅忍支持天地意癡  
頑儘任古今猜不妨妬婦津頭涉會見晴光頃  
刻開

今夕

今夕宜放筏恬波殊可忘落星亂螢火流電疑  
月光喟焉懷古人躊躇孰相當高者不可企卑  
石民又峴集 卷之一 十三

者不能降突兀我成吾夷然算心機

夢與王百谷徵君小坐精舍忽有僧傳紫  
栢老人書至

先哲我所畏胡然慰來思譙笑猶未淡炙漿交  
相持俄聞叩門聲僧雛忽闖斯燃臂不搗眉一  
縷香如絲圓筒出衣帶來自紫栢師古德管未  
叅何言啓鄙私猛然知所爲將無垂覺時

菰城 十贊

西塞山前漁父水晶宮裏人家隨處山情水味  
不須載酒尋花

其二

項羽雄心終在梁公草檄偶然不見霸王門上  
英英今又千年

其三

芙蓉魯公大節又貪文敏風流只恐他人活計  
影來轉益家愁

石民又峴集 卷之一 十四

其四

綠葉未成陰日水嬉人裏遙看縱不枝頭結子  
未堪花際重觀

其五

管夫人画猶在趙學士筆不聞白古輕才姿色  
詞壇人枉紛紜

其六

弁嶺徒高誰峻若流徒潔誰清祗有烏程酒味

至今不負初名

其七

魚稻甲於天下山川不似人間坡公語老人生來

不覺豈殊釣水樵山

其八

夾路王公墓道遍鄉寄佳人煙何似衣冠葬李

王臣南渡諸賢李若水侍郎衣冠葬在湖州

其九

石民又峴集卷之一 五

放生池泯十九魯公立放生池十九碧浪新築一灣近日陳太

常爲守時所築誰續典興掌故闡提永教心寒

其十

未免魚龍之患常罹兵火之災不信村農誣讖

始稱保障雄才

石民又峴集卷之一終

石民又峴集目錄

卷第二

癸酉八月朔日 夢前遼帥趙明吾 四

十初度晉二 次韻酬安仁枉孫并招其枉

聞孔有德引虜破旅順黃大將軍龍死

之慟哭成此 八月十四日辭西湖 柳

夫人讓封詩 病中行役 放翁以窓裏

人將老門前樹欲秋爲韻作小詩病中有

石民又峴集

卷之二

一

感戲和之 四十生日後作歌晉七 病中

題弗陵巾 晚看城南諸山 看下第者

聞夏長卿分較北畿 困追攝自遣

寫懷 苦疴 癸酉九日憶已巳九日同

孫啓泰鹿石卿杜集美諸子謁劉靜脩先

生墓 寇虜竝急病榻悵然 次韻酬遠

士四十初度見贈 次韻酬吳令公四十

初度見贈晉二 次韻酬屠瑞之四十初度

見贈 次韻酬屠冷玄四十初度見贈

漫作晉四 龜堂 夜泛吳門時方有義興

之變 病中聞有欲見借者戲作 寄宋

元孺 閩闔城下聞荒雞 記舟中夢

秋日過石址舊隱 夢董遐周

石民又峴集

卷之二

二

卷第二目錄

終

石民又峴集卷之二

防風茅元儀止生著

癸酉八月朔日

秋來病色頗蒼蒼道覆餘艤蔽海翔攬轡未容  
清宇內荷戈何計捍吾鄉夢中尚課書生業醒  
起疑尋大將章兩事盡非成一笑方抄藥裹滿  
匡牀

夢前遼帥趙明吾

石民又峴集 卷之二

吾友管殉國碧血凝忠魂我嘗追虜騎殲之閭  
家屯此地虜犯公庶幾慰我存公于夢寐間見  
我多竅言音容宛如昨夷然無恨吞我恨獨後  
死盜賊滿中原束手不得戰文法空自繁壯士  
無死所夫豈羨飛翻何時神清宮一笑拭淚痕

四十初度 二首

自占骨相異鳶肩不怪黃楊逐歲遷兩紀子同  
常獨恨儀同先侍御生日時十年尚父始飛籌邊如夢

髮畱白傳學虛衷心似燃更歎干戈方滿目管  
人疆仕我高眠

其二

時去堂堂四十年悶來無計問青天固知賦傲  
爲窮本胡不兼蒙絕古緣霸上往來忘故將石  
倉容與號書仙他年絳節紛何至不羨人間爛  
鐵船

次韻酬安仁王孫并招其在

石民又峴集 卷之二

翁歸虛譽枉當年竊歎君還信誤傳勲似銅駝  
逢漢季文如石鼓出周宣萬山納影何妨海一  
葉先秋亦負天號巨未忘衡嶽隱不妨早上夜  
來船

聞孔有德引虜破旅順黃大將軍龍死之

慟哭成此

灰畫髯枯十幾年那堪忽盡變胡天一身謫去  
雖無恨萬事俱非豈偶然方慮李全烽未息孰

知郭藥談將然回息受脈緣何事慚愧違時翻  
釋肩

八月十四日辭西湖

去年中秋月避我今年中秋我避月病骨稜稜  
不耐寒掩窓似恐逢仇隙仇隙當天可奈何清  
光歲歲擲如梭逸曠豪華兩不就隱囊藥裹相  
婆娑羨殺周郎遇獨殊將我後路作前途

柳夫人讓封詩

石民又見集

卷之二

三

丈夫讓一爵名乃在萬世女子讓一爵名同壺  
門閉自有厥緒昭女士盡爲隸半夜扶桑升中  
霄朱雀唳

病中行役

落照蒲帆緒汀洲不解愁憊欣暑已謝病却未  
宜秋藥枕如胥伍筇枝作馬牛最憐愁裏活委  
頓亦忘愁

放翁以窓裏人將老門前樹欲秋爲韻作

小詩病中有感戲和之

病臥妨書課夢來月滿江不禁重細咏延月入  
松窓

其二

望諸方零落傳聞騎却死偷生何足幸轉展匡  
牀裏

其三

患難身爲寶病來患有身吁嗟賦命拙却作此

石民又見集

卷之二

四

時人

其四

送死驕胡輩餘艘泛渺茫病中驚起坐枕畔拭  
干將

其五

兵興十六年歷歷見諸老衰壯雖不同用舍亦  
草草

其六



時事驚心切扶筇一啓門客來迷理亂且與啓  
芳樽

其七

九州亂已八近事不堪傳千里方寧謐人如慶  
曆前

其八

夢裏霜罩頭鏡中秋滿樹蕭條嬾作書鴻雁方  
驚度

石民又見集

卷之二

五

其九

本志吞胡虜封侯未始欲但許飲黃龍老兵亦  
已足

其十

病未勝重鎧閒居且算愁但須鉦鼓緩藥裹度  
清秋

四十生日後作歌

七首

小時本就干祿格十三遂作獻書客辟雍都講

徒自豪鹿正呦呦人在陌霹靂東方兵禍興門  
前丘積籌邊鳥嗚呼憶咎 神皇泰啓間夜構  
危言朝不刪

其二

危言本賣陳東血剗章忽共南山截逃薦非繇  
學養高生駒自信難羈紲強受徵書恢故疆遼  
西四百俄鉗掣嗚呼誰道臨河片詔來中朝媼  
相方嫌猜

石民又見集

卷之二

六

其三

嫌猜不殺媼不喜多少兒孫爲籌擬小冠逐去  
禍方興較事兩火逐所止一片孤臣膽與肝久  
懸烈日待犬齒嗚呼半天雷雨宗廟靈上公第  
內鬼火青

其四

鬼火猶能附人語讒言滔天衆寡禦逐臣環召  
痛欲狂 帝賞珠鉗將對汝餘孽倉皇共擊鋤

朝登西府暮爲虜嗚呼浮雲旣決天地明胡笳  
已向雙闕鳴

其五

胡笳胡矢徹御慢俄報遼師復內叛孤臣守潞  
十八日又逐元臣作東翰五城恢復馘六千露  
布朝朝手欲斷嗚呼幕府功牘如山高讒人筆  
墨勝弓刀

其六

石民又峴集

卷之二

七

弓刀釀禍猶不覺欲使天山無野燒日厲樓船  
下瀨徒將窮奴穴舒長嘯三萬島師人百金競  
思撲虜如飛鷁嗚呼一檄聊憑夜半傳追鋒車  
在圯墮前

其七

追鋒車上寒漠漠烈士途窮無淚落 君王念  
功三宥之議臣曰否仍就縛長流不足復輸宅  
傳聞虜人成一謠嗚呼四十未死終報恩我家

三世稱上門

病中題弗陵巾

少婦無煩鑷鬢絲維摩示病散花時分司笑作  
勞心事贏得低回一嘗詩

晚看城南諸山

煙際秋山自不群新蓬喚舞正紛紛一年好月  
常涵鏡十萬人家半入雲酷瘦祗憑詩作骨憊  
農聊以墨爲耘蕭騷白髮無人問幽討還應許  
策勲

石民又峴集

卷之二

八

看下第者

當時頻下第今看尚心傷惡夢難醒際歡情初  
別腸三年愁畢聚一世命疑妨離亂危卿相無  
端此慘愴

聞夏長卿分較北畿

笑爾同愁失路身爾今已作鑑衡人鶴飛難忘  
爲雛日花發常思冒雪辰憶昔文章常歎命真

欽伸屈果疑神戰袍塵裹綈袍在血鏽模糊淚未泯

困追攝自遣

謀國當時心太淡欲憑雄槩快孤鐔但搜虎豹焚前谷不計鷹鷂起後林誰論郅支排紫闥轉思鴻寶鑄黃金何妨停勒种師道郭藥師應笑不禁

寫懷

石民又峴集

卷之二

九

山水賓朋無復情默然自起撥哀箏一秋病榻難勝甲子載戎旃悔識丁芸蠹置身聊避死霜髭吟斷匪求名迂懷豈特難諧世夢裏常同作者爭

苦店

無邊春色在霜楓病骨支離望眼矇頃刻忽呈真變相寒暄別是一邦風算非徵士將成咏士誅曰疾唯店疾不信臺駘便有功何日得領千軍

棄筇荷甲逐遼東

癸酉九日憶己巳九日同孫啓泰鹿石卿

杜集美諸子謁劉靜修先生墓

北平回省幾經秋劒膽縱橫筆膽遒愁味漸深添病味酒籌未盡迫詩籌登高望滅懷人切風物如前顧影羞醉後不禁雙眼白先生墓上烏啾啾容城兒童俱呼曰我先生墓

寇虜並急病榻悵然

石民又峴集

卷之二

十

嫩寒天氣病餘人遙映疎簾霜色新藕蕩敗荷如敗卒桑村殘葉似殘民邸抄大抵皆塘報宿將傳聞半鬼燐閒殺老夫長嘯起君王應聽鼓鼙頻

次韻酬遠士四十初度見贈

雄姿少小管徒豪老大聊蕭一布袍手筆無緣耦燕許縱橫回省愧劉曹英雄記上心私忖野史亭中背自搔有客灌壇應寄語從容偕汝臥

林臯

次韻酬吳令公四十初度見贈 二首

蕭然布褐萬山前  
錦甲當年合陣圓  
自是化工頻作戲  
誰知濃淡一時偏  
雷將行雨休煩借  
馬已諳途不待鞭  
門冷如漿人欲老  
故人猶記正孤懸

其二

四十行年衰病兼  
况悲唇舌似銜箝  
閒看卿相

石民又峴集

卷之二

七

量金蒲何異兒童累  
塏尖未捫八天先  
翼折豈需三窟始  
身潛軍書此日方  
頻至清淚還同夜雨添

次韻酬屠瑞之四十初度見贈

關塞何時始罷兵  
抑愁領客且飛觥  
文章姑作千年計  
勲業非求此日名  
破碎心邊身足病  
輪囷膽在眼猶明  
營丘計有百餘歲  
笑爾猶堪待世清

次韻酬屠冷玄四十初度見贈

自到中年憂患罹  
輪囷膽在未曾疑  
短檠絮絮前人語  
吟杖蕭蕭後世期  
不雨徒雲難作計  
重雷既蟄始爲奇  
著書千卷纔成半  
爲勸天孫酒

一卮

天孫天帝之孫  
君人魂魄

漫作 四首

切雲冠卸幾經秋  
密匝書圍自在遊  
算怪嘯歌渾未輟  
雙眉直豎不擔愁

石民又峴集

卷之二

七

其二

單于獵火照遼天  
一劒嘗揮百萬先  
戎馬半生身計失  
每摩髀骨自欣然

其三

關心唯酒病還休  
雙屨年來嬾出遊  
高咏未能忘習氣  
猛然省得我鄰尤

其四

拋書捫腹步徐徐  
手把金鴉自斫蔬  
詩味有如

霜葉色縱然流豔也蕭疎

應堂

蟲豸客亦相宜活火茶煙出屋遲止飲尚餘  
名酒味酣眠不忘未成詩花經風抑香終在山  
被秋勻色更奇遺老關心差有事王官谷裏不  
愁餓

夜泛吳門時方有義興之變

煙波渺渺月三更有客縱橫尚論兵鑿破天荒

石民又見集

卷之二

七

看亂世喚回管夢擁傾城從來戰處經歌舞鎗  
向危時料死生江左顧周戡定力至今千載尚  
崢嶸

病中聞有欲見借者戲作

憂患何曾廢舳舻邇來藥臼伴茶鐙攝生自負  
迎先甲造化還能害六庚笑枉可兒開後閣不  
如癡老結山棚紫綃裾敝雕弓敗又有人教履  
舊枰

寄宋元孺

故人贈匹錦不忽細裁衣持裝吳繭綿覆被此  
賤軀三年被已敝故人情不違微暑旣返轡酸  
風款北扉劒恥不復鳴書亂不復治獨有管懷  
抱慷慨將對誰憶我遊輦下世亂抗鬚眉不懾  
息文冠但感平城悲一言肯俛仰終旦綬纍纍  
微笑揮手去君送城南陂傾囊市美酒醉後遂  
倒騎感此別離意每與心相隨息之不可見對  
石民又見集

卷之二

十四

閬闔城下聞荒雞

眼看域內盡刀兵何待荒雞丙夜鳴只笑祖生  
成底事當時聞得也怛怛

記舟中夢

秋逢霜氣透層層百衲帷中一病僧偶夢早朝

起坐沉吟半晌自吹燈

秋日過石址舊隱

每來不忍去心口問如何縱或不長往還當應  
屢過奇香發古木幽響在殘荷長策終須決朱  
顏臥碧蘿

夢董遐周

宛若見吾髡條然在鶴巢不遑相問訊唯索借  
書鈔藥裹隨殘帙呻吟間笑嘲童初已久住玉

石民之見集

卷之二

十五

女繞丹旂

石民又峴集目錄

卷第三

從石址舊隱步屐斗柄憇茗山登七十二  
 峯閣 與周安期 追和韓退之射訓狐  
 同遠士掃墓 晚步菽園 每詩成卽  
 寫示遠士自笑題此 遲暉閣望獲 溪  
 風 次韻遠士在余舟中途舊將 出塞  
 四晉追次秦少游韻 恭次先君菽園雜  
 石民又峴集 卷三目

咏韻 十六晉 目杜後 藝菽 摘蓮 聽蕉 蔭  
 桐 徙菊 芟竹 灌蔬 漱汀 步檐  
 陟阜 戲魚 飯鳥 散帙 攜琴  
 掃葉 醉石 病夫 遊夾山漾時正紅  
 葉 山行 得曹縣王五雲先生書備述  
 西玄洞主自撰本末及詩歌劄牘 泗安  
 道中 與郭無虞刺史 夢高陽公集諸  
 將較射 養痾夏倩竹孫齋中 題人扇

癸酉十月七日得西玄洞主耗又十日

復示夢有述 聞虜警 二 玉溪關 登

橫山恭次 高皇帝韻 送張古岳明府

入觀 一病 譚友夏過德清適余往廣

德寄書奉報 平泉 日與之什 四 石

封寄宛叔 懷揚州李汝居閩舍卿 經

月

石民又峴集

卷三目

二

卷第三目錄終

石民又峴集卷之三

防風茅元儀止生著

從石址舊隱步屐斗柄憇茗山登七十二

峯閣

名姝過國門賢愚盡噴噴所譽雖有殊各自寫  
所適一旦遇傾城賢愚盡悅惚耕者釋其耒行  
者徒勒牽君子愕無言徘徊如不釋我于茲山

川亦復同斯格擇隱遍江南乃得此咫尺策杖

石民又峴集

卷之三

窮幽討所至驚魂魄平生遊必紀至此徒咄喏  
據筆或有詞不類復摳裂今年病中過草草一  
領客初至屐斗柄蒼茫天地坼繼憇小茗山羣  
峯盡來役晚登傑閣上位置安且懌藐姑天半  
間孰敢妄心逆五城十二樓怪客徒相嚇

與周安期

在管同人盡風流今寄卿蕭然兩吟袖淡爾一  
葵羹花雨句中出煙霞行處生詩筒不寂寡評

和到三更

追和韓退之射訓狐

訓狐訓狐母引其雛白日匿影翳林薄更溪漏  
急出嗚呼月魄星芒光幾許自言鑑物無不舉  
却縱妖狐與舞鼠訓狐那得不乘汝訓狐聲惡  
日且怖徵鬼騰凶星亦懼吞聲縮氣奈若何我  
厲弓矢傾其窠

同遠士掃墓

石民又峴集

卷之三

離離松檟兩行霜頓謝承平更斷腸頗識潁川  
爲戰地尚漸子敬決離鄉國恩祇有文章報  
厚云欲報國家業聊憑清白楊少失過庭徒老  
思惟有文章家業聊憑清白楊少失過庭徒老  
學弟兄師友益悽愴

晚步菽園

奇石常閒欲鬪霞蕪園十畝接貧家驚心怕看  
兒時樹闌志常同秋後花杰閣已圍喬木內危  
橋猶帶曲池斜低回管日吟邊立送盡高梧幾



樹鴉

每詩成卽寫示遠士自笑題此

策勲祗在小詩中藁就匆匆不計工寫付詞人  
朗吟過殘鐘瞬息付西風

遲暉閣望獲

無路高秋許逐麴園林獨步自旣旣年來已作  
村夫子盡日唯叅石丈人計秣先差邀客數急  
竅恐後入官困兵戈海內炊骸日千里江南獨  
石民又見集 卷之三

賦幽

溪風

溪風拂簾正秋旻客餉葵羹婦煮蓴季子黃金  
今日盡安仁白髮昨朝新吾衰鍊句終難傑病  
久渾醪亦告貧賴有國醫殘簡在朱黃枕上笑  
何頻

次韻遠士在余舟中逢舊將

憑說巖疆盡舊遊傷心部曲冷貔貅中丞詩節

先歸地此將出岳石梁中丞幕下較尉封侯幾出頭同時諸將多橫

玉靜扣溪庄學儒服漫傳酒琰拭銛矛君行儻

遇河西使算語長源在此州

出塞四首追次秦少游韻

秋雲驅風來鐵衣一夜涼壯心不雪恥老死猶  
爲殍岸豹迎我前暗啞叱爲竿蛟宮竭魚鼈母  
爲後世殃

其二

石民又見集 卷之三

少年負志略一劒絡九州寒繡始度塞咫尺天  
山頭虎皮欲包戈桃林將放牛一言不俛晉遂  
失萬戶侯

其三

寇盜九州發十年殊未闌催科愈以急孰念民  
生難健兒擁少婦猶言中夜寒羌胡聞又起行  
度玉門關

其四

弓稍倘所指女真亦何有恢城馘名王茅封已  
入手淮陰壇上人欲使等走狗長歌歸去來汝  
席亦難久

恭次先君菽園雜咏韻

十七  
晉

藝菽

雨過朝氣涼駕言往采菽采采將遺誰淚滴心  
頭熟

摘蓮

石民又見集

卷之三

五

小時摘蓮去叮嚀戒水滑可憐今蕩漿玉體已  
如遺

聽蕉

蕉聲何清越靜可却煩暑儂懷自多愁疑風復  
疑雨

陰桐

孤桐已蔽天力障白日影儂年徒老大無力蔭  
鄉井

徙菊

種菊復徙菊喜高而惡下讀盡手澤書疇肯低  
眉者

芟竹

芟竹淚先落手植蔽我屋但欲長新枝徘徊去  
絲玉

灌蔬

葵羹藟餽飢無怪也且拙此味頗久長抱甕水  
石民又見集

卷之三

六

不絕

漱汁

鐘聲渡水來孤影蔭寒樾低頭媿清流舉頭愧  
明月

步檐

望望北山高門前多荆棘白雲不可見青雲徒  
設色

陟阜

我夢蓮華峯嵯峨策藤陟顧視故鄉思徘徊還

此適

戲魚

魚子不成龍猶能逐母戲我獨顧復誰睠此潺

然避

飯鳥

此鳥初奮飛凌風曾借翼無奈網羅何仍就田

園食

石民文苑集

卷之三

七

散帙

當時隨杖屨槩略聞古今老學尙如此羞爲梁

甫吟

攜琴

平生一履霜高山與流水祇向此中彈不入世

人耳

掃葉

掃葉作寒炊秋風恨太多長腰倘長飽不復涉

風波

醉石

醉爲花所埋花爲風所掃共矜七尺奇若個知

懷抱

病夫

芙蓉老盡半塘蘆風掠西齋兩樹梧青簾垂垂

香縷碧病夫手自注陰符

遊夾山漾時正紅葉

石民文苑集

卷之三

八

蟬舍桑村一段秋敞開神界役雙眸石卿縱樂

千山頂毛女孤窺高樹頭似夢偶過凝碧處初

冬猶上散花樓長來何用青精飯邀我三山嬾

不遊

山行

藍輿病骨強登臨路轉篁叢山便溪缺角互峯

窺牖女涇流寒澗急弦音風推紅葉桃花間雨

捲青鬱碧玉簪貪勝尙思攀別頂故人誰寄海

束棧

得曹縣王五雲先生書備述西玄洞主自

撰本末及詩歌劄牘

草堂蕭寂舊寒邇雲笈年來手自箋扣戶忽傳

天外信開緘備述故人僊丹丘廿載無消息青

鳥今朝說秘緣始識前生蕭世璞好期玉笑共

飛舉真人謂余乃東朝太乙官二品才官蕭世璞玉笑亭閒苑勝處見楚生詩

泗安道中

石民又峴集 卷之三

爽氣朝來稱所期藍輿蹭蹬不知疲千山浪起

長風裏一水花凝湛露時烏檣葉紅林借潤黃

雲稻熟雁來嬉自憐汗漫遊何快丈二及今正

屬誰

與郭無虞刺史

青山紅葉擁朱扉政暇猶能暫息機人吏散時

還客集文書程裏更書圍金船小閣花分別別花

見太白傳句銀燭高齋史是非試問石封千百載風

流太守定誰歸

夢高陽公集諸將較射

朔風獵獵徹天豪皂纛黃旗幕府高諸將錦袍

爭射的元揆虎張閱分曹幾人落落銘彝鼎何

論紛紛擁節旄只有當時稱上佐卽今牢落獨

看刀

養病夏倩竹孫齋中

小鑪活火入行匳貪看奇山自展幃三汲除來

石民又峴集 卷之三

醉里千百呻吟處拂牙籤交遊遠寄多龍藏部

曲新勲奉虎鈴病後團圓面全失穩偕雲宿萬

峯尖

題人扇

風柳霜摧度好辰苦將憔悴抵芳春十年舊劒

今何在慣負佳人是此人

癸酉十月七日得西玄洞主耗又十日復

示夢有述

我夢臨碧海萬山高巘嵯舳艫載强弩蛟龍不能難薄疾未蒞軍高臥田廬簡忽聞伊人約共渡滄茫淺欣焉往就之意卽凌飛扁青童乃傳言必俟登壇壇我意方悵然軍宴恐加展有神甚奕奕附載意良腴客曰画祀之可以得平善方期橫海功揮戈呼吸揃翹歸十州不復更仰俛遲君將共發倏忽東方辨

聞虜警 二首

石民又覓集 卷之三

七

十旬病思正矜坼甲夜荒雞燈燄青我夢漢歌朱鷺日人傳虜迫紫微星兵迷日月天方醉塵漲郊畿將未醒轉恨渭橋頻御蹕當時甲冑盡無靈

其二

弓殘劒老已三秋忽捲黃雲滿地愁烈士屑趨侯篆會英雄先賢國恩酬祖劉鞭着終猶晚郭李壇登早一籌 高帝遠猷亢磐石 君王加

青藉胎謀

玉溪關

百尺溪橋寒澗微千尋喬木壽藤圍飄零紅葉依稀在半老佳人不忍歸

登橫山恭次 高皇帝韻

鎔繡方輿始此間登臨平俯玉溪關洗兵納矢高皇廟依舊當時萬里山

送張古岳明府入覲

石民又覓集

卷之三

七

百里桑麻化潁川自非蕭斧算周旋溪山大澤蕃群有玉秘珠鈴擊小鮮霜滿碧江雙鳥渡日昭彤陛上尊宣城頭一望風煙急正是英雄報主年

一病

一病逾三月微霜便透肌夢依幽壑處句到小窓私風過雲生響帷淡香自遠不知緣底事猶鐏鬢邊絲

譚友夏過德清適余往廣德寄書奉報

危樓百尺許同豪鈍漢年來愛結髦君謂布衣

出韓范我慚開府比嚴高友夏書謂余作布衣中韓范而詩業比嚴

武高雲生句底須歸宿濤捲名場看獨操咫尺

孰教妨夜話碧天好月夢蕭騷

平泉

小庭霜色正鮮妍懶惰心情一榻邊愁絕句來

如悟後病中膽決似軍前嬰兒未出仙途遠監

石民又覽集

卷之三

古

子能驅靈藥權忽忽已看雙鬢白未知何日策

平泉

日與之什

爲賀子公調防風政成也

日之與兮麟麟來今日之關兮麟麟回今亦既

脂矣傾彼疊矣跂予望之徘徊徘徊

伊胡爲來維日之晦伊胡爲回維月之朏清流

衍衍孰爲之埭娟娟雖微維天之賚

駢駢戎輅載徂載征黃黃大檜煜煜霓旌徒伐

爾鼓徒沸爾塵算或刈之萬方其睽

維廉維貞乃民之甫維民之甫士算敢扈蠡蠡

戎盜乃望而俛九圉底平八荒其圃

右四章章八句

石封寄宛叔

病思兼羈思朝陽又夕陽雨聲偏入枕燈影獨

欺牀密語全憑夢新詩寄滿囊瑤臺方有信秣

石民又覽集

卷之三

古

此是康莊謂西玄洞主傳語及歌

懷揚州李汝居閭舍卿

老鼻城西水一灣荷殘藕盡小亭閒傾尊每到

沾襟處信騎常看委轡還得意句中開雪嶺憂

時夢裏長霜管三人狂老一人病欲渡長江山

復山

經月

經月邱抄絕蕭然與世忘歲時都不記冬日不

堪長名在災爲病身閒夢補忙半醒驚得句此  
際樂無方

石民又峴集

卷之三

十五

石民又峴集卷之三

終

石民又峴集目錄

卷第四

石封喜遇宋六郎漫成二百五十字貽之

蘊輝通怛化十年餘矣昨夕夢見甚異

有作 掩月 病臥夏情竹孫竺中兩旬

瀕去題壁 吳秋駕習靜普賢精舍 鷄

唱 冬夕<sub>二</sub> 風生 感懷追次渭南韵

首<sub>四</sub> 病起 朝野 哭嵇湛侯余與湛侯

石民又峴集

卷四目

一

同病店別三日忽化去 出遊口號<sub>二</sub>

絕句<sub>四</sub> 健筆 向六神觀察治兵海上

夢閱舊作長短句數卷實生平所未有

也 追和唐宣武節度使王彥威麓官到

底是男兒作次韵 錢受之竺頭逢徐元

歎夜話 燈花 哭杜集美 風豪 懷

亡友詩<sub>三</sub> 右沈千秋聖岐 右張

在後

德懋懋官 右傳遠度汝舟 宿咎 西

府 再送張古岳明府追次陳後山送蘇

長公韵 賦得病後光陰常自惜<sub>三</sub> 賦

得未画凌煙鬢已凋<sub>三</sub> 丹陽舟中得吳

令公書 自丹陽從陸至白下 句曲候

館往嘗偕西玄洞主過焉後重至有作今

夜復宿於此 望秣陵<sub>二</sub>

首

石民又峴集

卷四目

二

卷第四目錄終



石民又峴集卷之四

防風茅元儀止生著

石封喜遇宋六郎漫成二百五十字貽之  
憶爾未墮地燕市風謾謾爾翁卜之疑我曰如  
所祝三日乃舉爾虛堂頓如燠賓朋歡劇錢俄  
頃轉相告僮僕爭趨市奔走頭相觸我歸雖遠  
爾猶及三日浴明年爾翁歸抱汝過我塾秋水  
着精神刻畫成眉目翁曰以子汝通門如芙蓉  
石民又峴集 卷之四 一

忽忽二十年汝名海內熟摧抑愧才盡敢復兒  
曹畜我年雖未老更事亦已足愧茲一日長又  
感七年促爲別已七年忍不申一言緘默如流俗治  
亂無兩才皆貴淡榮辱天宇本蕩平何事生嗔  
歎一日卽千古後悔豈能贖所以古至人窒忿  
卽懲忿希夷澹宕中旦望所笑沐神龍偶一怒  
遂爲天所錄九州雖湮沉何足抵所劖人云韜  
汝才才鋒豈能斲人云斂汝華精華誰能束但

開虛曠懷自不爲世惜從來英雄人兒嬉王霸  
局

蘊輝通恒化十年餘矣昨夕夢見甚異有  
作

我咎志武備望益友募進唯有傳汝舟助我三  
十乘昨夕燈火微蕭然聞遠磬是時通老來撥  
芋相問訊徐徐出一圖云通安與蘭百夷鎔尺  
紙熟之可遊刃請載我志中其意似甚淡欣然  
石民又峴集 卷之四 二

余受之許當續與定寒風方鍛骨病眼正雙瞪  
汝通丘壑人尚有縱橫興憊矣豈能降萬里風  
煙震

掩月

掩月簫簫當戶星貪書止酒夜長醒燒殘枰枰  
爐將冷聽遍嗶嘰天未青縱不登壇標豹蠹也  
能開學教牛經英雄從咎無丁字崔在高霄自  
剪翎

病臥夏情竹孫齋中兩食酒去題壁

寒齋古木自槎枒影瘦巾斜雨鬢影愁爲病溪  
息骨肉翻從愁裏飽煙霞店餘朗咏鄰牀笑夢  
罷看刀侍史嗟算刈階前書帶草玉環太傳已  
堪誇外孫甚朗雋

吳秋駕習靜普賢精舍

幅巾靜對竹竚岍遠水逶迤遶寺青溪友換魚  
來餉果樵翁釋擔且聽經句成林下題殘葉碑  
石民又見集 卷之四 三

記頭陀寫素屏白業算言除習氣吟筇秋思滿  
郊垌

雞唱

雞唱初闌淺碧天吹燈溫夢淚潸然霜容雪態  
紛紛度又笑梅花瘦一年

冬夕 二首

霜淡形鳥迹夜靜有驚枝吼樹一天肅杳雲萬  
嶺悲眼昏燈尚就骨瘦火難離寂寞無容恨瑤

臺方有期

其二

影來相對語此事竟難量匡濟今安在平生空  
斷腸災危愁裏易日月悶中長一事嗟爲快詩  
成齒頰香

風生

風生筇底正颼颼寒渡無人天影浮柳市南頭  
行得伴闌干西角立生愁休言冀北頻嘶馬且  
石民又見集 卷之四 四

向江南遍倚樓半世戎旃何足恨躬耕強半頗  
優悠

感懷追次渭南韵 四首

老雪埋我軀委頓穠樾村豈惟身被困雲低天  
可捫書卷尚狼籍把玩度朝昏鄰農稍有穫面  
場開南軒渾醅雖不佳猶有數斗存餉我成一  
醉黃流下崑崙挽回天地力俄頃頗不煩孰言  
廊廟力不能拯元元

其二

出門望南山南山如列屏細尋蜿蜒路可以騰  
青冥中道誰者力辛苦構斯亭心賞未能竟且  
欣逸我形仰瞻猿鳥處千里不了青高人巢其  
巔霜雪閉柴局冥心還太古散目極郊坰原韵重故  
易之笑我塵壒間亦欲延頽齡

其三

神仙不可學聊以度寂寞春至不知愁爲此千

石良又見集

卷之四

五

樹萼東家日課童西家日藝藥我懶不種花亦  
憐僕孱弱今獨見花開熟看到花落銀燭夜照  
者朝來塵務縛吁嗟反嘆予閒身置寥廓富貴  
雖魏我忍易殘酌

其四

三黜謫萬里暫息此鄉扮鼎鼎四十年徒爲天  
下閒管交屈輩行今皆成秋墳思之不可見開  
卷讀遺文殘瀋盡悲端高下姑算分我集三百

卷聊供後世焚倘然遇大匠高眼橫揮斤何必  
房與魏亦能推河汾

病起

病起聊蕭似瘦藤一聯輕甲尚能勝宋馬正惠語雞

號失旦雖知老雀夢凌霄不畏矰千載幾人逢

嶺上三年無路哭昭陵唐制有寬者哭昭陵下天魔助焰

終難挫氣槩蒸霞膽雪冰

朝野

石良又見集

卷之四

六

三年朝野頗紛紜日月推遷似駛雲供奉釋纍  
應有說滕公解縛竟無聞少年人許白衣相老  
大今爲黃襖軍一笑不須重感槩時來僧辯立  
殊勳

哭嵇湛侯余與湛侯同病疴別三日忽化

去

與君同病自同憐君忽翺翔脫世詮剩語尚期  
重晤日些歌已滿一堂前亦知此別尋常事差

恨分岐未老年偶到孤桐幽竹畔回思燕笑獨

潸然

出遊口號 二首

病怯酸風畏上樓娛憂無策復翻然臨流莫惜  
團團面天錫兵符露兩顴

其二

春氣初乘陽未全罡風引得小兒顛推遷已到  
清明候萬里青天無紙鳶

石民又峴集

卷之四

七

絕句 四首

我無漸離筑亦無桓伊箏一歌能勝哭每使碧  
翁驚

其二

雖然一彈指我已三折肱繞指柔自佳問君能  
不能

其三

膽盛憑陵酒愁來蹴蹋春黃雲戍萬里猶勝老

山民

其四

賦子別有司諸公妄嘲哂口無縱理文枉計相  
餓殺

健筆

吾病吾衰甚人歌人笑時傳杯回壯思擘橘引  
新詩青海收降檄南山射獵詞三年零落久健  
筆未全漸

石民又峴集

卷之四

八

向六神觀察治兵海上

大旆高牙淨海氛清笳三奏巨濤分黃衣頻首  
新旗鼓繡帽英姿舊使君

曾為長  
與令

霹靂手無狐

鼠寇風雲陣整鸛鵝軍戍樓亦有屠龍策敢向  
清油佐策勲

夢閱舊作長短句數卷實生平所未有也

柴几松牕湘帙開微吟朗誦冷蒼苔今生畫虎  
雖難似宿世曾為獵戶來

追和唐宣武節度使王彥威爲官到底是

男兒作次韵

帝俞長子合專師珮響刀光芙蓉擁時紫塞關疆  
承制王赤眉投甲受降旗九州遍塌天山銘十  
院旋增蕊殿姬回首主恩差已報麓官到底是  
男兒

錢受之齋頭逢徐元歎夜話

半生同所友不約每相逢總是幽人伴何妨永

石民又見集

卷之四

九

夜從平安竹消息賢聖酒新蹤慎勿揆餘事抄  
書近亦慵

燈花

不見燈花三載餘蓬牕此夜忽扶疎寒灰豈望

重生焰剩有丹心可照渠

哭杜集美

江村煙樹久停驂退院僧還有客參詩訣必求  
金骨換古文每挾石經揆遊歸緩轡呈新句酒

罷臨牀俗祕函自此不堪重夢到酸風尖雨草

堂南

風豪

風豪霜老病將蘇藥酒三盃淡欲無中立幾成  
鑄劍賦務觀空撫散關圖天山冷翠人誰上木  
葉黃雲稼又蕪余在軍嘗屯于此今又棄矣瞋眼關心天下  
事三年生計在菰蒲

懷亡友詩三首

石民又見集

卷之四

十

我始識文字仗劍遊司并是時長安中渾噩而  
和平吾友半醒醉危言何崢嶸風流不可再此  
士待時清

右沈千秋聖岐

其二

我年甫弱冠厭世遯丘壑西湖一片水看久將  
成龍忽得遇斯人市朝可斟酌神夷玄韵悠千  
載難再作

右張德懋懋官

其三

我筭作寓公相逢 孝陵下興酣捉醉龍鱗口  
思作炙喝韵立萬言虛名孰可嚇一旦埋文章  
每向天公咤

右傳遠度汝舟

宿筭

宿筭從軍萬里天憑鞭欹帽弄霜煙名王桐酒

石民又見集

卷之四

士

澆寒獻列較捐弓趁月吹乘雪早傳千里檄  
冰夜過幾重川青縑幃內黃紬被暖在山竺夢  
在邊

西府

一辭西府五年餘三度讒幾骨等車瀕死不甘

降俊虎

小說云有服狡狴之衣者虎見之垂首

閨生又泣過河魚

樂府云枯魚過河泣何時復還入

蕭蕭青海烽煙急簇簇朱眉

凱唱徐丞相牙前諸將盡 主恩獨使得閒余

再送張古岳明府追次陳後山送蘇長公

韵

日遠長安近此別豈爲遠但遠日月光壯心未  
遽忍君登日觀峰匹馬依稀見寧教萬里夢終  
隔重城鍵平生報 主心九死猶未滿汾陽五  
十起四十敢云晚

賦得病後光陰常自惜 三首

病後光陰常自惜十年一劍不曾殘寄頭冒頓

石民又見集

卷之四

士

何時卸玉劍拄頤照骨寒

其二

病後光陰常自惜三年士伍嘆無功邯鄲廝養  
有奇策不用空聞戰鼓逢

其三

病後光陰常自惜一朝儘報六朝恩忍教夷盜  
中原滿養寇從容萬戶尊

賦得未回凌煙鬢已凋 三首

未画凌煙鬢已凋朔風胡馬正嘶驕旌麾郭令  
稍稍早行老空書萬里橋

其二

未画凌煙鬢已凋徐郎橫海士方驕寄奴不返  
中原轡吞藥尚書未可嘲

其三

未画凌煙鬢已凋資糧白骨算能邀當時只用  
王丞相汴帥終將唐社搖

石民又見集

卷之四

三

丹陽舟中得吳令公書

寒棹亦無爲况當潮落初襟期呈夢裏歲月祇  
吟餘良恥劍藏吼長貧婢慕漁凋零師友盡益  
重故人書

自丹陽從陸至白下

貂帽狐裘裝束新眼中祇少是邊塵屬纆縛袴  
十餘載士伍編氓兩度人劇孟博徒如敵國魯  
連蹈海只輕身閒中領略天公意幾箇前人憂

惠頻

句曲候館往嘗偕西玄洞主過焉後重至  
有作今夜復宿於此

初典鸛裘未漫嗟小車大馬逐天涯霜途數堠  
疑尋夢夜旅徵書笑潑茶過燒念年餘竹樹新  
期此度看桃花茅山一望參差近絳節鸞笙出  
自家

望秣陵 二首

石民又見集

卷之四

四

十年爛醉亂花中繞遍春風曲未終細雨闌干  
人密語月昏巷陌夢朦朧兩頭娘子青綾贈一  
匹桃花繡帶籠頗耐黃頭偏妬殺教弓抹額教  
從戎

其二

雲煙蒼莽水潺潺倚徧高樓看遍山笑破胡琴  
時始識疑行馬炙主何慳羣書倉滿人求寫五  
字城成髮未管驅向綠沉槍裏臥旌旗萬點夢

中閑

石民又峴集

卷之四

五

石民又峴集卷之四終



石民又峴集目錄

卷第五

武定第中小樓成顏以百尺 貽陳雪灘

司業 題內人室內布簾 冬日雜咏十首

記十二月三日早夢 永夜 題瞿稼

軒給事東臯 冬日偶得子瞻墨刻同定

叔對較晚香堂帖 黃孝翼卜居留京長

安門 早 讀書 冬日漫吟八首 輓許

石民又峴集

卷第五

無念

與姚孟長學士雪話 與潘次魯

新葺煖室成漫咏四首 懷祝鼎光 賦

得丈夫貴壯健卽以五字爲韵五首 小除

夕祭竈是日恭值聖誕 酬郭聖胎用韵

見閃什俚太史侍其師姚現聞官詹疾

感贈 余自牽絲以來未嘗舊京度除也

癸酉除夕五首

卷第五目錄終

石民又峴集卷之五

防風茅元儀止生著

武定第中小樓成顏以百尺

千里江南寸寸遊大牀獨據客難酬小樓百尺

休嫌暑雄略於今孰姓劉

貽陳雪灘司業

迂顛當年負所期城門閉日劫殘碁陸沉紫塞

猶如夢小創黃頭敢謂奇功蹟似看風柳絮飛

石民又峴集

卷之五

蕭蕭

章如壓雪茅茨非歟吾道何須問公尚居東百

不宜

題內人室內布簾

小閣淡淡一布簾金船初泛雪初摻休猜侍女

香將散用秦元長事 自護佳人夢正酣

八、日雜咏十首

衰亂勢相壓英雄每拘束搏腕荷無人我其爲

隸僕敢望北牕下從容玩籬菊所經憂患多觸

事如奔鹿一朝稍幽閒恨不常秉燭何日脫塵

轡遙遙萬山獨

其二

少作獻書客蕭散長安道吐言異物驚風度垂  
鞭好執云玄纁徵中道使改操自此餘十年紛  
紛惡懷抱麤官不可爲揮霍在旗纛豈知換鵝  
人亦襲將軍號

其三

石民文觀集

卷之五

二

詩

宿營廟堂畫本爲百歲謀羊質而虎皮反賤狐  
腋裘恒星雖疾徐日夜經天周夷禍餘一紀良  
田算去盡我言適不用白首老傳郵國恥日當  
胸絮絮不能休

其四

主恩無淺淡報者在豪杰殺身良小事何況較  
環玦低頭看雨露倏忽成霜雪旭日又易融胡  
爲慘不悅春至沛神溜沍寒水鋒結隨地有奇

觀坦焉消內熱

其五

邊圉不難靜廊廟易爲喧七尺若弗計半職不  
肯捐國辱如弗聞努力爭片言一朝風塵起其  
散類飛煙瞬息得少安但誇飛爲肩鄙夫不可  
羣不如守漁筌

其六

石民文觀集

卷之五

三

詩

小節每自矜我其豈處女大厦庇寒士胡爲守  
環堵踽踽賤丈夫宜斥爲卒伍努力復努力不  
復懼風雨闊步弗怨尤祁寒泯雨暑低頭復三  
息持身少自許

其七

自作青天觀丘垤卑華山孤峻徒見疑居高眼  
自寬雲霞善變幻歸岫亦無端萬物必有畢何  
爲熱與寒散懷在山水閨房神且安外物不能  
干皓首猶朱顏

其八

萬頃蕪粗稷千室空杼軸賦過憐如螢堂宇蒿  
滿目儒冠不足滿何暇爲誦讀忽聞王師來據  
榻復具熟食麤婦偃寒拔刃剖胸腹嗟汝弗三  
歎殺賊汝亦足

其九

華夷雖別種賦予無異趣驕逞易萬里挫避笑  
百步都門管晝閉戶外徒滿屨謀謨已五年綢  
石民又見其 卷之五 四 詩  
繆奈霜露一旦警風塵仍煩 至尊慮嗟我把  
茅中画灰自撥芋

其十

高皇功德巍國運方中畫扶危帝資人不難傾  
列宿稠難餘一紀尚使老雲岫一士苟奮臂萬  
人笑嘲詬我我我 大君六合以爲宙忍不驅  
讒夫縱此胡與寇

記十二月三日早夢

千官鳴珮散宸前獨對將軍快論邊遍體刀痕  
羞自暴滿腔方略正求宣尚方劍賜風雷震錦  
字袍頒日月懸班散羣公方穆穆雞聲啼斷御  
爐煙

永夜

永夜難爲竟重敲舊詠篇曉煙初染樹雪意欲  
瞞天風急知裘敝水晶悟水妍紙窗地爐煖榻  
袖送殘年

石民又見其

卷之五

五

詩

題瞿稼軒給事東臯

閭郎咎日隱東臯放翁詩句今猶豪彼云富貴  
定何物乃復坐此妨東臯此言凜凜令我畏冷  
盡熱心天宇高使君東臯更復奇遠山近水無  
不宜城隅矮門籬棘間中有穉穉千畝肥垂柳  
萬株朱檻隔恍如十里雲霏涼堂煖館旣已  
歸復置高樓置書画夜夜敲詩過酒籌朝朝幽  
事妨美睡人生如此應已足富貴區區何足累

報君一事差未安天公昨付蒼生寄

冬日偶得子瞻墨刻同宛叔對較晚香堂

帖

盡日無它事清樽閱舊碑怒蛟難逼視枯樹與  
時宜祖派研窮密茶通笑潑奇夜淡香已滿小  
閣月生時

黃孝翼卜居畱京長安門

卜居便識老書蟬紫禁城隅月一庵官樹蔭盤

石民又思集

卷之五

六

音部

名馬駛御溝流拾落花食世情輕冷秋蟬翼詩  
境酣拙春蠶蠶白下可居真不謬題書萬里報  
漳南

早起讀書

十年掃盡老狐餘獵自篝燈朗誦徐大戶忽貧  
豪士散覆瓶初較悶懷舒看花啜墨破閒日病  
忘客瘡長適余逼歲匆匆還一事典衣售得半

樞書

冬日漫吟 八首

春日草言消息遠臘梅已放兩三枝霜封雪錮  
偏芬馥老勁隨它說不宜

其二

吳書抄遍人將老絕譜傳來桐有孫靜對寒光  
無一語兒攜藥酒勸開尊

其三

剝雪幽庭如有恨吼風老樹似多哀太玄千載

石民又思集

卷之五

七

詩部

無人解不望門生載酒來

其四

俗工易面靴文浪名手難摹卯色天信筆新詩  
任傳寫何人重上夜來船

其五

滿座低棋推國手一生成伍作詩人世間顛倒  
皆如此何怪功成通客身

其六

情緣不俟遣緣減幽思每因詩思增圓頂方袍  
休見敬儼然何事不如僧

其七

文章已具鉢安柄戎馬還同鳳隊鴉頗恨當時  
陸鴻漸身輕始解毀煎茶

其八

掃雪貯罌希到暑敲冰爲硯不沾塵傍人算笑  
兒童戲楚漢爭雄豈當真

石民又見集

卷之五

八

詩部

輓許無念

烏衣自此便塵封回首秦淮共聽鐘詞社低昂  
長短句書壇刑賞晉唐蹤

余嘗與君結詞社又結字社

酒杯

花霧交深淺白舫青簾幾漫從爾到泉臺非寂  
寞故人應有主芙蓉

與姚孟長學士雪話

十載存亡話愁隨院雪添破閒唯俗枕撫管輅  
開奩紫塞還餘約青山夢未甜居東何足嘆吾

吻豈喁喁

與潘次魯

丁年雪鬢已崢嶸尋友于今始見兄淮水道南  
指困客天津橋上足跛生丹青零落麟臺圯赤  
白爭飛龍首傾頗憶青田鴻冥日也曾保障一  
山城

新葺煖室成漫詠

四首

霜層雪壘帝城明  
紫戟蕭零煖室成  
楫桡熟時

石民又見集

卷之五

九

詩部

新句鍊紙窗白際道心生酒聊調氣須求聖夢  
不煩占本自清靜息轆轤千轉後頗聞玉女打  
迷聲

其二

雪霽今宵一幅奇凍雲冷落斗離離茶經續就  
修花譜琴價評餘泥酒卮忙事無過幽室裏散  
懷只在待燈時門前珂珮崢嶸甚此味于君知  
不知

其三

經寒度雪待初春釀就醇醪共比鄰幸不玷汚  
千載史何妨放曠百年身掃清一室聊匡濟整  
頓幽居老茂貧上谷遼西爭幕府老夫江左據  
道民

其四

黃州久已圯龜堂試問三山亦渺茫吾室雖非  
先正匹平生永斷子孫忙小窗似見風塵沸四  
石民又見集 卷之五 十 音義  
壁如聞鐵馬在此恨不除眠未穩閒愁已燼小  
鑪香

懷祝鼎兆

綠簑載雨話溪灘亭長當時浪築壇醉眼霜江  
千里白夢初秋樹一林丹華燈縱博家家鬧翠  
交響夜夜歡我獨仰觀河鼓黯懷人小立冷  
闌干

賦得丈夫貴壯健卽以五字爲韵 五首

丈夫貴壯健舉止萬人仰明堂妙訓詞百司汎  
在頽紫衣壓兩班泰山何嶙嶙俯仰人主前劍  
佩容可想一朝乘旗鼓坐嘯四夷盪盛年不努  
力他日徒惘惘

其二

丈夫貴壯健學志聖人徒言峻不爲矯行節不  
爲葦太平十二策語語治世符歸來隱河中著  
書良亦多紛紛房與魯執經居坐隅盛年不努  
力他日徒囁嚅

石民又見集

十

音義

其三

丈夫貴壯健妙筆殊蔚蔚金石無近聲芳潤自  
成翫話言何必多淋漓盎元氣藝苑此日津後  
死千年餽後光豈盡圓望者知爲幾盛年不努  
力他日言短味

其四

丈夫貴壯健千山展一綑咄咄碎彼韓生大笑蕞

華上画山響四壁暗室美人狀宵旦嬾穿堵行  
者徒有望五嶽幾番過新題轉跌宕盛年不努  
力也日筇枝傍

其五

丈夫貴壯健遯世亦無悶千重閼壑岩層雲開  
霹靂聲氣千萬人各各胸有面不少媚嫉流自  
是常迴吟一言矢萬里貴勢何足羨盛年不努  
力他日芳蘭變

祐朕求觀集

卷之六

七

詩集

小除夕祭竈是日恭值聖誕

銀卮羽化鼎成灰隨分陳虔自快哉更爲比鄰  
廉一醉滌臺正上紫霞杯

酬郭聖胎用韵

久向愁中汗人愁我不愁勒回三月凍爲得一  
詩中以句騷魂語花溪好夢遊襟期常爾爾何  
必嘆淫休

見閃仲俚太史侍其師姚現聞宮詹疾感

贈

蓮花峰頂白雲生占盡人間第一名幾箇終爲  
二石字何人不負斗科成咎同患難諳愁味病  
到膏肓見反情記遍名園悵誰主春風甦醒石

頭城時太史卜居舊京

余自牽絲以來未嘗舊京度除也

十三年負石城春閱盡春風幾輩人縱使春光  
不偏惜今宵猶是布衣身

右民求觀集

卷之六

七

詩集

癸酉除夕 五首

羽書四面幾時休直到年除轉益愁幸不乘軒  
宦無責終教霧隱豹何尤夜春聲外干戈沸寒  
凍燈前烽燧適鐘鼓又將冠佩集誰嘔心血奏  
邊籌

五二

放臣落拓自無尤盡意癡頑歲序遲遠嶺壘青  
拋眼紫小園層綠繫魂畱吹胡研膾雕胡供白

觴青簾汗漫遊如此一生元不負只餘擊鼓動

大愁

其三

梅花消息已相聞結束殘年自不羣預譜四時  
遊覽處平添幾卷賞心文秀崖勝地餘名字列  
敕官稗已策勲點簡光陰差不媿未梯冰嶽上  
青雲

其四

有長水先生集

卷之五

古

詩部

憑占骨相日修修幾老封侯是果否非羨河山  
千載顯用知明盛四夷柔別生大業英雄手自  
可長閒筆墨丘未嘆蹉跎成寂寞終年不見有  
吾儔

其五

有箇砥中流淨掃機槍奠九州鈴閣不喧  
爲坐語捷書長奏馬如流大官止識子孫事烈  
士難忘君父讐歲歲此宵常看劍幾時燈火擁

登樓

石民又峴集卷之五終







石民橫塘集十卷

〔明〕茅元儀撰

明崇禎刻本

北京圖書館藏

石民橫塘集序



先君爲諸生祭酒時與海內名士結秋水社于橫塘橫塘在白蘋紅蓼之傍而趙文敏故宅也元時故家鉅麗宅西爲蓮花莊東爲長橋橋亘于月湖卽所謂水晶宮也先君旣貴橫塘之居不守唯長橋數椽尚在蓮花莊後爲朱君采侍御宅海內推城居第一嗣後曹能始觀察築浮

山堂于閩會城之郊隔街爲園園因山因水皆不事增飾其奇石怪松近勝于園者遠媚于堂堂三楹二箇前後闢軒前軒有池頗廣爲寬廊以翼其左花徑以映其右而隔街之松石峯嶺皆倒影其中海內稱郊居第一名與蓮花莊等其地曰洪塘或曰橫塘之譌蓋其水橫亘于會城之外有江心塔寺以爲掩映

而芙蓉方山佛樓諸山遠峙近  
翼會城實藉此水以爲橫蔽謂  
之橫塘亦宜余至閩能始丈人  
卽授館其處較之黃州之東坡  
惠州之白雀屢遷而得之幸矣

右民橫塘集

序

故其詩卽以橫塘名集不數月  
本州檄歸歸日羈纍蒲伏于公  
府不能退守先人敝廬于鄉而  
郡中長橋數椽已沒入爲它人  
有矣不得已仍假息其中偃陋

不能容膝時假小舸棹里許繫  
于橫塘老柳之下婁娑久之或  
曰此汝先君所植也不知已易  
幾主矣故所得詩亦仍名橫塘  
前之橫塘猶江村之不敢忘伯  
順也後之橫塘不敢忘先君所  
假息也合之共十卷

右民橫塘集

序

防風茅元儀止生父墓



石民橫塘集目錄

卷第一

閩城 至閩適唐宜之罷泉州別駕去

贈曹能始丈人 贈陳泰始京兆 潘昭

度憲長申青門大叅過訪暨唐宜之別駕

同集曹能始憲副石倉次能始韵四首 酬

陳泰始京兆見貽次韵 浮山堂雜咏四首

白鶴難將軍宴集 為新綠題枕二首

辛未初度曹能始丈人開社三山荷亭集

同孫子長學使陳泰始京兆鄭汝交刺史

安蓋卿都護陳叔度山人林懋禮文學陳

昌基孝廉為余舉觴次能始丈人韵四首

庚午歲杪出繫至范陽道中偶憶司空圖

第一功名只賞詩句衍成三絕久逸其藁

明年秋行戍三山偶拾殘簡補綴存之

生女鼎 寄陳元朋義興 寄張紹和

徵君 朝來 與商孟和 贈謝簡之元

戎 中秋石倉先生招待月飯罷月出告

歸戲作 辛未中秋兩姬侍醉浮山堂

記中秋詩後 次韵酬徐興公 呂衡州

有文章拋盡愛功名之句乃反之為四絕

畧取四朝聞人以例其餘目在後 右漢司

馬相如 右唐杜甫 右宋陸游 右明

唐順之 放翁年世九十當三十八始見

白髮余今年三十八而白髮相伴已十七

年矣人壽相去可知但余所遭亦有幸于

放翁者戲作此詩 家弟遠士送余謫閩

以家散萬金酬士死身畱一劍答君恩為

韵次酬之十四首

卷第一目錄終

石民橫塘集卷之一

防風茅元儀止生著

閩城

洪流闊且湍三山峙而舞山川既遙曳他州不敢伍瘴江時半晴海水或一怒城廣三十里安危在數武

至閩適唐宜之罷泉州別駕去

以余行戍日逮爾罷官時榮辱久無異要排任所為苟貽今日愧寧使後人悲越此秋尋去煙已及斯

贈曹能始丈人

萬里編行主澤溫餘生猶傍鄭公門區中山

水來爭秀

時天下名勝志成

歷代詞人不敢喧

時十二代詩選

成後進企瞻疑異世天公劈畫為成園旁人欲

驗通家密二阮看君兩抱孫

已未公次孫彌月家季父作客余集

公仲十之孫彌月余又在坐

贈陳泰始京兆

大曆詞人氣魄豪興來颯颯壯秋濤奮身在昔逆龍領有手只今持蟹螯西北狼煙連殿闕東南豬突犯旌旄試看崩岸傾桅日那得長年袖手高

潘昭度憲長申青門大叅過訪暨唐宜之

別駕同集曹能始憲副石倉次能始韵

不計身方紉還憂世愈淪長城行自壞大國不

無貧吾道非歟日君過氣一新但容閒到底未

夢軟紅塵

其二

小艚繫禿楊百口寄橫塘劍佩已無色衣篝尚

護香一言聊玩世四座任驚狂昨夜新秋夢搢

節度石梁

其三

幸茲丘壑遠猶在戶庭中碧瀑光先月朱藤不

待楓蝶來花有信燈焰水無窮未已奇恢笑車  
前候火紅

其四

放筏趁風好登高及日晡近波新竹湛遠嶺衆  
雲扶較勝藏書富通宵擇語無旁人驚咤道未  
可藐菰蘆

酬陳泰始京兆見貽次韵

新都昔日作戎遊寂寞黔南無可投我遇新知  
存舊雅雖辜鮮荔及高秋皤皤黃髮還天上的  
的朱顏臥海頭故教閒人長作伴百壺千首與  
君酬

浮山堂雜咏 四首

離落零香欲斷時急風尖雨集前池病思夢健  
看山去醉誤烽傳介馬馳尚可容卿何必爾未  
能免俗任呼癡青簾白舫橫塘上畱影千秋亦  
庶而

其二

蟲臂生涯竟若斯浮山堂裏日遲遲句圖奇險  
鹽登坂思入微茫狐聽漸所許一生成底就敢  
言餘事始稱詩倚闌咏罷重回首慚愧吳鉤與  
鬢絲

其三

夕陽將別變爲妍紫樹青岩繪暮煙別有賞心  
詩料外豫儲幽味夢竟前秋谷不待分張到雲  
物還隨徙倚遷試探寒香未落滿鵲詩故  
人邊

其四

溥溥秋露引疎篁竟日浮山可細量雲活簾纖  
時蕩月雨新衣潤自畱香綠輕癖地聊投足奈  
罷閒僧任放曩松偃石莓人記得艸堂賓主爲  
詩忙

白鶴灘將軍宴集

鼓吹聲中笑語多  
毬場宴射帶蠻歌  
幾年血疑蟠花繡  
此際難麾指日戈  
勲業本同秋後熟  
升沉盡似酒中酤  
左車東向慚無語  
狂飲高吟昵碧蘿

爲新綠題枕 二首

浴罷偏宜潤染香  
相偎自可撥新涼  
枕函不盡低迷語  
半吐依稀待睡鄉

其二

繞鋪笛簟不須催  
窺得流蘇控幾回  
且待日高鴛語後  
只看剩枕試重猜

辛未初度曹能始丈人開社三山荷亭集

同孫子長學使陳泰始京兆鄭汝交刺史

安蓋卿都護陳叔度山人林懋禮文學陳

昌基孝廉爲余舉觴次能始丈人韵 四首

投荒雖萬里禦魅敢云勞  
已脫鼃生劍寧掀伍相  
濤悞塵名士籍終讀楚人騷  
以此媒真隱休

言適所遭

其二

千予憑驢背及茲秋未殘  
荷戈朝卒伍揮塵夕詞壇  
片語橫今古千端笑一歡  
碧筒宜落日贏得酒腸寬

其三

湖入城陰碧荷香洗暮天  
故鄉青一點客路已三千  
艇子載秋去人家與藹連  
青城逋客儒恥與笑爲仙

其四

客愧樊川重水嬉人滿舟  
桑蓬真萬里韎韐負清秋  
抱膝無長咏遊仙有短謳  
武夷君不遠歲歲續茲遊

庚午歲杪出繫至范陽道中偶憶司空圖

第一功名只賞詩句衍成三絕久逸其藁

明年秋行成三山偶拾殘簡補綴存之 三首



南樂刁思玉女池

刁酒產于南樂如絕世清豐美人而挾煙霞之味

李似雪峨嵎

清豐酒唯李氏釀者為佳高澹不復有酒意

較論賢聖

無如酒第一功名只賞詩

其二

惠錫擅時逢敵手

今惠水盛一時而余所品水可敵者不少中櫺獨

許亦相欺千年公論先評水第一功名只賞詩

其三

含豆花香嫩碧姿賞心舊句應喉時食單滋味

若民橫塘集

皆輸名第一功名只賞詩

生女鼎

鼎鼎百年內憂患常苦多苟得一隙可當思樂

則那況我方竄謫分為造物呵偶然生一女一

笑甦沉痾雖然不得雄玉膚殊可摩行當能笑

語與我相婆娑自我抗金虎五年六稱爺僅磊

此弱息有如霜後芽造物久我戲久戲難復加

雲藍禿袖者已如春後花或能撫此成老可呼

家我我向唯一女事人在天涯常賡半山騷會追

和王介甫寄女楚詞寄夏氏女語半淚如麻膝下復獲此及嫁

期尚賒廿年一賣犬雖貧未為奢大噉姑置之

今日且自誇屏後笙歌沸堂前大鼓搥聊勝開

虎帳不羨彼蜂衙

寄陳元朋義興

霜風晴日正盤雕一羽飄颻墮碧霄虎既搏時

彪為報鵝將喧際雪前消錦鞬尚染渾于血繡

若民橫塘集

襖先為伍伯標江上與君曾指畫而今盡付夜

歸潮

寄張紹和徵君

白下風流孰主盟披襟在昔似前生大蓬因我

羸人事太興絲君此職清死後遺文遼海上

聖朝大賚武夷程執爨亦有區區業聞道拂雲

三築城

朝來

朝來兩鬢鑷霜絲回首春風一笑時銅狄獨摩  
心慘澹雀遼重返事參差不如任運百年內亦  
有軒眉千載垂算說九原真寂寞請君試讀道  
旁碑

與商孟和

一別二十載人生將幾何蒼髭驚異夢警句尚  
常哦家內人難喚尊前酒且酹算教風雅寄蕭  
淡似秋荷

石民積遺集

贈謝簡之元戎

紫韁延月月光遲銀甲聲中画角移檄草已成  
嚴鼓後投壺正是撫髀時歌筵客賦比紅句軍  
宴人傳漱碧詩如此行藏無不可平泉花木幾  
人知

中秋石倉先生招待月飯罷月出告歸戲  
作

青山莫使酒來魔

公平語

况可憑它潑素娥我法

不須卿法和詩腸未較酒腸多

辛未中秋兩姬侍醉浮山堂

纔說良辰便豁然况今真見月澄鮮泠泠直鑒  
輪困膽皎皎全開懷懂天縱有雪兒慙好句幸  
無熱客汚芳筵兩鬟消得千鍾酒莫忘浮山記  
此年

記中秋詩後

去年當此日黃紙傳數字已雪謫者言姑且一  
付吏涕泗臣顏開再拜不敢恚明當撲被往動  
止聊一戲是夕故人家開尊復治馐吞月三百  
觥亦無感槩意詩成在此年南冠須緊記今年  
竄七閩朋遊不我棄奇果兼玉友相餉無倫次  
先人有執友道南宅相庇是夕招待月月偕鐘  
出寺徒倚石梁間耳目醉紫翠歸來小婦笑酒  
果新知遺縱不醉紅顏勿虛良友賜婦言良可  
聽歌發玉荷試得意在味先飛傳不忍置堂前

有深澗碩人寬以恣康樂生悄心忽記昨年事  
琉璃匣在旁泚筆復以志殷勤未死年此夕莫  
忘墜去日何太駛起立發長喟稷契頗平時時  
哉弗我遂郭李麤人事亦復空老淚荏苒一年  
中頗負造物施考課祇新詩二百四十二

次韵酬徐興公

兒童傳業已成翁寂寞方知吾道崇百萬橫行  
拋舊夢十千貫得策新功晉齊縱霸繇公雅曹  
邨雖微尚數風試語無諸無別意此來祇欲鬪  
詩雄

呂衡州有文章拋盡愛功名之句乃反之  
爲四絕略取四朝聞人以例其餘

功名拋盡愛文章喻蜀何功文有光卽是琴臺  
夜來客非關負弩美輝煌

右漢司馬相如

功名拋盡愛文章稷契空期致主長飯顆山頭

飢傲骨千秋流出浣花香

右唐杜甫

功名拋盡愛文章河洛腥羶枉斷腸猶有劒南  
詩萬首眉山難較鏡湖疆

右宋陸游

功名拋盡愛文章羝虜椎夷負劒裝輪與荆溪  
溪畔臥殘篇劣有十尋芒

右明唐順之

放翁年垂九十當二十八始見白髮余今  
年三十八而白髮相伴已十七年矣人壽  
相去可知但余所遭亦有幸于放翁者戲  
作此詩

髮髮少年長委地納涼雙髻兩峰高值予見慣  
同蕭艾正爾初看尚怛怛蜀府十年紅地錦放翁

極愛西蜀海棠鏡湖念載碧波篙猶希家祭言恢復不

及黃頭親見逃

家弟遺士送余謫閩以家散萬金酬士死

身畱一劒答君恩爲韵次酬之

十四首

炎風正熾正離家回首前池紅藕花夢裏不知  
君已別鵝黃急瀉月將斜

其二

仗劒出門星燦燦飯牛歌裏啼鴉散自古英雄  
凝不醒盧生措大憑人喚

其三

掃清突厥兵三萬渭橋猶有當時恨而今遺孽  
尚偷生辜負官倉脫粟飯

其四

濃雲潤雨是榕陰罩斷閩江千里深月白風和  
便僊去懶開丹竈煮黃金

其五

半世羞爲禮樂囚從今蕭散志能酬終南一老  
姓同李不美唐家三百州

其六

每嘆侏儒飽欲死丈夫啼飢亦可恥我今行戍  
鼠巢倉功罪自量聊爾爾

其七

少年恥說一書生壯歲還先成退士印鑄黃金  
疑是蠟節來天上隨流水

其八

榮辱從來不計身燕羊何用快孤臣但期六本  
歸耆德便有春風到七閩

其九

攀盡松楸不得畱千程無處可埋憂死灰不用  
二千石露箬霜筠一釣舟

其十

屈伸衰壯何能一書策奇勲孰可匹夜郎長歲  
不論年昌谷奚囊應惜日

其十一

跳躍文皇千客劍續紛隋帝千行艷旅人亦有  
堪爲敵花下裡奴村落店

其十二

君歸算把殘香踏解語千端鶯不答香到殘時  
惜已空霜雕直認千尋塔

其十三

奕世文章托卯君閒余揮手弄孤雲蓋棺論定  
能多日少忍須臾衆吻紛

其十四

百榼難收已斷魂短歌將闕對空尊死生離合  
尋常事顯晦俱辜哺翼恩

石民橫塘集目錄

卷第二

蟋蟀謠 余在燕山家弟遠士嘗寄風雨

吟十首每不忍讀遂未及和今擢戟閩甸

閒次原韻亦聊寫我憂爾十首 夢邵殮之

至 次韻酬謝簡之元戎見貽兼致欣幸

秋熱惱高適 代適答 徐興公林懋

禮陳昌基攜酒至石倉談藝 花傍 吟

罷憶宛叔首 陳叔度過訪浮山堂 秋

日 與李玄白太守 觀大將軍謝簡之

家伎演所自述蝴蝶夢樂府 同曹能始

二丈餞唐宜之于小金山 辛未九日石

倉蒨閣登高同沈欽父陳陳詩時欽父彈

搗 九日懷孫啓泰鹿石卿杜集美谷年

是日同謁劉夢吉墓醉宿田家 孟和過

浮山堂因索画 陳泰始京兆開社觀演

李白絳毫記同馬季聲徐興公鄭汝交倪

柯古陳叔度高景倩林懋禮陳昌基賦探

得四支 李玄白過訪因同過石倉之森

軒小坐 爲非陵題枕二首 題新綠手巾

浮山堂池前芙蓉花 飲孫子長學使

山堂 讀江世峻秋燈草 送申維烈大

參入賀 萬壽節 之南臺弔李純庵先

生道中作 十二快有序 樊將軍營

擁盾入鴻門拔劍切啖生彘肩 趙襄子

殺智伯漆其頭爲飲器 公孫大娘舞劍

器玉貌錦衣雄艷絕代 陶峴恣情山水

製三舟一載飲饌一載賓從一載聲伎自

隨往來五湖間 蘭陵王驍勇善戰每戰

先令女伎奏篳篥琵琶度曲遂單馬入陣

崔儼高才博覽大畧其廬曰不讀五千

卷無入此堂 灌將軍罵坐坐客去魏其

事武安者盡爲失色 曹阿瞞聞孫權表  
奏劉備爲荊州牧方握筆作字不覺筆落  
于地 拓拔述喜獵每雪霰草枯手獵狐  
兔數千頭曰吾寧十日不食不可一日不  
獵也 劉琨在晉陽城中乘月登樓長嘯  
胡騎聞之解圍去 南山中有獸名羆喜  
食負心人食之肉骨必盡惟棄其心不食  
人謂之義羆 蕭惠開令人盡伐齋前所  
種樹悉種白楊

石民橫塘集卷之二

防風茅元儀止生著

蟋蟀謠

秋陰引涼涼不至天公已似忘秋思牀頭忽聽  
蟋蟀吟一點秋心枕函墜金籠久和塵置舊  
日美人空解事半閒堂上自多閒驢背踐更常  
造次平章教習兒童地不然模稜亦卿寺何爲  
輕戴紅抹額金馬門前變飛伏 九廟神靈佑  
漢家恢疆逐虜良細碎

余在燕山家弟遠士嘗寄風雨吟十首每

不忍讀遂未及和今擢戟閩甸閒次原韵

亦聊寫我憂爾

十首

纔到三山夢已回侍兒猶煮建州醅風風雨雨  
和君絮石址堂前幾樹梅

其二

風雨幽居別一天半生穠樞一村田君知此散

無人解縱有焦桐只抱眠

其三

授鉞橫行十萬師中流常笑祖生遲只今風雨收綸際閒日難消徙倚時

其四

秋宵風雨幾重山萬卷終餘一味閒恐爾夢便遼海上題書先寫碧霞關

其五

怪雨顛風十二門戰癡裸逐正黃昏紅蕉碧荔吟筇畔回首當時反斷魂

其六

誰云骨相不封侯倔強終須作檻囚霜雪久經風雨疊斷餘自在置前溝

其七

武夷仙伴可相依風雨飄零不計歸未望金雞鳴徹曉滿天赤羽正橫飛

其八

曾夢勲名在蜀西酸風苦雨闌雲低行藏不出英雄手笑殺當年錯舞雞

其九

便門一劍血模糊凍雨腥風千里途率表未題前烈士又煩啼殺府中烏

其十

一海飄風萬里退拾將蠻雨替胡沙箇中亦有從軍樂雪裏芭蕉霜後花

夢邵冷之至

瘦筇又入北平軍黑白長安一局紛縱在圍城輕趙勝不因代舍事田文每經患難常唯汝稍得幽門自憶君昨夜知從何處到霜鞋煙袖氣如雲

次韵酬謝簡之元戎見貽兼致欣慰

奇山從此足躋攀曠蕩全消壯士顏自有真人



安闌海夏無癡夢到渝關蜜甜桂辣蘇坡暇獵  
騎歌圍陸放閒天與詞人爲地主買田老矣不  
須還

秋熱惱高適

新涼竟若何趁月借無多伴暑唯蕉葉先秋是  
菱荷休言君莫恨浪說曾會過病已臨侵絕誰  
知瘴癘和

代適答

遷人疑怨誹懼復蹈風波謗每因書起愁憐入  
夜多無雲常似合有瘴始言和算恨君長記秋  
炎奈爾何

附高適原作

謫去君無恨閩中我舊過大都秋鴈少只是  
夜猿多東路雲山合四方瘴癘和會當逢雨  
霽行矣慎風波

徐興公林懋禮陳昌基攜酒至石倉談藝

嘉尚苟有會萬里本不殊况我二三子形隔聲  
相於蒼茫九點煙我職東北隅飄風墮南服得  
笑子宴娛風雅如拳石塵論洪濤諸衆目眇澎  
湃疇顧中所儲古來稱瞿塘奇險餘是夫滔滔  
名利地元氣孰與扶橫襟上下茲執契千秋符  
有如敗葉叢一葩領秀都明星粲以陳白榆隔  
天衢疎行炙近光萬古共須更努力復努力無  
言吾道孤

花傍

花傍池開旋寫生蕙光香韵沁桃笙淺杯斟盡  
秋燈暈朋夾敲殘夜雨聲塔火隔煙呈繪彩霜  
鐘排市激餘清閒廊覓句幽心獨又被鄰家入  
素筆

吟罷憶宛叔二首

孤咏成心賞徘徊復有思當時曾得句正爾點  
頭時

其二

殘藩猶餘彩塗鴉不自禁壁間君數字靜處吐  
清音

陳叔度過訪浮山堂

瘦筇破雨到江干若爲荆榛隱菴薄有文章  
時尚外姑畱好醜蓋棺看謝公墳薜名非草智  
仙頭雄飲不歡憊我山林思載贊誰家幕府可  
衙官

石兄橫塘集

卷之二

六

秋日

薄雲衣天末粲若蜀海棠造物亦何意以媚此  
年芳俯鑒清池流玄髮行變霜鬱然忽不樂胡  
爲負秋陽天地際此會得意生奇光我獨憫默  
居攬景徒蕭傷居恒惜日短今怨白晝長孤鴻  
亘遠道寡婦處閒房

與李玄白太守

半生已作布衣雄此日纔看軾回熊千里永宜

君壯略一戈聊保我孤忠乍賢乍佞誰中正俄  
賞俄刑在至公季布當時亦何異朱家曾爲氣  
如虹

觀大將軍謝簡之家伎演所自述蝴蝶夢  
樂府

耳目無久玩新者入我懷奇賞竟何許忽在天  
之涯豈無歌舞團蠻音習濫哇塞耳亦已久負  
此風日佳我公宴笑餘奴隸狼與豺開尊出家

石兄橫塘集

卷之二

七

伎惠我忘形骸鍊音變時俗出態如初芽命意  
何寥廓託詞非優俳哀我勞生久將與大道偕  
我思漆園叟語囑因心悲飽鴟寧得已不甘螻  
蟻欺恣譴我尼父道僞恨切肌非不愛令尹聊  
欲免文犧名泰身則否監河亦何濟公將極人  
臣去就何坦夷道齊遇自殊樂哉鐘鼓宜算言  
今日易歌舞垂光儀

同曹能始二丈饒唐宜之于小金山

不有予畱悴焉知君去榮一時同放逐此別異

生平獨作園亭主

余與宜之俱有  
小築舊京潭上

先欣故舊迎

漏痕垂月榭剩枕坐秋鶯艷女邀茶鬪閒僧戲

墨兵半山驢且止西塞棹旋橫況復州中正方

爲國主衡新功疇敢泯遺直豈能傾嗟我丹書

者難忘白社情送君猶此地瀝酒語無生一代

典刑在中宵澹慮貞界山江若闊罨藹水如盈

漁火亂星影林枝劃月明余懷四時桂

宜之方  
載歸

布衣橫塘集

卷之二

君夢數河槿

石倉  
中物

辛未九日石倉荔閣登高全沈欽父陳陳

詩時欽父彈擲

荔子高臺映碧流此年此日在斯樓萬花園處

無黃菊五柳何爲愛素秋鄉語客多忘異國北

來雁少絕書郵緘懷埋恨秋雲裏誰許鵬絃訴

積愁

九日懷孫啓泰鹿石卿杜集美昔年是日

同謁劉夢吉墓醉宿田家

替我遊燕趙避地方良人值茲重九日不敢負

良辰既我二三子欽挹古人名肅謁展所懷築

舍夷棘榛以彼悲歌意激爲懷古心炙酒如飛

鏃高談蔽雲岑乃今離索居孤劍倚南閩朝來

亦廢書裏憤強逡巡旨酒徒在御哀箏何淒清

孥僕殊黯澹情話無次倫顧此哈然笑將無報

鬼神咎賢丁異俗明堂蜀幕腥猶然勤幣帛奉

石氏橫塘集

卷之二

以爲師賓我當明良日捐命清風塵猶不中程

式遠竄瘴海漬蕭瑟良自致怡曠亦有因俯仰

苟不慚日月常如新但我二三子努力待要津

孟和過浮山堂因索画

疎雨寫秋色點破一池碧輕煙自來往適以渲

樹石有腕不從心萬里在咫尺吾友及見之天

以藥我癖着斯高咏人亦自千古隻

陳泰始京兆開社觀演李白絳毫記同馬

季聲徐興公鄭汝交倪柯古陳叔度高景

倚林懋禮陳昌基賦探得四支

閒夜能消翡翠卮華燈吐穗半酣時柳眉欲語

佳人意銀管爭傳重客詞綵筆亦曾天上賞余嘗

以著述被今上溫褒金雞未見夜郎追主恩自是難

思議錫與高朋地主宜

李玄白過訪因同過石倉之森軒小坐

我聞古至人托寄常在水能通萬物滯又可恬

石倉積善集卷之二紛詭徑寸卽方隅孰焉一彼此奔雲逐急鷗爭

驚何時已君子秉靜淵萬動皆至止開軒日以

森豈復戀餘滓隱見其此懷庶敢涉其渼

爲非陵題枕二首

曾聞花並笑宜笑不宜花移向枕函畔花香帶

笑誇

其二

誰言新人新將如故人故朝霞日日生高艷終

無度

題新綠手巾

鐵笛先生芳草芳看花分取看山忙雪兒歌罷

親書付不似憑肩傳粉狂

浮山堂池前芙蓉花

秋色頗蕭瑟我意與之俱忽發芙蓉花灼灼如

麗姝芳護亦不乏蕭淡不能娛君來意良厚發

我少年圖高冠長劍人老盡不成吁

石倉積善集卷之二

飲孫子長學使山堂

百里秋山遶郭清画簾十二捲初晴傾來法釀

分愁味喚取歡腸與悶爭紈白奇光占骨相朱

霞神界薄功名念年薜荔成金鐵誰許消除丘

壑情

讀江世峻秋燈草

秋燈正無焰讀君秋燈詩奇光忽鬱鬱碎語如

有辭詩燈兩不借神合感若斯以我取物幽值

君造境微不能默無言如燈着影時時哉孰可  
語澹澹秋陽知

送申維烈大叅入賀 萬壽節

赤羽橫飛君又行百壺傾罷不勝情衣冠好獻  
千秋鑑烽燧方迷萬里雲夷簡不須申國薦長  
源稍待澧州成從容宣室君應記表餌從來悞  
五兵

之南臺弔李純庵先生道中作

石邑賢書集

卷之二

七

寂歷秋原碧樹津稻風橘味韻虛塵生離念載  
鬚眉改死別千秋意氣新廬墓恐猜亡命客叩  
關誰是答詩人軟紅若老天涯客慚愧南州億  
萬春

十二快有序

余與錢爾先觀察同謫閩中謂雖慚獲  
上猶可得朋乃相去千里僅寄鬚眉于  
筆墨致爾先見懷有窮途失友兒失乳

之句亦可悲矣爾先和余十六艷復倡  
爲十二快自謂雜英雄于兒女余笑曰  
分香賣履至死猶得自埋其穎而君咄  
咄不能忍于此日耶然千古之快已萃  
于尺幅矣是不可不和也

樊將軍膾擁盾入鴻門拔劍切啖生彘  
肩

功成戲下侯王伏戰遜河南騃乘豪勇怯寸心

石邑賢書集

卷之二

七

先自央翠裘那得勝朝袍

趙襄子殺智伯漆其頭爲酒器

翠旗豹幄夜光明昨醉賓筵今作觥瀝盡千巡  
心不滅魏韓酒畔自怦怦

公孫大娘舞劍器玉貌錦衣雄艷絕代

恩怨從來兒女明况兼一劍氣縱橫錦衣玉貌  
人人見算使人間有不平

陶峴恣情山水製三舟一載飲饌一載

賓從一載聲伎自隨往來五湖間

聲伎外無藏世法九州誰是着身天  
鑿開波浪開神界并傲飛仙是水仙

蘭陵王驍勇善戰每戰先令女伎奏  
篳篥琵琶度曲遂單馬入陣

寶絡金鈿一隊紅聲歌透處劍光通  
雄心本自豪情出酸澁書生募卽戎

崔儼高才博覽大署其廬曰不讀五千

石

卷之二

古

卷無入此堂

百城南面闕爲門猶許麤疎得扣閣  
獨向此中殊踟躕從今不數百城尊

灌將軍罵坐坐客去魏其事武安者盡  
爲失色

臣門如市日中趨蟻附蠅營不足驅自  
是肝腸埋不得何心愧殺此區區

曹阿瞞聞孫權表奏劉備爲荊州牧方

握筆作字不覺筆落于地

漢高夷項纔稱帝欲滅雙雄穩踐尊  
一世雄圖今日盡三分終自等泥蟠

拓拔述喜獵每雪霽草枯手獵狐兔數  
千頭曰吾寧十日不食不可一日不獵

也

馬如電擊月如弓造化飛翻身手中日  
日擒王歸飲至此中自可老英雄

石

卷之二

古

劉琨在晉陽城中乘月登樓長嘯胡騎  
聞之解圍去

江左夷吾還遠遁中原猶有嘯歌人  
英雄氣足咎胡虜不必勲名郭李倫

南山中有獸名羆喜食負心人食之肉  
骨必盡惟棄其心不食人謂之義羆

恣殘血肉償心負却棄心來示威輦不  
向南山長隱匿人間剩得幾多人

蕭惠開令人盡伐齋前所種樹悉種白

楊

英雄自古近豪華蕭瑟關情意更遐歌舞威稜  
歸俗子獨持冷味對高霞

石民橫塘集卷之二終

石民橫塘集目錄

卷第三

名王頂骨杯行 左孝婦割肝詩有序 述

連夕夢見亡友傳遠度 酬錢爾先觀察

見懷 舟行至館頭海岸四首 孟溪百洞

訪少司徒董公崇相 訪督府叅軍董

庸德 酬徐興公高景倩林懋禮攜酒邵

園同曹能始陳叔度葉君節餞別 鄭汝

石民橫塘集 卷第三

交嘗作醉歌行相貽未能訓也于余行復

攜酒邀徐興公陳泰始高景倩陳叔度林

懋禮同餞於曹能始丈人石倉酒餘作曼

歌答之 畱別陳泰始京兆次韵 畱別

孫子長學使次韵 畱別曹能始丈人次

韵 疊韵呈曹能始丈人 去浮山堂題

壁 瀕別石倉同曹能始二丈吳子野郡

幕汪穆如山人過之 曹能始丈人再餞

小金山畱別 夢過鹿伯順江村草堂

夢於京師見楊修齡少保被逮至晤語

廛少保以秦寇逮度此時已對薄矣 偶

記二首 舟中有感二首 延平道中 爲莆

人葉去絢尊作去絢工画 黯澹灘謠

建寧道中 作內書 暫歸吳小篷船中

口號 紀何將軍事 舟中夢在都下與

曹元父宋獻孺極飲因議招馬時良梅季

石民橫塘集 卷第三

豹明會崇國寺覺時手削猶在目也 冬

暑 夢高陽公 過僊霞嶺簡三山社中

諸子 江郎山爲薄雲所掩 過桐廬作

卷第三目錄終



石民橫塘集卷之三

防風茅元儀止生著

名王頂骨杯行

曹能始丈人爲儀有作和之

夏淋苔蘚封胡血丈八朱旗蔓草汨中有髑髏  
夜吐光云是名王精不滅憶管孤軍戰北平傾  
身誘敵如驚輕此箇善戰進復止終然一怒陷  
塹坑一身已作五侯資頭顱猶可長觥卮戊樓  
大嚼瀝餘髓爲說功臣已戍矣

左孝婦割肝詩

有序

孝婦閩人彭氏女夫偶出姑驟病無從  
覓醫藥乃割肝出白乳升餘始見血而  
殞肝在鐺中吼如雷投以秣少許方止  
姑遂起婦亦活

姑婦分雖嚴其誼非天合亦如君臣耳分合神  
始洽病患廼考終非如國卹消無煩板蕩時忠  
義已相答肝割白乳飛鬼神不敢狎性命豈能

輕深意良可明不甘良人出老母無餘生人言

女子弱不能活尊親龐娥殺李壽千載同一情

述連夕夢見亡友傳遠度

零雨灑空翠晨起訪君屋倚杖方扣閭迎門一  
聲哭殘編紛似昨庖俎無餘肉是時哀慟聲鄰  
婦輟杼軸悲咽詞未吐孤兒抱我足正欲檢遺  
文小婦驚相觸今夕復見君高堂氣如雲疑義  
意將聞新文方共欣逡巡君不前微言從此分  
石民橫塘集 卷三

知君已作鬼我意無彼此視息暫時耳形亡安

足累含淒抱君頸益覺君軟美疎牕不蔽日瞳

瞳已移晷

酬錢爾先觀察見懷

宿簪夢見君清姿削白雲背立若有思無語氣  
氤氳恍似昨年時正是清秋日冒絮枕殘書相  
對在請室傍人爲引涕爾我如樸侗酤酒節高  
咏勁氣凌空濛黃塵蔽朱闕兩兩各行成是時

執君手絮語不能句要人金與珠丈夫膽與肝  
各自貴所恃勢力不能干笑君竄東南謂得長  
相見雲雨既散飛忽復隔鄉縣咎人負此悲爾  
我復蹈斯寄詩千百字字道相思相思不足  
道與子言身世詩書困煙霾盛年忽高霽入爲  
尚書郎出則專城居典文復興武三十擁隼旗  
人言黑頭公不足爲君禱壯猷與奇文後天不  
能老孰知一失意朋遊如駭雞憫默臥田舍靜  
看白日西我亦橫時名空山起鼓角安車赴絕  
徼建策願奇策三已不敢逃一洗羶胡迹何必  
旭日升濛雨棄襜褕從來說謫閭日夕唯聞猿  
與子度碧霞無猿心已煩榮辱如晦朔至人不  
可誘夜觀太白芒曉淚入卯酒

舟行至館頭海岸 四首

乘潮放素舸沿洄多異趣鮮旭冒碧嶺倒影如  
花雨輕霞過前渚翻似驚濤度 右自橫塘早發

其二

雖異國向背糾悍如外拒延頸渴飲龍人乃譌  
臥虎藉爾吞鯢鯢不待申與甫 右經過五虎山

其三

羣峰養水色一水宕山勢百川赴海急欲留不  
敢逝長樂樂如何顧此自容裔 右泊長樂縣

其四

土人心膽饒用海如場圃國憲遠在天豈比較  
龍怒何以謐舳艫不貪以爲勝 右觀出海船

孟溪百洞

洞穴山之腑靈闕于茲藏仙蹤背氛埃用陰不  
所陽斯山以洞名奇詭殊算量化工造怪石巧  
朴俱異常方將擇地置天風忽飄揚紛紛忽雨  
此架壘成洞房或有懸空虛想像稱爲梁問其  
所以然造物不能詳神仙宅洞壑睇此亦蒼茫

訪少司徒董公崇相

紛紜算遂喜陰雲尚有斯人臥故林貴若能移

非勁骨年如可減豈雄心士安著述神逾王威

彥勲名毫不侵徙倚高堂知有自石爲肝膽海

爲襟

公所居枕奇石而臨大海

訪督府叅軍董庸德

時正督鄉兵捍海

小隊旌旗耀日明多君簪組可論兵種家改取

邊勲顯衛國終羞馬隊行坐作令行山不動指

揮略定海難爭周斯在遠能動漢知爾寧忘報

石

五

國盟

酬徐興公高景倩林懋禮攜酒邵園同曹

能始陳叔度葉君節餞別

無端去住不勝情寒吹層陰滿暮城本擢琬戈

寧瘴海却分銀管接詞英散家孰許仍留劍授

筆猶堪試勒銘未說長卿灰熱否故人已占孔

融名

鄭汝文嘗作醉歌行相貽未能訓也于余

行復攜酒邀徐興公陳泰始高景倩陳叔

度林懋禮同餞於曹能始丈人石倉酒餘

作曼歌答之

碧霄紅月張虛空欲醉未醉雙眼朦主人不勸

客不辭世人對面生崆峒我拂秋霜眠戍樓有

語填胃徒自愁爲君更乞三斗葡萄酒看我吐

作煙霞散百憂我咎匹馬出便門冒頓十萬如

雞豚是時長安公與卿盡慚一士獨報恩馘胡

石

三

六千五城復天子不憚非常恩一朝被構作

囚虜氣節勲名俱算論君曾負氣請勤王當時

黃綬何昂藏尺符追勒官且罷蕭條仍治布衣

裝我今不復着袴褶君亦不須論劍術

畱別陳泰始京兆次韵

草堂蕭曠衆山浮恍似煙江不繫舟病客臥來

圖卒歲妬人驅去作鄉愁已甘渡水寧憐障縱

不收綸只直鈎丹荔碧榕君自適教誰分取

至尊憂

留別孫子長學使次韵

築隱還依薛老廬

薛老莊晉安名勝  
千長得爲別業

風流永日

事畋漁未教玉局親調蜜不特岐亭肯偕書七

尺久擔千古傲雙眉曾爲故人舒從今寂寞難

堪日攜瑟提壺上露車

留別曹能始丈人次韵

面松就石便爲園一片幽心寄森軒分我文章

有尺樓集

卷之二

七

無地受偕人山水自成恩每瞻舉止皆身教不

待睽離執手溫老作踐更無可悔姓名得傍石

倉存

疊韵呈曹能始丈人

東胡獵火照陵園聞得

君王夜御軒

時聞  
上以虜

警夜宿  
文華殿

恨不枉尋畱要地却猶去尺答殊恩漸

看循髮幾同李負試啼聲易姓溫殉國過庭曾

有訓只今父友幾人存

去浮山堂題壁

十旬酣暢足平生久料臨岐重別情奇石出牆

傾入坐怪松偃嶺宛如醒難忘鍊句看雲起應

記停杯待月明異日輞川圖粉本頗傳裴廸句

能清

瀕別石倉同曹能始二丈吳子野郡幕汪

穆如山人過之

水石莽以聚幽奇自生光衆芳雖已謝猶聞草

石尺樓集

卷之二

八

木香春茲不能去夜色何蒼蒼俛仰成萬里今

古未可量徒令後來者懷予曾咏觴

曹能始再餞小金山畱別

寒塘離緒已纏綿重送江樓倍黯然每到語深

頭自俛欲期再見口難宣頗關隆替非私悼姑

置文章別有緣何似鹿門攜手去拜君牀下得

年年

夢過鹿伯順江村草堂

宛是野人廬仍然抱膝居  
牕閒雲自疾野曠日  
畱餘此巷一童肅前村  
杖者徐桃源已無徑空  
夢咎時漁

夢於京師見楊脩齡少保被逮至晤語  
疊少保以秦寇逮度此時已對薄矣

凄緊寒風入夢中笑談喜似咎時雄  
檻車雖已徵盧植妖賊何曾圍孔融  
冀散瓊林存百二豈愁人脯失三公  
秦人應有通天路尺五從來說武功

偶記 二首

妬極偏增睚眦深倍益憐誰知七尺簞  
竟作幾重天

其二

語密偏能漏情酣恣意聽亦知噴  
自喜無奈醉難醒

舟中有感 二首

鼙鼓喧天瀚海邊孤臣仰臥小蓬前  
後來誰續英雄記短傳寥寥自可憐

其二

越石縱橫竟若何還令元子意婆娑  
歲華盡向孤航老作婢空教淚似沱

延平道中

孤艇寒流澁圓波蕩作文澗原峰所讓  
水以石爲君葉翠楓爭艷天迷鳥赴羣  
羈棲無意緒斷續渡溪雲

續渡溪雲

爲莆人葉去絢尊作去絢工画

碧榕千樹柳如絲面圍開軒鑿墨池  
潑墨成烏君解否可知返哺在前枝

黯澹灘謠

採延平郡人之風也

黯澹灘上水難水石相碎艣僵舵晦人驚  
其險我惡其碎山上鰐水中豹君算笑長年耗

建寧道中

家山清且遠應復憶南州  
權轉路旋塞山迴水尚流  
雲重峰與互壁墜蔓相畱  
奇賞於茲奇誰能理四愁

作內書

早起裁書意惘然分明記得夢中傳  
臨臧怪減三分話今在天邊昨枕邊

暫歸吳小篷船中口號

蠻煙瘴雨雜冬春飛瀑聲中自辟塵  
歸戍仍然行戍者大蓬今作小蓬人

紀何將軍事

名可綱

股憂適有啓紫氣乃干天虜鏑集閭闔赤羽馳  
八挺遼師壁城下勤王自謂先疇知死敵軀不  
爲法所全三軍驚且潰中兵爲之前軍聲頗嘈  
嘈憤訴殊佻譏有如此葉分君臣義已捐是時  
主恩渥手詔使復還相公乃載馳壅關意未宣

病骨方鏘餘黽勉在戎旃豈余口舌力自爾智  
識圓今年築大凌爾仍職中權食昂恨不旣龍  
媒中夜讎巡死終不移鼠竄何妾妾孝侯刈蛟  
虎烈死蓋百愆聖朝忘宿讐哀卹良拳拳獨  
怪奔豕輩舉朝稱智焉韓老遂同傳鬼嘯髑髏  
邊

舟中夢在都下與曹元父宋獻孺極飲因  
議招馬時良梅季豹明會崇國寺覺時手

削猶在目也

艇背刷石齒瘴色糊奇峰宵晝互醒睡生虎爲  
疲瘡飄風矜我愁吹墮紫陌中文酒宛似昨奇  
賞由志崇本無尚書期視日如再中興洽旣時  
會情澹與物通招呼及同人所期在紺宮已忘  
宗伯化時良已歿孰記徵君容季豹余前輩不及識也倚酒削  
短牘淋漓意不窮殷勤覓蕉雨京師名酒僕馬何勿  
勿酣適隘宇宙豈悟茲孤蓬

冬暑

一自入冬秋無日不蒸暑有時雜春氣欣欣殊  
得所試問閩之耆亦云未聽覩在周無寒歲茲  
言良亦莽明明方在上每聞赫斯怒或曰豈其  
然秦楚周是侮是時豈施網置此不敢忤蟲賊  
掌中騎察察竟何補斯言豈其然沉思頗憮憮

夢高陽公

宛是危邊獨對時片言微笑識恩私恨無匡濟

卷之三

酬斯遇慙止肝腸答所知瘴海難教回敢死平

城何忍客還悲等閒算淚公應記公夢中語不負兼

人余舊夢中語不負師

過僊霞嶺簡三山社中諸子

仙曲遇奇賞登登忘日低白雲養遙嶺偃樹侶

流溪霧罷枝常潤煙連鳥不迷舊遊誰見憶搖

膝此山西

江郎山爲薄雲所掩

多情誰種嶺頭梅送送迎迎次第開何事江郎  
遙隔幕爲雲爲雨小姑來小崑崙訛爲江郎與小姑之訛正同

過桐廬作

披襟來汝止與爾商隱事隱心良易決隱地擇  
當亟我管二十餘便負摩霄志行役兩條間相  
度不敢墜足踪所不及圖經屢迴視旁詢兼古  
徵務使極同異太華如奇雲東岱如臥驚衡岳  
極杳冥嶮巖備輝輝蔣山肅黼黻燕山舞騏驎

黃海積怪峯恍惚天衣曬家山爲句曲穆穆高

士味非不稱幽遯山水苦離次我於天壤中情

嗜無他寄不使二者兼亦如良馬跛我愛天子

都有如開玉笥神物無不具元氣常委積我愛

武夷曲如待玉女戲天工老画師泚筆好位置

我愛粵西山石笋仙人臂地鏡幻幽靈晴天滴

空翠我愛吳下山能兼清與媚美人林下風名

士水清致四長何貴奕短亦不可諱吳山太近

人粵山稍寒乞武夷宜蛻骨畱作千秋計廬山  
俯大江未盡英雄氣惟有茲桐廬位在天人際  
山高不巉巖水闊不縱裔山轉水若窮如無世  
間思一帆絕壁生恍似漁郎至諸峰異向背各  
各如滿志動者呼我語靜者疑仙睡山影盡在  
水水氣漾山醉迴旋僅一舍如御神廬轡一木  
一草微無不明且慧白鳥青沙貼黃葉朱藤翳  
晴雲堪策藜夜月常鼓柁諸天未離欲簇簇煙  
石人橫塘集卷之三  
主  
鬢膩於此足平生名山盡僕隸微恨東鄰光釣  
名作氣勢



石民橫塘集目錄

卷第四

和季父孝若先生潔溪山居二十首次韵

有序 焚香 跌坐 啜茗 檢書

目在後 漱流 洗石 移簞 杖藜 掃花 芟

竹 觀漲 息樹 課耕 莠圃 餵魚

放雀 飲馬 飯牛 歸樵 遠鐘

辛未除夕自閩抵江干時季父羈棲湖上

石民橫塘集 卷四 目

有寄奉和次韵 二首 往閩觀公送之江干

還日示之 壬申元夕懷倩公 自閩暫

還示舍弟次原東韵 餽湖上樓久之悟

庚戌冬會同西玄人住此時壬申首春也

聞姬人新綠墮子 韓退之落花詩云

已分將身著地飛那羞踐蹋損光輝適有

感因演爲四絕 吳今生招飲湖上 題

宋義士施全廟 阻風 二首 登州變寄張

文寺 貽瞿起田給事 貽鄭峯陽庶常

寄陳益吾南京納言 李小白茗中要

小婦字曰茗娘爲作茗娘詩 二月念八

日晝臥夢徐兼虞中丞問平齊寇策援筆

答之投筆而寤 題潘無聲詩卷 千里

鏡歌貽吳今生 有序 哭周虞卿 過先師

陸臺先生故居 二首 偶讀鍾伯敬史懷

感舊 代書寄倩公 寄杜士良長安

石民橫塘集 卷四 目

卷第四目錄終

石民橫塘集卷之四

防風茅元儀先生著

和季父孝若先生潔溪山居二十首次韵

有序

季父孝若先生早勵風雲薄尋常之青

紫晚耽丘壑享隨分之煙霞卜宅潔溪

貌焉孤往儀徒慙猿雀未殄犬羊出處

皆非恥黑頭之早達殄讒屢及嘆白首

石民橫塘集

卷之四

二

之何歸回首石址之舊廬何異花源之

闕境敬和山居之作以抒幽托之衷

焚香

疎牕受空翠虛庭生雲影溫火一縷香欲炙空

山冷幽至啓情竅澹爾生芳靚

趺坐

雙丸役百骸一息流天倪歛眉霽神宇往昔曾

耳提泰然傲秉籙豈復羨執圭

啜茗

新泉水碧着茗如雲瀉兩遭自相見初桐在

露下區區香味間曾是賞音者

蘭書

腹笥亦待鑰開編聊取次每當溫故時始信老

人智經此亦以多疑我意中事

激流

恬者謚紫瀾何意激一溲磊砢響始遠吾意愛

石民橫塘集

卷之四

二

此彪豈如中庸輩千里循安流

洗石

奇石恍雲光落落有如繭蒼淡映古梅不待雨

後蘚洗玩豈因垢吾意常衍衍

移簞

一簞亦長物卷舒任所之花氣常沐浴時就芳

莎湄偶然乘興移流鶯在前枝

杖藜

忽見奇雲興扶筇掉頭去行行不可及已爲風  
所御問雲何時歸可憶故山處

掃花

芳葩靚天地豈徒耳目玩造化良不易珍重惜  
花片勿爲車馬揉貴者不可賤

芟竹

新月照新竹淨色何娟娟縱橫彼繁枝非不棲  
寒煙芟之影獨嫌方知利在捐

石門橫塘集

卷之四

三

觀漲

涓涓泉流細忽焉生風濤時至自然大非待不  
平號覽茲良有以靜者方能豪

息樹

高幹橫前坡扶疎蔭春井行歌耕者歸吾亦息  
吾影耀世良自疲銷形從此省

課耕

自歛騏驥足久逐雞豚社有粟豈能食瘦骨不

盈把課耕輸官租餘年帝所假

耘圃

食肉不忘藿食蔬不忘蓼固知志士心所營非  
一飽綆短汲且溪勤生何日了

餵魚

魚樂良在斯無爲設笱梁不饋亦不舍何事哆  
洋洋施食良殷勤魚服我所莊

放雀

石門橫塘集

卷之四

四

夫豈樊籠物九天思一翥雲外已算羣算嗟前  
鍛翅山中報客者媿爾煙霄志

飲馬

飲馬長城窟不負此驂驪我老馬亦疲偃仰茲  
碧潭會當嘶北風寧困大江南

飯牛

飯牛且算歌視此特與牂我去相齊誰復適  
爾意經綸天地間不過亦一事

歸樵

臨流數鴻影腰鎌何處來回視向樵言白雲封  
崔嵬日往不知峻習險良快哉

遠鐘

鐘在山水間亦似山水音倘然達城市無復故  
時心保茲良夜永慎算遠蕭森

辛未除夕自閩抵江干時季父羈棲湖上

有寄奉和次韵 二首

石門橫塘集

卷之四

五

泛泛長如大海涯十年征戰久無家不須每恨  
烏啼府爭柰常悲梟在牙縱未生前成鑄像也  
須死後潑殘茶檀公投憤陳東笑回首千秋似  
未賒

其二

摧殘猶自樂無涯未減匈奴合散家僧辨釋纍  
隨霸業山賓沒宅復高牙射堂自料乞求炙歌  
館何妨且鬪茶

用臨安妓與蔡忠惠鬪茶事

有日東山召文

獻勲名康樂自還賒

往閩觀公送之江許還日示之

藤鞋藜杖送江邊回首南雲一惘然珍重相逢  
梅雪下瘴江煙雨正年年

壬申元夕懷倩公

鄰家燈穗艷千枝月白煙青獨坐時不許英雄  
死君父祗吟兒女斷腸詩

自閩暫還示舍弟次原東韵

石門橫塘集

卷之四

六

夜猿瘴雨鎮相隨自料生還未有期祗問衰宗  
誰好事縱逢庾嶺怕題詩踐更幸暫歸間左雁  
戶長憐在路岐家破觴條猶大戶不妨斗酒聽  
黃鸝

儻湖上樓久之悟庚戌冬曾同西玄人住

此時壬申首春也

翠落珠沉二十年重來欹枕臥湖邊真喚應  
仍長夜燕燕飛孤更冥天下地上天無覓處殘

山刺水宛如前半生彈指成何事徒憶荀郎一  
惘然

聞姬人新綠墮子

新綠雖可愛朱英行已辭所貪唯結子粲粲光  
參差孰謂春風顛枝弱不自持主人已蒼栢霜  
雪爲顏姿明年重結子將無已後時春風猶可  
妍旁人莫見嗤

韓退之落花詩云已分將身著地飛那羞

石氏橫塘集 卷之四

七

踐蹋損光輝適有感因演爲四絕

已分將身著地飛那羞踐蹋損光輝正開芳艷  
盈盈好也恐隨風未得歸

其二

已分將身著地飛那羞踐蹋損光輝只愁車馬  
看花客憔悴西風無地歸

其三

已分將身著地飛那羞踐蹋損光輝雕闌朱檻

空相護總到飄零一處歸

其四

已分將身著地飛那羞踐蹋損光輝可憐解語  
如花者風雨埋香花底歸

吳今生招飲湖上

負得鴟夷任所之憑他春色不能持平添湖水  
兩三尺欲放桃花四五枝老眼尚能欺倦足雄  
心猶可抵攢眉語君莫問疆場事悲涕將無感

石氏橫塘集

卷之四

八

侍兒

題宋義士施全廟

秦焰燔天山嶽汗芒碭英雄束手嘆博浪一椎  
椎虛空百二山河若沙散少保死讒人盡知岳  
家軍強半疑亂金牌十二孰不嗟御札十七人  
亦惋自君鼓刀忠佞分半朝佞口如魚爛只今  
逐勢舌紛紜何處覓君不了漢

阻風

二首

一自牽絲後朝朝風雨中石尤休作勢從不泣途窮

其二

滿世橫風雨長年袖手時終當謚江海豈使惡龍噬

登州變寄張文寺

得意快睚眦決法如毀觚屈曲造奇禍孤臣方拘斂驚聞登州變中夜起蹒跚用島制虜脇招

石氏橫塘集

卷之四

九

亡類生胡地奇人必死恢遼實良圖逍遙久不戰實着將成虛絕地生憤心自然成禍輿孤臣曾將此足食治戰需收羅失職豪推心衣食俱頗謂得要領水火可與趨一朝被讒逐身辱不暇吁患此登與萊將爲滙與瀕與君其肝膽痛言無毛膚鼎養非不豫迎母無趨起憶答崇禎初悍弁方睚于謀帥守此登捍外兼內虞僉曰賤子可天子將曰俞中樞獨不然推擇君兄

居棄硃而得瑛釋負良所愉悍弁膏黃鉞長狄代侏儒侏儒良不稱骨肉當相扶孰知孤臣竄君兄尋易塗免脫苦不早終以飽於菟死國復何恨禍福嗟轉輻文帥擅一軍大將如贅餘班賞幸而殿不幸臣當誅厥罰無大小必使先衆鵜官高戾愈重金少鬼盈車一旦獨死國罪卹終何如登變不難救此痼不可驅

貽瞿起田給事

石氏橫塘集

卷之四

十

石溜霜鐘不可緘青蒲宛宛換黃衫暫閱匡濟歸疏削難泯良枯付藝芟諫議裂麻成仗馬館賓教走避追颿戰場攪碎神州日千佛名碑終不剗

貽鄭峯陽庶常

木樨花非上苑英春風凝恨入寒檠諫爭鄒智年偏少文武翁歸兩不成半夜叩門咤汝可中原漂血愧吾生元龍湖海君休笑百尺樓頭試

笑評

寄陳益吾南京納言

千里鍾山刮眼明，花源柳巷照初晴。  
衣篝閒護名香住，水檻常留好月盈。  
獨往道州無累繫，再逢元祐待時清。  
潯陽呼得崔公應，大段終羸看此枰。

李小有茗中娶小婦字曰茗娘爲作茗娘

詩

石氏橫塘集

卷之四

七

蘋風葉葉柳絲絲，江左風流竟在斯。  
一自水嬉人散後，忍教葉底子垂時。  
十眉未試妝前鏡，三雅先傾樂府詞。  
爲語周郎不須顧，偶然心動定情詩。

二月念八日晝臥夢徐兼虞中丞問平齊

寇策援筆答之投筆而寤

虜驅身謫久，歿弓寂寞誰知吾。  
道雄夢若還，非遽醒銀鐺又在雨風中。

題潘無聲詩卷

君說無聲已有聲，聽雲聽雪若爲情。  
使將此聽歸雲雪，未解霜鴻分外清。

千里鏡歌貽吳今生

有序

千里鏡泰西國人所製，以玻璃爲之轉縮以收其銳之光，可遠視視蠅頭書如掌，大用以準道里發銃，不纖毫舛予久企而得之，乃爲作歌。

石氏橫塘集

卷之四

七

至人揮手崑崙巔，四海分明九點煙。  
然非至小若至大，孰窮目力秋毫間。  
西人秉金金質明，幻此西鏡何精瑩。  
豈特準以窮銃力，不容微渺能遜情。  
我愛其意殊廓落，千山萬山秋氣晶。  
李公管管貽在庭，太僕李公之藻嘗以貽兵垣因而天子召西賓。  
至今西銃雄天下，電飛電擊疑有神。  
雖然未值江海戰，亦未遇敵利器均。  
一朝兩者或一遭，悔無此鏡空逡巡。  
當時李鏡竟何在，六軍于此

猶莽榛近聞西銃授齊寇

西銃二百在登為孔有德所得

戍樓

舊將頗忤忤吳生貽我良有以十襲珍藏待若人

### 哭周虞卿

空牀黯淡雨霏霏不復春原問布帘使酒每能

忘幸舍劫墓自許隱兵鈴平交一相又一相

葉福

清朱烏程

丁不重添釘不添

虞卿無子

最惜錦囊詩獨秘

當時誰識取名廉

石門橫塘集卷之四

### 過先師陸蜃臺先生故居

二首

執經猶記髮垂垂奇字當年許獨窺雄略盡隨煙影散祗餘玄在自披帷

### 其二

碧蘿寺蔓自蕭森淺水溪雲帶影沉拂壁重書三數字低回彷彿故時心

### 偶讀鍾伯敬史懷感舊

咎者與我友燒燈論史局亦如公案耳提唱任

翻覆正言或反言側論及幽矚得者固欣然失

亦未為曲因史寫懷抱沿懷變生熟若以史為

懷論鬼事亦俗子意在簡編于我亦無督邈然

成古今我語如避諱讀此復狂言四座驚相觸

### 代書寄倩公

雪怒雲壓眉是時與君別颯颯彰義門直視語

不啜連夕夢所言字字當心熱是時我料君情

溢皇顧舌春夜聽河漸刺刺如嗚咽君來恨道

石門橫塘集

卷之四

詩

遠所語半明滅是時我料君意結氣不綴南征不常夢夢來更恍惚忽忽將如何料君神已竭神竭身尚畱風塵徒裹骨謫身如雲颺毀家若月沒雲去有時還月沒豈終滅獨此盛年華已向暗中掣彼已禮義亡情恨寧盡汨寄言可已乎勞君久蹙蹙

### 寄杜士良長安

三年不夢軟紅塵只憶塵中林壑人風便寄君



林壑味益君渲染功君斂

石氏橫塘集

卷之四

五

石民橫塘集卷之四終

石民橫塘集目錄

卷第五

含德堂千朵牡丹 過姚永言庶常 重

過邦江閭舍卿柳下 呈閭舍卿傷

二首

枕上作 夢在塞上與鹿伯順同還臨發

示以甘蔗吟 還石址山居 見人家歌

妓示內人宛叔 禽言

二首 目在後

蘄州鬼

婆餅焦 貽陳眉公徵君 貽俞彥直

石民橫塘集

卷五目錄

二

壬申五日憶乙丑是日同鹿伯順赴寧

遠伯順病暍幾殆 白蘋洲口號

十二首 有序

束錢受之侍郎 和太保朱文寧先生

臨終詩次韵 貽陸仲 貽陶濟之 棲

賢山中飲李小有時聞萊師敗績 家季

父孝若先生見和飲李小有聞東廂作再

疊原韵 姜神超秘書過訪 白蘋洲夏

夜咏內詩有寄 與賀公調明府夜話

往歲嘗爲百神姓字詩今偶記鬼名一二

戲續此作 橫塘 暑日 寫懷 莫厭

過佛日院訪掄公 回道入赴箕化白

水爲酒飲予作琥珀色甘香非世味作此

酬之 七月初三日假寐見孫啓泰貂帽

狐裘馳馬野外頗疑北耗愴成短歌 郭

無虞爲作名王頂骨杯行戲酬 七夕懷

內 初秋風雨季父宴集李小有顧端木

石民橫塘集

卷五目錄

二

諸君于峴山分得聞字二君俱以宿彥久

淹場屋 壽楚郡丞馮翁翁孝豐令君之

父

卷第五目錄終

石民橫塘集卷之五

防風茅元儀止生著

含德堂千朵牡丹

牡丹千朵照初晴  
蕭寂山堂忽眼明  
霞彩乍過偏肯凝  
天衣吹墮若爲擎  
王家錦障傳呼撤  
郭第通衢一霎行  
誰品此花爲富貴  
銷冤堪斷世間情

過姚永言庶常

石民橫塘集卷之五

武庫金戈盡吐芒  
江淮千里夜蒼蒼  
閒將肝膽澄秋水  
醉把文章較曉霜  
道正非歟偏足賴  
我雖憊矣尚能狂  
與君重對邦溝上  
幾處烽煙接暮楊

重過邦江閭舍卿柳下

重對春風十二年  
柳絲笑我不如前  
文情猶解三眠起  
病骨先同九月天  
轉憶蟬嘶炎晝永  
不堪鴉影夕陽邊  
梨花鎗折伊誰手  
酒罷攀枝一

喟然

呈閭舍卿偈二首

聶公自許酒中禪  
我欲禪心作酒船  
但教鯨吞養龍性  
自然大醉不須眠

其二

人言醉後欲逃禪  
不識醒時在底邊  
君恕醉人隨地臥  
夜摩不是逋逃淵

枕上作

石民橫塘集卷之五

風細空外香月幽  
花影覆憂至思無端  
醒睡交相觸

夢在塞上與鹿伯順同還臨發示以甘蔗吟

寒雨集旌旄僕夫肅路隅躊躇正明發  
擊缶歌鳴鳴我爲甘蔗吟君聽慎莫吁  
推枕遂成別詞亡義可茹君管主大官  
蔗漿還有無中熱誰與已紛紜相覬覦  
所爭唯半職疆土任丘墟公等

背時尚歸歎臥田廬佳境晚漸入茲言良不虛  
風霜堅骨性日月昭敷腴豈如浮莠徒一嚼旨  
無餘願言共勗哉庶以永終譽

還石址山居

天與山川使傲人錯將傲骨擲風塵歸來愧悔  
仍歡洽織錦詩成見所親

見人家歌妓示內人宛叔

艱夷顯晦盡如雲自覺愁中迴不羣已向千年

石氏橫塘集

卷之五

三

尋活計不須四十嘆無聞家傳傲骨成迂叟帝  
賚詞人作細君上相近教清淨業蕭疎無夢到  
歌裙

禽言 二首

新州鬼

新州鬼一言頓教萬里死萬里死任汝垂紳相

天子

婆餅焦

婆餅焦寒年不憎爲上看但愁門外催租吏破  
釜縛雞興正豪

貽陳睂公徵君

河鼓無芒貫索明少微光獨勝機槍身空日月  
焉能老道大弓旌不足榮畱得典刑憑世看專  
門冲逸没人爭鐵崖索酒渾難計算負王官谷  
裏人

貽俞彥直

石氏橫塘集

卷之五

四

記得鴻都文戰時金戈又擲十年癡建安襄漢  
才偏盛天寶揚州亂獨遲張儉壁開難晚達長  
卿灰冷任時嗤冰霜歷盡無春味始信紅蕉雪  
裏奇

壬申五日憶乙丑是日同鹿伯順赴寧遠

伯順病暈幾殆

胡塵記得馬頭迎垂死行邊將吏驚忠難方知  
夷狄易病愁兼帶別離成從容始信沉湘淺跌

宕翻嫌弔屈輕續命自憐無意味尚期不負華

山晴

白蘋洲口號十二首有序

余居遠郊又久客遊以被追攝還羈棲

郡城白蘋洲上寡客蕭閒率成十二絕

疎更統統白蘋洲半醉仍披紫綺裘試問水晶

宮道者肯容分取十分幽

其二

石民橫塘集

卷之五

身閒且飲管曾聞陸放翁詩云吾輩身閒且飲酒倚瑟提壺不

負君莫笑元忠真酒客轟轟立義氣如雲

其三

爽杵繁砧破夢來偶然覓句獨登臺箇中別有

高閒味劍戟森森陡自開

其四

豪竹哀絲久不聞湘裙楚袖已成雲年來活計

君知否濁酒枯魚送落暉

其五

襄陽縱破不曾傳進奏唯抄法案全西市近來  
無空日輪困膽在不教孱

其六

平安火絕渭橋焚捷奏希傳四海紛十日不聞  
萊吉語大酋幾箇策奇勲

其七

夢對延和懇款忠俗籌聚米畫虛空忽然伍伯

石民橫塘集

卷之五

推殘睡白服隨班郡閣東

其八

聯坊榮戟競輝光贏得諸侯日夜忙忙便洗蔬  
閒弄水不將金紫易銀鐙

其九

北牕清潤稱吟壇一曲風生六月寒百尺樓頭  
誰共語頗思崔石且盤桓

其十

翩翩烏帽道場巔短鬢聊蕭蕭影憐當日息壤  
如不負也應老大負平泉

其十一

玉蟲漸暗月平樓徙倚詩成睡正便閒味羈縻  
稍得占不須夢到八重天

其十二

坎坎烏烏鼓角聲尚疑偏郡是嚴城涼州西晉  
差無事可許安閒度半生

和長橫塘集

卷之五

東錢受之侍郎

紅蓼風勻月不憎納涼無奈髮鬢鬢鬢闔棺未到  
身先定藏壁雖高懶未能疎散不輸堂食相羈  
縻殊愧打包僧西牕就否君休計夢裏高皇  
語可憑

和太保朱文寧先生臨終詩次韵

逝者不復作夫子復如斯衰榮等一終所貴能  
自知死者不可對生者徒諛辭我知公所遇厄

酒爭相持彼已縱奕奕面目無所施屈伸在此  
日何待闔棺遲再見秦趙事祇益後世嗤

貽陸仲

屋裏圖書欲避蓐紙牕補後不長開新傳異譜  
修琴試遠乞名花帶雨栽戶外屢聲聞落子溪  
前雲過暫停杯膨脝石鼎餘文火對待余來撥  
芋魁

貽陶濟之

和長橫塘集

卷之五

虛堂長日湛桐陰欹帽盤珊思不禁竹肉聲中  
餘澹味金戈隊裏憶開心相攜泥酒尊前繫領  
略填詞枕角吟老大知交隔煙雨只君白首對  
中林

棲賢山中飲李小有時聞萊師敗績

劍老書殘笑我曹廟堂誰使健兒豪上東門外  
無人問洛口倉前已戰塵猶忍衣冠正塗炭徒  
教痛哭滿蓬蒿炙笙賣水紛紛日且放空山醉

眼高

家季父孝若先生見和飲李小有聞東

作再疊原韵

潦倒憑人笑馬曹大牀兀自許君豪幸韜弓鉞  
蟻兵寂且試旗鎗茗戰鏖此日何妨伴松菊他  
時若個關萊蒿家山清遠人應似爨下音希始  
足高

姜神超祕書過訪

石民橫塘集

卷之五

九

湖海休訝豪未除金戈遍地許畋漁文山選妓  
開園日郭李同盤不睇初猶是太平方爾爾任  
他放逐尚徐徐故人多少還蒙盾奏殺孤航訪  
草居

白蘋洲夏夜咏內詩有寄

泛泛蜻蜓浦悠悠鷗鷺鄉雨歸雲似逐風斷藕  
還香罷浴餘閒味新詩滲客腸掩牕鋪月影拂  
枕度螢光澹不因愁減思偏趁夢忙畫山非少

黛書帶獨難芳淡墨疎行字輕綃墮髻妝風煙

渺何許辜負兩橫塘

洲上有橫塘先人故廬在焉昨在三山亦居橫塘二

地皆勝宛叔俱不得借事筆墨

與賀公調明府夜話

風雨葭蕀夜語深傷人猜殺兩人心料非身世  
悲歡甚豈爲文章涕淚淋 九廟式憑休起舞  
三生微笑在披襟舉杯開劍淒涼久爲爾知難  
老故林

石民橫塘集

卷之五

十

往歲嘗爲百神姓字詩今偶記鬼名一二  
戲續此作

少懷萬里侯老作萬卷主歲除祀長恩

司書慮

此靈於鼠東海鯨正驕北山虎方怒彊者不容

治弱者我不武匿影慎算出終年石支戶當時

紅叱撥意氣欺生虜兀兀乘款段賜馬且笑爾

僂畫靜蟬愈喧轆轤當荒墅晚供躬剪蔬又爲

瓊井所侮經綸在此中食單在何許一笑姑置

之王孫晚封楚

橫塘

寂寂橫塘委徑花，斜陽冉冉上飛鴉。  
有時獨笑賓朋愕，盡日無言侍妾嗟。  
勳業懶窺霜管影，心情閒記碧雲駮。  
讀書射獵何妨老，豎子年來幾化家。

暑日

虛堂漠漠暎長林，麥飯蕪絲就樹陰。  
窮到青奴石民橫塘集 卷之五 十一  
無計買貧憐玉友，不相尋放吟聊寫輪囷膽豪。  
竹難消磊塊，心事只如袁伯約，任人拍手笑書淫。

寫懷

赤羽交飛枉不平，邇來無地許縱橫。  
未妨堂阜當年檻，只負蒼梧早歲纓。  
察罕尚從間左奮，顧榮曾結義徒盟。  
丈夫莫問天人事，定挽銀河使不傾。

算厭

算厭蕭蕭老布袍，平分天地自爲豪。  
千家碧瓦圍青幙，十里紅燈趁綠篙。  
山外出雲成疊嶂，泉源添雨濺飛濤。  
午橋料得無餘味，且省淮西幾戰塵。

過佛日院訪掄公

日色淡松背，我行方解驂。  
賞奇驚似醉，言冷反如慙。  
僧靜鈴能語，身幽夢未諳。  
雲峰誰幻出，盡破一天藍。

石民橫塘集 卷之五 十一

回道人赴箕，化白水爲酒，饒予作琥珀色，甘香非世味，作此酬之。

嶠嶺皂纛輝，呼吸帝左右。大夫適有禱，先人禱武帝乃饒予酒自此四十年不復嘗天醲至人

忽惠予恍惚，若有牖，問予何日還旄頭如禿，帝七月初三日假寐見孫啓泰貂帽狐裘馳馬野外，頗疑北耗愴成短歌。



傳聞鐵馬秋風起漢兒辟易胡兒喜飛狐問道  
如鋸齒銀鎧平過若流水緋衣玉節作奔鼠草  
裏有人俛而視丈夫忠孝豈在口婦人不恥溝  
中死青田老儒學辟穀是時手下亦萬指狐裘  
貂帽君胡爲料得男兒已如此

郭無虞爲作名王頂骨杯行獻酬

一從洗甲老菰蔣裂破旆常綻隱囊紅女閒分  
白羽箭樵兒驚拾綠沉槍縱文入口胡肌飽新

石民橫塘集

卷之五

五

肉生髀汗血狂喜得昨宵大雨粟乙漿得酒潤

枯腸時久早得雨

七夕懷內

森森秋氣白蘋洲靜看銀河日夜流不信箇中  
成鵲渡人間偏斷木蘭舟

初秋風雨季父宴集李小有顧端木諸君

于峴山分得聞字二君俱以宿彥久淹場

屋

松肪檜蜜肯輕分秋浦菰香一共君百里山川  
呈閃電半天煙雨護重雲縱擿馬革酬孤劍未  
忍羊皮賣異文算怪紅螺杯太窄酒餘歌恐不  
堪聞

壽楚郡丞馮翁翁孝豐令君之父

解綬休嫌歸路長湘煙湘雨滿奚囊興來或自  
登高坐時背何妨據大杯攤飯午餘簾外靜澆  
書晨起瓮頭香三升花下憑君挹兩世河陽手

石民橫塘集

五

十四

底忙

石民橫塘集卷之五

終

石民橫塘集目錄

卷第六

暑微 七月十五夜夢孤城忽報虜圍訣

妻孥易急裝攜東便門七首以登城指麾

程孟陽爲画秋鷹戲題 訪陳伯玉解

元 夢後作 酬 誨 贈劍

括囊歌 有序三首  
目在後 古刀 東便

門七首 右北平 金漢英頂骨

石民橫塘集

杯 風雨中讀睂 其李公子陳

輝登楊幽妍三傳 甲初度懷曹

能始丈人 秋日 訪徐元歎

山居 壬申中秋打徐元歎山齋聽雨

徐元歎惠天台木躋 八月十七夜始見

月 聲元弟招飲西湖 酒料藥王二索

贈 夜坐湖中風雨忽霽 酒中與戒公

酬陳則梁次韵 酬憚道生次韵 紅

葉 爲弗陵題鏡蓋 壬申九日郡南橫

山登高 寄人 九月望內人初度有寄

秋閒解嘲 閱邸抄見吳大將軍襄已

自戍籍起輾然成此 虞山遇鄭峯陽庶

常次見贈韵 夢倩公 四首 夢同曹能始

觀察及三山賓從 冢甚樂也起

而悵然遂成長律 寄錢受之侍

郎 雙玉弄 有序 張文寺傳紫

石民橫塘集

六月

郎在聚遠亭看玄 何字 還石

城感舊 送張晴 送張集虛

豫章謁所知 二首 陵娶小婦爲

作催妝詩 冬日江泊 聞東師大捷喜

甚戲成二絕寄吳大將軍襄 懷新綠

卷第六目錄終

石民橫塘集卷之六

防風茅元儀止生著

暑微

此夕暑纔微風尖易入幃吹簟疑作雨落月倍  
生輝漸醉如初熟新涼似遠歸秋心又無限一  
葉荳蔻飛

七月十五夜夢孤城忽報盧園訣妻孥易

急裝攜東便門七首以登城指麾

石民橫塘集

卷之六

白沙直千里孤城如夜光依草聊自適羣兒奔  
倉皇團圍會妻子傳觴分炙羊角聲迸地起甲  
士紛趨蹌犬羊輦衝卓鯨鯢凌子牆我亦攜健  
劍麾叱氣洋洋回頭語妻子勝負未可量與子  
從此訣積草塞戶陽賊退合笙歌治酒樂中堂  
萬一或差跌枕死亮何妨我劍誓不辱紫電燁  
秋霜自出東便門身已付封疆今日亦後矣生  
死蓋尋常慷慨兒女事從容易戎裝撫枕三太

息痼癖此癡腸不悟成敗後讒口俱沸湯

程孟陽爲画秋鷹戲題

霜氣橫空萬卉萎誰教疾擊稱風姿不妨穩坐  
枯枝上只負睛雄翮健時

訪陳伯玉解元

輕舸亂水不能遮晚色崢嶸逗暮鴉共羨文章  
天半雪白憐勲業擔頭花幸餘畊鑿俟期會多  
半風塵染歲華十載戎旃三斗血千金骨莫嘆

石民橫塘集

卷之六

無家

夢後作

平生缺欠事不在奇行間將母終不皇兩穴成  
流泉昨宵憶母老鼎養將無年棄笈謝徒侶央  
策歸東田致君付公等隱約心曠然母顏安且  
愉之足欲飛舉疇知終天恨卽在短檠前

酬許仲嘉侍講贈劍

模糊虜血黯刀光淬盡羞煩戍伍傷藥劓足營

芝肉飽養和羸取蝶魂香載棺筆牘千天上踰  
屋旌旄絕帝鄉解珮玉鐔驚汗下漫梳鍛鬪待  
飛揚

括囊歌

有序  
三首

崇禎四年既籍沒五年奉司農檄搜括  
括囊中有三物焉各副以短歌以待主  
者之命

冶城旁古刀

餓居故相李文定家感夢  
掘得此刀千年以上物也

石民積瘡集

卷之六

三

冶城有氣直衝斗蜿蜒蓬勃蛟龍走是時未解  
望氣術瞪眼如無瞋眼有呼童率婢運藥鋤漆  
室崢嶸絕纖垢一霎臨風成劫灰精光如水復  
如燬未言佩服辟鬼神且驚奇瑰澆卯酒自此  
縱橫瘡穴中萬鏃如山良不偶靈貺寧甘換犢  
耕水田况種官園藕

東便門七首

房十萬屯東便門外五里僕  
與二十四騎擁高陽公出此

門解其公  
子所佩

威築一聲萬人血公子懷中數寸鐵公卿引被  
怯鼓角宰相單車過虜穴男兒有身不浪死奪  
門驛騎狂若此日日除官滿黃紙南朝侍郎一  
人耳况矜身手破虜膽護出元臣立壇墀事成  
飽餓犬羊生不成人不許胡兒鬻數寸鐵中紫電  
騰公子膝行頭如崩

古北平城外胡王金漢英頂骨杯

奴之偽  
小王子

石民積瘡集

卷之六

杯

奴家八子四部兵競抽驍銳漲胡塵三酋有子  
金漢英英西種親養成是時破永堅不去上  
相攢眉天子慮誰言冠軍徒得名突騎兒郎  
如風雨指麾三將伏雙望誘出此酋聊一剗銀  
光鎧甲團花繡霹靂一聲溝底驟明日胡兒哭  
戰場鍛刀焚馬燒弓鼓疇知頂骨寒森森美人  
傳觴淺復深

風雨中讀眉公小品喜其李公子陳穉登

楊幽妍三傳識後

一當名酒決天河每讀奇文弄玉梭快雨驟風  
馳萬騎急繙小品一番過

壬申初度懷曹能始丈人

去年水嬉作上客金杯吸盡三山月今年痛飲  
白蘋洲整頓詩腸探月窟詩酒休嗤太汨沒天  
公已教愁中活愁中活一任錢塘毒龍血

有民橫塘集

卷之六

五

秋日泛菴画溪

休聚悲歡酒醖中一年幾日對丹楓層層樹影  
參差月曲曲溪灣自在風竹岸綠溪沉日色松  
此青老漏天空算尋前步朱藤杖一棹夷猶想  
不窮

訪徐元歎山居

數畝秋園啓石牕空山獨往姓疑龐傍簷雨過  
疎桐冷隔浦雲生衆嶺降天外未傳青鳥使野

人誰贈白驢幫孟亭賈佛紛它日不信蓬蒿建

藝幢

壬申中秋在徐元歎山齋聽雨

中秋坐雨小花移未許人猜負所期山水快時  
輕一月風煙奇處壓千巵不開別界分神賞剩  
取蕭閒只論詩此度芙蓉良不易憑添佳話入  
新詞

徐元歎惠天台木躡

有民橫塘集

卷之六

六

入山一緇金蹠屐出獵千雙五采韉此日故人  
遺木躡任它雨濘好披簑

八月十七夜始見月

未到中秋月繫思茲宵纔見自嫌遲屢催鄭重  
離蘭閣頻喚逡巡舞柘枝得意園林春盡日滿  
懷勲業蒼蒼時吳郎解事相酬說博得空齋坐  
雨詩

聲元弟招飲西湖

半世遊裝未得休一朝兄弟主賓酬抵當頭白  
無如酒消受山青不許愁醉墨數行斜澹澹竹  
風千摺冷颼颼憑他高士爲湖目石膽鋼肝定  
不差

酒糾藥王二索贈

判斷春光及晚秋淡山淡水不知愁無端又被  
秋棠惱艷滴幽枝入醉眸

夜坐湖中風雨忽霽

石民橫塘集

緩棹入三叟疎枝壓水橫淡煙層間綠白雨欲  
分清風定星如宿月來湖始生縱遊三十載恰  
恰剩餘情

酒中與戒公

破瓢長掛箸青登笑殺人間着紫僧不見醉中  
真面目十年辜負一枯藤

酬陳則梁次韵

看山半世負山通秋半湖頭一葉過瞥見故人

癡夢似重尋舊句賞心多寧甘白苧欺青鬢未  
許黃塵易碧蘿吟杖堤邊閒問訊數枝幽澹溯  
流波

酬惲道生次韵

舞地衝車正困萊英雄拭劍算徘徊若因世亂  
思三窟便負中興敍八哀吟袖挽花奇入句感  
心當酒淚添杯魚肥笠澤人便睡又被新詩攪  
曠懷

石民橫塘集

紅葉

設色諸峰張画綃橫流炊霧碧迢迢平章春色  
稍無賴畱與秋山破寂寥

爲弗陵題鏡蓋

開時慎弗驚花向水中明徘徊還自妬掩抑不  
勝情

壬申九日郡南橫山登高

翠煙萬丈幾枝紅此地登臨若夢通誰擲河山

秋色裏喚它城闕曉霜中掠簷飢鶴雄猶在奇  
落殘黃傲有功廿載故鄉風物異五陵同學半  
飛蓬

寄人

夢驚重省不勝情湘箔紗櫺淡欲明鐵鑄錯猶  
茫化液盤胸懊恨到三生

九月望內人初度有寄

已謝雙旌負鹿門

舊有明年初度日應已謝雙旌句

秋容瀟淡

石民橫塔集

卷之六

九

掛前村心情約束愁餘夢塊壘潛吞醉不言翰  
海頗傳金作鑄空山遮算婦無禪掃眉才子閒  
問裏多少詞人合讓尊

秋闕解嘲

黃菊朝看滿碧除尋詩捫腹步遲遲年來頗得  
忘機趣不讀孫吳相斫書

閱抵抄見吳大將軍襄已自戍籍起輾然

成此

曉彼西陵上松柏色何穉渥丹桃李穠綢繆結  
恩義許身復誓死自是兒女事一朝捐道旁寤  
寐心不異所以白首歡松柏有餘翠義轡一日  
迴君恩千日駛已矣不復言中宵淚盈臂

虞山遇鄭峯陽庶常次見贈韵

日羽霜羈集怨軍二東輦鼓不堪聞攢鬚先論  
關河事細酌徐評泰華雲匝地風塵埋月旦繞  
身山水喚奇文他年倘預新叅客四角香雲滿  
石民橫塔集

座薰

夢倩公

四首

夢兒分明酒散時傷人私凝結禍期霜雪驛  
三千里嗚咽明珠寄恐遲

其二

盧溝橋畔一聲鐘千淚紛披萬恨攻不及女兒  
亭上事縱懷仇怨尚從容

其三

成旗一點指南州挈得雄心不學愁拘折平生  
成薄倖不教海水便東流

其四

蠻煙瘴雨水綿庵可憶平章蟋蟀慙剩粉燼香  
零落處難償儂管正春酣

夢同曹能始觀察及三山賓從飲徐興公  
家甚樂也起而悵然遂成長律

共笑山陰擬季倫高齋歌舞亦清真禽聲格磔

石民橫塘集

卷之六

七

如呼酒花影紛披欲昵人爽亢不專文字飲蕭  
疎渾忘主賓身西川陸放揚州杜差比茲宵夢  
一巡

看霜葉寄錢受之侍郎

春山如淺碧夏山如沉綠人重來垂時茲言未  
可覆秋霜今幾朝衆色參差簇黃者異淺深丹  
者殊鮮宿碧綠亦或畱紛紛披成綺縠吾黨非雪  
霜骨性終未足喬林與弱枝時至各郁郁

雙玉弄 有序

往年黃貞父丈人得白兔字之曰玉衡  
且歌咏之士大夫多屬和焉未幾余得  
白鼠字之跳雪時亦多作者推范東生  
短歌爲第一明年東生歿二物亦化去  
今年又得雙白鼠字之曰雙玉弄兩公  
皆久往矣與內人自爲倡和耳或曰白  
兵祥也夫眩目賞心之事孰有非災害

石民橫塘集

卷之六

七

者乎吾姑咏所自耳

人說雙丸弄玉梭玉梭雙弄健如佗無人得向  
閒中老爭負公房宅內何

同閭舍卿張文寺傳紫郎在聚遠亭看玄

武湖分得何字

相逢無奈感心何急瀉鵝黃涕淚多 高帝常  
懸新日月江南猶是舊山河半登鬼錄空畱版  
幾作瘡餘赴逝波 戶口籍 誰記洛陽園不見輕



綃還倩付虞螺

還石城感舊

回首風流夢不通  
薦紅閨翠板橋東  
江山蘇醒  
勞生困香粉醫治塊壘  
衷霸氣攬收歸筆底文  
情散去滿遙空  
半生已落周郎後  
顧曲還應笑老公

送張晴華相福藩

昨夜扶攜強仰觀  
不須霜雪慄生寒  
縱然老去

石民橫塘集

身猶在豈忍生前見  
此端佇看四方和洛社  
肯同一谷擬王官  
汝霖千古應知爾  
河北當年賊

正繁

送張集虛豫章謁所知

二首

夜宴西江燁炬香  
詩成落日正蒼涼  
可知稷下三千客  
寥寂春風方斷腸

其二

酒魂潦倒看君行  
猶記蒹葭月正明  
寄語使君

休傲士如今難覓五侯鯖

黃孝翼金陵娶小婦爲作催妝詩

玉艷寒新澈水清  
石城窈窕照初晴  
茂陵顏色雖殊絕  
可有文章似卓生

孝翼內人能詞翰

冬日江泊

帆影卸斜陽  
前汀獨鳥翔  
迎霜風緊緊入暝夜  
蒼蒼樹闌高  
桅勢鷗隨小艇忙  
白煙村口鎖青雷  
寺門橫疎柳  
星如絡孤洲  
浪作牆魚龍互悲

石民橫塘集

卷之六

嘯荻葦正微茫  
山遠雲忘活波澄  
月化光奇懷應不寐  
徙倚意難忘

聞東師大捷喜甚戲成二絕寄吳大將軍

襄

一語當心十載恩  
碧窓淡月浸黃昏  
東鄰歌吹通宵徹  
不許殘妝無淚痕

右閨怨

翠華昏歲共承恩  
同日深深閉院門  
聞道伊姬

重召幸花前更斷一番魂

右宮怨

懷新綠

新綠還看子滿枝娟娟紅尚帶人癡相思子

卽頻

發果色桃花片更美纍纍照影時

石民橫塘集

卷之六

七

石民橫塘集卷之六

終

石民橫塘集目錄

卷第七

那堪 蕭然 壬申十月廿四夜夢江村

諸故人 感懷寄武康賀公調明府 五

雜俎<sub>二</sub> 掃王父鹿門先生墓示子弟

幽居追次陸放翁韵<sub>五</sub> 東歐 過雲樓

老人塔院 少時問法雲棲因緣未野重

過悵然用壁間納言畢東郊韵 冬夜山

中 和吳令公病中贈吳大詩 聞鼎叔

弟病 朝弗陵臥病 或有告諸大將在

士伍者盡出自効矣戲蒼之 聞中原盜

賊圍懷慶甚急懷尹星麓使君 陸放翁

有句云亦悟百窮緣骯髒終羞萬事學低

摧偶感演呈季父孝若先生 疊韵再呈

偶咏<sub>四</sub> 埋劍 放舟城南望山看雲

同遠士弟聯句 登歸安學東湖看雲

白蘋木稼謠 夢人論黃鐘其說皆所未

聞 題茗人潘生癖秋齋 過故大宗伯

董公珠履館 久旱得大雪 冬日梅溪

道中 夢亾友范東生爲點定江村集

女兄節于董者祔于梅溪之阡執紼七日

日賦一絕以侑哭<sub>七</sub> 無題<sub>有</sub> 與褚將

軍論海 邵養之老矣忽欲赴水軍以經

國難感而有作 壬申除夕值宗祀于祀

下度歲

卷第七目錄終

石民橫塘集卷之七

防風茅元儀止生著

那堪

那堪青鍰笑紅顏夢裏河山指顧間  
老矣英雄無足論不須披髮更尋山

蕭然

蕭然淡處即天涯望壁青簾靜不譁  
風愛竹清偏就響日歎睡懶

果誰投下澤車詩情自何日救半張黃紙

人家

壬申十月廿四夜夢江村諸故人

僕本江南人所性在河朔結交亦於茲  
依依無夢覺昨夕見我友父子躬藥  
劬牧兒呼客到顧我欣然樂四鄰  
喚朋儕就此共談讌天下幾時  
清牀頭酒正濁

感懷寄沈嘉賓公調兩府

短劍蕭蕭倚敗垣一天風雨動孤村  
誰將盜賊遺君父漫把安危抵怨恩  
不念星芒窺戶牖

壬申秋冬木星芒射昴胃那堪烽火入黃昏  
縣名天意分明見百里休猜困士元

五雜俎二首

五雜俎名花譜往復還籬間戶不得已逢乳虎

其二

五雜俎三都賦往復還門前渡不得已烈士暮

掃王父鹿門先生墓示子弟

風露淒淒美一杯傳經九十愧非才  
王父九寸時儀時八

齡猶及傳經賜書破盡文難似藏劍長鳴志不回  
皂

蠶黃旗聊戲耳青岩碧障正悠哉  
熟看南史烏衣傳不數門前棘與槐

幽居追次陸放翁韵五首

盜賊滿天下我身閒一壑可憐馬上兒  
猶笑我寂寞昨有巢棲者寄我雙木屨  
將無青城近

集 110-247

聞鼓與角

其二

黃金印如斗家唯白板戶山賓既輸宅饅粥每  
不具義從尚欲畱僮僕半散去去畱各有意梧  
桐方引露

其三

宿管好看花春盡非花時雖然花未嫌自嘆已  
後期既脫兒女場無事亦無思朝來更不伏明  
鏡任生絲

其四

盆魚三四頭徑竹千百箇孰言適我懷將以養  
我情夢中猶不然甲馬枕前過妙達亦真王  
被理重臥

其五

尊笑飯牛人欲起相齊國尊笑舌在人悔折  
其肋富貴如涕唾誰能泯白黑身癩心無營

哉彼已力

東歐

岬栗搓橙又一年霜鐘淒緊雁橫天身卑無術  
能尊主丹熟休吞懶作仙殘客未來朝局見  
剩書拋散睡情便不堪一事來心上昨報東歐  
血滿川

過雲棲老人塔院

磊落長松掛破磴竹煙輕拂蘚爲繩管遭老手  
鉗猶滑嗣唱誰家曲未曾放曠渾如酣社叟蕭  
疎不減打包僧廿年慧日空懸照余叅雲棲二  
十三年矣  
畱取些些證一燈

少時問法雲棲因緣未契重過悵然用壁  
間納言畢東郊韻

明星覩處笑拈花未識宗門老當家一棒不肩  
臨濟意八旬行脚趙州賒江帆卸後風方緊午  
磐過時日未斜最是不堪茶博士漫將鴻漸潑

殘茶

冬夜山中

十年征戰塵纍指顧貔貅待獻俘  
白草圍場燒兔樂綠弓韞臂射鵬娛  
當時止羨金鴉背撒手無心玉鹿盧  
贏得而今千壑裏篆微燈耿絕長吁

和吳令公病中移居次韵

放眼看天萬恨空不知身在柳南中  
屈蟠大略窮簷闕寤寐方聞曲巷通  
檢橐遺文存研北攜筇孤咏別牆東  
煙簑雨笠爲君伴剝繭移秧將相功

問鼎叔弟病

竹院長聞擣藥聲香微鎔冷月三更  
長門未賣難消病玄晏無聊祇擅名  
縮製古冠存舊骨豎裁短褐有餘清  
此中閒味君知否風雨連牀試證明

朝弗陵臥病

何須罇洞垣歷亂此花源風柳和春困  
煙鐘帶月昏感嘆時竊笑據枕懶無言  
謾說歡腸闊沉吟病不諼

或有告諸大將在士伍者盡出自効矣戲答之

偶然縱馬歷千峯收轡依然石戶農  
黃面每僕珍嫩蕨烏藤到處玉新春  
斜行字落疑橫雁險句詩成悟晚鐘  
似此閒勤雖自笑未皇行雨替乖龍

聞中原盜賊圍懷慶甚急懷尹星麓使君  
往年使君監吳兵黃純黑忝標格清是時虎吏  
逐君去吳人憤語聲轟轟自此投荒歷黔粵瘴  
霧蠻煙纏瘦骨太常書功煜日月遐方轉徙終  
汨沒今年忽報移中州橫犀曳紫殊風流中原  
盜賊似怒虎逐君步步不肯休鐫官嚴譴細事

耳左手成功右節死不似虎雛縱復橫盡天  
家一張紙

陸放翁有句云亦悟百窮緣骯髒終羞萬  
事學低摧偶感演呈季父孝若先生

馬磨車塵細劃裁爲農終勝老輿臺道州不返  
何妨蔡吳獄長囚未礙枚亦悟百窮緣骯髒終  
羞萬事學低摧他年倘附先人傳鐵骨傳家未  
不才

疊韵再呈

窄袖黃衫鄭重裁戎樓箕踞笑麟臺武成止取  
二三策侯印何須十九枚亦悟百窮緣骯髒終  
羞萬事學低摧傲名原是 君王賜堂阜還傳  
未易寸

偶咏 四首

胷中萬卷書腰下三尺鐵坐看九州崩安用此

饒舌

其二

貴賤去來塵死生屈伸臂了此不值錢庶以保  
美睡

其三

爰書與棟齊虜簇計升斗半檄算嚇人我方酣  
卯酒

其四

今朝西市者昨許封侯人恩仇竟何許夜臺多  
石民橫掃墓

主賓

埋劍

埋劍西牕更不看布帘土堦且盤桓圍場鹿麋  
當時恨堂食魚羹此際歡得句不妨三日醉懷  
人恰正五更寒英雄一笑黃金盡捷煞天狐不  
離酸

放舟城南峴山看雪同遠士弟聯句

遠山寒日雪爲雲遠士意味蕭疎物詭紛呼酒未

來愁已遁

止生

期人將集韵先分殘村欲與輕煙

沒

遠士

野炊徐趨近靄羣放棹前溪知得計止生醉

吟玉局海南文

遠士

登歸安學東閣看雪

推枕搯藤杰閣東恥依僵臥作家風亂簪桐帽  
疑情狎急灑松牕笑興濃初霽恍如天并艷漸  
銷唯恐嶺俱融簞鷹剝兔無消息猶喜明年飽  
澤農

石民橫塘集

卷之七

九

白蘋木稼謠

我聞木稼達官怕寧憲開元隨此化萬曆寬和  
小元祐白首老人見且謗初政連年客趙燕每  
逢奇賞還私嚇誅屠卿宰若犬羊請室年年血  
如瀉今年歲星久守昴所占亦不在此下旋聞  
西市誅繫囚逃官墨吏不復畱天子明刑類  
烈祖東誅西討功未收東誅西討功未收今年  
木稼白蘋洲白蘋公卿滿朝宁莫教拍手嘆

休

夢人論黃鐘其說皆所未聞

至音久不徹元聲何微茫萬卷雖已破歸指尚  
未詳昨夕遇異人所言殊平常渾噩恍可尋累  
黍徒執方星辰雖在天仰視猶屋梁方輿繭足  
力憫默可翱翔慷慨語承學簷瓦具鎗鏘

題茗人潘生癖秋齋

秋聲響徹讀書堂氣味蕭森滿石倉分潤酒腸  
石民橫塘集

卷之七

十

增澹宕俗爲詩骨始蒼涼繭眉不逐春風髻皐  
比終輸夜雨牀瀕渚蓼灘茅一把佗年掌故細

箋傷

吳興有掌故集

過故大宗伯董公珠履館

平津罷後士如雲不向春風養舞裙入息足僕  
彈缺食別營寧使過樓聞鳥啼間處談天沸酒  
興醺時論劍紛繩蘚垣衣休感槩只今東閣已  
如焚



久旱得大雪

積雪皆驚近所無  
繭農頓覺易枝梧  
春風應喜多魚婢  
夏日無煩敬麥奴  
白氎裘溫拖杖看  
黃紬被穩撫牀呼  
鄰家多釀供斟酌  
凝膽年來尚滿軀

冬日梅溪道中

溪行竟日夢先清  
宿莽離離寒色晴  
萬摺朔風如疊陣  
一痕嶺雪似長城  
焙香純被春能借  
綳綳河車酒不爭  
山步鼓喧團社集  
今年已幸度時平

夢亾友范東生爲點定江村集

耿耿青燈不寐時  
忽逢杰句沒人知  
九京喚徹難尋覓  
一夕俄來恍在斯  
片語千秋成定價  
披襟一字尚欽師  
朝來寂寞誰堪語  
五尺胡牀自凝思

女兄節于董者耐于梅溪之阡執紼七日

日賦一絕以侑哭 七首

雪封霜滑路漫漫  
山折風迴射鼻酸  
金璽玉蠶俱織恨  
只餘彤管不能刊

其二

桃李穠姿琢玉膚  
家門自管肯輕軀  
直將祖父酬君節  
化作紅顏烈丈夫

其三

才子曾吟旌志詩  
只今志就萬金詞  
採風聞有

石民權

卷之七

卷之七

卷之七

專車使何日方能貢太師  
夫弟巡周嘗爲作旌志詩閩人曹能始和焉

其四

烈祖雄才 世廟稱爾翁  
風骨亦峻嶒兄公諫

死聞天下荷此家聲豈易能  
姊翁 神廟時給事翁父 世廟時

太宗伯夫兄 諫國本遂死

其五

白哲郎君筆力適  
僊人嘯樹墨花浮  
修文天上

裁金管首寫唐人第一流

其六

竹院松龕一衲香北宗透處沒商量箇中討得  
真消息不美人間頌節芳

其七

顏垣荒牖十三年纔得空山祔所天松檟千秋  
誰復問止羸文苑一時傳

無題 有序

友人示無題詩索和老筆久不作艷語  
重搜枯腸未免旁擬不肖矣僕每曰文  
必生于境良有以也

燈暗香溫罨月藍牽幃拂席趁初酣乍驚色授  
秋深隼自縛情圍春後鷺驚意正藏微拒語密  
心忽露半聲慙全輸曲昵鏤空視略吐盟詞着  
志揆撲臑鼻根肌帖帖撩癡髓上髮鬚鬚憎憐  
最處俄如冷肝膽呈餘復似慙差怪酒深皆白

墮曾聞戰急遺黃柑王郎浪說千金意萬古情  
緣一晌擔

與褚將軍論海

疆宇剖兩戒九州有分土蘇生所揣摹止在應  
攻取疇知域中觀僅作太平譜我聞用海奇首  
尾算扞拒遼澤未爲東溟海西未圍周迴萬里  
餘吳越齊閩舉銳師堅艤艫呼吸如風雨往來  
若天降健兒戢其武今賊滿天下九州無謐宇  
我欲用此奇坐使姦雄倭東出擣奴穴齊寇揆  
囊取閩浙盜方興流血如濤怒粵寇藐我師白  
日走金虎滇人連交趾空山騰猓偷咎我文  
皇師繇海平東虜何況閩越盜安足煩破斧紅  
夷良勁敵舟巨礙港浦輕舫繞其背憑風付一  
炬天下固多虞底定可自許養士僅三千百舫  
豈靳與功成報 天子上將使汝處我乘弱水  
便蓬山尋舊侶

邵食之老矣忽欲赴水軍以紓國難感而

有作

骨裹風塵六十春萬金身不偕他人劍裝肯向  
狂濤裏自是夷門不蹙顰

壬申除夕值宗祀於祀下度歲

敗燭殘檠又一年淺杯蕭冷弊祠前生來亦有  
封侯骨閒過從無報主緣海外健兒東帝貴  
夢中舊友北邙眠先人墓訝龍旗杳會有車攻

石民橫塘集

詩一篇

末二句答  
季父語

石民橫塘集卷之七

終

石民橫塘集目錄

卷第八

癸酉元日 寄曹能始丈人 寄徐興公

與褚都護 舟中晝臥夢周忠介公

春夢 聞姚孟長分司畱院 與張異度

哭宋比玉 順風船 正月十七早夢

高陽公爲代作一諮目口授書之記一聯

云蓋枕戈授甲之期適逢其會而遺大投

石民橫塘集 卷第八

艱之器未見其人起而慨然成此 早春

至西湖上 次韵荅遠士 入春 春曉

過遠士西樓看梅茗飲而去 石佛寺

訪擇公 送夏長卿中舍還朝 春日

小飲瞿稼軒西園 晨起 戰場 祝鼎

兆自蘭溪過訪草堂 郁仲開謫粵郊居

甚適召還送之 示登兒 寒食攜登兒

掃大人墓 與譚服膺明府 舟行書所

見 和燕中卽事詩 有序六首 目在後 賣衣

賣貂帽 賣書 賣鏡 賣筆屨 賣劍

癸酉寒食上栢掃墓紀事 聞台警

馬駿如明府見過 寄懷宋似祁 寄顏

開美司李

卷第八目錄終

石民橫塘集卷之八

防風茅元儀止生著

丙酉元日

春風斜拂綺羅筵閭巷兒童紛賀年四十無聞  
雖自慨千秋定論竟誰賢蕭曹罄折公庭裏郭  
李奔趨牙帳前算大勲名周歲事旁人休笑醉  
踟躕

寄曹能始丈人

石民橫塘集卷之八  
我夢閩山清至乃嘆其與草木亦尋常映帶自  
靜好君子素所企既接愈高妙談言何必奇雋  
永自難料動止亦猶人顧盼餘窈窕托止因氣  
類酒溪雜嘲笑一言及主恩凜然生幽峭孤  
臣一片心獨有明月照曠焉千里違順風舒長  
嘯

寄徐興公

赤米黃縑一老僮不堪回首說生平英雄譜上

無倫次金谷圖中有姓名醉後傾籌尋快句夢  
中秣蹇數山程依稀記得同人賞不負清宵對  
短檠

與褚都護

十年瀚海治餘艘萬丈狂濤只咫尺長咎日空山  
逢巨足卽今幸不賣襄陽

舟中晝臥夢周忠介公

春陰蓬底夢初沉香斷簾斜味香殘既死冰霜  
在民橫塘集卷之八

終不改悶時涕淚尚難禁前人應約濤頭語世  
上誰賡澤畔吟十載一逢真不易畸人或可入  
中林

春夢

幅巾溪影照初晴小巷泥深杯獨傾春夢詭紛  
占不盡雜詩奇淡自難評龍駒既老尋秧馬丹  
竈新寒補破鐺皇甫憊時公瑾起何妨一士獨  
躬耕

聞姚孟長分司留院

暫聽鍾山夜雨聲異書讀罷瀝殘觥本收桃李  
翻摧幹自作波濤欲養鯨是處魚羹等堂食肯  
將燈錦易臺抨前朝鎔語君知否河北焉能先  
黨平

與張異度

少小江東美孫只今齊企鄭公門余嗟花折  
時方惜君爲身閒道愈尊人世驚傳風骨冷兒  
石民橫塘集 卷之八

時已博笑言溫相逢算及關河事室劍平灰髯  
自捫

哭宋比玉

青青山上草離離地下簌位置雖絕遼氣類自  
相屬我友墮地初與我異鄉曲一枝何處紅點  
破閩山綠我時有中表姓董名斯張中郎之外  
孫渺小名已揚外父大司空衡文在汝鄉從之  
度碧嶺歸曰汝必昌余時在家塾掃我道南宅

此客上公車平原飲不憎望子子不來我亦遠  
作客十年長干下始見子巾爲子時雙眼白大  
笑小則呵白也已無敵甫也汝則那和子楓林  
怨千折如盤渦子忽整襟拜執手舞僂僂子時  
嬖潮兒小鸞復小婦爲作小鸞詩新人進卮酒  
爲作潮兒怨舊人淚盈斗一歡復一悲使子掩  
面走與子臨蔣櫟山川一幅綃與子憩臥園今  
古歸揮招共捉秦淮月以饜沅湘枵秦淮五日  
全賦及詩  
石民橫塘集 卷之八  
贈汨 共采銅山銅以壯遼海豪比玉飲客全裝  
送義徒赴遼甚  
衆  
三黜我謫閩欲別無言贈云我盍歸來與子  
共醉醒閩山萬層綠待子朱霞凝閩山一點紅  
待子千枝潤閩人聞我至亦復若見卿交游苦  
問訊父老相逢迎我云子將歸如聞子更生爲  
子闢三逕爲子葺柴荆我歸楓江上汝病臥人  
廡潮兒去若塵小鸞絕如雨筆墨久矣散衣裳  
無復主唯有端州石牀頭憑以偃我嘆子廼笑

我泣子無言云此去來事有如風吹旛無婦復  
無兒何事勞心覓他時再相見當不忘寒溫我  
告汝同襟急出秦庭甲生歸死則殯食奠兩無  
乏莫使趙州土岌岌將頭壓所謀甫將就子計  
已恰恰詞賦天所私點染無不奇卽如應世業  
亦令人解頤十上不得第造物久見欺空山不  
許歸問帝將何居篆籀誰爲工今推東陽李散  
隸誰爲工久歸文氏矣子起兩奪之漢後無可  
石民橫海集 卷之八 五

順風船

擬盤礴逼境外逸宕與古齒未老遽返真今世  
無先民勲名我久謝菰苑猶問津一旦哭子後  
筆墨無餘情子往多勝侶東南有董生

無過快事順風船逆順巡還亦偶然一瞬千端  
俄瞥眼滿腔百感盡繇天孫郎初定江東日劉  
季方酣河北年莫怪高歌呼斗酒昨宵正困荻  
洲邊

正月十七早夢高陽公爲代作一諮目口  
授書之記一聯云蓋枕戈授甲之期適逢  
其會而遺大投艱之器未見其人起而慨  
然成此

我聞歲在酉天下未能謐不唯天官言人事亦  
似及奴款旣狎至上絕下則匿齊寇正負嵎突  
圍捷乃飾閭浙盜如鼠白日直洊食秦晉賊如  
鶻橫擊莫敢弋雲中有伏虎其意更不測上將  
石民橫海集 卷之八 六

早春至西湖上

夜雨添湖水一娉青簾白舫壓新醪陌邊將笑  
冬烘叟隴上還辜春夢婆閱自文章知歲老看  
人勲業悔年過問伊放鶴緣何意未忍逃名獨  
放歌

次韵答遠士

司馬門前頗詭紛中原戰鼓不堪聞餘生思啖  
仙人杖決計深慚娘子軍遼左不輸千歲雀燕  
然終負一篇文何如穩臥東臯上看煞春朝出  
岫雲

入春

入春已三旬攬鏡忽然瘦奇懷鬱不興明艷徒  
相驟旨味若有托何必離紛揉悠悠未獲心飽  
石良積書集 卷之八 七  
餐豈能售依稀記昨夢遠塞千隻候

春曉

曉起一天藍晨光春味酣禿毛難掃恨殘夢尚  
餘愁清淺潭流拂暄妍花氣含小詩裁未就卯  
酒復爲耽

過遠士西樓看梅茗飲而去

經年常問訊此見竟如何不堪療醉眼幽怨十  
分多

石佛寺訪擇公

闌回愁味入僧寮白首同叅未寂寥廬岳蓮香  
沾野衲趙州茶韵滿詩瓢松肪消盡五千卷布  
被新裁八九條近日要人多把見宋時羣臣以  
罪見者行把  
見之禮衛  
士呵咩之美君晏坐飽長腰

送夏長卿中舍還朝

銀艾風流映月籠雙旌冉冉出青楓金羈漫踏  
玉孫草玉樹方披君子風本分官推三省貴尋  
石良積書集 卷之八

常債是萬言忠五花判事無今咎只在從容議

論中

春日

送迎景物及今年分領溪山不賃錢半雨半晴  
煙掩冉不寒不暖草芊眠春生晴色歌生月酒  
滿人顏花滿船似此不妨長跌宕不知誰換鏡  
中妍

小飲瞿稼軒西園



漸覺空山益有人 主恩尚許得收身牢籠樹  
態雲爲幄彈壓川光石作鱗香聽放簾知占韻  
酒能較雅未全貧爲君暫負儻書課細字題名  
記此巡

晨起

聊蕭臥短榻喔喔雞鳴闌神清無遠夢祇在籬  
落間晨起及殘月照影髮髮躊躇不能語幽  
感若生慚侍兒掩明鏡欲我避霜管

石民積唐集

卷之八

九

戰場

殘醉人扶望戰場黃雲堆裏甲如霜收身自媿  
同能臥謀帥今聞類虎倭頗慮魚羹無處覓更  
愁羊餉屢相將秦家豈愛三河守司馬門通孰  
敢王

祝鼎兆白蘭溪過訪草堂

一天冷月照中林室劍圍書自淺斟久矣門無  
千里駕一言君識半生心功留華夏無人我譜

到英雄合古今蠶蜀區區成底事當時抱膝枉  
高吟

郁仲開謫粵歸郊居甚適召還送之

紅糝青梢飽看奇霜筠露箬映花移門前水瘦  
聲徧壯屋角山高月過遲芳草爭生初雨後飛  
花交影乍晴時嶺南荔子新香甚上苑移栽只  
一枝

示登兒

石民積唐集

卷之八

九

九十傳經及汝躬墨耘四世豈無功 天王曾  
許余家學里塾皆披君子風奇節卓峰轟雪霽  
孤忠落日亘天虹要知無愧君親事只在松窗  
夜讀中

寒食攜登兒掃大人墓

雨風江汜泣殘紅白纓攜兒掃墓宮高敞行營  
雖自笑光輝會冢竟何功當時錯育封侯骨家  
學徧傳殊世風

蘇子瞻云世  
自與我殊

惆悵松楸無可對

一經手自授兒童

與譚服膺明府

花溪春壑正茫茫孤咏拈頤憶雁行

明府乃吾友友夏之

弟細察桑麻歸道德自來山水屬文章木枯臭

味猶通類石峻高危無地藏吹角不須驚客過

洗泉飯鳥或相妨

舟行書所見

青舫鼓鼙聲村姑徹績工野平遙戲犬飯罷競

石民橫塘集

卷之八

呼縱屋後千竿綠門前半丈紅比鄰虛步返溫

酒喚衰翁

和燕中卽事詩

有序六首

燕中卽事詩者譚服膺明府與燕市于

司直麻城劉同人所倡爲賣衣賣貂帽

賣書賣鏡賣筆履賣劍作也吾友譚友

夏周安期徐元歎和焉因而作者紛紛

服膺欲余繼作余久客燕淡炙茲味言

之較切今山賓輸宅并無此長物矣但

和詩于作者如林之後則奇貧又不特

在身外也

賣衣

呼童故簾開顧影尚徘徊自爲塵難浣還因薛

易裁送窮兼舊淚乞巧待新裁應博佳人憺天

衣旦夕來

賣貂帽

石民橫塘集

卷之八

不能披髮去應使受微寒泗上籜堪學柴桑葛

且歡但教甘面甲自可并裘安長白他年銘豐

貂儘衆看

賣書

書癖豈能闌姑捐祛腐酸受圍終一決久擁自

無歡牛角不煩掛雞羣將未安只愁新著出洛

紙一時殘

賣鏡

明鏡不須施無庸別美嫌旁人俱泯却自鑒獨  
何爲更恐忘年故翻添壯志危若還能與膽庶  
弗負新知

賣筆履

龍門還禹穴藏副待千秋麟獲終難續河臨自  
反遊未能珍玉府奚必伴僧丘身後名安在  
高吟臥一樓

賣劍

石民積塘集 卷之八

十載周防者吁嗟一旦休秦存緣不講楚霸竟  
何繇金散難畱此恩深別作酬假真原不敵木  
佩正優游

癸酉寒食上栢掃墓紀事

自來掃墓必雨  
此度連朝風雨

其日  
大霽

鑿破鴻濛帝且怒百二十巡風雨雨葬此六詞  
十年矣  
源千浪浴文龍秀嶺千天產文虎龍囚虎檻終  
不休驅風驟雨天地愁縱使飛翻任吼舞從此

山川算子侮帝心今日始分明太行忽霽華山  
晴

聞台警

忽聞新事自比鄰竹響騷然攪夢頻戍伍幾人  
還虎節逐臣獨自岸綸巾生來竟向桑麻死老  
去空收山水身但望東南傳露布算教碧海滿  
青燐

馬駿如明府見過

石民積塘集

卷之八

劍老書荒度一春漁扉石戶絕埃塵兒能旋記  
閒邊句婦勸常虛物外身漸覺鈴聲迫江徼急  
呼酒伴醉湖濱使君算憶當時槩躍馬西堂別  
有人

寄懷宋似祁

石子岡前夜語頻蕭疎一劍失精神閒雲無雨  
難沾野激電餘光亦照人養霍減餐同瘦骨畱  
燈借影伴孤身知君此味嘗來熟算怪文章別

樣新

寄顏開美司李

嘯破秋濤吹破笙憑他黑白滿癡枰大牀獨據  
無人荅一劍長橫任客評萬里相投知不易片  
言自可足平生染江搓柳依依色不及夫君一  
段情

石民橫塘集

卷之八

石民橫塘集卷之八

終

石民橫塘集目錄

卷第九

羣從聲元稚攻中表介夫九生偶集世殊

堂 同屠瑞之諸子遠士草堂看牡丹分

得人字 光祿勳伯符兄同羣從醉舍德

堂牡丹 懷譚掃庵工部 偶作 剪石

歌爲譚友夏賦有序 送許霞城給事還朝

反周益公四禽詩 夜坐沈夏祖齋中

石民橫塘集 卷九目

懷寧甫千秋丈 爲林懋禮悼亡 又峴

出遊口號二首 題錢爾先畸園 武塘遇

芷公 幽瀾泉歌有序 贈画僧懶先 題

蜀僧扈芷梅下小照 送懶公往叅金粟

九友咏有序九首  
目在後 吳範于魏滕 孫

賓石于趙岐 夏侯尚玄于剡王 郅惲

于董子張 應融于祝恬 楊沂中于衛

中尉 韋正于牛僧孺 韓厥于趙盾

范仲淹于滕達道 野泊示諸孫允修

夢味 次放翁露坐詩韻

石民橫塘集 卷之九

卷第九目錄終

石民橫塘集卷之九

防風茅元儀止生著

羣從聲元稚攻中表介夫九生偶集世殊堂

長年無客髮髭手揀旗槍試嫩芽得意小詞  
忘檢譜偶然快飲不因花集屏凝燕依依在趁  
水狂鳬漸漸貯不分雄襟逐煙靄某君一笑撫  
年華

石民橫塘集

卷之九

同屠瑞之諸子遠士草堂看牡丹分得人字

天畱此種殿三春斟盡春風在此辰千朵喚回  
遲暮色一枝慚殺乞寒人不禁靚麗偏餘韵雖  
甚矜嚴別有神笠頂初簪俄富貴不須更覓五  
侯身

光祿勳伯符兄同羣從醉舍德堂牡丹

半生南北伴狼煙兄弟看花亦偶然觴政寬嚴

還逐世藏闔巧拙亦隨年支風給露承天齊  
月籠香傲衆憐諸謝一時閒咏酌憑添花譜後  
人傳

懷譚掃庵工部

雄辯年來人漸驚轉思舊友咎同聲無根日月  
英雄繫有限河山志士撐劍上恩仇成昨夢史  
中黑白任他生懷人淚入芭蕉雨淡墨虛繁詩  
不成

石民橫塘集

卷之九

偶作

迎送春風到末垂小牕消盡酒千卮縱然絳節  
來天上算負櫻桃蠶豆時

剪石歌爲譚友夏賦

有序

友夏至宜城剪龍渦奇石千指輦歸是  
日大堤女有感而願歸焉遂并載之字  
之曰剪剪曰此我家飛來峰也刻剪石  
草寄服膺服膺以見示迺爲作歌

楚人夜寄吳令書開緘趣燈燈輝微其中絮語  
不足記末言大譚事頗奇新寡丈人并一身鼓  
琴拜石俱有神心咤叩門問茅子茅子笑曰非  
所聞君家阿大或癖石澹宕何絲昵楚裙明朝  
寄到剪石草石既剪兮裙亦好呼石伴人石不  
惱將心比石人不老臨叩不解石殷勤袍笏無  
端辱此君更笑襄王空有夢何曾得剪巫山雲

送許霞城給事還朝

浪花無蒂海長掀世路平欹在一言諫草十年  
傳海外夕郎重見拜君門半山綠映紅樓路千  
樹香籠繡轂幡霜鬢崢嶸人未老從來烈士獨  
知恩

反周益公四禽詩

君莫笑百舌語默固有時陰晴莫能挽鳩知亦  
胡爲九州皆戰場布穀安所資不如提壺好一  
醉忘歡悲

附周必大原作

人言百舌巧暑至輒無聲不如鳩雖拙四時  
知陰晴提壺勸我飲我醉誰解醒布穀獨可  
聽要當早歸耕

夜坐沈夏祖齋中懷尊甫千秋丈

廿載高齋有屐痕風流宛在水煙村稗家爭寫  
千秋影志士長懷一語恩熏徹素綃香掩冉裁  
成碧樹月黃昏當時只作平常看回首潸然丙  
夜論

爲林懋禮悼亡

黯澹虛堂月二更薦紅闇粉不勝情帝披謫籍  
驚環召天僭詞人爲寫生路出佛堂空擲瓦詔  
畱玉匣且傾城愁睂始悟非隨世預識人間難  
寄聲

又峴出遊口號二首

島中珠翠錯璣瑜時孔有德掠齊  
子女屯廣祿島十萬橫戈窺

太湖時宜興與溧陽山莫怪閒心滿煙艇功名太

叫始成廬

其二

士伍將軍畫錦還時將帥在戎籍者多牽復只予攬鏡笑霜

管誰將侯印埋天上博得漁簑幾日閒

題錢爾先畸園

東郭離披數樹遮幽居不復恨鳴笳小丘欲餞將歸月一徑常餘未放花任帝注銷閒日夕勝

人睡夢到桑麻翠眉玉頰猶如昨憔悴騷人未

當家

武塘遇芷公

別來逾十載佳句尚當心托世既無味棲山隨處溪斷雲依杖宿韵竹入詩吟問我亦何事忘言類止琴

幽瀾泉歌有序

幽瀾泉在武塘景德寺考碑記云谷有

異僧入定瞥見女子甚麗曰牕外誰家

女應聲曰堂中何處僧僧知其異攜錫

逐之至右偏冉冉而沒卓錫記之明日

掘地數丈得石刻曰幽瀾石盡而泉見

迺汲而試之爲作歌

鴻濛石蓋泉不飛幽光曖曖幽恨微幻出奇姿

驚異僧幽瀾從此濺佛屏千泉百泉匯作江泉

流泉涸何茫茫一滴何能溢湖海自憐自負終

不藏算怪英雄道傍歎牛兮牛兮中夜飯

贈画僧懶先

得意淋漓曉露時十年學得此枯枝趙州茶味

誰叅破順口齊傳懶画師

題蜀僧扈芷梅下小照

汝向峨眉來峨眉在何處姑置老梅間問汝去不去

送懶公往叅金粟



冷秀身材口妙鮮十年身已着雲煙画中若得  
平林意算向枯禪更打圈

九友咏

有序  
九首

非患難不感朋友非患難不恨朋友爰  
咏古人以例友道云耳

吳範于魏滕

吳範仕吳大帝爲騎都尉素與魏滕同  
邑相善滕嘗有罪孫權責怒甚嚴令敢

石氏續集卷之九

人壽七十

有諫者死範謂滕曰與子偕死滕曰死

而無益何用死爲範曰安能坐視汝耶  
迺髡頭自縛詣門使鈴下以聞鈴下曰  
死不敢白範曰汝有子耶曰有曰使汝  
爲吳範死子以屬我鈴下迺排闥入言  
未卒權大怒欲投以戟逡巡走出範因  
突入叩頭流血言與涕並良久權意乃  
釋免滕滕見範謝曰父母能生長我不

能免我死丈夫相知如汝足矣何用多  
爲

父母能生汝能不死不死與生二者孰以知不  
枉多一汝足矣感激鈴下千古懷此

孫賓石于趙岐

趙岐逃難河間變姓名詣北海市中販

胡餅孫賓石見曰處士非賣餅者迺開

車後戶扶岐上歸白母曰得死友矣

石氏續集卷之九

人壽七十

蒼茫北海畔賣餅呼登車四字無托足未面意

有餘一死酬百死君子亮不虛烈士方有施其  
可望是歟跡匿反曜光知己不可誣死友良以  
茲得意在須臾

夏侯尚玄于劉王

夏侯尚玄與人交不問淺深傾倒肺腑

劉王聞其賢招致之會王有召命赴京

尚玄曰王守國北門不可輕動或陷虎

口悔將何及至京師果被誣而死平日  
親信莫不奔走逃匿尚玄挺身出曰士  
爲知己死王以國士待我我當國士報  
之乃抗章訟王忠孝數事凡三上詔復  
其業襲其子

勢方戢虎且怒不問淺深傾肺腑玄纁一束聘  
癡人不癡孰肯膏鎖斧茅土桓圭還弱息君王  
竟得癡人力

東坡全集

卷之九

鄧惲于董子張

鄧惲有友董子張者父爲鄉人所害及  
子張病將終惲往候之子張垂歿視惲  
歔歔不能言惲曰吾知子不悲天命而  
痛仇不復也子枉吾憂而不手子亡吾  
手而不憂子張但目擊而已惲卽起將  
客遮讐人取其首以示子張子張見而  
氣絕惲詣縣以狀自首令應之遲惲曰

爲友報讐我之私也奉法不阿君之義  
也虧君以生非臣節也趨出就獄令跽  
而追惲不及遂自至獄拔刀自向以要  
惲曰子不從我出敢以死明心惲乃出  
令以病去

亭鼓聲聲曰杲杲探取人頭解君惱君應悔不  
殺讐死我終一死肯悔此拔刀追獄烈士心何  
必死者君知音

東坡全集

卷之九

應融于祝恬

祝恬被徵道得溫病過其友人鄴令謝  
著拒不與通因至汲汲令應融好事諸  
生欲往詣之恬曰謝著舊友也尚不見  
視況汲令乎諸生事急便往白融融聞  
之徑詣恬曰伯休不世英才當爲國家  
幹輔何有默止客舍邂逅不自貞哉卽  
相隨入解傳躬爲恬御手自丸藥三四

日加劣便治送終之具後病稍減相對  
悲喜凡止傳中數十日伯休強健乃別  
結友靡生死何當未死前添燈風雨夜丸藥枕  
衾邊方飾將終具無心再活緣茲纔稱死友拜  
約在重泉

楊沂中于衛中尉

紹興間有代北人衛中尉者從襄漢來  
時楊和王爲殿前帥衛以曩在行伍曾

結義爲兄弟往投之楊一見驩如平生  
且令夫人出拜復招飲于堂款曲殷勤  
而不問其所向兩日後忽浸疎之來則  
見於外室衛以楊方得路志在一官故  
不憚間關赴之至是大失望棲泊過半  
年疑爲人嫉譖乃告辭又不得通或教  
使伺其入朝回遮道陳狀楊亦略不與  
語判狀尾云執就常州於本府某莊內

支錢一百貫衛愈不樂念已無可奈何  
倘得錢尚可治歸裝而一身何由訪楊  
莊正徬徨旅底遇一客自稱程副將謂  
曰無庸憂吾往常州當陪君往取相從  
累日因曰吾實欲遊中原君能偕往否  
衛欣然許之抵長安入河東以至代倩  
衛買田曰我欲作一窟于此衛使牙儈  
爲尋置得膏腴千畝曰此行盡出楊相

公處分初慮公貪小利輕舍鄉里當今  
兵革不用非展奮功名之秋故遣我追  
隨爲辦生計所買良田已悉作衛氏名  
敬以相付悉取契券與之厥值萬緡  
窄袖淡鞋老健兒沉沉香寢月橫墀真王不作  
布衣看鈴閣俄驚典謁遲橐內百緡蓬底醉陌  
頭千畝夢中癡蘇生亦有秦裝事密計何心故  
舊私

韋正于牛僧孺

牛僧孺爲吏部郎故人莫不傾意韋正  
獨澹然及僧孺擯棄復篤舊分有踰曩

日

每笑奇章石終爲富貴私故人心似石冷暖沒  
人知

韓厥于趙盾

趙盾舉韓厥其僕乘車于行厥執而戮

石長春集

卷之九

韓厥

韓厥

之宣子謂諸大夫曰二三子以賀我矣

吾舉厥也忠吾廼今知免于罪矣

戮僕一時取義立孤他日酬知最是中山有獸

翻言韓厥吾師

范仲淹于滕達道

滕元發微時爲范文正館客常私就狹  
邪飲范病之一日候其出徑坐達道書  
室明燭讀書以俟其至元發大醉竟入

長揖問范公讀何書曰漢書復問漢高

帝何如人范逡巡走入

秉燭中宵何所爲滕郎豈是漫追隨主賓相契  
無言際正枉逡巡欲去時

野泊示諸孫允修

睡味初回荷葉卮小灣沉綠水紅枝從容莫及  
夢中事戰鼓驚沙異此時

夢味

意雜夢無味推蓬初曙天

意雜夢無味推蓬初曙天

意雜夢無味推蓬初曙天

意雜夢無味推蓬初曙天板橋衡樹色疎網漏  
朝煙松鬣抽青迥鳬洲客雪眠好懷何處覓只  
在短筇前

次放翁露坐詩韵

少小欲有爲經年絕卯酒邇來差可閒酒腸先  
已朽當時甲馬意亦豈在升斗昨夕看除書矯  
矯騰龍首一身旣不用四十便成叟途衰懷舊  
切無復平生友故物止殘篇棄置亦何有縣官

擲東陸老夫保南畝

石民橫塘集

卷之九

石民橫塘集卷之九終

石民橫塘集目錄

卷第十

宗將軍廟歌

貽忍公有序  
三首

吳趨看競

渡戲簡同志

二首

觀瞿稼軒所藏沈石田

帶礪圖戲曰異日以相賀漫荅之 新綠

攜女彥謁女君代爲致語

四首

看邸抄

挽程孺文

白門感懷

二首

甲寅往瀨上

值雨作截雨詩癸酉復值雨于此有感

石民橫塘集

卷第十

瀨上道中

二首

挽虞伯醇

苦旱

扶

瘡過宋獻孺

瀨上歸望見秣陵諸山去

時不覺也

野行 記事

以十數扇圖

睂公于上遍貽同好題此

二愛  
有序

與

王季重工部

吳秋駕期晤長干不至

挽汪生後婦楊蜚卿

手抄西漢十九傳

示子登

有序十九  
首曰在後

雋不疑

張敞

嚴

延年 趙廣漢

尹翁歸

王尊

薛宣

朱博 陳萬年 尹賞 孫寶 何並

傅介子 陳湯 朱家 劇孟 郭解

陳遵 原涉 與陶原眉故登州節使

玄暉嗣君也

石民橫塘集

卷第十

卷第十目錄

終

石民橫塘集卷之十

防風茅元儀止生著

宗將軍廟歌

陽朔生苗殺縣令十萬大征愁敵勁備兵使者  
笑不然鵬勦健兒白揆硬山川粉本入袖中日  
日肄兵亂賊偵一朝行酒待捷書俄傳七峒成  
灰燼 天子嘉功擢金紫吉囊俺答窺黃裏武  
剛初練成鐵山虜人嚙指遂夜徙踰屋旌旄方  
自天柄臣偃月堂中喜薊北兒郎算歌舞粵西  
繡衣騰片紙皂纛黃旗卧白雲江南鼙鼓正殷  
殷制帥扣門問大計維奈理亂難不聞徐言部  
曲在河北冠軍宗禮皎如日更有布衣霍貫道  
叅佐此軍成紀律制帥趣燈夜草檄萬里軍聲  
來霹靂數萬倭奴遇皂林五千健卒橫衝突日  
暮殘夷將自焚上樹遙看無援軍人人分死一  
當百我兵饋餉猶逡巡將軍慷慨握劍死叅軍

拔刃罵貴人中丞方壁在近縣數斗火藥軍當  
振 天子驚聞當宁嘆璽書蠟印縱橫陳將軍  
殊恩贈一品布衣追拜光祿丞峩峩廟貌儼此  
土至今耕者驚青燐往往中宵喧鼓角盲風怪  
雨有餘噴我今告公公算噴使者有孫良苦辛  
五城復後謫萬里當時一死如輕塵

貽忍公

有序

吾鄉布衣徐尚之好言詩旁通醫食貧  
或勸以醫售一至長安名大噪然不屑  
也時時與邑人前濟南太守沈千秋今  
相國溫長卿甥舅結人外交長卿使秦  
遂與俱西燕姬方孕置之母家而去歸  
而瘁甚不無有相望之色未幾以瘁死  
千秋聞而感憤又明年連擢上第遂攜  
其遺孤歸育之如已子將均其有焉又  
十年千秋病數年卒家濩落孤遂披

緇自活予久聞而哀之今日忽見于水

湄感念先契爲之泫然述往事貽之使

稍知顛末焉

長安積雪月初明多少詞人偷句賡誰向門前  
呼買藥韓康正醉說縱橫

其二

折角林宗孰敢酬玉堂年少氣方邁故人箕踞  
聊相戲不爲侯鯖賦遠遊

石昆齋集

卷之八

其三

芒鞋藤杖雪紛紛玉節霓旌擁使君憔悴歸來  
曾一笑可知非哭華山雲

吳趨看競渡戲簡同志

二首

喧填競渡不知還誰謂中流人自閒寄語沅湘  
休弔屈當年已悞一番環

其二

船上兒郎樓上鬟闔閭城外水潺潺芙蓉續命

絲何繫只在依稀一紙間

觀瞿稼軒所藏沈石田帶礪圖戲曰異日

以相賀漫答之

回頭往事已如雲皓首憂天心似焚博士尚稱

前祭酒健兒猶指故將軍剖符五紀雖希構

初封李寧遠  
今六十年矣  
賜第初元久已聞  
上初年築策勳  
府以待平奴者

三着赭衣猶未死或將裳繡慰夫君

新綠攜女彥謁女君代爲致語

四首

石昆齋集

卷之十

新綠初成子枝頭綻穉紅從來資雨露詎敢忘

天公

其二

林家傳幼玉七歲試神童應是平常事薰聞錦  
襖中

其三

好種芭蕉待懸針繡帖聞過庭傳筆陣傲殺右  
將軍



其四

兒女庭前戲無非  
筆墨餘早窺西漢藁  
好荅大雷書

看邱抄

贏得冰銜署老家  
攤書尋句兩番衙  
輕綃慙肉紅燒酒濃  
荔園中紫笑花日月儘  
消彩選格是非空寄碧  
雲馱半生困阨無妨事  
省快恩讐點齒牙

石民書集

卷之十

五

挽程孺文

海內稱詩六十年  
及陪大曆以前賢  
詞章垂老猶爭席  
山水終身共一筵  
桂樹枝寒霜潤翠  
梧桐葉落雨餘鮮  
白雲莫向簷前宿  
無復吟聲逐暮煙

白門感懷 二首

往來里巷一巾車  
落落常如秋夜虛  
苦勁未能忘笑謔  
高閒始可力畋漁  
新文似賞初婚婦  
舊

友同逢熟讀書自是時情難與合  
非關快事獨

來疎

末語出  
內人

其二

板輿斜日柳南嬉  
白苧烏巾仍舊時  
獨酌三蕉坡老酒  
時傳半格白公詩  
一人不識有何恨  
男子無煩天下奇  
半幅鍾山長自在  
周郎彷彿尚相期

甲寅往瀨上值雨作截雨詩癸酉復值雨

石民書集

卷之十

六

于此有感 二首

二十年前截雨詩  
樹披溝響似當時  
垂龍未聽予鞭策  
不信雷車行雨師

其二

不信雷車行雨師  
相看猶似布衣時  
鉤天夢破雞纔唱  
贏得青銅兩鬢絲

瀨上道中 二首

前山煙雨障輕綃  
卯酒支風兩頰潮  
石背苔鮮

心未老水田秧細女初嬌病收豪味憎珠勒閒  
剝餘情映翠翹廿載瀨江江上路不堪回首付  
詩瓢

其二

短亭隻堠倚斜陽檜老風微發古香碧柳烘霞  
成翡翠綠秧移町變鵝黃趁帆秣蹇平生過感  
舊懷人引日忙草草杯盤惆悵際一林雨色正  
微茫

東坡先生集

挽虞伯醇

曲折侯門白板扉及君垂老脫麻衣好懷常似  
朝酣酒得句渾呼臬賜緋不憚按歌三爵顧偶  
然潑墨萬山歸銅章何足酬銀管忍見空堂野  
蝶飛

苦旱

結稗雖轉老農僵雷自憑憑雨似漿新婦解纏  
如解籜纖纖玉笋去移秧

扶瘡過宋獻孺

雨筠露箬一孤蓬曲水低橋落日紅五百年還  
應識我二千石豈起徒中菰蘆暇整人齊說與  
孺爲布衣人嘗刻陸海馳驅事略同刀劒瘡容  
其書曰暇整錄分玉具高吟尚可荅煙鐘

瀨上歸望見秣陵諸山去時不覺也

不了青山綰帝城平巒特頂逐晴爭今朝瞥見  
相迎我悔負前朝相送情

東坡先生集

野行

士伍三年悴道旁得閒行處不尋常風來秧露  
三分靨雲過山勻幾樣妝銅馬信傳催老淚木  
魚聲急喚人忙綠臯碧阜平生足血染中原未  
敢忘

記事

攜得宣和硯龍蛇興不來且將枕笛簟忽夢画  
麟臺

以十數扇圖眉公于上遍貽同好題此

吳中近事君知否團扇家家画放翁

放翁句此日

風流應有在故教圖画着眉公

二愛

有序

此題倡于陸務觀爲栗里吾亦愛吾廬

東野吾亦愛吾曹也余還秣陵有感乃

追和之

山賓亦何罪沒宅以輸官吾亦愛吾廬屏軀不

春長積善集

卷之十

七

七

能安鍾山茅一把蒿長沒闌干猶或容止息且

種竹數竿舊友聞禍患匿影如星殘其中素心

人敦義于此觀一人知己足友道恢恢寬吾亦

愛吾曹豈必在彈冠

與王季重工部

管領文章四十年闢叅證路笑生天唐昌花發

元無種玉女池頭別作妍舊岳瀆開新面目小

聲聞趁好因緣帽裙塵漲投君宿棟刺詩材分

一肩

吳秋駕期晤長于不至

占住孤踪爲道場四時盡變作清商詩兼笋味  
黃埃絕夢入鐘聲碧漢橫籐屨忙時閒致足蠟  
筒絕處遠懷將賞心亭上荷香滿只少伊人倒  
錦囊

挽注子陶後婦楊蜚卿

衣篝香潤試新羅裴几筠牕映碧蘿便坐尚分

春長積善集

卷之十

七

七

親洗茗隔簾不返舊傳歌千年霍去聲如在半  
丈紅開春不多畱取玉環貽夙好管教畢世費  
摩娑

手抄西漢十九傳示子登

有序十九首

諸侯忠武爲劉禪抄申韓管子蓋沉潛

剛克之意也今夏子登偶病牀榻間無

可適意爲抄西漢史快吏傳十二快將

傳二俠者傳五亦其遺意乎老頑尚不

勝技癢各爲小咏以快其心胸焉

雋不疑

屠伯不足雄縛一足以霸已覺霍屏腥有鳳安足射

張敞

幹吏盡墨綬三輔等尤異不斯絮舜頭虛負此恩意

嚴延年

莊陵積善集

卷之十

七

七

當死一朝出當生或詭殺灼灼高帝心茲人獨能察

趙廣漢

郡將何所要所要在舉吏鈎距何足言世吏無迴避

尹翁歸

取人必以時緩急更互異爲政示大端此得置官意

王尊

冠子白馬隄邛郯九折坂歷此氣如龍東平王似嚙

薛宣

廉吏蒙死旌污令得生去操縱長似斯漢相可永據

朱博

齊兒欲成俗奮髯爲抵几教授數百人且使學

莊陵積善集

卷之十

七

七

拜起

陳萬年

一郡有百守不如一守肉百守養一守一郡民不哭

尹賞

桓東少年場虎穴十置一置者殺更多郡國歸河疾

孫寶

從容禮部掾霜陵杜水火爲法豈徒剛心當知

所可

何並

殺一侍中奴兩宮淚如六殺一侍中奴縣官爲  
心喜

右快吏十二人

傅介子

壯士淬寶刀名王泥血肉不難斬樓蘭所難遇  
博陸

陳湯

再繫再被徙渥恩乃士伍却到支功百年以  
脅虜

右快將二人

朱家

魚人重儒教孰肯乘輶牛豪士活百人季布安

足遊

劇孟

劇孟一博徒獨掛條侯意莫笑牧猪奴中有吳  
楚事

郭解

漢武惡輕俠衛霍遂改節猶向至尊前爲解一  
掉舌

陳遵

列侯爲驚座寡婦何足恥所怪張伯公不向賊  
中死

原涉

上冢會賓客何至與屠爭避乃得事異世終  
不平

右俠者五人

與陶原眉故登州節使玄暉嗣君也

戈船橫海可勝哀去疾千章志不回兵甲如山  
王節度華夷爭據趙三臺

時登州作戰場

少年曾賦疏

瑤枕亂世休題鸚鵡杯  
蕭瑟無家何足嘆山賓  
第宅賜金開





石民賞心集八卷


〔明〕茅元儀撰

明崇禎刻本

北京圖書館藏



石民賞心集序



余生七年學爲詩嘗有句云斗  
酒猶不醉興來噓天風大人賞  
之爲一引滿年十七讀書金車  
山始命侍史錄所作然隨錄隨

石民賞心集

序

毀年十九下第長安遂居白門  
次年遊吳越秋復歸焉自此構  
茅迎養今所存詩大率始吳越  
遊其先此者百一耳彙次之至  
年三十赴召渝水止共爲八卷

其存者亦止十一一亦似可去

不去終以病其心而不欲負十  
年間同調之賞名之賞心集以  
所居在其亭旁其詩約略其地  
所作也此亭在白門城上蘇長

石民賞心集

序

公所云江山之勝傾想平生者  
是也亭已圯每與傳遠度徘徊  
想其處今去此又十年始以問  
世世人每怪其遲而余終悔其  
不能盡割然年來胸次并無工

拙想唯咏幼所作斗酒猶不醉  
興來噓天風而已

西吳茅元儀上生父簞



石民賞心集目錄

卷第一

雜興

首四

感懷

首四

宋彥叔將別有感

簡屠瑞之山中

解嘲

送夏長卿南歸

首二

畱別長安諸子

畱別長安諸姬

弔李卓老墓

津門道中

一劍道中

先寄吳令公

題張子房墓

寄人六

橋坐雨

夜泛湖上

首二

東招費元朗

石民賞心集

無題

寄趙文度

夜泊鴛湖

送鄭翰

卿遊魯

首三

王百谷徵君輓歌

初秋招

秦京王德操包彥平劉仲熙屠瑞之沈立

生卞醇甫舟中小集同得肥字

贈馬仲

良民部

首二

贈鄒彥吉學使

首四

秦淮美

人洗硯歌

迂道訪友暨別宛叔

梁谿

逢宋獻孺

癸丑初度

迎宛叔催妝詩

首五

雜詩

首四

同宋獻孺費元朗杜士良

登木末亭 贈李本寧太史 坐唐宜之

水亭讀譚友夏詩却寄 秋日邀同吳叔

嘉魏考叔和叔許士衡魏畢大費元朗杜

士良王相如吳相如夜集秦淮分賦秋鴈

得十三元 九日同李本寧太史俞叔虞

傳遠度費元朗諸子社集清涼山 再過

木末亭同羅玄甫王永啓唐宜之 宛叔

九月望初度 從年初歸于余 慰費元朗

石民賞心集

兼寄張姬澹生 送吳凝甫歸洞庭 吳

姬張澹生貽書費元朗曰憺兒才薄不能

成短什以寫我憂因戲代爲一絕

卷第一目錄

終

石民賞心集卷之一

防風茅元儀止生著

雜興  
四首

南國有奇樹臨陽吐朱英光采良陸離芳馥一  
何馨一朝遇北風半墮寒溪瀕衆鳥競欲啄羣  
蟻爭相侵珍奇達九重至尊聞其名甘泉發中  
使冠蓋陟溪林盛以金縷盤繫以五絲紉侍從  
帝寵賜後宮各自珍慨茲搖落者良亦同枝生  
石民賞心集  
所遇雖有殊無乃非其情

其二

阿閣高百尺上與層雲連中有邯鄲女婀娜侍  
長筵清歌妙一世被服何華鮮千金買一笑往  
來多少年負此傾城色獨立常自憐世無知音  
者徒競慕芳妍芳妍亦易衰不久當相嫌何如  
師曠賞千古名可延志士聽茲語臨風爲喟然

其三

大君饗百辟工瞽奏小雅商雲覆明堂甘露沾  
郊野清問及遺逸無使久在下羣辟贊化成俊  
乂盡羅網至尊緇衣好四方盡風仰誰令草莽  
問鬱鬱日慨慷天漢何分明河流何儻恍本自  
同源水令人置遐想我疑魏無知不受薦賢賞

其四

西方有佳人凝妝揚蛾眉夫婿良家子從軍征  
鮮卑清夜坐重關皎月流光輝馳情在絕域排  
石民賞心集  
徊雙淚垂東鄰蕩子婦日夕逞芳姿歡笑殊未  
央不知夜何其聆茲不能寐既悲還復疑行雲  
終必還遊子終必歸縱歸已憔悴容顏非昔時  
誰能復相見甘同百草萎

感懷  
四首

浮雲出西北忽爲飄風吹一去不復返長與故  
山辭遊子離故鄉有懷當告誰絲斷不復續翼  
垂不復飛衣裳日以薄紅顏日以衰故鄉非不

樂雖樂安可居。努力盡杯酒。持爵復傷悲。

其二

鬱鬱城東門。纍纍多丘墓。瞻茲重徘徊。低頭淚如雨。愚夫睹目前。智士秉遠慮。苟或中道捐。有懷誰與語。緬維古咎賢。疇能長久處。少壯不努力。平生徒自誤。崖峻寧不躋。荼苦寧不如。一旦成千古。悠悠徒相慕。

其三

仗劍遊帝京。馳騁在九達。遐眺及絕塞。撫髀生傷悲。中原二三子。努力猶可追。俛仰多慷慨。顧盼有餘姿。一朝遇長飈。星散無會時。我獨懷百憂。鬱鬱將告誰。駕言旋故山。躑躅逝我驢。破琴不復彈。知音亮所稀。

其四

層冰峙濁河。積雪流千里。凋樹承朔風。衰草何施糜。驅車逐白日。四海一高視。丈夫志四方。躑

躑躅寧所恥。言旋就周行。奔走將安恃。緬懷魯仲連。遭逢何獨爾。

宋彥叔將別有感

并以思君淚。離筵灑北風。雲連霜地白。楓掩夕陽紅。悲到一身緩。情生萬慮空。縱然終不達。春色足江東。

簡屠瑞之山中

雨過九衢促月殘。宮樹無知君雖有意。猶自愛有良金心。集

新酷

解嘲

莽怪貪看楚澤雲。朝朝飛出態常新。世間長恨皆能死。消渴何須賦美人。

送夏長卿南歸二首

零零朔風發。皚皚霜風吹。浮雲蔽雙闕。飛塵激九達。倉卒肅僕夫。遊子將安之。傷皇喻中情。攬衣不及披。含意猶未發。握手河之湄。振綏不復

顧令我益徘徊。暮投荒樹林。豺狼啼其饑。顧此百憂并。何暇惜別離。

其二

鴻鵠摩蒼天。四海無匹儔。翱翔薄雲霄。瞬息萬里遊。孤鳴求其侶。振翼瞰神州。從此不分飛。偃息聊復留。一朝霜颼發。中心懷慘憂。寥寥顧四垂。嗷嗷誰相求。况復增網加。躑躅有餘愁。豈如榆枋間。四鳥悲啁啾。一鳴激浮雲。再鳴搖山丘。

石民賞心集

留別長安諸子

聚首復何益。河清難待時。歌還須遠市。醉亦畏人知。壯歲心疑暮。明時拙未宜。故人休見憶。無以慰相期。

留別長安諸姬

十三等柱細商量。語語傷心夜未央。刺就鴛鴦還自剪。照來雙雀肯同翔。銷思往事思迷轂。不怨悲風怨白楊。殘夢五更霜正白。故人誰寄辟

寒香

弔李卓老墓

封樹總無爲。何勞京兆阡。世人悲寂寞。我意不須憐。留譽存吾黨。多讒見大全。平生苟得意。此日詎能然。

津門道中

相看愁色滿。豈盡別銷魂。風急遲征馬。寒生無近村。孤城忽煙斷。遠樹易雲昏。驅馬何爲者。猶存良賞心。

然走薊門。

一劍

久客夢翻少。將歸淚復新。時清難報主。一劍自逡巡。

道中先寄吳令公

爲別亦非久。倦歸方似遙。非因明主棄。歸隱莫相招。

題張子房墓

秦已分崩楚必殘。遭逢佐漢豈真難。功成終受封侯賞。辜負初心欲報韓。

寄人

雪裏長驅襲錦襜。故衣猶自剩芬芳。濁醪縱已調鴟腦。聞得餘香未健忘。

六橋坐雨

半天風雨足。夏日自淒淒。煙淡綠深處。峰低雲截西。長堤仍屢斷。江水亦將迷。談笑一時寂。俄石民驚心集。

驚獨鳥啼

夜泛湖上 二首

漸聞簫鼓寂。一櫂出山隈。醉態逐人變。漁歌遞若催。燈明兩岸遠。月白亂峰來。常道愁須遣。茲宵情自開。

其二

萬柳盡依依。夷猶獨去時。輕煙自來往。遠岫忽生姿。歌雜波流急。酒乘山氣吹。每當移棹處。夏

画一幽奇

東招費元朗

暫臥夢相苦。披衣淚復揮。波平新月小。雲散萬峰歸。思永夜彌短。愁深暑亦微。誰能持此意。獨對山泉飛。

無題

六月風光惡。炎風日夜吹。算吹一葉墮。秋到夏難支。

石民驚心集

寄趙文度

何處夜榔鳴。平湖今夜晴。雲山分復合。水月間交橫。以此適余意。倍多懷爾情。暑消泉響裏。豈必待秋聲。

夜泊鴛湖

因無山影亂。益覺水煙多。遊轍暑教住。櫂歌風爲催。微雲橫抹月。遠火瀉流波。暮鳥不相厭。猶來傍晚莎。

送鄭翰卿遊魯 三首

輕雨初霑淚亦新橫江一棹暮煙勻相過君自  
卽相別也怪秋風愁殺人

其二

濁河掀浪逼黃雲浪雜秋聲不可聞縱是客愁  
隨地散那禁臨別意殷勤

其三

月落江心亂水雲漁家煙井夕陽曛祗因別正  
石民賞心集

楓江上前路吳歎不耐聞

王百谷徵君輓歌

六龍驅天車光匿杳無朕長颺起西北飛塵瞬  
息盡握手一以別詎能待歸軫凭軾懷百憂存  
亡非所憫大雅淪草莽羣動不可診細流奔巨  
壑努力治其敫陰風一以吹萬籟同時墮衆丘  
非不陟高山徒嶙嶙豈無異采鳥與此梟與隼  
九原苟可起大道斯無畛

初秋招秦京王德操包彥平劉仲熙屠瑞

之沈立生卞醇甫舟中小集同得肥字

藤杯促席飛白露昵人衣秋以雨方至身非病  
減肥對君愁欲去漸醉發言微翻悔心方密因  
之覽眺稀

贈馬仲良民部 二首

谷風歛層雲大曜忽以暱霽陰積旬月羣巒若  
盡蝕山鬼欲晝號爰嗟亦將塊居者鬱沉思行  
石民賞心集

者靡不盡朝陽布嘉林遊子破悲懣杳杳卽遐  
路道里安可測驅車不及時陰雲復相逼

其二

奕奕彼美娥獨居天之隅結佩必芳芷木難耀  
羅襦願得假長風握手以爲娛邂逅黃河曲此  
樂非所虞旣樂還復憂良時安可逾所以結交  
者茲道亦不殊願言各努力一鳳將九雛

贈鄒彥吉學使 四首



長飈起廣野遊子在路遠飛塵掩白日中林將  
爲摧我僕仆澤陂我馬亦怒嘶攬轡徒佇望咫  
尺將安之萬籟一時寂坦夷無傾危當此不振  
綏去去無良時

其二

良時不可失順風有所陳啾啾鳳凰鳴異鳥疇  
辨真麒麟走中野怪獸非所倫况復鳴鵙鶚神  
龍多潛鱗陽曜無回光衆星終以淪哲人秉遠  
存民貴心集  
矚賤子意可申

其三

所申靡有它懼爲禍之先衆人和羣喙壯夫多  
不然澄慮苟不渝往軌良可捐志士披短褐貞  
女不施鉛君子有定衡衆論安足緣蛾眉與紅  
女夙管無媼妍

其四

媼妍豈無別道廣難爲周役志遠衆妬屈抑良

可羞荷戈滅匈奴恥與卒伍遊功成不及賞退  
息良悠悠董狐古良史簡冊將見收孔鐸苟不  
振大海終當浮

秦淮美人洗硯歌

秦淮流水家家碧曲入青樓映柳陌青樓少婦  
年十三画衫纏腕髮穆穆朝來睡起鴛鴦懶半  
捲文幃情尚酣不將袖籠秦銅鏡未把脂安玳  
瑁簪金鴨香集烟裏暮細風吹到青樓繞青樓

倒墮髮絲飄剩粉將壓翠翹架上牙籤都穩  
疊法書怒滴蛟龍血文鯨波扇耀光輝正似濃  
妝待笑姿座客相催催不起風雨忽來半天紫  
先將片石擲江中墨花浮沉滯江浦未來紙上  
生霞煙已去行雲復行雨

迂道訪友暨別宛叔

非以慙離苦那知長聚歡孤吟無好句獨酌易  
爲闌永夜愁翻促新秋暑亦寒聊傳短夢寄欲

記又燈殘

梁谿逢宋獻孺

同君常慨世何暇及身憂事往翻添恨交深倍  
易尤懶同閒衲慣氣見故人柔對酒算深論徒  
餘別後愁

癸丑初度

歷思初度日窮與歲俱盈才已先名失身因毀  
得輕殘書解意數秋夢逐愁生算怪年華速傷  
石民堂心集

人幾不平

迎宛叔催妝詩

五首

青蟲間玉試釵初徐約輕衫理珮琚無用新妝  
墮馬髻門前已駐碧油車

其二

裁就新詩辭故廬任餘筆塚積瑤除平頭奴子  
擎箱盡侍女休忘書五車

其三

霧縠水綃裁作裾微風斜拂若雲舒相逢誤認  
無私語欲叩青童求匣書

其四

犀棖蘭橈江岸邊銀箏玉管導車前算愁此夕  
遙看見無語臨風毀翠鈿

其五

夾岸秦淮萬戶多齊聲呵贊遏流波兢傳一自  
來迎汝不數當年桃葉歌

石民堂心集

雜詩

四首

應龍騰巨海垂首天之隅冉冉噴白霧盤旋亘  
寰區玄雲翼威懾泓流奔若驅東南鄰震澤七  
月洞無餘顧盼區宇燔甘霖將時敷嗟彼蕃  
息所藉在長娛鱗尾苟不掉智者安所舒

其二

甘泉通魏闕複道接阿房玳瑁飾翡翠金碧耀  
文梁壯哉帝王居何爲鴟鵂翔都市黯無色朝

士退自傷羣雀忽來集朝野慶嘉祥疇知彼神  
鷺猶在南山陽翩翩奮羽翮大運庶可昌

其三

大雅日以喪風氣亦以移五方譬流澗各隨高  
下靡太史陳採風治音良已虧吳歆既不振齊  
謳殊復歆楚謠介蠻俗西聲樂亂離小人昧所  
往志士發長噫孰謂清廟間哲人播芳辭黃鐘  
發巨響五絃聲和治風雅有定衡作者無他岐  
在民實心集

其四

少年被犀甲往來三河邊朝霜步光耀朔風彫  
弓堅放歌駭燕市結交羅時賢一朝閭闔開制  
詔征先零六郡良家子紛紛揮瑤鞭少年逐隊  
行捐身矢不還將軍親勞苦賞拔獨超前戮力  
酬知己富貴非所先指顧殲羌夷部伍猶萬全  
則紫名王首廢置俱自專爰歌上之回駿馬飾  
彫韉歸至承明廬璽書資金錢寵榮非一時史

冊聲縣縣慨彼短褐士終歲守拘攣舉世盡擯  
遺疇知志不然

同宋獻孺費元朗杜士良登木末亭

晚照催遊屐恰宜孤壑前况茲秋盡日時露林  
端天峰或羅山足江翻出樹顛頻驚空影變醉  
極不成眠

贈李本寧太史

大道如夷軌至人活且娛紛呶起羣喙戈矛日  
在民實心集

相圖蚩尤熾鴟性軒轅無寧居二代肅師旅周  
穆親征徐道業固煌煌爭鬪終不虛流波及東  
遷日夜治戎車桓文稱獨雄四區誰與徒霸業  
一旦失九域紛相屠儀秦一鼓智戰士無完膚  
六國既以殘嬴秦勢亦孤民望苟不與雄略安  
所敷秦鹿不可保逐者競長呼重瞳仗微勇四  
海皆爲驅威攝無咎寧衆志終以渝慨彼披甲  
士皇皇將安趨劉季握其樞大運良獨扶羣雄

盡繫頸南粵亦通符耕者拾耒耜從此安里閭  
寰宇既寧謐禮樂將以模魯儒守經術遵茲非  
終迂願奮短翼力以贊至治謨藝苑沂往系分  
攻亦不殊權位既有歸時哉不可需順風布衷  
懷君子或見命

坐唐宜之水亭讀譚友夏詩却寄

驟雨亂淮水讀君詩幾篇名將先齒老情已向  
文傳意廣憑難續交真不籍緣誰言魂夢裏始  
到竟陵天

石民集

秋日邀同吳叔嘉魏考叔和叔許士衡魏  
畢大費元朗杜士良王相如吳相如夜集  
秦淮分賦秋鴈得十三元

不改清秋夜忽無悲思繁喜將簫鼓寂翻得鴈  
聲喧影落水疑動飛高雲欲吞先愁賓散後當  
復倍銷魂

九日同李本寧太史喻叔虞傳遠度費元

朗諸子社集清涼山

商氛薄城郭迅風衝青旻融景瞬息謝爽氣千  
巘新况中無射律佩椒當茲晨羣彥適構會形  
暫氣自親連鑣馳大道策杖陟孤岑松霞隱衆  
壑竹露泫幽林江流面白石巉峭詎可登登山  
非舒餘情酣驚難臨小阜集七貴率裾襲爲茵  
鍾菊悵遺遠賈餌無擇貧文明久已闕往軌良  
可循况茲嘉會日更暢秋氣晶俯景冠寰宇緬  
石民集

再過木末亭同羅玄甫王永啓唐宜之

秋以老加勝近山宜再尋風輕樹若減月出壑  
逾深幽景引微論半酣藏壯心雖然移席屢落  
葉逐相侵

宛叔九月望初度是年初歸于余

以余淪落後爾謂得人初幾度愁偏集今朝歲

不虛換妝添綽約計帙慰居諸自此深秋日春  
輝定不如

慰費元朗兼寄張姬澹生

快意論前事相憐在酒闌書來翻怕啓夢短屢  
更端豈惜三秋別難忘咎日歡因君還對我倍  
念獨居寒

送吳凝甫歸洞庭

君向洞庭去懷君夢亦清算因山水好遽忘別  
石民寧心集  
離情

吳姬張澹生貽書費元朗曰惜兒才薄不  
能成短什以寫我憂因戲代爲一絕

淚亂書痕搗練裙啼聲天外那堪聞祗因江上  
秋煙度不許西風吹入雲

石民賞心集目錄

卷第二

棲霞 送郭伏生之廬江 同喻叔虞費

元朗諸子偶集妓館 感懷 寄贈鄧遠

遊侍御<sub>二</sub> 寄贈湯若士丈人<sub>二</sub> 孤雀<sub>首</sub>

雪夜同王永叔丈人集湖舫得長字

癸丑除夕 贈米君夢 語溪道中 清

玲吟<sub>有</sub> 截雨 訪趙凡夫不值 同雨

石民賞心集

公敷公元朗謫通公不值得方字 瀨上

謠<sub>有</sub> 送黃貞父丈人 白下送王亦房

北遊 擣衣<sub>三</sub> 楓林怨<sub>有</sub> 石城橋夜

泛贈人 代答 北山雲<sub>有</sub> 邦江中秋

懷宛叔 答王修微次來韵<sub>五</sub> 寄王亦

房 寄秦布 七夕紀事 花燭詞時七

夕後一日 初出國門月下寄登第諸君

偶成 憶截雨<sub>有</sub> 次韵酬宋明府見

慰下第之作

石民賞心集

卷第二目錄

石民賞心集卷之二

防風茅元儀止生著

棲霞

凝霜枯積翠壘石列前坡乍見一林密猶疑雲  
氣過葉凋難辨樹澗澍轉生波旋折幽深處江  
痕一線多

送郭伏生之廬江

每逢當欲別重忍對離尊况以多新好令君終  
在民賞心集

舊恩霜容呈遠嶂江水捫朝瞰一自心相許臨  
岐無贈言

同喻叔虞費元朗諸子偶集妓館

欲見嫌爲約乍逢情更親相看猶昨日語久似  
交新衰柳月中媚寒枝醉裏春翻憎傳筆急密  
意若爲申

感懷

中春翁和氣旭日敷華精柔風媚綺疏芳樹掩

雕楹中有少年子紫艾飾自矜出入飛翠蓋往  
來勒流星挾彈天津下寫鞚洛陽城本自好遊  
冶非隨時俗傾調笑酒家胡擲果平車衡捧觴  
飄艷態調瑟傳柔情少年不相顧揮手但目瞪  
振策入曲巷繫馬流水濱有女織流黃投校復  
逡巡自言秦家姝家世本賤貧阿父戍遼陽阿  
母旋喪淪小妹嫁遠賈弱弟從貴卿舍嬌畏春  
望素心唯自盟土客從何來蓬華耀光榮少年  
在民賞心集

聽斯語既疑還復驚自拭蓮花顰從來負不平  
豈令懷貞操當世無揚名欽子夙管誼願結平  
生親邀子一言重寧在通束純秦姝欽衽起再  
拜欲自陳上客持意氣結好多通人許史稱平  
交金張作比鄰妖冶傾燕趙粉黛絕古今不羶  
繁華際乃獨憐苦心紫鱗澄清流啣恩安可仕  
賤妾守寒素抱志無他營體不慙吳綺耳復違  
秦箏焉能棄瓦缶靦顏御瑤瓊東鄰有侏儒高

志比於陵從甘菜蕪醜不慕林宗巾殘編事餘  
晷闌闌無名稱趨好旣以協中情亦云恒賤軀  
庶相託他人非所能嗟哉彼弱女居卑道自弘

寄贈鄧遠遊侍御 二首

王者修五常荆南見玉瑛靈蛟競迎護白虹朝  
夕生自遇卞氏賞遂爲時所欽琢之成珪璋連  
城逐飛聲復有夜光質獨生南山陰完璞猶未  
剖千載潛其榮

石民賞心集

其二

管有楚賓鐵中古沉濁泥至音一相格湧濯浮  
前溪西蜀崩銅山洛陽鐘聲隨茲理本易測寧  
謂知者稀聖人產中夏四海波濤夷陽精發清  
曜燭火安所私况芙江河慨同心良可規握手  
亦無益當使聲相馳

寄贈湯若士丈人 二首

陰雲積淫雨西北天欲崩河伯驅神力鬪黃

河濱空桑化洪川魚鼈化爲鄰女媧積灰止李  
水石犀沉一旦出竊壤千載瓠子成耕者兆夢  
魚力作大陸陰反掌慶多滌乃求三百困疇知  
播決者嗟哉良苦辛

其二

韓終當秦季苦爲世所挺揮手謝徒侶遠與丹  
丘還自刻長生文九籥終當宣椒庭設瓊醴綵  
閣桂參天誰能爭琢腐旦夕不自全嗟余旣寡  
在民賞心集  
諸世網猶纏綿自失捫天路皇皇趨濫泉願授  
還精訣永與親故捐

孤雀

孤雀中宵下紫虛蒼茫一片白雲舒祗因不屑  
羣僊駕短羽年年接廣除

雪夜同王永叔丈人集湖舫得長字

衝寒遲回舫凌雪泊山莊勁樹還欺薄疎篁每  
故藏自能隨意舞非特藉風狂近渚若爲闌枯



崔亦似長孤梅偏着媚羣木總疑芳衰柳飛風  
絮彤雲生月光愛吹寒和酒不覺濕侵裳通夢  
猶燕國相期翻越鄉是言皆簡澹無客亦飛揚  
豪興夜分歛淡情酒後量肝腸寧敢道今晉不  
相償自許歲寒意唯令皎雪將因之終夕晤黯  
澹祗行觴

癸丑除夕

寒光寧獨愛春色那堪支新水驕添急殘雲戀  
石民賞心集  
若疑詩成還隔歲酒後異前時莫怪今宵態年  
年不自持

贈米君夢

遠遊躡層巒決昔及天庭朝旭敷衆嶺距躍鬱  
相承蒙茸蔭羣木一望何菁菁壯哉誠巨觀幽  
棲寧愜情回首顧西北攬衣求其真茗茗孤峰  
上所籍非連陵僂僂隔雲霧杳杳若可凌願得  
曳芒屨探茲終隱淪

語溪道中

算道春江急平原猶望中高情自堪適對此興  
翻窮不謂片雲遠還餘流水通縱然歸夢好思  
逐夜來風

清瑤吟

有序

登宋獻孺松下閣作也閣顏清瑤故以

名詩

惡風吹春春欲死剗青削紫飢鳥飢老龍臥沙  
石民賞心集  
猶欲起子孫驕舞干霄峙雨潤松脂滑且隨瘦  
龍行雨汗不弭酒星喝月月光來綠香繡帳逡  
巡開衰燈滅焰兕觥推仰天狂詈月若摧老鴉  
聒墮龍嘶月銀雲櫛櫛山露突

截雨

黑煙罩空半天缺濕松漏石疑剗雪澗水春木  
海濤咽澹雨殘紅杜鵑血白龍仰噴山雲吐滑  
泥漫石石無腑與人雙肱老檜膚絕炊垂涎啖

龍脯怒叱青霓盜帝斧擊破溟濛截飛雨

訪趙凡夫不值

不知逾幾嶺尚謂隔前林一自客空返翻嫌山未淡

同雨公敷公元朗訪通公不值得妨字

相過卽相值溪情猶未量况經閒壑盡徒有暗香藏此地春還密何山花更狂水田衣下客無事更相妨

在民實心集

瀨上謠

刺瀨人也瀨女傾古今瀨人不識也故作瀨上謠

伍胥旣死瀨水涸春沙吹空接雨脚野灣急渡滑重却香霧濃煙隔蓮幕越羅小袖吳絲襪飛花白晝蜘蛛捉斷蓬暗怨春風薄雲曳風牽漂女邈瀨上才人眼光落橫擲桐絲江上浮敲破玉筍驅舞霍

送黃貞父丈人

一自同爲客終年安舊知縱非常聚首猶勝遠相思情密人能料言緘夢已私江帆君發後余在路岐時

白下送王亦房北遊

坐對春撩亂鄉情日夜牽忽聞君欲去頓使客愁遷名已先人到交應憑夢聯豈憂前路窄道廣益私憐

在民實心集

擣衣

九塞新秋寒不支妾含芳汗擣衣時東鄰少女還相妬玉腕徒勞可寄誰

其二

合歡秋夜每忘眠曾記聽砧共可憐今夕君能憶此夜聲聲應得到遼天

其三

愁姿憑向夢中傳蕭瑟宵來并不眠妾貌不如

紅淚好和衣猶得到君前

楓林怨 有序

六季四唐于宮怨閨情各極其致矣獨  
于狹斜一段深情摹神未既肖物有乖  
豈隨風柳絮終不沾泥抑無情春色不  
著道傍耶故爲蔓語聊引其端更企同  
心庶推其類

春朝芊路接銀塘曉閣驕傾別院香何處揮鞭

石良質心集

猶顧盼誰家貨酒不輕狂慵妝獨數湘簾雨怯  
夢還憶別路長故劍平平秋水遠新絲慊慊落  
花忙一自瑤堂鋪翡翠幾看繡幄集鴛鴦蘭條  
摧折春能長語燕分飛暖復翔况是章臺貪取  
折敢同桑陌怨盈筐此時啼鳥獨春愁此時還  
鴈獨宵投生憎底事銜愁種遮算歸心可暫畱  
日午文幃欲捲時推嫌飛絮故遲遲儂心未許  
從歡吐歡意無端令妾癡妾住青樓十載餘猶

憶嬌靨見人初幾欲安黃還袖手羞妝假髻倩  
人梳門前直逼垂楊道意氣相逢何草草柘彈  
王孫白日驕貂裘上客黃雲惱縱是豪華傾五  
侯豪華不入合歡稠頻撈修眉如織恨自憐桃  
暈本含羞古來人道紅顏苦憎殺盧家字莫愁  
莫愁舊住石頭城石城頭外沸江聲自從西曲  
隨風罷此日江聲猶不平莫怪荷花如欲語半  
吐常憂妬花雨妬花風雨一朝催沉影羞看果

石良質心集

咎時可憐蓮子心雖苦百尺金闌難護持曉幕  
初開露尚涼金環寶祿帶餘妝分明夢裏畱私  
語瞥見門外繫驢驕低回羞作同心結剩枕縱  
橫玳瑁牀月幌風帷故故開試看連理一枝栽  
郎言棘樹都成燼妾意冰池水不涸自管殘缸  
開寶鏡忽訝稜枕印桃腮無言自信先通夢欲  
語翻防更浪猜不願郎心信似潮但得郎心如  
雪飄雪飄若到春條上無數梅花片片消誰道

春風不獨儂新葩先已略施紅自喜宜男生寢  
內人言豈蕊爲鄰東一從洛月牕中落不許巫  
雲夢裏逢巫雲敢與月相侵不見天空萬影澄  
文采向來君比宋繁華容易妾驕秦麝芬羅帳  
能連乙屏繡雕房誇及辛慢卷麥繩金作穗鬢  
搖魚掠玉爲鱗霜華朝進瓊卮間麟脯宵食寶  
椀盛朱檻護來花若艷錦叢障後藥宜晴浪蝶  
但知春色好狂蜂猶把蜜房輕任他賣餅從寧

石民賞心集

獻縱是投樓屬季倫季倫金谷化爲塵玉管瑤  
篇歲歲新情得絲毫神女賦千年猶識易爲雲  
正是銅鞮隔岸聞踏歌不入女兒羣桃花水上  
調金軫杜若洲邊濺舞裙雌鳳雄龍都欲掉倡  
條冶幹若爲情桃鬟故與高鬟鬪翠葉平將翠  
黛分儂自嬌覓尋不得春煙迷路爲畱君畱君  
忽過末垂時倒綠紛紅那可支水盤觀映珊瑚  
淡露掌翻承綠玉垂定情不共浮瓜泛結念還

嫌沉李遲綾扇喚風風不舞輕帷着雲虹作雨  
星妃匿采銀漢微天上光輝被郎取火山欲燔  
天女龍爲驅暑商飈擣暮雲月浪翻秋宇秋宇  
遙遙小苑涼金魚鎖斷落蟾橫光侵羅褶冰如  
罩影落虛堦水自盈碧瓦銜珠宿鳥驚綺寮搖  
玉哀蟬爭錦機織恨亂絲生北斗迴環若作聲  
縱喜靡蕪儂不見可堪鴛枕聽風箏風箏一夜  
簷前急庭花浥露如垂泣商調不成絃轉澁相

石民賞心集

看兩兩無顏色郎意明知此日行不堪密語說  
長征妾解畱君畱不得忍將衷曲別時傾別時  
衷曲咎時情豈待要君君始聽但得流光有時  
返不令鬼火萬年青嘿嘿送君君已遠侍兒忽  
報楓林晚猶疑共作停車看豈道星槎隔天漢  
天漢西迴君未迴莫驚落葉已成堆可知秋盡  
紅逾艷不比春葩風裏摧

石城橋夜泛贈人

語淡棹緩客情柔。更奈殘燈映回樓。不管江風  
朝夕變。愁心只自托波流。

代答

寶髻無情髮亦飛。露涼猶恐析襟微。郎心若似  
江潮信。一任驚濤濺舞衣。

北山雲

有序

訪傳遠度於北山而作也

石城吸江江水急。北山壓雲雲變黑。秋飈橫野  
石民賞心集

葉聲澁松苔竹蘚無顏色。本是溪山一片雲。翻  
使山中人欲泣。秋聲破城萬戶催枕畔金籠語。  
蟋蟀扶杖飛衝城外雲。開得新山舊山失。山下  
人歌山上呼。一呼未罷積雲無。

邦江中秋懷宛叔

臨岐貪藉醉。強自禁私憐。仍苦既離後。猶如未  
別前。幾將初到事。先向夢中傳。何日論今夕。中  
秋江上船。

答王修微次來韻

五首

憶得春妝鬢學鴉。亂垂還似趁風斜。爾時湖畔  
曾沉醉。萬樹霏桃未敢花。

其二

春睡初酣破曉鴉。分明憔悴歛襟斜。醒來癡憶  
夢中事。鎖日無端看劒花。

其三

林暉漏影露藏鴉。風亂何翻面面斜。結得子來  
石民賞心集

心正苦採蓮人。奈不憐花。

其四

風動頻頻起夕鴉。閒情難慰月將斜。箇時若不  
經離別。那得鴛箋潑墨花。

其五

月明霜淡寂歸鴉。但見遙天雁字斜。字上分明  
不成語。却疑催看斷腸花。

寄王亦房

三月不相見新知成故人思深地若遠書短意  
逾真頻值仍猶夢達多夢轉親每逢爲別處愁  
劇自忘身

寄秦布

昨歲未相識逢人數寄書無端情忽密遂覺跡  
翻疎一自臨幽夢方知爲別初題緘無可報落  
葉已盈除

七夕紀事

倚旒千般若箇知只愁鵲駕渡河時雖然歲歲  
能無爽應美人間少定期

花燭詞時七夕後一日

鵲馭新過暑未空被裝無奈美同功拭來盡是  
桃花汗不待新羅試取紅

初出國門月下寄登第諸君

驕嘶大馬踐青莎翠袖無端偷轉波祇有月明  
偏着意錦筵不似野田多

偶成

放言酒伴朝尋醉搵淚妻兒夜共支欲識傷心  
無奈處月明羸馬獨行時

憶截雨

有序

乙卯下第後取道東歸重過瀨上作往  
有截雨故曰憶

去年犢車尋酒侶細揉春雲漏春雨今年囊別  
涉舊浦秋鬼叫空夜梟怒蜀絃忽絕殘脂褪鵲  
里淒迷追亡虜六丁莽拆昇仙橋踟躕道傍駐  
廢圃欲言不言青樹凋飛光按轡天噴煮短髯  
強捋鬪花鬚遮鼻百鵲鵲舞海穴素影照女  
女淡紅淺紅憐自語料應天外有愁人不道門  
前立怨旅

次韵酬宋明府見慰下第之作

甕滿瓊蘇樹滿柑羈覓猶得解飛驂夢驚花落  
春難再醉憎人言秋已三月好征夫愁塞北風

嬌遊女怨江南試看舞葉紛紛者半上晴空半

碧潭

石民賞心集卷之二

石民賞心集卷之二

終

石民賞心集目錄

卷第三

朔颺寄夏長卿 下第後夢費元朗 雨

後重過如園 僧夢 江天聽角歌寄董

遐周 下第歸 同費元朗攜妓南屏看

楓葉 贈荅<sub>首四</sub> 初冬訪元朗瀕行月下

忽逢東生疑父 寒山道中懷內 句曲

候館 美人辭 憶垂柳寄人 代秦

諸女郎送顧九疇 代董較書送九疇時

東生在坐 遲吳疑父不至<sub>首二</sub> 晚過小

教場 走金虎送呂生歸楚 貽郡守邵

使君<sub>首六</sub> 響屨廊歌 賦得層霄暎紫芝

爲顧所建太夫人進觴 寄王鑑心駙馬

<sub>首四</sub> 如公遊白下旋歸賦別 催兢渡詞

爲三姬各賦一絕<sub>首三</sub> 四時三婦艷<sub>有序首四</sub>

送郭髯遊長安 窺浴 沈季原初度

在閨中秋滿二袞恰逢再閨索贈 題屠

瑞之隱居 燕雪新歸攜之白下示宛叔

修微 送王永啓自畱曹出督齊魯士

石民賞心集

卷第三目錄<sub>終</sub>



石民賞心集卷之三

防風茅元儀止生著

朔廳寄夏長卿

朔廳獵獵戍旗褰朔雪蒙巔奚騎滑熊虺清宵  
啖人骨鬼雨灑空半天碧東帝考冰水夜瀉齊  
人彎弓楚人射穴底青銅拭土花紅鮮綠濕舊  
春陌往年雙劍歸江汜怒挾兩驕如裂帛今年  
病香獨無力蜀魂私怨遺巾幘龍潭釀氣待龍  
子雲裏粲星詎長沒寒冱縕縕霞不飛霜葉青  
青雄籟絕脫君佩刀蕩秋雲秋雲決盡餘鮮月  
下第後夢費元朗

淪落惟餘我翻驚復故人欲逢不欲語相視自  
相親料得同愁夜還將共負春醒來尋夢杳無  
暇及憂貧

雨後重過如園

風雨逐前灘平溪進權難失茲半晦綠頭覺千

山寒桐幹獨生潤月痕經洗殘昨宵秋夢苦永  
夜且爲歡

僧夢

秋壁插空秋沙擊鬢髻貼牛吹鐵笛撲面酒醒  
寒瀝瀝雙輪互蕩海天溺鬼號一夜推愁車碾  
破破邊千頃荻短夢欲成成不得多少秃胡衝  
睡國海風鼓脇千山黑一穴通明好顏色萬樹  
拋春花委紅推雲辭岫峭半幅奚童面土妻兒  
泣昂藏軒指十洲揖醒來瞻景景已仄手攬秦  
銅土花澁檻猿縛馬斷飛蓬鏡裏猶然舊相識  
懊惱吮毫毫轉嗇老僧笑爾空潑墨

江天聽角歌寄董遐周

寒蟾漾水銀海滿鮮霜擊草草芽短素空勻樹  
隔玻璃橫凌掛席煙波斷炬火燄天櫓聲數黃  
衣水軍吹画角愁雲蝕山雙淚落千舉寶觥楮  
顏薄記得滹沱月正明一聲不斷復一聲就舒

毫染西山綠各展箋濺易水青飛香走紅滿城  
市紫衣大官偕餘齒海上僊人雲曳煙不數人  
間水霧綺一從棄置金作土草啜爲鴻馬爲虎  
君憐鯨吞耀乘珠退周喪子我憐冷落名花譜余悼亡  
龍鍾短袖共黃昏舉頭噴血問天姥今年我獨  
入長干吳蠶蠶老抽絲殘切雲樓上聲復作江  
南秋煖不帶寒忽然憶得文園客墨花無光燈  
花碧梁臺眼見白狐號鄴殿枯槐罩古陌我合  
不與實心集

離親擊筑

下第歸

山光觸胸胸舍恥湖水澆心心不死此日驅車  
過暮城咎人枉怨雲陽市

同費元朗攜妓南屏看楓葉

八月江潮急三千客路憂癡深猶着夢憤極轉

成柔白袷聊盤馬紅顏黯倚樓蛾眉渾掩月蟬  
鬢自生秋貼枕頻催酒關情怕聽謳因風吹浙  
瀝倚棹籍夷猶非艷能迷目如鶯乍轉喉傍流  
疑有待辭幹始知愁深淺勻安巧高低欲兢浮  
湘裙曳遙嶺霞片委中洲趁水寒波暖飛茵綺  
席幽在春非守寂此日孰凝眸

贈荅四首

贈別

怕說離愁夢已知醒來尋夢夢先癡幾年不識  
臨岐苦羞向人前寫別詩

代荅

相見相拋離別輕翻憎在替獨多情頻行吞淚  
低低道贏得人間浪姓名

又贈

無情寒月照寒枝照得分明風又吹畱得一枝  
吹不盡春來肯向野池垂

又荅

辭枝花片着人飛離岫雲還逐落暉只有江波  
隨處月夜深猶只海頭歸

初冬訪元朗瀕行月下忽逢東生疑父

所期知尚遠隨意放江船乍見私相慰歡餘翻  
自憐霜鮮迷短草月皎淡寒煙說到情深處前  
宵已夢傳

寒山道中懷內

趙凡夫趙陸  
卿偕隱徒

石民懷心集

屏山着雨飛蛾翠巖背老苔驕半媚日淡風道  
霞脚黃猶然不許鴉鵲寐

句曲候館

辛亥攜楚  
生旅宿

趁月新開萬樹煙去鴻剩影尚迷天當年料有  
傷心日不向蒼苔落故鉤

美人醉

湘几閒寒影傳觴偶漸癡料酡頻引鏡防誤轉  
緘辭妬量催斟急伴醒睡枕遲晚風偏撲面促

泣海棠枝

憶垂柳寄人

樹樹綠鮮啼曉鴉添眉新月媚誰家梳來萬縷  
妝不成善舞一枝煙雨遮繡香杜若滿河渚水  
容那得罌平沙長條不憚任攀折獨憶晴寒放  
短芽

代秦淮諸女郎送顧九疇

石民懷心集

前林一夜深碧齊杜鵑啼破花陣迷層層春浪  
駭鷓鴣枉擲飛香入淺泥淺泥膠騙迷江潯未  
曙潮來漿無主千株萬株灼灼紅和煙散作遙  
空雨

代董較書送顧九疇時東生任坐

微暑觸衣袂臨岐一倍寒含情伴笑語不敢寄  
眉端

遲吳疑父不至

二首

百弄春啼天肯曙殘雨纏絲星在樹楊子津閒

浪不飛曉煙劃碎門前路

其二

艇子搖搖力不加東鄰叢紫亂如麻縱因風信  
分南北爭奈吹來總落花

晚過小教場

北山擲入子城低幻出平沙淺草迷將軍昨日  
親較士竟日流鶯不敢啼園陵松柏亂如莢五  
柞官前長蒺藜落照遠山相奪蝕薄霞無力柳  
石民賞心集

枝齊羽林兒閒鼓鞞桃花小駒下結束嘶嘶春  
風花作泥

走金虎送呂生歸楚

呂生以忤權  
璫故廢斥

海水沸天濛霧舉九州一夜遍血雨玉帝朦朧  
走金虎黑煙炊骨滿江浦但能年少工鴟張昨  
日短襦今繡組切雲冠下失龍髯纍纍金印化  
羈虜呂生腰下噴秋水夜半沉江搏蛟怒不憎  
長風便翼翔手闌雲級闔天戶苦撰奇巖肖橫

胸敢俗湍流寫清肺腑琅琅白雲生肘間十載依  
然香萬縷卽今暮發長干下長干商婦猶能語

貽郡守邵使君

六首

層雲鬱山隈遊子在路遠零雨旣以集颶風還  
復吹豈不願策駑榛莽安所嬉豐幹挺廣陌華  
枝廕四垂望望不可及辛苦將告誰

其二

將告復四顧長跼陳悲酸少小秉異嚮被服恥  
石民賞心集

華鮮託契背時尚緒言傳古宣雖無箕山操亦  
免時命煎不羨琅玕實詎謂遜長年疇知中道  
違愴恍失所天

其三

所天一以失塵網相雜嬰合臭無夷軌同氣設  
層城鏢譽比敗鮑唆利如長鯨怡色適美好偉  
辭來衆劄誰能久羈此朝昏兢所營灑淚濡短  
裳慷慨事遐征

其四

遐征何所苦飛藿辭本根蒲牢宅虛空不如蜉  
蝥尊白日日皎皎沉淫息朝嗽眾草一時萎安  
所辨芳蓀以茲中夜起徬徨悲自吞

其五

自吞復自展晷測無常虧流焱日夜發萬里枯  
蓬回回時供爨炊臨燎空長噫安得江海流鰕  
鮓能俗戲雙璜沒塵土既拭疇復疑鸞鳩桑樹  
石民其心集

間飛喙思所儀

其六

所儀在明辟早蘊珪璋名言持馨香薦解茲東  
南醒秉照擬燭龍鎗銖程所衡遠寄擇神契微  
賞屏衆營雖合燭火光光天無終泯所以泛水  
藻化爲周天星感茲不能已順風揚悃情

響屨廊歌

雲揪干天古桐死紅煙網竹綠霞紫青繩埋薛

路漫漫雙屐咽秋聲不起憶管吳王新築廊春  
風逐步鳳鞋香香塵未滅廊楹折老兔管藏怪  
狐穴轉憶五丁初鑿爲響空自激頽雲遲鎔俗  
蛾眉嬌寵後名巖不道道西施塗椒揉粉變黃  
土牽石嗟峨仍作主算帳今時羨咎時昨夜聲  
聲滴寒雨

賦得層霄映紫芝爲顧所建太夫人進觴

朝遊神皇廬雲豁天顏峭暮登王母局風攬璇  
石民其心集

臺曜迴軒及玄都颿颿歷飛嶠紫芝湛露鮮隱  
見映碧篠豈無雲英餐孕和蔚靈妙豈無玉膏  
挹冲茲適獨好眷言採江沚駐景舒清嘯

寄王鑑心駒馬四首

品曜經中天萬類無匿影幽篁背深壑挺秀避  
光炳遭值非獨殊闕志存遠省高樓大道傷行  
人昧芳靚銀井湛清流溪汲苦短綆燦得噴炎  
煙迴此澄泉冷

其二

朱雀止荒甸孤喙誰與羣一旦唳霄宇雲璈徹  
海漬苟非燭微熒徒能託衆欣衆欣寧偶冷轟  
雷由聚蚊芳叢粹成組馨埋自鬱芬緬懷結儀  
早連志稱獨殷藉以占端尚詎專慰近芸

其三

銀海濫橫波軒轅撼天柱

君以言國本謫爲悞

誰謂骨

肉親甘言但如醺誰謂層臺高工度不以矩臺

石民贊心集

傾猶可窺親離如絕雨所以披霧言茅封化  
虜綦履介胡越崇朝變媿嫵天道好迴環  
無終怙明堂責鳴鸞先茲肺與腑

其四

煌煌秉初政惟茲南服判

君會爲江陵相領不平

星曜逼

日車龍駕驅矯鯨琬琰無終懷金孟覆鵠鵬遂  
使苦竹町再謠江陵城羣厲集壽堂祀典不復  
徑植志並慷慨環論能獨申佇此雨露濡布策

庶重敦勗哉懋潛德琪枝良有根

如公遊白下旋歸賦別

乍喜秋旻豁其如歸路船所期同賞勝徒向別  
時傳暑在知江遠涼生引夢憐重來如爽約此  
意正年年

催就渡詞爲三姬各賦一絕 三首

起來忙理亂風裾隔水襲襲驚藻魚自寫朱符  
能厭勝渡頭上字早書無

石民贊心集

其二

昨賜臯羹誤忘誰傷心重佩赤靈時明年鸚鵡  
能言語又說今朝孰早遲

其三

將曙蘭湯催未來忽傳別院上妝臺薰艾蛺蝶  
裙先試寶鑰生憎掣不開

四時三婦艷

有序四首

古有三婦艷今衍作四時亦子夜四時

遺意爾

大婦映春酒中婦關柳眉小婦獨無事舒臂攬  
遊絲輕風吹不遠飛瓣復歸簾

其二

大婦劈冰桃中婦上蓮舸小婦獨無事迎風解  
阿墮開襟引晚涼深除下金鑠

其三

大婦調葵羹中婦擣香腕小婦獨無事開戶窺  
石昆山人集

河漢燈影過紗櫺清愁入秋幙

其四

大婦灸寒笙中婦呵冰硯小婦獨無事燃雪評  
妝面新辭入管絃密閣開芳宴

送郭髯遊長安

黃沙撲天天欲死癩風吹山山可徙越兒浪報  
燕臺起郭髯一夜行如駛海樹觸天雲觸海蟹  
奴蹀步紛紛在十載鐵挫珊瑚根茸惜紅顏旦

夕改秦箏吳板一時歌短曲將成雲鬢鬢

窺浴

趁月卸殘妝佯嬌欲避郎倚帷燈隔霧掬水日  
融霜釧落連聲膩衣薰亂粉香空懷金在握侍  
女肯相將

沈季原初度在閨中秋滿二袞恰逢再閨

索贈

碧瓦參差月在池今年又羨菊花時嫦娥應笑  
石昆山人集

空煩着前度劉郎未折枝

題屠瑞之隱居

久期偕遁世爾已足幽棲樹老枝相避花溪紅  
不齊僧還人獨立炊近水猶迷春色年年好無  
心任作泥

燕雪新歸攜之白下示宛叔修微

管約經頻易今還定復疑休猜曾別後如忖未  
歸時花灼無溪淺鶯調有早遲山山春色裏相

莫不相移

送王永啓自留曹出督齊魯士

莫說閒曹好誰誠山水身忽當離別際倍惜賞  
音真不負高文譽眼看能淑人懸知曾誦習未  
覩若相親

石民賞心集

卷之三

石民賞心集卷之三

終



石民賞心集目錄

卷第四

廐馬行

有

卽事

紀懷

醉憶亡姬率

成二偈

霍巢引爲朱君采侍御賦

有

西湖卽事

二

七夕

五

陶郎歌

客中

初度懷內

凌烈女詩

有

夢董遐周

得譚友夏書

爲高無英題画

戊午立

春前一夕將禁詩止酒二百四十一日醉

石民賞心集

卷四

以別酒燕姬張次君卽席索贈遂走筆以

荅因以別詩

離情曲貽語燕

代荅離

情曲 貽宛叔

畱別燕如

吟罷復題

道傍連理樹

懷燕如

二 有期 江

上懷疑父

金山夜坐讀范二詩簡吳六

題菊

同吳疑父期潘景升泛虎丘不

及登而返分得何字

吳門遇須君美儀

部北上 冬日有懷

經歲不至湖上漁

父嘆其顛老

月下看梅

途中看月

元夕寄內

湖上坐雨

見湖上散髮美

人 夢揚州

與王亦房步湖上

重過

法華山晤王亦房因尋落梅

徑山道中

登凌霄峰

聞宋獻孺下第

過洞庭

訪葛震甫不值枉詩見慰賦荅

石民賞心集

卷四

卷第四目錄

終

石民賞心集卷之四

防風茅元儀止生著

廐馬行

有序

家弟有駿困于澤鄉日伏櫪歌以感焉  
湘君神馬煙作唾矯矯踏雲天嚙破太乙晴波  
玉刻鱗錦鞵稍斷金爲塵青驄軒指郵亭道一  
聲嘶落貂胡帽年少燕弓匹寶韉桃花駒小春  
泥愁柳風葉葉電鞭外梨白叢輪六尺塋東家  
石民賞心集 卷之四

卽事

碧煙遮斷日朧朧榕葉深深罩水紅怪殺十年  
頻入夢夢來猶似乍相逢

紀懷

咎有西方客致我千里駒黃金刷翠勒絕馳無

乃孤再拜陳謝讓暗室慨靈珠繼有殮霞人雙  
足挈朱符耳風凌十島嘻彼誇仙鳬握訣獨相  
許擴懷隘寰區不能餽鴻脯終焉從酒徒前月  
發長干銀綆蔭新梧槐殺井中影朝朝長綠懽  
大婦整羅裳中婦裁綃幘小婦無一語口絕甘  
與茶未識別離苦焉知悲道途瞻雲腸百迴四  
鳥原上呼埋痛填泗漣決酒橫嚙脯低頭不揮  
手帶劍闊步趨江編下雙蓬風栗雨淒淒抽簡  
石民賞心集 卷之四

燕因薰爐中婦諄復諄善視君銀鏤小婦言別  
後逐君疑并軀如何赫蹏至反言千里逾隱語  
識遠寄密詞感素孚安得俗渥馬僻軌通神都  
安得工幻異晨行還及晡慨今復憶管悵然失  
良圖

醉憶亡姬率成二偈

花影重重月影明花開花謝月常盈何曾月落  
花畱影月總無情花有情

石民堂集

卷之四

三

其二

十二樓高煙海秋枉期共住久羈遊不揜弱水  
遭遭溺挽盡黃河失上流

崔巢引爲朱君采侍御賦

有序

侍御投老名園始蓄姬侍爲築高閣署

曰崔巢命儀賦之率然成此

主人望春開遠矚半塘碧水閒寒玉未葉桐孫  
逗冷鴉鵲浴罷春風足春風足去還促隔浦

田田蓮葉香藕絲折斷水中央秋急非關妾意  
狂妾意狂愛殺楓梢葉葉霜多少春暉照不紅  
獨將新艷嫁寒風四時來去看不厭主人日日  
憑高槩自刪松影自誅茅却署其顛爲崔巢崔  
不巢人來巢擇遍松枝此最穩主人比崔心更  
遠

西湖卽事

二首

雨絲纏搭柳千條隔岸山山張障綃獨怪禿鶯

石民堂集

卷之四

四

衝浪急膩雲猶傍定香橋

其二

着雨新荷低舞腰淡香柔艷不禁消七分憐取  
三分妬試鬪輕盈蕩小舫

七夕

五首

鵲馭依稀去復徐相思歷歷昨秋初人間尺素  
空惆悵應隔銀河不寄書

其二

冷露繁星歲歲秋雲情不改。替綢繆人間縱是無離別。誰似鴛鴦到白頭。

其三

一年一見好相期。猶自無端怨別離。夢罷楚雲隨月到。月來千載照空枝。

其四

不勝雲液不堪秋。一種歡情萬種愁。月幌若教春綰住。風流未必向人畱。

石民堂小集

其五

嬾整霞裾嬾卸妝。恰當歡處却心傷。深情祇在難言際。枉殺詞人替斷腸。

陶郎歌

陶郎吹簫吹徹天。月痕欲吐櫻桃然。雙成駐雲不肯去。無言凝傍侍兒肩。夜半變聲入短管。獨催自飛煙不糾。春嬌花醉草芊芊。柔卮酒未寒秋色滿。香氣半含調樂府。女兒嬌笑男兒俯。

客中初度懷內

年年當此日。秋院幾花儂。競鬪宜男草。爭騎杏子衫。新裁詞管管。私祝語喃喃。昨夕危樓上。應猶盼落帆。

凌烈女詩

有序

烈女諾沈生。沈生病瘵死。女猶未婦也。身殉之。故爲作詩。

獨佇延爽秋。零葉生光情。忽聞悲纍纍。朝義失石民堂小集

采絢或言始。并人攀義憤。天譴婦篋無。新紅空帷無。故鈿冥還比。閑遊奔雲絕。流盼旣疑將。復思思古腸。百轉穆姜哭。厥子哀些動。親串淒風竟。夜吹楚音中。夕變以彼二女。徇將無由婉。變茲淑入重泉。猶猜死者面。豈此衾與裯。香燼存餘春。至性未可量。慨矣欽天撰。

夢董遐周

秋閒方寂寂。支枕爾相過。窮亦不重道。詩還較。

孰多癡重耐長病小婦怯微波歷歷意中事俄驚着雨荷

得譚友夏書

三載不聞問秋來得兩鱗人猜久相識我亦遂疑真思藐夢能幻語平情始親不堪終慰籍猶說莫愁身

爲高無英題画

煙埋短樹丹朧朧膩得千山山態濃一旦雲消石已空

山復曉行人猶憶画圖中

戊午立春前一夕將禁詩止酒二百四十  
一日醉以別酒燕姬張次君卽席索贈遂走筆以答因以別詩

春來雪去月樵煙歛黛聲聲唱可憐憐殺春風詩興好花魂不共酒魂眠

離情曲貽語燕

朝出買鴛錦暮出買同功裁縫許異日枉自說

新紅

代答離情曲

離情曲離情曲算說離情空局促布颿足花半紅時枝半綠問郎果若不勝情何不爲儂畱一宿

貽宛叔

自替千金空有意千金意  
古歌名從今萬里不通橋憐

君當似異眉雪歲歲增來不得消

畱別燕如

以我餘名字令君足喜嗔難酬心乍密翻冀語非真此日終關命何如慣負人相期知尚遠敢使夢來頻

吟罷復題

醒怯燈寒夢怯殘江聲欲沸雨聲闌范郎死後吳郎遠裁得新詩若箇看

道傍連理樹

淮水通時江水迴  
迷離短草斷堤隈  
料因日日傷離別  
連得枝成不忍開

懷燕如 二首

難忘相傍處  
雲鬢小樓寒  
怕說人將去  
祇言花欲闌  
于今歡際苦  
訝筇別時寬  
耐盡春風惡  
猶然春未殘

其二

無奈前期遠  
翻疑往事虛  
暫眠如撒夢  
竟夕料  
石民實心集

忘子密意仍徐理  
浮踪自媿疎  
不堪私頌際  
又恰雨聲餘

有期

思劇卽爲遠  
那論期近遙  
新愁綴舊夢  
有恨勝無聊  
着霧花逾好  
施雲月轉嬌  
卽今空憶罷  
誰信往來潮

江上懷疑父

煙生千里近  
綠蔓兩山平  
此際洞庭闊  
應知江

水盈

金山夜坐讀范二詩簡吳六

江暑石爲沸  
燈電互參差  
披襟快何許  
徙倚淚瀾瀾  
宿夏構荒樊  
晞髮朝如朝曦  
流目餞落暉  
微言時間之  
紉服宛未敝  
恍讀古人詩  
詩已永無涯  
唱嘆猶昨時  
眷此往者慨  
曷爲存者資  
天洗逝水見  
雲豁雙月馳  
莫藉遐相望  
坐使清草糜

石民實心集

題菊

刪葉磨蟲事  
事施主人無  
乃太矜持  
傲霜縱是殊  
凡卉可奈春  
風凡卉嗤

同吳疑父期  
潘景升泛虎  
丘不及登而  
返分得何字

登山殊憶爾  
爾到竟如何  
自足償空返  
非猶厭屢過  
忘年憑夢久  
剩語較情多  
莫憚清寫剛逢月在莎

吳門遇須君美儀部北上

一自負期許七年違所親每窮先媿子未敢遂  
憂身文以貧時重名從謫裏新相看自下淚况  
復送行人

冬日有懷

潏潏逝水恬簇簇衆山笑月痕帶霜鮮日色因  
寒與望極疑有見思深如或告告子亦何事子  
夢先看到

經歲不至湖上漁父嘆其頓老

管予釣湖汙湖水秋且皎照予朱顏開花欣日  
杲杲漁父笑指予委紅人不掃感激走中路掉  
首忘拙巧形骸喜予勤志氣笑予擾忽忽經歲  
間夢與事常倒拂衣歸舊巢漁父煮新稻相值  
若相謬默焉無所道稻熟呼共殮徐徐嘆予老

月下看梅

月偕竹爲媚風因松作寒清魂何所待自冷自

宜看

途中看月

萬樹俱奔月前池獨特之我來剛月到相對少  
人時

元夕寄內

院僻歌聲沸亭空月戀盈庶將岑寂意報爾獨  
居情

湖上坐雨

短筇不可策徒倚前楹時雲香衆山亂煙深  
棹遲春迷山轉蕩花惜故愆期記得頻勞夢悠  
然獨進危

見湖上散髮美人

雲輕月重半天藍月淺雲深樹影寒濃林淡妝  
俱不可故將短髮自卷卷

夢揚州

罨画溪流送画橈軟香濕翠可禁消無端一霎

物州夢辜負春風廿四橋

與王亦房步湖上

不須商隱事放眼衆山春持此看花意長同避  
世人偏當風日好并覺水煙新自足于茲老前  
宵誤慮身

重過法華山晤王亦房因尋落梅

重過此山宸閣尋昨日梅香魂空處繞舞態同  
中猜是夢還分徑餘情總付苔唯憐一尊酒

石民賞心集

與故人開

徑山道中

萬山無樹面而竹爲衣薄日自然澹吹香亦  
復微崖開容鳥影徑折礙雲飛寒翠依人久昏  
嵐相引歸

登凌霄峰

遠峰歷歷趁晴歸縷縷青煙掛不飛竹色千山  
春萬里只憑啼鳥款餘暉

聞宋獻孺下第

愁劇憎人對思長愛獨斟可憐今日醉難理昨  
朝心妄計傳能誤冥懷終不禁幸余名想紀遲  
爾北山陰

過洞庭訪葛震甫不值枉詩見慰賦答

佇顧天壤間名巖衆所選苟不愜情賞耳目受  
心厭雖復日攀躋何如偶然見結交亦如此  
名來天羨未通獨喻心握手形相戀爾居蜀

石民賞心集

曲水瀉雲常習我來山正閒單綃分野艷主  
臨渚煙山若岳電杖屨雖詬評今已稱幽願  
吁嗟道傍人十年安足盼

石民賞心集

石民賞心集

石民賞心集

石民賞心集卷之四



石民賞心集目錄

卷第五

春暮還家句容道中寄宛叔 失雀 送

興公渡海隱支提山 與潘景升為震甫

宋比玉雨夜泛秦淮 四弔詩 有序 目在後

杜大將軍松 劉大將軍挺 喬遊擊將

軍一可 潘僉憲宗顏 五日秦淮開

賦得投詩贈汨羅 代汝郎五日秦淮

社賦得投詩贈汨羅 哭王亦房十六

與廖季符吳凝父來與問朱景周朱季

宜劉玄度黃沾之泛秦淮分得風字 送

王永啓學使謫歸 病中簡周伯孔 與

譚友夏坐烏龍潭森閣望博遠度棹舟 二首

宋獻孺招同鍾伯敬潘景升林茂之譚

友夏泛潭上 算愁湖 八月八日潭上

放筏聯句 八月十一夜泛潭上聯句

宿棲霞寺 出太平門循玄武湖堤至繖

山 十月望獨酌潭上懷伯敬友夏 送

王子雲歸楚 題畫為鍾太公贈太公乃

伯敬尊人 懷王子雲兼示傳遠度 西

湖曲 渡西子湖 雪中哭沈汝興 二首

雪後過趙凡夫 夢後懷內人宛叔 梁

谿道中 雪夜舟中夜發 上世父康伯

先生時八十矣 賦得峩眉山為張太夫

人壽 范山人画山水歌 聽雪齋歌為

張隆之賦 已未除夕

卷第五目錄 終

石民賞心集卷之五

防風茅元儀止生著

春暮還家句容道中寄宛叔

到家纔百里倍若隔天涯  
花態猶能綴春風不肯私  
愁心亮以釋癯貌那堪支  
祇幸余蕭寂相逢無飾辭

失雀

獨雀凌霄何所之  
編籬剩影在前池  
今宵

石民賞心集

三聲後可憶當時喚舞時

送興公渡海隱支提山

祇道溪山淺翩然渡海行  
海窮山復見溪淺幾能平

與潘景升葛震甫宋比玉雨夜泛秦淮

山青不肯已縷縷抽微雲  
遙曳過長橋蘋滋草木情  
我時開水筵客趣一倍新  
巨觥前長辭夷氣發素真  
橋慳柳色遠雨急恬波縈  
將舉回

棹煙火參差生歡極境自會短謳成不成

四弔詩 有序

四弔弔遼左將吏也將吏皆可弔  
四子其最著爾

杜大將軍松

將軍本西種血戰取元戎  
受脤二十載中厨無宿春  
一朝將名王幕府責首功  
軍租不獨士長

肅歸明農

天子首徵公再拜雙

淚落此軀甘獨東部曲  
久矣散一身安那相

犢贖佩刀血黯新鏤濃  
兒披千葉鎧婦挽五石

弓躍馬不回首孤師當  
最衝文帥文且武地利

非所庸騎兵渡三日車  
卒無艤艫全軍陷獲牯

獨躍挫銳鋒力窮身不仆  
拜英風雲馬風

作轡冉冉謁帝宮天闕  
絕苞苴公功亮見崇

劉大將軍挺

天子洵神武御歷四十  
餘四顧征弗庭所指無

完膚諸將告振旅必與劉公俱功成受半賞貴  
算劉公如自奏海龍捷廿載戢兵車笮蜀張小  
寇文武算支吾 天子亟呼公夜半授虎符前  
徒甫入境鼠穴報全屠遐裔震公勇朝吏謂公  
癯身貴無賞地徒步歸田廬四海久寧謐弱植  
發崇痛 天子亟呼公爲掃東北隅東北非管  
比 帝命不可虛解衣裝壯士節膳治馬芻

連克如雲飛文帥召愛將援絕

孤

腦剔腸爲劊將軍良已矣賊

有深虞 天子洵神武御曆四十餘

喬遊擊將軍一琦

東南二三子感酬 明主恩破家聚徒衆結束

待夷氛一客欲得志枉殺春申君悲聲同海沸

冤氣結成雲伯圭從末減髡首受徒刑偃仰三

十載靈光幸獨存顯樹英雄的潛消姦尤心

熾遼左 帝簡命從征都護屬國帥叱咤夷

八營江珠燦如貝聚列將自焚誰知左師潰漢  
幟爲胡陳腹背兼受敵玉肌琢碧痕四海百金  
士人人爲楚辛淬刃掉東望齊言欲報卿始知  
忠義士方肯鑿凶門爲告泉下友葵心今得明

潘僉憲宗顏

釋褐辭父母皆言徇 明主一朝渤海郡羽書

急如雨魂悸人未知心口先相語賤軀得自完

令名任人取亦有感激者自陳告大府苟得愛

在民賞心

一旅不效甘躡斧俄聞 盛自憎兼自怒覲

顏復長跼願得從編戶潘君獨挺挺慷慨請

窮親矢石間可殺不可侮大將類奔豕使者

如蹲虎膏血飽胡兒顏色無酸苦是時軍報至

人爲三監楚時四道出師徐聞擁高城開筵歌且舞

頭項貴如金一身賤如土

五日秦淮開社賦得投詩贈汨羅

古今當此日哀些慰湘靈何似一尊酒來分衆

嶺青寄娛聊服艾。順俗更揚舲。鼓節千歌發。詩成百客聽。悲歡雖異轍。幽素可通冥。余欲人皆醉。君懷已獨醒。俱能心自諒。不與世交形。所以成斯曲。居然冀爾聆。逝魂云杳杳。淵水自泠泠。會得應相賞。欣焉傾醪醢。

代女郎五日秦淮大社賦得投詩贈汨羅  
我聞汨羅津。冤魂不可訴。乃向水之涯。清歌怕日暮。躊躇三嘆間。將無逢披怒青青。柳色齊衰。颯無人顧。昨日燦燦花。今日分新故人。意本如此。精誠安可慕。苟非君父恩。自古等行路。

哭王亦房十六韵

爾歲君於我。相仍哭友生。忽焉今日淚。遂復爲君傾。計別當籬畔。爲期在水盈。捐形供具易。笥腹裹裝輕。舊語猶多蓄。新詩剩幾賡。庭庭知所待。僮僕解分迎。有客先飛羽。言伊隨落英。恨疑交入臆。憤咤合爲聲。遣信排虛戶。窺名僭素旌。

已歸重諱。匿旣對屢遷。夏夙許朝。纔罷悲端。夢未呈不貪。誰劍挂遺癖。或書橫婦病。喜無子親文。愁累兄是人。俱肯悼知者。可消爭後死。唯餘我刪詩。自荅盟平生。苦吟意還慰。細商情。

與廖季符吳凝父來與問朱景周朱季宣  
劉玄度黃沽之泛秦淮分得風字

寧特心相洽。逢茲賞自同。淺雲扶月上。曲水飭花通。檻密還勻樹。香新好待風。歌聲波面過。一

一板橋東

送王永啓學使謫歸

十載宦遊者。仍如遠旅歸。鄉人雖共咤。風俗籍餘輝。秋僭侈遊勝。天償取報微。平生堅此意。贏得感心稀。

病中簡周伯孔

已復偕人飲。于君獨未能。語深神尚怯。興減量猶矜。况或逢新曠。將難廢賞稱。閒余終不肯。危

閣夢同登

與譚友夏坐烏龍潭森閣望傳遠度棹舟

二首

淡山淡水照身親添得新香膩酒巾棹入花深  
休易出遠樓疑是採蓮人

其二

鷓鴣相待不相期一水閒閒稱柳垂我正羨君  
移棹去君應還憶上樓時

夜民賞心集

宋獻孺招同鍾伯敬潘景升林茂之譚友

夏泛潭上

羣聚寂相向遙香憑以通柳閒風亦任綠滿山  
逾空樹色着霞上城陰生水中自然忘不得况  
復與君同

算愁湖

江外屏山插淺流靜光閒影四時秋休嫌此日  
偏荒落說算愁時已自愁

八月八日潭上放筏聯句

譚元春王翥元儀

天秋露濕月

元儀

客夜蟲依衾不有潭上坐安知

魚龍心

譚元春

水影匿蘆外

王翥

水光入月深

元春

棹緩人意靜

元儀

風定如止琴

王翥

我知荷香殘一

元春

筏環青林

元春

林中意多端不在發清音

元儀

幽素

自爲秋四鄰息寒砧

元春

境寂忽生幻心目不相

禁

元儀

靈魄有出沒晝夜共一陰

元春

煙物夜尤繁

照欄涼氣森

元春

人散語言罷高下俱沉沉

元春

夜民賞心集

或易茲夕自然成古今

元儀

八月十一夜泛潭上聯句

鍾惺林古度范迂周楷譚元春

吳鼎芳元儀

客靜彌知夜潭空惟有秋蟲聲煙草衛

鍾惺

魚樂

水風酬最外晴光大

林古

無多物色幽筏移星

影動

范迂

燭至露痕畱徙坐形神密

周楷

經天鴻

雁愁更深蘆漠漠

譚元春

境寂葉颼颼時序分涼

暑

吳鼎

悲歡寄拍浮他年懷此夕

元儀

林月自寒

流惺

宿棲霞寺

松牀月幻夜相忘。猛憶伊誰會。斷腸俛首忍看  
今夜月。只餘松影送殘光。

出太平門循玄武湖堤至繖山

纔離城市外。秋與山俱生。樹冷容逾幻。荷殘氣  
益清。水天自相得。雲石互爲爭。數點野紅出。遙  
光一倍明。

十月望獨酌潭上懷伯敬友夏

我友非他適。忍予杯獨持。難忘快飲事。重咏賞  
心詩。落日山逾近。濃煙柳不支。暮原疲馬駛。定  
水泳鱗遲。衆響形俱寂。殘紅影癡遙。來欲暝  
色漸失飽。霜枝葉脫鴉。能記潭寒月。自知勝隨  
時。互換人與秋。安之此日將成憶。如何憶替時。

送王子雲歸楚

日日送人行。今朝遂送子。送人情黯黯。送子酒

且旨。酒旨歌聲揚。前庭花正芳。雖別不爲別。雖  
遠不相忘。

題画爲鍾太公贈太公乃伯敬尊人

清溪倚前澗。澗聲方潺湲。託蔭恣靜懷。曠怡偃  
仰間。挺茲長枝條。燦燦鬱光顏。但足觀者情。莫  
問厥繇然。回首顧其幹。幹古神自閒。

懷王子雲兼示傳遠度

之子迂疎處。令人憶最殷。矜名非浪僭。痛謫暗  
相分。守介仍憐客。雖和不入羣。惜書愁亂世。避  
地尚商文。方喜通胡况。偶然懷楚裙。詩唯贈鄰  
叟。酒止對孤雲。倘有同懷者。如予數夢君。

西湖曲

幾番歌舞人。一片歌舞地。依稀其地存。其人不敢記。

渡西子湖

淡淡煙光淡淡人。斜陽籠處柳如新。自然一見

一心醉不是當年記不真

雪中哭沈汝興 二首

往歲從君醉春風不可支今朝霜雪際應是哭君時

其二

狂來方下涕情至不知悲寂寞重泉下將無同所思

雪後過趙凡未

雪色澹千里訪君窮碧巖非無人共看孰有意相安

夢後懷內人宛叔

蕭蕭蘆影自成晚漠漠山光澹暮峰昨夕相逢仍不語今朝欲語不相逢

梁谿道中

又是梁谿路年年一小舸野平畱日久郭近見山高忘我長爲客驚僮慣習勞愴懷方欲發微

月寄東臯

雪夜舟中夜發

平沙融暮色雪月自爲交一水碧于昨前山青未拋寒雲疑戀樹倦鳥怯尋巢靜杳知香近溪梅方綻苞

上世父康伯先生時年八十矣

江派爰爲三河流乃成九至人作其先衆燼靡不有况復蹈往轍闔戶事尚友情深典籍迎賸有良賞心集  
淺山水受非無珪璋資不與瑯相偶非無燁燁花不與時相守持此澹宕心澹者自能久紛然慕前烈安知孰不負

賦得我眉山爲張太夫人壽

峻巘層霧雲凝雪薄幽阜澹漱自成容倩藻不相受煙揜吸天光鴻溶鑿地牖蘊隆發者豐廣幹俯澗瀏青枝結山姿鬱鬱玄都偶竺領來何長一步一回首

范山人画山水歌

山光漾水水漾山瞬息空濛變不止偶然幾筆  
落素綃自此山川有如此日日看山有倦時一  
綃萬古無參差豈是無聲勝有聲并聽入看自  
鍾情吁嗟此意香難測君不見匡廬瀑布峩眉  
雪自然欲收收不得

聽雪齋歌爲張隆父賦

簌簌寒風徹四壁主人推牖徐聽雪風本無聲  
雪有聲無聲着聽聽分明初似勻脂形影語繼  
似臨風步無序有時疾下怒飛翔又似琵琶怨  
如許主人能聽不能擬他人聞之如塞耳吁嗟  
乎必欲聲中着聽來風無衆竅聲何起

己未除夕

去晷復尋尺流年將謝之歡緒終不成愁端如  
管時管愁生凜懷來者庶曷茲冉冉更不易曠  
途焉得期吾聞古至人一日千歲資時命苟不

來斯人安可息

石民賞心集卷之五



石民賞心集目錄

卷第六

庚申元日迎春 潭上看雪歌 無題

賦得麴昭母 已下四首爲姚孟長太夫人壽 賦得劉真

長母 賦得呂榮公母 賦得義成夫人

聞何玉長計 夢王子雲 懷吳疑父

和宛叔見亡姬鏡 咏紙鳶 春日爲

方君初度賦時將就侍從 夢登我肩

石民賞心集

和宋獻孺種松示兒作次韵 和吳居

士相思曲 贈楊文弱民部 四首 哭家婢

江上四咏 目在後 江曉 江晝 江行

江泊 送新月 雨後步湖上 哭鍾

叔靜 懷譚友夏 暑月月下獨坐 與

內人夜坐 月下同傳遠度飲潭上 飲

沈雨若蔣榭 錢時將過潭上 懷潘景

升 七夕泛潭上與宋比玉沈雨若錢時

將錢仲侯 七夕後一日立秋前一日泛

潭上與曾波臣洪仲韋楊敏修張隆父張

問夫屠瑞之葛茂永 寄沈千秋太守 二首

負所期 荆太公觴詞 秋日道中

仲冬望招朱咸一朱景周汪僑孫三子同

吳疑父李莘父集木宦居時三子將別

送錢時將往蕪陰 與眇歌者

石民賞心集

卷第六

二

卷第六目錄終

石民賞心集卷之六

防風茅元儀止生著

庚申元日迎春

歲歲迎春戲無如此日閒陌頭春未至樓上滿  
春山

潭上看雪歌

漠漠寒光杳杳淵隔潭數樹森森然何處清  
捲雪來忽將樹影入夢天又如酒入春風眼  
石民賞心集

隴欲近不近間昨歲桃花滿隄曲隄頭看花看  
不足有人掉嫋在花下但覺桃花空逐逐此時  
眼光亦如此今日紛紛切莫止雪止溪光掛天  
末夢覺酒醒情眼豁

無題

小牖紗軒射日紅朦朧推起怨春風撥開殘睡  
蘭湯罷一樹梨花落鏡中

賦得麴昭母

已下四首爲姚  
孟長太夫人壽

唐麴昭母好學有書異書者母顧箇中

金曰何愛此不使子有異聞乎遂持而

易之

寡婦食其力脫粟不一飽豈曰有餘資可以殉  
所寶念子無令名妾身空自保

賦得劉真長母

劉真長標寄清遠小時諸人比之袁羊

劉喜還告其母母謂之曰此勿汝比

石民賞心集

受之又有方之范汪者劉復喜母又不

聽後真長年德轉升論者比荀粲

志士闇自勵令名非所營所以慈母教名下殊  
爲輕豈其事方人欲將廣厥稱厥稱雖自峻知  
非心所寧此意誰能齊能者識其真

賦得呂榮公母

呂榮公希哲母申國夫人莊嚴有法每

教公事事必循規矩甫十歲祈寒暑雨

侍立終日不命之坐不敢也平居雖盛  
熱在父母長者之側不得去巾襪縛袴  
行坐出入無得入茶寮酒肆里巷之語  
鄭衛之音未嘗一經於耳不正之書非  
禮之色未嘗一接於目故公德器大異  
於人

寒風吹栗栗寡婦晨攬衣督子備禮法父兄安  
可幾一朝時命至新輝責故廬喧噴騰里耳寡  
婦獨長吁通塞有定軌道義安可殊妾自循禮  
法富貴非所需

賦得義成夫人

漢崔篆母師氏通九經百家之言漢末  
寵以殊禮賜號義成夫人

儒者殉經術徒爲富貴驅紛呶日以甚中心無  
獨符深閨茂騁思聖義能力扶爰承尺一詔遂  
爲千古模亦有婉淑資迹異神不殊篤行範流

俗九經爲澤膚盛世重躬行榮名安可需

聞何玉長訃

夢較平時切知君事已非猶疑貧病裏誰謂死  
生餘苟或不終達何如早返虛交知皆哭子唯  
我獨嗟余

夢王子雲

不見已多日夢來見更頻是言能藥石無事不  
清真莊謔宛如昨吁嗟不離身他時還復見不  
信隔冬春

懷吳凝父

相聚無他適相違不禁憐豈余堅獨癖料子有  
同然始信非私昵終焉難自宣雖殊時俗尚不  
在古人先

和宛叔見亡姬鏡

鏡裏容顏春正好但知人面不知春如今剩得  
春光在辜負年華并負人

咏紙鳶

造物本無意兒童自剪成  
趁時風正好不待羽毛生

春日爲方君初度時將就侍從

翠鬋珠纓七寶裝馬頭春色正  
相將今年且醉桃花下  
明歲倫桃贈帝王

夢登峩嵒山

夙聞峩嵒險夢登還有殊  
中頂與天逼星辰若存  
存尾賞心集

可私俯矚有餘騰心神得自持  
縱步下迴崗習習風拂之  
淡爾自成曠恬兮因會斯夢  
覺恍有失疑駭神差池始悟此  
身累遂踈山水姿能忘百骸日  
颺馳千嶺時

和宋獻孺種松示兒作次韻

虛野淡天色曠矣值初霽遠山  
紛麗蒼近圃馥蘭蕙獨少歷歷  
松與天相映衛繁林多勁幹白  
日風雨勢中有三四株雲物不  
敢劇不特衆樹

靡餘松亦覺脆孤挺不厭突天矯反成麗手移  
值前岡心目營遠計苟共此松閒何者爲天際  
偃仰二十載猶然衣薜荔身神自相得恬爾無  
煩癘夢寐亦若對不必日坐憩稚者忘外慕與  
我成心契營營負此松亦復虛年歲

和吳居士相思曲

相思相見莫相期只恐相思無盡時若使相思  
應有盡何如今日不相思

存尾賞心集

贈楊文弱民部

四首

北風本自微敗葉何紛紛時序已值茲賦性亦  
若均勁枝鬱蒼蒼恥與天地羣肅殺有已時持  
此待春雲

其二

濁水來萬里一勺難爲清故彼沅水派迴旋潛  
地陰大明不可匿孤流全所真濁者崩岸隄清  
者常爲寧

其三

騶虞來聖世虎豺驅中林鳳凰不我翔好鳥變  
鴟音層岡吐日月雲物不相侵努力趨 明主  
崇朝易古今

其四

皓月落清沼沼淺月光淡淡霞映晚日紛幻殊  
氛氲所以結心者亦復擇其人欣焉得所託願  
子終令名

石民賞心集

哭家婢

即此書此題日

一夜淒風飛葉輕飄零還肯過前庭如卿猶作  
太平鬼世上誰非離亂人

江上四咏

俱限八庚

江曉

大江開曉色日月互爲爭綠重四山近潮平一  
水清煙光勻露濕荻影寫天晴鄰舫誰家女琵琶續夢情

江晝

江行不識暑正午始憎晴炊熟長年喚光搖水  
怪驚閒閣方怨晝皎日爲誰明風雨前宵甚蕭  
條更不情

江行

帆水自相得千山次第行風和難鳥沒天闊易  
雲生絮語蒿師暇鼾聲客夢成不如波浪險忘  
却故園情

石民賞心集

江泊

千帆齊落際暮炊一時生江月增波闊蘆風似  
雨聲漁多難辨火潮長始知更旅色無從覺夢  
魂應白清

送新月

團團雖未屆倍惜送君行質弱人難挽痕新天  
與情嬌癡先占樹羞怯不支更應料輝光早他  
人不耐卿

雨後步湖上

緩步出堤曲宿陰天末間幾番雲洗月到處水  
迎山不見川岩變安知天地閒于茲方領契無  
事獨徐還

哭鍾叔靜

懷詩方就汝空館已塵盈靜杳思音貌蕭疎如  
性情池無新墨漬枕刺苦吟聲縱復不相識猶  
當爲不平

石民堂心集

懷譚友夏

燐燐春葉光杳杳春潭水煙生水樹間往來不  
成紫霏靄幻情文瞬息慳正視亦深回步思亦  
嗟易成毀况我中懷人去住無常止去住亦何  
心居者意無已

暑月月下獨坐

好月兼閒夜何須更擇羣光清消積暑影重透  
輕雲虛榭靜無際鄰荷香始分秋風頻入夢此

夕可忘君

與內人夜坐

月近嫌窺我花翻亦覺喧幽生閒作趣淡使密  
成恩私語仍風雅溫存亦韵言友朋閨閣裏閉  
戶可開尊

月下同傳遠度飲潭上

日向其中臥翻忘適此身有君來作客一水倍  
相親但看月如我自然雲避人今宵可算飲不  
醉意能真

石民堂心集

飲沈雨若蔣榭

虛池消皜日一榭傍垂楊漸暝山辭水將酣燠  
通涼屏燈除月礙罷茗飲荷香主客澹無語清  
歌生坐傍

錢貽將過潭上

孤嶼敞四虛時與風相得層綠潤潭影修篁淡  
日色于此日高臥炎皜不敢逼衆嚮一時寂獨

與古人卽雖復領契悟未能冥語默忽憶同懷  
人不惜他山涉眷眷柳荻陰投杖復偃息伊人  
特就余披襟吐胸臆余意已忘言引首望天側  
荷香樂風柔荷花樂水湜是時我與君相視不  
相識

懷潘景升

記得昨年時爲歡在水涯夜深風送月霧捲沼  
迎枝聯舫歌相續中流尊互移詩成姬早仰  
簡僕先窺觴政疎齊密花評公間私歸歟途  
挽醉者醒難支如此開新賞猶時憶舊知况今  
方寂臥能不感離居

仲侯

七夕泛潭上與宋比玉沈雨若錢時將錢  
天上悲歡擾人間聚散幽疎紅閒與水層綠未  
知秋雨洗日痕淡天隨星影流夜深猶放筏不  
共鵲橋收

七夕後一日立秋前一日泛潭上與曾波  
臣洪仲韋楊敏修張隆父張問夫屠瑞之  
葛茂永

支機寂寞後景物漸多幽以此人將爽因知天  
乍愁爲歡渾忘暑悵別自生秋秋月團圓近寧  
憂河漢流

寄沈千秋太守 二首

人惜夫君病夫君病亦愁酒情閒內永詩緒夢  
中幽香若天難暮暮月易秋夜溪傳密語粉  
鏡算令收

其二

許交君獨早十載竟如斯未必無新識都能憶  
舊思雲安天漠漠風沒柳垂垂正是懷君處秋  
棠花自知

負所期

月影魄無端鐘聲入夢寒所猜應不爾藉此自

稍安孤燼同光滅清霜與淚繁偶然仍作意  
怨不知歡

荆太公鰲詞

曾為廣文  
鰲不再娶

蘭渚青林翠不消家依仙岫隔凡遙無心月照  
飛瓊鬢半醉風來碧玉簫山館翻經夏五漏水  
田垂柳露千條紫霞落酒凝霜煖不待春光轉  
碧茗

秋日道

良時行役自然愁領取仍分處處幽羣雁影過  
驚水定千林綠幻自生秋雲生孤岫開層嶂月  
出平田換闊流不盡畫圖攜到夢依稀翻憶夢  
曾遊

仲冬望招朱咸一朱景周汪僑孫三子同

吳凝父李莘父集木宦居時三子將別

帝陌客車停為歡自下扁煙光勻篆重燈影冒  
寒青語雜疑繁夢鰲溪遙獨醒雁過雲飲蹕霜

細月為聽足忘清宵永休驚客鬢星故園君到  
日敗荻怨長汀

送錢時將往燕陰

秋棠花老江流落秋蟲聲死寒漠漠美人顏酡  
舞不休沸歌催春春不作春亦不來君亦去空  
齋閒影澄獨慮花影將春一夜來君在江邊誰  
與語

與眇歌者

石民賞心集  
箏柔絃急調頭哀半欲銷魂半自猜若使雙波  
能盼盼豈容相待到儂來

石民賞心集卷之六

終



石民賞心集目錄

卷第七

雜興 辟寒香 無題 題昭君出塞圖

宮怨 送汪容庵司成歸楚首二 南山

行爲方太夫人舉觴 與綬公 楔日看

牡丹同宋彥叔屠瑞之舍弟遠士舍甥錢

玄暉聯句 送秦僧編如禮普陀 送楊

邦隆守維揚首二 荅內病中作 九頂山

石民賞心集 卷第七目

歌 別內曲 七夕任丘道中寄內 道

中作 次宛叔臨別再題襟上韻首三 馬

上佳人渡處逢 過靈璧題虞姬墓 下

第十 塞上偶憶唐人句小膽空房怯長

眉滿鏡愁爲傳兒女意不用遠封侯因代

內子各成一絕首四 寄蘭第九 王開美

聞蘭第九在余齋中索飲值九已去寄嘲

荅之 第九有期先二日口占 趙姬張

第五與余交與余姬楚生交更篤壬子冬

余忽去長安期晤潞河畱衣示信余遽去

不及待歸而楚生逝矣辛酉余復至長安

已爲人家妓非由主人不得見主人適他

往余又忽去畱詩寄之 出都門 道中

東長安諸子 夢去 道中得內書 家

兄彥先爲畱司光祿聞余出塞以詩見勉

歸途得之賦荅十五韻 道中先寄傳遠

石民賞心集 卷第七目

度 辭薦初歸寄弟 清源除夕 同友

人旅夜

卷第七目錄 終

石民賞心集卷之七

防風茅元儀止生著

雜興

衰草承月光老婦試新妝老婦亦有心對妝良  
自傷回頭語行人君子慎行藏替時青青色天  
翳雨滂滂洗濯待新月月月不相當月光有時  
至草色不長芳行者聞斯語淚落心徬徨

辟寒香

石民賞心集

卷之七

寶燭且頻彈無妨永夜歡舞衫仍有汗歌袖竟  
忘單試浴蘭湯沸當春花露溥何如鴛被底私  
語不知寒

無題

風來花去逗香身不似前宵夢裏真夢裏相逢  
重作夢夢中須記夢中人

題昭君出塞圖

雕鸞寶勒紫金韉日袖霜衫別樣嬌莫恨回工

輕點染漢宮白日更難消

宮怨

守宮歲歲鏡中知變盡容顏未變斯不怨君王  
怨巫夢不知箇裏不重思

送汪容庵司成歸楚

二首

積雪凡幾旬高空搖素光恍惚顧盼間片帆天  
外揚含語不及發江岸山正長山色有時盡此  
意何時忘

石民賞心集

其二

楚月照楚江江流日萬里月影流不來月光化  
作水每到石城邊一酌江水旨

南山行爲方太夫人舉觴

蒼雲鬱以興乃薄山之南光華洵尼絢異采有  
餘涵豈特日月章山岳所共含水雲興大澤漫  
漫復墨墨幻特亦屢煥氣薄不深覃迴顧此山  
岡氤氲天與參

與綬公

樹老花深門罨藤素牀長掛箸青蒼芒屨咫尺  
前溪路踏破秋雲幾萬層

禊日看牡丹同宋彥叔屠瑞之舍弟遠士

舍甥錢玄暉聯句

名花兼勝日此聚始能專止雲薄香初斂松風

輕枝未眠暉新紅畱蝶粉瑞嫩綠襯鳶肩止值

此姿偏艷遠因知人合聯叔觴流非曲水暉彥

石民賞心集卷之七

集匹前賢之簪會無佳卉今遊傳後年遠士

送秦僧編如禮普陀

松衫荷帶倚斜暉一棹衝波煙不分昨夜海風  
吹月上月光直照華山雲

送楊邦隆守維揚二首

春染山山雨染潮画船隔霧設生綃驪歌唱罷  
殷勤囑算負花時念四橋

其二

煙郭霏微草影新數株汀樹挽長津平分春色  
江南北人道江南帶到春

荅內病中作

相憐本非貌相信豈徒然君心如金石我意自  
年年

九頂山歌

河流泱泱莽不分帝使蒼龍劈九頂白雲一縷  
化濠水幻出真人破濛冥昨夜鬼工哭不休驅  
石民賞心集卷之七

霧浴峰峰影愁掛青倒紫碧冉冉陽精欲來雲  
自流

別內曲

炎風漲天日幕空前山馬背臙脂紅欲嘶不嘶  
斷橋東綠塵愁草入望中丈夫出門佩健劍霜  
光四射寒不斂玉甲魚鱗綻錦鮮雕弓弦月紫  
金轡自言一意報明主斬蛟捕豹啖獬獬吸  
斷天河瀉不流手撚營州一片土撥醅百甕霞

鵲鵲風情霜氣不禁含雄聲忽住低語出柳如  
煙淡水如藍鰓魚渴鳳愁許許昨夜幽光照人  
語鳳低蟬薄小雙蛾一意勸君鴻雁舉軟語盤  
得蛛網多男兒氣志將奈何長吁不出君自知  
小詩染血碧香羅算謂嬌郎癡若雲白日當心  
定報君情根種在雄心裏紅染荷花終不分顧  
曲周郎有小喬漳河臺畔障生絃白草秋藜古  
人盡如今重有霍家姚

有昆實心集

七夕任丘道中寄內

年年瓜果不曾陳每笑天孫巧未真今夜空閨  
過鵲駭天孫應笑斷腸人

道中作

煩暑驅車日愁同去路多未知安所爲自問欲  
如何顧影慙新月懷人感敗荷最憐明日事先  
向夢中過

次宛叔臨別再題襟上韵

二首

月午春濃花正齊梨花澹宕自重圍不知牆外  
東風好待月低枝呢壁題

其二

一枕秋聲萬恨齊秋聲慎弗到閒閨閒閨三夏  
多秋色不待秋時入句題

其三

不寐閒宵夢事齊夢魂不敢擾空閨裁詩孤驛  
無人咏剪燭蕉風催自題

石昆實心集

馬上佳人渡處逢

倭墮斜拖幾亂絲輕綃拂面影參差天憐馬駛  
相逢渡風妬波迴急斷維荷帶多情牽不住棹  
人何意力稍遲那堪隔岸遙畱睇也是疑眸惜  
去時

過靈璧題虞姬墓

意氣烏江欲盡時香魂何處逝波知漢皇終是  
多情者歸葬中原慰戚姬

下第十首

又是篝燈待撤闌。三年愁境一時歸。縱然浮白  
顏難赭。強去呼盧氣不飛。暗記更籌頻顧僕。忽  
聞雞唱自開扉。試看瑟瑟秋風夜。多少愁人露  
染衣。

其二

曉色將開雲樹霏。千羣秋鳥逐煙飛。馬騰別巷  
嘶聲遠。塵靜幽衢屐齒微。小戶徐推知信惡。健  
石民賞心集  
奴懶步識音稀。垂頭重向匡牀上。新淚仍沾舊  
淚衣。

其三

欲還閉戶更難支。匹馬街頭信所之。歌舞叢中  
偷落淚。觥觴雜至不知辭。友朋慰語聞曾熟。童  
僕歡顏強亦疑。最恨千鍾終不醉。眼看燈火鬧  
歸時。

其四

無端曉日瑞龍曉。禁陌氤氳事不同。蕭寂書幄  
千箇盡。宣填卜肆一時空。舊衫認出宮人手。瘦  
馬渾如御史驄。獻賦襄王雖白首。猶然興寄宋  
家東。

其五

參差雲影月如煙。秋漢娟娟冷院前。一霎歡聲  
俄不語。千端短夢總無眠。懶開寶鏡重占相。掃  
盡文心只問天。垂老孝廉同寂寂。如何相望似  
石民賞心集  
卷之七  
八

登仙

其六

謾學文望衆人先。塢影高懸馬不前。新貴足恭  
心更薄。故交分喜口難宣。同愁舊侶風雲日。失  
伴孤人雨雪天。一向怨尤今不說。懺求公道自  
年年。

其七

搢淚重登燕市臺。籬邊叢菊幾枝開。已知晚色

居人後猶喜新香順序來。觴政頻差賓從訝。曲終不顧侍兒猜。管絃算奏清商調。只恐傷人代我哀。

其八

每到秋風桂子垂。一番新事一番癡。慣將晚達牽人老。攬得浮名換衆嗤。故國猶然占夢日。旅人已是斷魂時。曉山晴月休辜負。從此長酬酒一卮。

石民賞心集

其九

客枕蕭然恐淚揮。攬衣無語自依依。偏憎淒雨增寥寂。又怪良辰助彼輝。癡夢不知猶獻瑞。驚魂未定尚疑非。卽能閒事來心上。省得無聊掩一扉。

其十

賈生前席幾曾虛。謾使憂天十載餘。報主有心羞自薦。酬恩無地賦歸歟。聊蕭龍劍難雙合。

寂寞珠鈴困五車。但願漢庭休論蜀。文園儘可老相如。

塞上偶憶唐人句。小膽空房怯長眉。滿鏡愁爲傳兒女意。不用遠封侯。因代內子各成一絕。四首。

小膽空房怯從來。君所知莫言君臥處。鬼磷滿原時。

其二

石民賞心集

長眉滿鏡愁春嶺。暗生秋幾欲拋明。鑑紅顏不自繇。

其三

爲傳兒女意。此意不須傳。若復相憐念。應憐未去前。

其四

不用遠封侯。江南足恣遊。麒麟空有画。燕子自巢樓。

寄瀟第九

霜鮮月重柳枝低無限清光人自迷迷裏不知人遠近清光亦似短牆西

王開美聞瀟第九在余齋中索飲值九已

去寄嘲荅之

自到長安不種花東鄰偕看日將斜主人偶爾關門出辜負零香冷水涯

第九有期先二日口占

石民賞心集

寒夜忽生春夢中應夢人明宵仍有夢歡際不知新

趙姬張第五與余交與余姬楚生交霞篤

壬子冬余忽去長安期晤路河畱衣示信

余遽去不及待歸而楚生逝矣辛酉余復

至長安已爲人家妓非由主人不得見主

人適他往余又忽去畱詩寄之

寶瑟銀箏樂未央驪歌一霎斷人腸前緣已話

三生石往事唯存半幅香夢裏悲歡君醒未醉中恩怨自相商有情箇箇休輕別輕別休嫌十載長

出都門

九塞烽煙不可聞顧瞻官樹鬱成雲依依積雪光無外莽莽疎林寒不分獨鳥一聲車馬裏野樵閒唱別離羣從今高臥空山去畱住朝朝岫雲

石民賞心集

道中東長安諸子

酒態閒情事事齊忽然馬上獨聞雞寒煙着樹疎林密剩雪粘天遠道迷千疊邊山侵碧落一泓止水冷青堤浩歸無可傷心處若是傷心奈愴悽

夢去

夢去春明久塵新客子袍人煙因雪壓月影避風高細領山川意安知道路勞自然成短詠不

是爲牢騷

道中得內書

嗟矣正行役何期得素書但云春廡下猶可勝  
皇居密意緘函外微言似嘆餘東山寧寂寞絃  
管不會虛

家兄彥先爲畱司光祿聞予出塞以詩見  
勉歸途得之賦答十五韵

驅馬滄瀛道漸無塵務紛曉生煙吐樹雪霽炊  
石民賞心集

成雲澹矣胸懷遠悠哉山色分披書憶情懷未  
啓挹清芬軫國長吁恨于余望懇殷胡兒兵待  
月漢闕士如雲不肯干 明主焉能事使君敢  
言龍可隱忍使霍爲軍但是熊當道寧客人策  
勲鍾山有隙地琴館久開斤雜樹無多水幽花  
亦間簣秋來固爽愷春至自氤氲鳳去誰能惜  
雁歸應有羣鳥欣衙散早馬恨出偏勤不負河  
汾客東臯慰所聞

道中先寄傳遠度

一自長安發但于徒御羣曉行霜罩雪暮宿炊  
連雲幽感歌餘露孤懷夢裏分古人誰可語此  
去尚逢君

辭薦初歸寄弟

榆關累代少胡塵豹戟霓旌一旦新肯使狄山  
當此地不煩婁敬議都秦祇羞滿世同軒霍若  
論千秋薄画麟白首老親雖賴汝讀書曾怪絕  
石民賞心集

裾人

清源除夕

誰逢除夕清源路半歲長安長醉人眼見東西  
交臂日猶然南北往來身雖離紫綽朝如蟻莽  
莽黃沙將作塵曉起定忘今歲事只憐辜負故  
園春

同友人旅夜

不宜月色月偏明窈窕牕櫺風透輕最笑五更



無一事各言夢裏似平生

石民賞心集

卷之七

七

石民賞心集卷之七

終

石民賞心集目錄

卷第八

繁華

子房祠<sub>首二</sub>

黃河道中

渡淮始

見紙鳶

歸隱北山示內

東遠度

無

題挽潘景升

綠桐引贈陳九鵬

贈

王十七季木

掩卷自題

哭陳元石<sub>首二</sub>

漫歌醉中傳遠度張文寺喝韵作

同

季木遠度卜隱居于玄武湖北

馬遠之

石民賞心集

新買侍姬王新伯沈農長見訪

江上

送人

曉鬟十二樓歌爲余集生司馬賦

孤泊漫興

春日舟中

姑蘇訪錢時

將不遇

與吳趨顧較書<sub>首二</sub>

過季父孝

若先生潔溪山居同得歸字

采桑謠問

答<sub>首二</sub>

與舍弟溪上論史

妾薄命還

山酬舍弟作次來韵<sub>首二</sub>

冷香

酬宋堯

谷先生見贈作次來韵

梁無它禮部見

過王新伯欲歸隱武陵口占畱之懷

王子雲

與阿鳳

貽曹元父

白下東

人小鸞催妝詩爲宋比玉公婦後置姬

賦<sub>首二</sub>

潮兒怨

別白下將隱包山吳彥

先亦歸海陽

賦得超舉步絳霄

賦得

清泥美熟芝

侯獻之司馬招集木末亭

代人別內

白下送幼晉宗侯遊江南

題內人宛叔枕<sub>首二</sub>

石民賞心集

卷第八

卷第八目錄終

石民賞心集卷之八

防風茅元儀止生著

繁華

依舊飛觴依舊歌。侍兒爭怪易顏酡。胡塵遮莫能張日。漢月何心付逝波。蕭寂漸令魂夢慣。繁華俱向意中過。江南紅藕花將發。領取新香與薜蘿。

子房祠

首

石民賞心集

卷之八

何煩孤廟在河陽。辟穀空山白晝長。垂老通侯愁呂雉。報韓却爲漢家忙。

其二

不爲韓王送沛公。河南早已屬重瞳。算誇黃石書三卷。到底終收一擊功。

其三

從來策士口如雲。一擊當初是否君。圯上老人還殉葬。沙中壯士欲論勲。

黃河道中

濁河掀日月。朦朧好伴孤舟。一夜風帶霧立檣。疑塞樹斷霞趨岫。似歸鴻夢閒。遍遇存亡友。酒重無端悲喜中。慚愧春光不相厭。相隨相送到江東。

渡淮始見紙鳶

時淮上少年從軍新貴

一派春光起眼前。紙鳶無數趁晴煙。可憐本是輕浮物。憑藉東風也上天。

石民賞心集

卷之八

歸隱北山示內

樹冒青光水冒香。北山一縷白雲長。焦桐響斷江流沸。鐵管吹迴雀翅翔。只此尋常閒洞壑。自來多少好行藏。鹿門本是先人志。靜夜閒分書半牀。

東遠度

方塘小沼自悠悠。哉海沸江傾。龍子哀長劍。拔時仍就室。短詩題罷卽成灰。不多春酒隨風散。一

雲幽歡逐夢迴事事無端還自笑獨君相對不相猜

無題

瞥見聲聲唱可憐  
驀裝銀甲試新絃  
待霜未降柑先熟  
滴水無心珠自圓  
春柳向風迎欲舞  
秋葵見月只思眠  
料應天上曾相待  
不是今生花底緣

挽潘景升

石民賞心集

歲歲詞壇失舊人  
雖同浮夢獨精神  
一琴長掛人原賞  
萬里行裝不染塵  
蠟屐齒高渾忘老  
買花錢有未知貧  
珍重後來詩酒客  
負君風雅負芳春

綠桐引贈陳元鵬

綠桐風起吹撲天天上  
龍吟杳入淵人間  
弄琴空爾爾海濤秋月別  
有仙推倒金人鑄長劍  
一閃餘光玉可剗  
不見秋鴻倚半天  
滿霄紫焰如

飛電知音何處算  
相思一彈再彈萬古悲磨劍  
照身長短知孤軀  
耿耿能自持晴山歷歷在江  
上上有白石大如掌  
此石石工應不採得見江  
流常泱泱有時江月逝  
東海石可補天天慷慨  
贈王十七季木

天藍秋杳星燦燦  
明月如璫繫長漢  
魚牽石髮羽暴霜  
長枝短草淺水畔  
醉花春意雖如水  
歷秋容自可喜一夜天  
開啓蕩風天讓海濤高  
石民賞心集

半指此時狂奴休  
岸幘造化有權人  
失魄小閣閒牕坐者誰  
無言撫几如平谷

掩卷白題

閒月孤牕寂寂身  
不知姓字萬年新  
他時料得人思我也  
似今朝我憶人

哭陳元石 二首

健劍如霜謁帝州  
醉中往往欲封侯  
羞爲亂世儒冠客  
白日騎鯨上玉樓

其二

度遼未見將軍略  
論蜀誰爲司馬文  
君去定居  
高帝側孤臣竊嘆可曾聞

漫歌醉中傳遠度張文寺唱前作

月紅天穉風蒼蒼  
海雲作帆濤作檣  
雕簷繡屋  
玳瑁梁東畫胡人西畫羌  
將軍掠陣健兒裝  
雷霆電剌天開故疆  
像在麒麟顏色香  
紅巖青壑書  
半牀猿臂小兒空斷腸

石民賞心集

卷之八

五

同季木遠度卜隱居于玄武湖上

澹煙輕日碧  
青荳曲折湖山第幾層  
已愜素心  
如所夢恍疑宿世尚爲僧  
潛身非敢忘  
明主  
避地終猶戀  
孝陵雖共故人休  
話舊落花盡  
日昏枯藤

馬遠之新買侍姬

月帷霞裯別風流  
叢紫紛紅春自幽  
不俗光華  
珠銛落依然安妥  
玉雕鏤謾言兒歲  
諸般戲徐

揆歡情仍半羞  
曉色常過香夢裏  
故人戰酒暮  
添籌

王新伯沈農長見訪

淮浦湘江客  
興殘小航翠箔碧欄干  
詞人相見  
兵戈裏  
日落昏黃春水寒

江上送人

煙光春霽後  
遠鏡插雙屏  
江界千林綠  
雲降衆  
嶺青幽心憐逝水遙  
睇託前汀  
澤畔離尊醉從

石民賞心集

卷之八

六

今不獨醒

曉鬟十二樓歌爲余集生司馬賦

玉管笛春春不暮  
春日牽絃復穿露  
纖煙嫩雨  
入晴池含顰自數  
長廊步蝶駐花屏  
簇紫青閃  
沒紅巖  
闢石靈墜影  
山塘漾錦鯨  
鮫芙蓉無色羞  
自榮一聲羯鼓催  
花齊草茵展  
破花如泥斜倚  
碧欄看不足  
黃鸝不語馬不嘶  
蟬衣麟帶金門  
客偕得春閒  
弄天隙纖腰重遶  
一身輕酒沁歡

腸酒失魄銀炬灣東笙管微低簫淺唱脫舞衣  
疏櫺香網重門掩雲髮鋪春光比琰夜短夢長  
空惘惘粉褪香消月相染露翠鮮紅逐曉妍瓊  
籤聲斷辭牙算一夜幽光鎖澹愁憑空散作霞  
千點

孤泊漫興

千洲蘆荻一孤舟不忿淒涼且罷愁夢借玉妃  
春色看醉從金莖曉珠求燕山萬古名王懾渭  
石民賞心集 卷之八 七

水終朝真主遊意氣繁華都已遍興殘仍付夜  
潮流

春日舟中

黛草碧梧桐溪溪信棹通驚帆醒午睡平水任  
春風陰綠如沉夢披湖似曉空煙籠山轉處幽  
想正無窮

姑蘇訪錢時將不遇

碧樹藍溪拖棹行平煙蕪綠意中生小樓虛敞

幽人出獨上憑春吹玉笙

與吳趨顧較書 二首

親栽嫩柳小紅橋送盡行人翠盡消酒幔花帷  
算惆悵移來重傷舊長條

其二

寒山石色一天秋春到楓江月罷愁簪日酒徒  
隨月散寒山只在最高樓

過季父孝若先生潔溪山居同得歸字

石民賞心集 卷之八

平岫敞高扉迴岡延落暉澗縈疑帶雨翠軟自  
親衣隼影過堦靜松聲雜瀑微蟬嘶催柳老蜂  
散逐花飛層綠着煙澹殘紅暎水霏蘭堂清夏  
氣松園待秋肥既快一朝意願言終歲依躊躕  
商略際夜冷野香歸

采桑謠問答 三首

榕葉深深罩淺溪采桑人與短桑齊小姑隔水  
遙相喚可奈蠶飢兒又啼

其二

夫年三十敝廬居縱得兒成二十餘膽碎五更  
催課吏蠶眠蠶起獨關子

其三

方今 天子獎從戎繡帽蠻衫錦勒驄辛苦一  
年燈下織不如犬子早如熊

與舍弟溪上論史

奕子三百六古今無同局往事亦如此論者任

石民賞心集

卷之八

九

反覆踣步遵聖軌何異徇流俗但告越江人莫  
遂趨平陸驪裹日千里不能勝敝軸一航寄滄  
海六函在微囑溪風來不休緒論無短促

妾薄命

高麗與日叅棟下無微陽嚴霜冒溫泉竟晷無  
微涼宛轉枕君股不得君心腸亦然曲智意所  
蹈愈周章攬衣空躊躇掃眉重毀妝約結無可  
籌還復強徜徉算言白草腐草腐生螢光獨有

君恩薄瀝酒覆殘觴

還山酬舍弟作次來韵 二首

遼陽赤羽入燕京問道伊誰肯結纓帳下美人  
休楚舞牙前奔走捷胡兵千秋喪屢遺 孤主  
百戰山河藉一城家本秦川多感憤建安諸子  
薄勲名

其二

依依仍向舊鷗汀山到江南寸寸青翊漢羞尊

石民賞心集

卷之八

十

黃石訣占天祗識少微星傳家自有勾餘業仙  
籍何如絕域銘絳帳馬融親不逮故能伸紙草  
忠經

冷香

冷香寂寂度春邊自有幽光徹遠天夜靜碧空  
無可對不如籬畔露枝鮮

酬朱堯咨先生見贈作次來韵

笋脯初成葍作羹侍兒又報藕初生不爭未肯

看蟻陣癖懶還憎弄墨兵寂寂久曾貽鄧笑棲  
棲何必効終纓醉鄉亦有封侯會午雨朝煙月  
二更

染無它禮部見過

莢苑推同調相逢却論兵江山無霸氣耕釣有  
餘情水影將春闊蘭香從市生秦淮忘不得誰  
爲掃攬槍

王新伯欲歸隱武陵口占畱之

石民賞心集 卷之八

茶竈詩筒蠻繡敷滿天明月一孤槎桃源本爲  
避秦去今日漢家春正賒

懷王子雲

白日當天情人當心雲根萬株石笋千林夢而  
見之庶幾披襟思而不見恨與月沉

與阿鳳

面似明瑄心似鐵秋棠花上寒秋月擲破霞觴  
語王母鳳簫吹咽天河竭自從一語驚英雄遂

教千古無顏色

貽曹元父

奕奕瓊巖間翳翳生玉潤燁燁靈津上芳滋耀  
玄鬢豈復貸餘枝自然能四汎大道管已承至  
人高嶺振邈矣巔與淵荒途疑衆擯豁朗山水  
前伊人聳軒僑我管採芙蓉不與野蒿瞬今乘  
斷蓬流聊復喜朝薜所性雖不違驚馬絕華駿  
况值珪璋資鬱鬱發重燼披裘無畱思狂言啓  
芳訊算言大海迴不羨山泉鄰

白下東人

澹山澹水六朝餘客食無魚出乏車但使遊心  
還亦澹燕磯秋漲好徐徐

小鸞催妝詩爲宋比玉亡婦後置姬賦首

夜靜秋空縱所如白煙蒼藹廣寒居若非孤雀  
翔天半那得雙鸞下紫虛

其二



檻倚秦淮月一鉤。那堪鄰女弄笙篌。今宵不改  
殘秋月水膩。山春別樣柔。

潮兒怨

潮兒比玉侍史也  
以小鸞至而怨

自許情人信似潮。潮兒日夕到江橋。休嫌此日  
潮慙信。爲有東風送桂橈。

別白下將隱包山吳彥先亦歸海陽

景陽宮裏五更鐘。半夜江帆山萬重。我欲洞庭  
千顆橘。換君黃嶽一絛松。

存民實

賦得超舉步絳霄

仙臺映神華。奕奕太霞姿。吞吐八雲氣。玄唱自  
無垠。林墟有高會。來者先後時。日鋒騰異彩。羣  
象無疾遲。之子攜羽襟。亦如朝暉移。靈岳粲掌  
上。巨海凌狎之。顧瞻役役者。矩步曠四垂。四垂  
邈矣哉。至人忌危枝。苟非闊視步。焉得離隘卑。  
一步敲天關。再步升帝墀。世人空翹首。壯士軒  
鬚眉。軒眉亦何如。王母應見知。

賦得清泥美熟芝

仙人矯掌遊。所志在靈草。身騎白鳳凰。終朝遍  
十島。玉簫金瑟聲。可聽不可考。瑤輶來逶逶。相  
遇曾城道。各復停帝旆。勞以安期棗。棗大有如  
斗。啖之清灝灝。無以咎明貺。水碧在芳藻。更復  
指崦山。青泥藏異寶。皇人劉瓊花。花片不復老。  
結形爲熟芝。月華兼日杲。攬之不盡把。紅顏可  
長保。仙人持此策。丹壑瑤芝葆。豈愛一根株。感  
子在懷抱。客自碧山歸。遇之三致禱。豈敢貪長  
生。持以遺吾媵。一笑擲與之。天關春浩浩。

。侯獻之司馬招集木末亭

中樞軍晏俯層城。霜角橫風畫鼓鳴。帶霧江疑  
長水闊。初晴雲吐萬家生。別開野艷移常賞。幻  
出幽光似夢成。盡說荊州堪託主。秦川羈客獨  
關情。

代人別內

楊柳風前離別情膠膠角角雞正鳴可向空聞  
教歌舞功成歸日挾雙箏

白下送幼晉宗侯遊江南

勞勞亭外路茫茫夢到江南水一方君去看山  
渾似夢夢閒却爲看山忙

題內人宛叔枕

二首

月影娟娟牕角生數枝花影若相迎他年高臥  
五湖上一枕春風任曉晴

其二

夜闌酒罷歇鳴箏好夢初來曉色生我已聞雞  
慵起舞知卿猶未忘雞鳴



掌記六卷

〔明〕茅元儀撰

明崇禎刻本

北京圖書館藏

掌記序



茅子旣廢之四月感於客之言  
闔口不譚古矣客非慮我譚  
也慮其譚古而觸于今也非慮  
我之譚也慮聽譚者生禍福我

掌記序

不可爲主也然茅子性不耐閒  
以爲極天下之禍至於死然不  
甚于閒而且不敢讀數行書出  
一語也姑置其禍可已然終感  
於客之意僅記之于掌以掌我

之掌也握之則妻子不能見舒  
之則運天下如反然其事亦碎  
矣以我之掌小不能及大也

崇禎戊辰秋半石址山公題於

范陽借顏閣下

掌記序



掌記卷之一

防風茅元儀止生著

本朝每一帝昇遐則纂實訓實錄各一部實錄者記其事實訓者記其言事則兼臣民言則惟謨訓世宗於隆慶六年正月下旬不豫二月十二忽出視朝諸相趨而往則已下金臺怒而欲出執高文襄拱手語不甚了了文襄固請其所以怒曰甚事不是內官壞了此言何其簡掌記

卷之一

一

而盡可以式子孫戒後世實訓却不載

大將在外苟非宰相爲之中主未有能成功者其所爲中主不特功罪糧餉而全在爲主張用人隆萬間戚繼光薊門修築之功甚大蓋國家之薊鎮原倚朶顏爲外藩自朶顏貳邊備全無故烽火每照長安得繼光修邊築臺所以數十年無警此功當封至天啓初首輔葉向高始爲一明之然止得加廕而已當時主張之者惟江

陵相公張居正今觀新鄭相公高拱所載一事在高自記其玄黃本末以爲足暴張之短不知張之主持邊事愛惜人才信委大將以成一代之業具見之矣至謂江陵曾受二將之賄此理所必無若戚大將軍時有問遺此不足諱也其言曰隆慶辛未正月福建巡按御史杜化中叅論福建將官金科朱珏贓罪重大先該巡按論劾兵部覆行巡撫衙門勸問國朝二百年曾掌記

卷之一

二

未有巡按所劾行巡撫勘問之理而巡撫何寬受二犯賄乃不屬按察司而屬運使問亦未曾有運使問刑之理二犯遂得輕縱然尚未結又各持金送總兵戚繼光接受遂爲奏行取赴京聽用准兵部咨行福建巡撫衙門將金科朱珏督發赴浙江聽副將胡守仁督同選兵完日統領往邊納賄招權支吾賣法情罪甚重荆人見奏面如死灰額有泚鬱鬱咨嗟不已曰戚總兵

已站不住了南兵不必選罷連日皆然予不知所謂因訪之則知此事乃荆人之爲也荆人久招納戚繼光受其四時饋獻金銀寶玩不啻數萬計皆取諸軍餉爲之者又差心腹頭目錢佩等四五人日在荆人宅聽用喘息相通倏忽而至荆人極力庇護凡朝廷機密動靜與士大夫向背一言一動當時卽知之此人所共知者金科朱珏富甚久以賄投戚繼光門下前被論時

掌記

卷之一

三

卽納賄求解而繼光遂奔入荆人家各餽千金荆人特令兵部覆行巡撫勘問而又作書何寬令其出脫而繼光仍復取用皆荆人展轉爲之及見化中奏以爲化中知其底蘊也故皇急如此然化中河南人荆人疑我知之而不知此乃隆慶二年事吾尚家居則何繇知也又恐有人因而大發其事日夜不寧旣力囑兵部將繼光開豁不問二犯胡亂了事而何寬則當吏部題

覆荆人不得已先飭予曰化中事公不知耶予曰此事在予家居時化中在萬里外吾何以知荆人曰吾始以爲公知也連日熟視公動靜公實不知矣今乃敢以情告二將皆可用吾故扶持之欲得用也前兵部覆巡撫勘乃吾意吾亦曾有書與何寬今若如化中言吾何顏面願公曲處予曰彼既有言何以竟不問今只令聽勘勘來便好了也遂如此處荆人雖幸了此事而

掌記

卷之一

四

踪跡已露心愈不安矣觀此則化中之奏實新鄭嗾其鄉人爲之傾戚大將軍因以傾江陵也以新鄭之高明頗知將相相倚之理欲搆武安魏其之事遂不顧大義況其它小人乎苟非大心大力真爲國家之人孰肯主持大將之事以成國家之業乎蓋將爲羶物言受將賄必言扣軍餉以將較非士大夫無得錢之路耳得錢之路多者反不羶奈何

高新鄭病榻遺言其事不甚誣然其言自處則亦有大滲漏不特誣戚繼光一事也其云臺省欲言江陵予聞之乃茫然曰上病甚聞荆人害我事必盛怒茲時也安可以怒聖懷且它人事有閣臣處之荆人害我則何人爲處必上自處也今水漿不入口而安處乎此正以上旣水漿不入口則事關內閣必自中處馮保得爲輕重而已必不勝也此誰欺乎二公皆相才其

掌記

卷之一

五

水人事自皆薄德正不必曲爲之辭愈損光明也

欲著書須先通古雖稗官小說不妨雜記然開口便村此三家村兒童何遂敢執筆記事劉昌縣筭瑣探大約鄙俚無識姑言其二事如記王靖遠驥陣法五人爲伍以至二千五百甚詳乃云所言軍陣法不知本於何人要其所自得爲多也書生縱不知此本頭話亦未嘗聞乎此

其人未曾讀書也又曰予嘗至南內於戊字庫見古銅器一事如劍而無刃平直首微稜下有靶長可二尺闊僅及寸皆嵌銀作童子奉牌舞上有古并聶家四字面嵌銀題曰模稜難斷佞臣頭碎首翻成百倍憂解使英雄生膽氣從今不用古吳鉤當知此君不識此器耳咎人誤以吳鉤爲劍有辨其吳鉤非劍者甚詳此正吳鉤也不識其器亦不聞此言耶

掌記

卷之一

六

太祖慈孝錄曰朕觀宮生之君好內山林之士任爲股肱牙爪暴貴其身致君牽制文義優游不斷國之危亾非迂儒者誰其於革除間何洞若觀火也可爲千古之鑒已

今年崇禎改元首輔李國楷疏以章奏煩冗不便聖覽乞令照宋故事貼黃已得旨李公邀予謂曰貼黃一事往嘗於歐蘇集見之不得其詳今幸爲考定可以頒行余曰貼黃者蓋前



疏之意未盡故復申言之卽書札中之再言也  
今欲括其大意不如將要緊情節以小紅紙籤  
之如高新鄭請將案呈到部以後紅紙籤出之  
意而不必拘定只以本人自籤其意自不致滲  
漏而又無此輕彼重之弊李公曰我意正欲括  
大意作數語不許過百字以便覽耳今其法已  
行然不當謂之貼黃蓋於字義不相合也而近  
頗有此輕彼重之弊矣蓋全疏發抄而貼黃者  
掌記 卷之一 七

可不發抄故意所輕重游移之李公當思我言  
矣

高新鄭於 神廟登極時論閣體一疏於 君  
德政體俱有關係獨中云伏望 皇上命司禮  
監除民本其餘一應章奏俱發內閣看詳今通  
政司於民本每十始置一甚爲壅蔽而又獨不  
發出內閣看詳何耶

太祖於宗室子未嘗有廢置不用之說故 皇

明典禮中令鎮國以下量材選用不拘原授官  
制此卽唐宋以親王而官六七品官之遺也但  
制自鎮國以下亦甚有裁制近日開宗子科舉  
例大合 祖制朱慎釜以天啓壬戌登進士此  
其始應選縣令以宗子改授中書舍人後媚璫  
上疏以不與考館不許考選爲頌其人甚負  
天潢然旣許登第又爲之限制非法也宋時曾  
有宗子不相之說亦豈得其平乎今年有預館

掌記

卷之一

八

選者矣然不當禁其清華亦不必優以內選方  
爲法之平管靖江王守謙于 太祖時出知東  
平州此卽爲有司故事也壬戌當國者自不知  
此耳

虜知中國利與款故每入犯亦終不絕和議以  
我必求和於彼則其所掠直得之賂遺外耳掠  
而仍來和也且以和之說寬我之防故自漢時  
卽每掠亦每通書疏我固不絕其和若恃而弛

備則謀國者不忠耳近日插箇絕和將犯我尚恃和而不力防其大同之圍所失二十餘萬矣猶爲言和之說所誤諸公不通古獨不見正統間乎我軍困於土木之時猶使使持書以求和爲言召曹鼐草勅與和遣二通事與虜使偕去遂移營而爲虜所掠虜臨陣猶言和其可信耶

國朝典故凡未入流官皆得與兩試故曹鼐以典史中狀元又有張驛丞者成化間中山東鄉掌記

卷之一

九

試如此者不一卽唐宋時任子授官尚可登科及已仕州縣猶得試制科不唯廣人才亦不使上官太凌辱小吏最善法也未有禁止之條特相因不中遂無應者惟教官一途猶得與近年冷姓者舉南畿若非孫公承宗典試衆皆欲易之矣此在南畿浙江絕少似當申飭者也近年武弁凌夷九邊叅遊以下見按君皆呼老爺矣惟京營者雖佐擊亦稱巡視科道爲老尊

長李文達天順日錄紀曹欽之變其衆已砍李一刀又打一刀背欽見之連呼曰尊長此想祖宗時武弁隆士大夫之槩稱也尊矣長矣亦足矣何必老爺耶

世俗以老爺爲尊爺次之此以少一老字猶可也以老爺爲尊以老爹爲卑又次於爺此何耶見舊案牘中凡招詞俱稱某老爹今則俱爺矣惟六科尚稱老爹其都給事中曰都老爹寃參與爺俱父之稱南方又有稱祖爲爹父爲爺者何所見此獨尊爺而卑爹耶

掌記

卷之一

唐宋人君未有不親政事者上下揆隔始於我朝至神宗而極矣然前輩謂始於成化蓋二祖創業辛勤無論矣卽仁宣亦守祖宗之法正統初雖爲王振所專然規制不盡更也英宗嘗言景泰全然不理政務或用人陞官明日謝恩不知所自文武大臣未嘗接言上

下之情如何得通然則成化之前惟景泰開此風矣至天順復辟則又勤於政事自言一日之間五鼓初起拜天雖或足疾不能起亦跪拜拜畢司禮監進本一一自看朝廟行拜禮八廟皆然後出視朝退去朝母后畢復親政務既罷進膳拜天拜廟拜后而後視朝此 祖宗規矩莫有廢之而 英宗每日如此較之唐宋隻日對大臣爲憂勤矣唯成化不親出決政故 孝廟

掌記

卷之一

十一

召對史遂載爲異政然亦晚年方頻也 世宗未嘗不親決而每在西苑 祖宗規矩又一變矣 神廟惟法 世廟之靜攝而更無西苑入直上下更相揆甚至閣臣數年不得面方從哲吳道南因張差事召戰齒相擊道南且遺矢矣上入宮歎曰此二老了事不得益 上亦此日方識二相也及天啓間朝講不廢而 主上從未發一德音卽有欲言亦在講筵散時使內豎

傳 旨焉得不權歸璫耶 今上力復 祖制日 御文華此是舊規矩耳而聞諸輔反以爲苦矣欲居大位又好逸惡勞豈可得兼耶

小人爲大害於國家未有不假公忠以爲嗃矢如王振初時禁絕宣德間內官起取花木鳥獸之弊劉瑾禁內臣不得恣肆卽如魏忠賢清弊待下亦甚爲人所稱故假此以行其大惡士大夫孰不知假事立名論忠奸者當觀其大未可

掌記

卷之一

十二

輕口許人也

陸容曰通政司所以出納王命爲朝廷之喉舌宣達下情廣朝廷之聰明於政體關係甚重也洪武永樂間實封皆自御前開拆故奸臣有事卽露無幸免者自天順間有投匿名書言朝廷事者於是始有關防然其時但拘留進本人在官候旨旨出卽縱之未嘗窺見其所奏事也後不知始於何年乃有拆封類進及副本備照之

說一有訐奏左右內臣及勲戚大臣者本未進而機已洩被奏者往往經營倖免原奏者多以虛言受禍 祖宗關防奸黨通達下情之意至是無復存矣可勝嘆哉此載在菽園雜記考據極確事機甚中 明主中興所當舉而行之昨年貢生錢嘉徵論魏忠賢疏投通政司十餘日而呂圖南不爲上胡煥猷提問後亦有再疏而呂圖南終不爲上余論湯賓尹馮銓駁徐景濂

掌記

卷之一

三

疏楊紹震百計阻之難余自會極門投入云老先生係在京官應從門上余曰老先生不駁乎曰我言之已余卽以此言入疏故 上亦不問然疏上第二日徐景濂卽令人詰云見通政楊爺聞有疏見駁蓋不惟不上卽告人矣此通政特爲阻當言路漏洩機事之地耳唐宋上疏亦無投藁政府之理故論大臣疏或畱中則有自申繳省院者今則投揭政府又及相關衙門如

該部該科之類御史則與掌院河南道近日御史饒京論張維樞投揭署印侍郎丁啓濟致洩因至爭訐而內閣又欲人具一揭各爲爭權之地此當申明一槩禁革古宰相亦平章軍國未因無揭而事不舉陳宜中等六君子上疏言時宰始有諸生章疏要前廊生看詳皆末世法何可行也

掌記

卷之一

古

掌記卷之一 終

掌記卷之二

防風茅元儀止生著

今呼縣令及州守之自轄曰父母自郡別駕節  
推州刺史統轄以上以至總督軍門皆曰公祖  
其義未嘗不通然官於其省則或數千里之遙  
無一事之涉亦然不知始於何時亦太濫矣嘗  
見韓襄毅所刻平蠻全書廣東人亦未嘗稱治  
生也又見何元朗士俊四友齋雜說每稱郡縣  
掌記 卷之二

先生亦未必聲聲道父母公祖也然近日每有  
本轄士民不在言路而輒論其郡邑長卽其人  
可論然爲其上者不亦難乎口日卑而體日凌  
矣  
何元朗曰京畿民家羨慕內官富貴私自奄割  
幼男以求收用亦有無籍子弟已婚而自奄割  
者禮部每爲奏請大率御批之出皆免死編配  
口外衛所名淨軍遇赦則所司按故事奏送南

苑種菜遇缺選入應役亦有聰敏解事躋至顯

要者然此輩唯軍前奄入內府者得選送書堂  
讀書後多得在近侍人亦頗重自淨者其同類  
亦薄之此想是嘉靖以前事也今不知軍前奄  
入之事亦不聞將私奄者發淨軍及種菜之事  
只遇選時群數千人於長安各以經得之不得  
者每至鼓噪則嚴旨以逐之余幼時在京師見  
士人家往往役奄童曰官兒其人不受雇直只

掌記

卷之二

二

冀臨選時爲送入皇城耳至忠賢時每收數千  
人其進甚易又不必此矣今往來燕趙間見民  
間幼童私奄者更多蓋相傳以住宅子喫白米  
飯爲受用而近更得用事又無厲法以禁焉得  
不盡趨之哉此律不修復奄人之多日甚一日  
必又有袁崔之徒起而乘之矣

菽園雜記曰南京各部皂隸俱戴漆巾唯禮部  
無之以洪武中皂隸嘗晝寢故也今南京皂隸

俱無戴漆巾者豈又嘗晝寢耶此未必然今皂隸唯南方有戴巾而北方絕無卽南方者製亦各異儀文不一 國朝爲甚不特一皂隸也

翰林待詔一官 本朝極重故解大紳爲之卽以此官入閣不改它官也唐宋時待詔則技藝之士皆進矣 本朝有武英仁智等殿以處雜流故翰林不溷雜未有過 本朝者何元朗自爲翰林孔目却不考究乃云待詔有能摹工畫掌記

卷之二

三

得者又曰孔目爲相公典客此絕無之事何草率筆之書耶 趙文肅於嘉靖庚戌虜薄城下所論三事一請開損軍之律二請釋周尚文于獄而用之三請釋楊爵楊繼盛 世廟心銜之故事急時用之事罷卽謫典史然三言雖皆當然前事切於兵後一事雖所以鼓舞人心而於此時急爲此言似乎挾要亦非人臣納牖之道也故 神廟時

有邊警人每以請釋劉光復爲辭光復自應釋豈釋此足以了當邊事乎此所以愈啓 人主之厭也

四友齋叢說記嘉靖初纂修 武宗實錄差進士訪求事實故蘇州府聘楊循吉主之其所修有吳郡纂修實錄冊凡例可觀隆慶間改行提學行郡行邑行學學官令做禮生秀才扭捻進呈此是 朝廷大典章便差一纂修官所費幾

掌記

卷之二

四

何乃斬俗小費而使 世宗四十五年大政令與夫郡縣官師人物地方大事不知寫作甚麼模樣也此言甚得體天啓初將修 神宗實錄時以進士缺少議用國學名士此果得名士亦復勝進士庸庸者但恐有倖而乘之然自在當事畱意耳後仍用隆慶故事今因循不改甚可笑也

王端毅署門曰今動輒曰贊儀贊儀而不羞于

入我寧不自恥哉近日劉鴻訓語 主上曰饋遺猶可賂賄當禁人安敢不饋遺之哉饋遺多次而厚焉又何必復有賄賂哉此光祿卿家兄瑞徵之禁酒也家兄頗雅量恐悞事戒之止以三杯然不制其杯之大小也則或以斗進矣又曰每席三杯或勸之自堂及軒及庭或徙而齋而亭而閣而山涯水洙處處三爵亦半酣矣處處三斗竟沉醉矣此饋遺賄賂之說也劉公或

掌記

卷之二

五

未思耳

劉吉之姦至 孝廟初已破敗矣與萬安同爲鄒智所論智直聲震天下公議已白矣乃侍讀張昇論之科道交章劾昇指爲輕薄小人致何喬新贈詩有任詆西山是小人句又何怪今人好附會宰相論人耶近日附四閣臣論胡煥猷而李國楷臨去之時用余一言極稱煥猷爲請復業優敘遂得 俞旨不知附者亦有悔否

劉灣曰死是征人死功是將軍功猶言所殺傷者勿論而止言捷獲以論功主將耳近日大將趙率教爲陝西叅將報一哈首功於子光遠名下爲人所訐僅從賞格近錦州之役復欲分驍士羅守廉功一級與其次子守廉有難色遂斬之守廉者勇士曾爲盜當斬督師孫公承宗見其勇釋之使前鋒自贖曾於大凌河手斬西虜公臨去邊日驗級而行在錦州復手斬二人遂

掌記

卷之二

六

及於死嗟乎士焉得不怨乎前率教守前屯嘗教銃於教場士皆北向放銃幸不中率教亦不敢問自是不復下教場矣蓋其人頗有幹辦才而所至府怨難與共事今復使爲遼帥不知何所終也

陸粲庚巳編云南京貢院錦衣紀綱宅也或云生瘞其下至今每鄉試時舉子入院輒有聲自地中起歷諸號房如萬馬騰躍者云陸公舉於

南畿其言當不謬然近不聞矣豈其精爽滅歟  
獨乙卯初場至四鼓滿場聞歌嘯喧囂如數十  
客轟飲者聞者甚衆其年溷中忽有魚躍出此  
予所耳而目之者是年沈同和舉於中明年以  
假元事辱大典友人范汭作溷魚謠以記之  
虜人獵虎先羶束人形拋其前虎怒攫而踞坐  
不少舍然後射殺之處州多虎食人友人縉雲  
令王懋鋐嘗輯格虎法以教其民此亦可補入  
掌記

卷之二

七

也

嘗見南京齊庶人諸女皆稱使長不解其義偶  
閱庚巳編紀平保兒小河之戰幾中文皇後  
訊之曰倘相及何如應曰臣欲生致使長耳蓋  
國家沿元氏舊俗諸皇子皆呼使長故也

今劇中虜每呼其下曰小把都兒一日偶與新  
城王致有談及王生曰此猶言管事人也實不  
然把都虜中呼好漢也故至今虜嘗以爲名見

譯書中

都督都指揮等官雖定於洪武初然其稱謂與  
今亦有不同如稱都督府僉書曰某府僉都督  
都指揮使司僉書曰某都指揮司左封印右封  
印皆見於張紱雲南機務抄黃嘉靖間會議疏  
列五府銜僉書與帶俸者槩稱管府事今錦衣  
衛堂上槩稱管衛事亦此例也

洪武間平定雲南勅潁川侯等甚詳細然其末  
掌記

卷之二

曰此等料度皆是我坐家說不知可行不可行  
軍中自從其便此爲 聖天子御將歟

今河套之失全在搜套之典廢故更不可收拾  
蓋每年冬時延綏合諸鎮之兵入搜故虜不敢  
久住每行甚有利故私從者甚衆後禁私從者  
人寡取侮故遂止以此遂棄套與虜此人所習  
知也然楊文襄一清再起三邊總制時極言搜  
套疲馬費多得一二殘虜得不償失文襄諳邊



事然此言與唐休璟謂三受降城不當築何異故當國者籌邊當熟察之於理無謂老馬識途槩從其言也

宣帝之棄安南此我朝大業之首虧也往嘗著論歸罪三楊而文貞爲甚後世必有是我說者然考之黎季犛卽胡一元黎蒼卽胡奎二人弑主攘國侮上方命無罪不有而文皇乃赦之季犛謫戍而子蒼及姪俱至工部尚書何也

掌記

卷之二

九

唐文皇好官列國之君以爲能屈辱而用之豈用其餘策耶文皇首用李密叛繼而突厥之下亦有叛而入御幙奪廐馬以遁者此弑逆之賊且欺我而誘其主還劫而殺之其時季犛爲上皇澄爲國主較之突厥又不同其可恕耶國朝設賞格而負之始於逆濠時許封侯而止封王伯安以伯此讀律之悞也律云文官非軍功不得封公侯蓋伯爵不必軍功也故金濂郭

資於仁宗時贈伯而不贈公孤蓋以公孤貴於伯也及平播之役開疆三郡而設賞者遂與封伯之約神宗久不報不測聖意一日忽傳聖諭謂爽約之非沈文定一貫嘗延先府君議之府君以爲當行聖意而文定不可故至今建州之役懸國公之賞而人莫敢信也頃上諭督師袁崇煥曰封侯之賞朕不敢吝當亦未知舊懸格耳然人意得伯卽爲不爽矣懸格

掌記

卷之二

十

而負之國家第一秕政也

弘治乙丑廷試上焚香籲天於後宮今崇禎戊辰會試亦然不知兩科孰得士也

景泰寄英廟虜庭書內稱宗親諸王皆統率人馬赴京衛護宗社此是脅虜之言耳然有遺珉王諸王書內稱京城危急之秋尚賴曾叔祖宗室至親念以宗社爲重命將統率精兵不拘多寡星馳赴京以除虜寇以安國家期在旬

月畢集會合懸望懸望仍自鎮靜固守藩疆專此奉達夫宗藩無兵久矣何作此語豈恐諸王有舉動不得不先及耶或重在仍自靜鎮固守藩疆耶此正統十四年十月十五日書于忠肅當事必有遠慮存矣

高新鄭當國請增設兵部侍郎三員以儲總督閱視之用今遼事以來仍用此例添設然當時原疏云今後除左侍郎一員其餘右侍郎三員堂記惟以到先後爲序今則白左右侍郎添設左右侍郎增此二字殊爲不便不如左一右三或左右各二之爲妥也

苟能用才何冗員之不爲實用高新鄭旣以計使虜解叛人趙全等又欲一盡虜情選衛經歷九人使入獄中人守一囚隔別不得相通因日飲之酒而探誘之夫京官冗員無如衛經歷爲新鄭所用便覺有義味信乎在用才之人也

洪武間命兵部籍杭湖嚴衢金華紹興寧波及直隸徽州等府市民富實者出資市馬充鳳陽宿州抵河南鄭州驛馬戶今北直隸皆有之當不知何年推廣之也然此項近皆派於均徭內而北驛每苦解者不至欲甦驛遞當改入京邊而北方州縣自取給於本邑方痛癢相關而濟實用耳

弘治十三年令凡漢人出家習學番教不拘軍掌記

民曾否關給度牒俱問發原籍及該軍衛有司當差若漢人冒作番人者發邊衛充軍今之所謂喇嘛者皆此類也乃欲倚之和戎優異待之至如王桑叭者本田大司馬樂家丁曾至京師見其子緹帥田爾耕不能隱乃使撫夷每爲虜間插酋至大同復調之來總督張曉以本兵王在晉之故尊禮之旣不能講折可知其槩矣乃虜旣搶大同城外三日恐我兵躡之使至城下

佯言講和歸婦人三百餘皆以刀截其足底大同撫臣張爾翼遂信之不敢出一兵追在晉尚言是其功嗟乎

何燕泉餘冬序錄云京師制不用涼繖惟堂上官得用黑油長柄大扇科道部屬官自以繖扇障雨此正德年間事也今大老用大金扇九卿用小金扇翰林小京堂用黑扇科道部屬用黃油扇不知始自何時亦不聞奏定限制也又云

掌記

卷之二

十三

南京堂上官用單簷絹繖科道部屬用大扇間亦用小絹傘今惟提學京畿御史用三簷傘餘皆用扇但不用黃黑油此曾經禁止用繖耳鈔一貫准銀一兩此祖制也後至徑庭耳然其估價等事未嘗不以此准但會典載番貨價值稱足色銀每兩十五貫則不同矣卽生銀可增銅成紋然亦加一二止矣不知何以如也此

掌記卷之二 終

掌記卷之三

防風茅元儀止生著

今上注意邊儲言路言年例銀近日比 皇祖時且加百萬因令通查然戶部覆疏亦遂茫然蓋故牒當亦茫昧矣王世貞鳳洲雜編載嘉靖間奏疏甚詳復爲拈出俟戶部查近歲事明欲爲核實作一本末近事多潦草恐未得遂志聊且記於此鳳洲雜編云查邊錢糧原額二項民

掌記

卷之三

糧出自各省起運屯糧出自衛軍 國初三分守城七分屯種歲入之後利尤無窮至如馬芻亦止給採青收放所以其時隨在各足邊糧嘗勾防秋數支用直至正德末年通計各邊年例猶止銀四十三萬內宣府十萬兩大同五萬兩遼東十五萬延綏三萬兩寧夏四萬兩甘肅六萬兩今本部歲派山西等布政司直隸河間等府起運宣府糧料五十四萬七千五百二十五

石布一十八萬九千六百一十八疋綿花絨三

萬七千五百觔馬草七十萬束大同糧料三十

八萬七千四百七十五石布一十八萬三千五

百疋綿花絨八萬觔馬草二百四十四萬八千

五百五十束二分八釐山西寧武關糧料九萬

七千石馬草一百一十萬束遼東麥米折布三

十二萬石綿花絨鈔一百九十三萬二千三百

四十五觔錠馬草二十二萬三千五百六十三

掌記

卷之三

二

束銀一萬七千三百九十七兩四錢二分一釐

固原糧料二十二萬五千四百四十九石九斗

馬草二十八萬三千二百三十六束延綏糧料

三十二萬一千二百八十五石九斗九升馬草

五十五萬二千八十六束布四萬疋寧夏糧料

一十四萬三千八百五石四斗馬草一十六萬

一千二百四十束甘肅糧料二十一萬七千八

百八十一石四斗薊州糧料三萬五千一百八

十八石麥折布一萬二千二百七十一疋馬草  
一百萬束昌平糧料布花淮米麥一十三萬一  
千五百七十五石二斗馬草八十五萬六千一  
百束密雲糧料一十三萬八千六百二十石易  
州糧料三十一萬六千三百八十八石綿花布  
五萬一千六百八十八疋綿花絨二萬四千九  
百七十觔八兩馬草一十一萬七百束屯田原  
額宣府屯軍八千六百七名屯地四千三百三  
掌記

卷之三

三

頃五十畝各色籽粒二十五萬四千三百四十  
四石三斗一升大同屯軍一萬六千七百名屯  
地一萬五千八百三十頃各色籽粒五十一萬  
三千九百四石五斗五升山西屯軍九千四百  
九十名屯地六千一百一十二頃一十畝各色  
籽粒二十五萬七千七百四十六石五斗五升  
遼東屯軍四萬五千四百五名屯地二萬五千  
三百七十八頃二十八畝額糧七十一萬六千

一百七十石以後歲徵四十五萬四千石固原  
延綏二鎮屯軍舍人二萬六千七百三十八名  
屯地二萬六千一百一十八頃二十一畝各色  
籽粒三十六萬五千一百四十石五斗四升六  
合寧夏屯軍一萬一千一名屯地五千五百二  
十七頃九十二畝五分各色籽粒三十二萬二  
千七百二十二石二斗七升九合四勺甘肅屯  
軍二萬三千八十三名屯地一萬一千六百九  
掌記

卷之三

四

十一頃五十畝各色籽粒六十萬三千一百八  
十八石四斗二升五合薊州屯軍五千八百七  
十五名屯地二千八百二十八頃五十一畝細  
糧六萬八千五百六十七石五斗九升十數年  
並無一處通關奏繳而宣大延綏屯廢尤甚嘉  
靖二十八年一年延綏一鎮發銀至二十九萬  
一千四百七十七兩加以宣府銀八萬兩大同  
二十二萬四千二百五十三兩山西廣武等站

一十六萬八千九百九十四兩遼東十五萬兩  
薊州三萬兩固原五萬八千八百二十兩寧夏  
四萬兩甘肅六萬兩謂之年例宣府一十一萬  
五千六百四十四兩大同五萬四千五百兩山  
西五萬八千七百四十三兩遼東四萬一千一  
百五十四兩固原三萬兩寧夏八萬七千九百  
九十九兩甘肅一十萬二千一百五十兩謂之  
補不敷大同六萬三千二百六十九兩遼東三  
萬二千二百兩甘肅二萬兩謂之募兵糧宣府  
四萬大同七萬兩謂之預備宣大三十四萬四  
千五百八十四兩大同二十六萬兩山西七萬  
兩密雲易州昌平十八萬四千兩寧夏二萬兩  
謂之防秋宣大四十四萬八千四十六兩謂之修  
邊京營宣大等處七萬二千五百二十一兩謂  
之賞賜

張學顏李成梁之賊建夷五百八十有八較之

掌記

卷之三

五

故事大捷已五倍矣當時陞賞總督劉應節加  
俸一級張學顏加右都御史李成梁加署都督  
同知唯成梁廕一子正千戶而已然亦本衛也  
較今何如哉

高新鄭主張邊事無論虜苗等事卽廣東一省  
非其用殷石汀萬無整刷之理所以主持之者  
如調兵招降等無論已卽如副使王化已以賊  
處按臣請復一府佐立功新鄭以府佐官輕難

堂記

卷之三

六

以鎮壓一方遂起僉事知府侯必登清介特疏  
加銜後與推官來經濟相訐爲按臣所叅竟覆  
曰若止惡其相訐何不卽劾於始訐之時若是  
劾其所訐之事又何不少待於問明之日而顧  
急舉於侯必登上本之日乎況彼此相訐事尚  
未明則是非固未定也劾則俱劾止則俱止又  
何匿來經濟不劾而止劾侯必登乎此其理亦  
自可知然事旣如此侯必登實有難於處者欲

擬其去則不唯失百姓之心而將來任事之臣何以自効欲擬其畱則上司既不相容何以自展欲擬行勘則事無可勘欲擬罷斥則卽據劾詞既未明指所壞何法又未明指所貪何賊不得而議罷也合無將侯必登仍以新陞職銜量調別省來經濟從公勘問不得曲徇偏向務見的確具奏發落廟堂人苟如此擔當監司有司方得措手足矣今何可得哉

掌記

卷之三

七

太祖開貴州令旗較數入潛入思州思南二宣慰司執田璟田宗鼎至京師斬之今以數十萬之衆八年之久滅一安氏不可得豪杰能無淚下哉雖然此事太祖神武古帝王所無也鄴善康居之功何足論也

王新建諭安貴榮曰安氏之職四十八支更迭而爲今獨傳者三世而羣支莫敢爭以朝廷之命也今欲問其衆何不以此說使滅安位安

邦彥首功者爲宣慰而同力者仍用更迭法亦與人同好也當事者不知此說矣

本朝功罪較之它朝頗明獨張瓚者於播州之事納賄而致楊友楊愛之爭大同之事又奪人已下之城而欲爲已功及壬寅爲本兵北虜孔棘又言當以都御史行邊曾爲鄭端簡所駁姦貪懦選俱兼之矣終其生前死後罰不及焉亦一憤也

掌記

卷之三

八

鹿尚寶善繼嘗謂余曰野史中如炎徼紀聞甚有筆畫不特紀事而已可以想田汝成之爲人其經濟大可用而惜不竟其言誠然余以其文筆亦翹楚

古蘭臺所藏故事職之名賢鐫之祕府故事有當稽百不遺一今散在六部掌於胥吏風雨其地傳舍其人幾何而不湮滅也卽如孟養宣慰司廢除久矣弘治初詔以金牌信符給繳外

土酋兵部偶忘之以舊號頒給思祿遂以牌符號召諸夷曰 天朝復官立我諸夷信之遂格取旁小邑卽如出使琉球部亦無牘而福建有之豈不异哉典章失墜未有如今日者也

成祖聲教遠被太監鄭和出使海外幾數萬里歷涉諸國或降或貢或虜或復其道里之詳余嘗載之武備志矣此外有星槎勝覽太倉戍卒費信撰瀛涯勝覽集張昇所撰其序曰永樂中

掌記

卷之三

九

有人隨太監鄭和出使西洋偏歷諸國隨所至輒記其鄉土風俗冠服物產日久成卷題曰瀛涯勝覽余得之繙閱數過喜其詳贍足以廣異聞第其文鄙朴不文亦牽強難辨讀之數葉覺厭而思睡眠日乃爲易之詞亦敷淺貴易曉也此張昇不知卽論內閣劉吉之翰林張昇否三書大同小異余嘗欲冠其地圖於首而總核三書刪繁補闕作大明西使志未暇也

國家賜外國章服不同若琉球中山王止金廂犀束帶耳無玉帶也此 祖宗來舊例封王使臣則正使麒麟副使白澤玉帶自備此嘉靖間事例不知前何如也

河套東勝之不復豈非天平成化八年王越總制關中軍務乞搜套復東勝 上遣武靖侯趙輔爲總兵出搜套輔同韓雍定斷藤峽以得封拜又同李秉平董山名將也乃以疾還遣吏部

掌記

卷之三

十

侍郎葉盛行邊上方略盛名臣也乃言增兵守險便河套東勝之役未容輕議得良將而天病之使名臣而天又陰沮之又何怪曾銑外無可倚內有姦輔嚴嵩爲之格闕哉楊一清總制軍務請復守東勝據河套水草之利 泰陵崩逆瑾專政一清去不果一清幸而去曾銑不幸而不去耳然一清能料瑾之阻 武宗之聽瑾銑豈料及 世宗之聽嵩乎天也



兩賢不相容自古然矣顧佐力持風憲而薛瑄謂內外風憲緘默及瑄考滿佐遂署平常不得進階封贈父母二公尚如此何況中人以下哉

小人作惡亦似有脚本不知偶同之亦有所做

也 康陵時司禮璫王岳范亨爲劉瑾所沮充

南京淨軍瑾令人追至臨清小河難縊殺之近

日逆賢之逐同類劉朝亦從遼東賞軍回不俟

面見卽逐之南京而使人縊於鄭州至於王安

掌記

卷之三

十一

則令海子打更而使狗生啖之矣故 今上登

極賢未敗南京盛傳賢已發海子打更雖無是

事蓋亦有所本也

人家擇壻亦尚門閥帝王照臨雖臣民一體然

先賤後貴亦豈得中 國初駙馬多功臣諸子

後卽靖遠伯王驥子亦曾尚主今皆取之編氓

無謂也卽不崇華貴亦豈必專白屋哉

逆瑾榜朝堂姦黨劉德謝遷等五十二人而其

中功業理學有王守仁文章有李夢陽近日逆賢時同心錄所稱姦黨二百五十八人天鑒錄又八十人不知異日有如二公者否余曾忝附其中竊爲之懼矣

景泰元年漕粟十五萬自丁直沽舟行抵雄縣分給軍餉此路至今可通行近見易州道孫穀家口且自雄縣直至定興矣此可備緩急也

董搏霄人運之法每人肩米四斗余以爲倍之

掌記

卷之三

十二

亦可行也曾著之冒言中謹按 長陵北征命

侍郎師達督餉以道險車載民疲糧乏乃擇平

坦之地均其里路置站堡每夫一人運一石此

彼相接朝往暮來民以不困食亦旋足此較余

所爲法運路尚遠然一石亦尚可行也

今上初政東廠幾於罷矣近復議外事漸不可

測蓋大同遼東之衄樞臣同邊臣罔上故令番

較緝之始得其真 上以是知 祖宗立法之

意用事者遂首輯子弑父坊司不盡法者事又  
實足以聳聽愴無有爲 上言故事耳成化末  
年尚銘陳準坐東廠令刺事官較曰反逆妖言  
則緝餘有司存非汝輩事也此時設東廠不久  
二豎深知 祖宗立法初意者

掌記

卷之三

三

掌記卷之三

終

掌記卷之四

防風茅元儀止生著

今上欲修復屯鹽舉朝紛紛莫有知故實者鄭端簡曉當世廟時卽云國初召商中鹽量納糧料實邊不煩轉運而食自足謂之飛輓後因積納數多價值亦賤興利之臣遂改議上納折色行之既習以爲常彼時改折糧料有餘而價亦賤計似所入爲有贏利未爲不可近來糧

掌記

卷之四

料不足價亦騰貴徒煩轉糴邊用索矣大率鹽引納銀五錢先時可糴米一石今多不過三四斗或二三斗又曰景泰中減中鹽芻粟先是召商密雲隆慶中淮鹽者引米七斗荳五斗草四十束古北口引米七斗荳三斗草三十五束至是減密雲隆慶米荳一斗草十束古北口米五升荳一斗草十束隆慶卽今延慶也又云曾開本色召商不至蓋向者上納本色時商自募民

掌記

卷之四

二

耕種塞下而得谷爲易又塞下之積甚多而價輕又無戎虜之患今則耕種廢矣塞下之積虛矣穀價騰湧強虜出沒勢不安居商人安得糧料應召募乎欲復本色非減斗頭利商人使商人趨利而開墾邊地不可也然必遲之四五年然後得其大利然以余度之今日之事有不盡然者今姑按密雲等處其所納之米皆小米也中年常價照官斛每石不過七八錢則每銀五錢納米六七斗未爲虧商也薊鎮一帶內地不中虜不墾之地亦甚少也盡照舊例招商商未嘗不來然而以五錢銀抵七斗米其外所加之餉動至數十萬可盡省乎故愚以欲按邊餉先清軍糧修屯田催民運至復飛輓其中一事耳謂倚此便足辦而說者又謂屯鹽相表裏二者固有相表裏之勢然田侵於官豪豈復飛輓而其田自出乎眼前易見之事書生不知世務妄

言 聖主之前我不知其所終也

鄭端簡謂南京水軍勝於陸卒營馬壯於江舟此所指操江水軍耳久聞敝於陸卒矣水營兵差勝之余十五年前尚及見之自抽調征遼不返而補入者皆非其舊矣至於江舟固弊壞而營馬絕無堪者此嘉靖間耳而相去遠甚矣然端簡曰南京戰守皆不得地利此余所深自信者端簡可謂知兵矣

掌記

卷之四

三

鄭淡泉曰我朝內閣以私喜進用人者有之未嘗有以私怒殺人者萬安焦芳劉宇曹宇亦未嘗至此此指嚴嵩私怒殺人也近日逆璫所殺孰非內閣之所欲殺乎使淡泉見之當爲深嘆于忠肅城下之戰劉文安羅通猶議之遠或遠於都門勝或不及使也先畏而不復入人品又或未如于忠肅而言者又去劉羅遠甚幾何而得免也

今日是崇禎戊辰九月十八日偶閱 孝陵紀生於元大曆戊辰九月十八日蓋適三百年矣濡 聖人之德化自遠祖以來亦已久矣無一事足以揚 聖人之休烈寧不忠孝兩虧哉爲之淚下閣筆

掌記

卷之四

四

英雄之起隨時屈伸後世史筆何必曲爲之辭以失英雄本色乎漢高之興沛公之命漢王之號皆受之於人亦何礙乎高岱曰韓林兒以郭子興子爲都元帥張天佑爲副元帥 太祖爲左副元帥 上曰大丈夫寧受制於人耶却不受然亦遙籀其聲援文檄用龍鳳紀年此於事理不通直是其識卑耳

漢光武撫降赤眉而人曰蕭王推赤心置人腹中人烏得不爲盡死我 太祖使陳兆先之衆五百入衛帳中唯馮國用一人耳蓋英主杰將用此道者多矣田豐王士誠降察罕察罕恃之

不疑遂爲士誠所殺此智有不及歟抑天實爲之耶

撫海盜失策未有如元之於方谷珍者谷珍起事在戊子汝穎俱未起也元不能討反加之官蓋執政得其賄故反惡青田之言而罪之然泰不華死後浙東元帥也忒迷失福建元帥黑的兒合曾合兵擊走之而始諭降今鄭芝龍之起曾無一矢加之而卽受其重賄加之以官元加

掌記

卷之四

五

谷珍治中而已今聞劄加至將領矣今年春余上閩賊害甚黔賊疏言其必突浙直往見相君張瑞圖以其閩人也張相君曰承兄過慮敵鄉賊已一撫可了矣遂臨去復上請撫疏後人遂論余浮譚亂政相君楊景辰遂力主逐余票擬着卽回籍不准推用閩人徐太僕景濂薦余爲大帥遂力詆之曰我鄉無缺蓋以徐欲改南粵副總兵缺爲總兵以用余而相公欲用鄉人議

用芝龍耳余不足言世必有如青田者私議之矣所籍者國運方隆耳諸公謀國何不可同乎

非軍功不侯良法也然軍以餉爲先故督運之功爲最軍有仗節之士故人皆爲軍鋒先王賞此二者不在擧斬之下卽如我高皇時都督張赫朱壽俱以督運有功赫封航海侯壽封舳艫侯食祿二千石子孫世襲遼東守將濮真以

掌記

卷之四

六

高麗叛服不常出師征之兵敗不屈而死追封樂浪公謚忠襄有子生數月封西涼侯聖祖微意今葬之知矣嘉靖以來并以擧斬功開國者亦寡矣封爵日難建豎亦日少國家烏得中興乎

太祖論中原檄曰方今河洛關陝雖有數雄乃忘中國祖宗之姓反就胡虜禽獸之名以爲美稱假元號以濟私恃有衆以要君反爲生民之

害皆非華夏之主也是時有張師道李思齊賀  
宗哲孔興等皆不如擴廓帖木兒之強擴廓帖  
木兒乃察罕養子然與察罕皆華人也襲虜名  
故首斥之耳其人又名王保保 太祖嘗以天  
下第一奇男子許之謂在開平之右實深忌之  
故先發其假虜名之事以醒民心耳

造城之法因地制形古人各有深意近年人惟  
能築方城耳 成祖曰方陣四面受敵豈足取  
掌記 卷之四 七  
勝我以精兵攻其一隅一隅敗餘自潰矣此論  
陣法可通於城也

晉人言孔明之才不下管仲時無城父爲將故  
只得自將未免費力、太祖每出師逐虜俱用  
大將軍徐達等 成祖一用丘福卽致覆沒故  
五出漠北三犁虜庭俱不得不自將卒致徂落  
榆木川蓋所遇之時異也

文皇北征用工部所造武剛車三萬輛運糧二

十餘萬是每車止運七石壬寅之役共用驢三  
十四萬車十一萬七千五百民輓者二十三萬  
有奇內分驢車爲兩運共運糧三十七萬石則  
所運更少矣此當是民間小車也然卽不用車  
而驢駝亦似足運此不知何以益以車民而僅  
僅如此也不可解

故事監生歷事各衙門如書章奏清稿等皆其  
職業非若今站班打恭而已葉文莊盛記王襄  
掌記 卷之四 八

敏越廷試卷爲風颺去文莊時與彌封謂監試  
者曰當入奏庶不悞此生三年遂同至兵科書  
奏適書奏監生已出不得已盛自爲書之又記  
于忠肅謙許爲作其夫人墓表適以德勝之役  
効于公于公曰科中葉公近日求作一文不意  
今日有此事若稍遲則俗矣卽命紙一揮而成  
監生淨本僅改定一字監生職此尚有漢家以  
士人爲掾史之意今惟站班打恭則無怪乎反

不如納銀賣放之兩便也當時文莊亦自能書  
奏當知士大夫皆童而習之今寫本字卽胥史  
非專門者亦不能書也亦是一事古今

葉文莊爲宣撫時曾力屯田自以所種田四千  
餘頃收粗細糧止及七萬四千之上較之吾崑  
旱麥水稻歲收米麥四石之上則關北地土之  
薄也余親見邊外之屯知官屯薄收不特地土  
之故蓋官耕者必鹵莽難同於民而上下姦弊

掌記

卷之四

九

亦難盡清故必寬爲之期大約必勝於不屯也

鄭端簡曉今言曰乙未正月 孝陵至和陽郭  
元帥曩卒則韓林兒於丁未至南京明年戊申  
正月 上卽皇帝位林兒於先一年十二月卒  
其故不必言矣英雄正不必諱此也

洪武十五年都督僉事李新以營 孝陵功封  
侯此溢賞不足法者使當時有告逆璫者則慶  
陵功成卽封矣不俟三殿也

今京營分三大營其初名曰五軍曰神機曰三  
千 世廟更三千曰神樞今但知分爲三營耳  
不知 文皇所以分營之意矣神機習火器步

兵也三千皆選騎騎兵五軍有步有騎教陣法  
今年議京營事言者紛然竟無倫理而罷蓋命  
名分營之故且算之知矣又何以論分合哉  
永樂十八年始建北京敘功陞營繕郎中蔡信  
爲工部右侍郎所副七人爲所正丞六人爲所

掌記

卷之四

十

副匠工十三人爲所丞賜督工羣臣及兵民夫  
匠鈔椒蘇木有差正統年間營建三殿兩宮包  
砌京城及修造各衙門陞除匠官五六人而已  
今天啓間陞敘者數百人公孤者十數人夫  
文皇尚矣正統時王振爲政以此觀之忠賢罪  
百倍王振已

弘治十一年三月監生汪鎔劾大學士劉健李  
東陽 上下鎔詔獄健等疏力救得釋天啓七

年十月監生胡煥猷劾大學士黃立極施鳳來  
張瑞圖李國楷下法司諸公救不力 上意不  
深罪之也得以贖論四公亦相繼去三公皆極  
辯而李公引罪而已李公次年五月始去予奏  
記之曰元儀方謂蕩平之業有君有相而議論  
忽紛中外失望然用人大已啓其端則進退  
之際綽然名世猶謂宣諭再出而忽聞行色已  
戒決機之早更出人頭地矣溪荷不世之知愧

堂記

卷之四

十一

無涓滴之助竊有一事欲以面聞而爲闢人槩  
謝敢此具白狂生胡煥猷其言實躁然當士氣  
久喪之餘而咕嗶書生敢齒及宰輔亦休明之  
徵也往者衆論麗於大辟而黃扉持論獨寬得  
以微罪去在此生豈復它望然師相於舉摺刑  
賞之間俱布至公於天下而開罪左右者未蒙  
一言度仁人之所遺恨也頃平湖相公瀕行及  
直言魏忠賢之錢生嘉徵而不及煥猷識者以

爲缺事或亦師相至公格於天地欲畱此以成  
師相休休之度耳且其言既行其人終不廢卽  
微師相言亦豈永錮師相未後復了此一案似  
於盛德益光元儀往常以張文忠卹典冀鄒南  
臯先生力請兩言之而南臯先生卽引爲已任  
其手札具在不能無望於師相元儀往不求  
媚於先正之文忠今豈市德於酸狹之煥猷卽  
上書宰輔沽名後世亦非元儀之意特以受不

堂記

卷之四

十一

世之知應有格外之報而泰山無籍於助唯度  
此一事可補萬一而又爲闢人所謝不得面陳  
故敢奏記左右然度亦師相意中事矣愚不勝  
惓惓耳李公卽慨然曰敬聞命矣瀕行遂力請  
收復優敘得 旨允行李公此舉出劉李之上  
矣

掌記卷之四

終



掌記卷之五

防風茅元儀止生著

今劇本中官長相稱俱大人按 國初時尚如此楊文貞遺囑曰煩院中僚友干浼少保先生宗伯先生冢宰先生三大人遍叩大人一切遣祭遣賻並止不行至叩至叩卽此可見今京官相稱老先生外官下僚稱上司老大人分作二項不知始於何日

掌記

卷之五

今署郎中員外郎皆曰署郎中事員外郎獨武官署都督僉事署都指揮等官則無下銜不知起於何時如 英宗登極詔則曰准署都督僉事事都指揮署都指揮僉事指揮實授猶與文官一體也

吏胥不得應試見於洪武四年詔而正統七年李森以都察院吏南昱以刑部吏以後又無矣其立禁開禁復立禁之故陸深科場條貫及王

世貞科舉考俱不言其詳

葉文莊盛水東日記曰景泰二年冬文淵閣辦事中書舍人何觀言大臣舊老少保兼吏部尚書王直等正統中皆阿附權姦今此輩老猾不宜在左右及言北虜之來朝者宜驅置於南方忤 旨下六科十三道議以聞吏科給事中毛玉屬奏藁辭過罪觀季聰導之易不從亟以告盛因與偕往時六科諸君皆在索藁閱玉卻以

掌記

卷之五

二

上促奏急閱之恐緩索之再始出以相示盛曰觀驅置之說固疎謬其前言老猾蓋意在大臣但辭連權姦中貴人激怒在此然終是言者諸君當熟思之藁須再易玉曰 上怒甚不可易盛曰當明言觀槩指王直等爲老猾非宜或可回悟 上心季聰言所引春秋公會戎於潛亦非胡傳本意玉以東坡王者不治夷狄論對盛以玉遂非甚因曰此奏引經不切未甚害事不

易或可若辭有當易者須易之王曰觀當考滿不得陞私憾吏部爲此十三道已具此說彙不具此已輕矣蓋時有大臣新遷吏部者嗾科道爲此說也王素於盛厚因附耳諭此意盛曰雖不具具等耳彙必再易王曰君奈何執欲佑觀乃謂曰朝廷大開言路未嘗罪一言者今雖怒觀猶令我曹看議蓋甚盛德也君獨不念劉球乎球之死人今罪王振馬順諸君而爲此雷霆掌記

卷之五

三

之下萬一不測則是我曹爲之而朝廷受不容言者之名且諸君亦言官獨不爲它日身計耶王意若稍解盛因抹去冒頭所謂誣陷大臣擅開邊釁及終所謂明正觀罪以爲進言虛妄者之戒等語且益云指大臣王直等爲老猾於是衆皆曰好而退旣而奏入有旨令錦衣衛杖觀若干且調外後乃知奏惟去冒頭餘皆如舊彙不易也明日道遇錦衣門謝二鎮撫及杖

觀事兩人曰彼何可深罪杖惟具數耳兩人所存較之王不霄壤異耶偶閱此條爲之三嘆近日劉相鴻訓處楊維垣事頗厭人心但維垣雖附逆璫而能攻呈秀卽盜賊亦有自首之條况加銜驟貴者不過冠帶閒住而維垣未曾加銜又有攻崔一事但事後不當護局耳罷其官亦足矣乃削籍又逐去原籍過矣楊所修爲吏垣實不稱其附璫亦真然旣首言呈秀則致仕之掌記

卷之五

四

可耳閒住亦過矣賈繼春初與楊漣爭移官兩人皆具忠國之心後多論漣一疏耳反正之功實大且璫時未嘗爲一事乃亦調之南京此人情最不平者袁弘勛之疏謂其意見太與維垣則可而謂摘劉爲全非則未可卽最護劉攻袁如瞿式耜于處賈事曾與言者力爭之後保劉疏中亦言失當則人心之公可知矣主上重輔臣謫處弘勛可耳未有六科十三道看議之

旨而紛紛論之且坐以它事激上怒而逮治之觀葉林兩公本朝稱爲正人其議何觀事如此不知後之正人議此事何如也

江南白米余幼時不過七錢近十年乃貴今有踰一兩者賤亦不及一兩耳民大以爲不堪五倫書載洪武中德清王軫家書云浙西米價極廉白者十分一升可見太平之時矣當時以爲極廉今以爲極貴蓋太平之日久矣可不念哉

掌記

卷之五

五

迎復英廟事儀文不中款千戶龔遂榮以匿名揭言之諸公欲入告王文曰匿名文書不得言于少保曰封進亦無妨文曰諸公弗累小子喫牢飯捕治急遂榮自首下錦衣獄門謝二鎮撫以當具奏而不具奏坐不應尋會赦釋文恐自喫牢飯而二鎮撫敢輕擬如此二鎮撫賢於人遠矣不特何觀一事也使今之法司當擬之妖言矣豈止匿名哉

劉子威鳳曰詩書禮樂之澤汙更壞亂及整齊於散佚之餘師異教人異說益遠益疎故分裂爲諸家人自爲疏固訓微箋解道天下喪也久矣宋人者豈能不籍前聞獨追古始出漢以來儒者外耶且管儒其所爲說皆拾之掌故弟子口相授受及坑燔之後所記憶十纔一二而已若孔甲矯疵申培公轅固生韓太傅高堂生田生胡毋生複中翁之屬皆傳自商瞿子夏子張

掌記

卷之五

六

氏之儒而煙微燼滅存焉者蓋寡亦各守其師所授尚亦存孔氏之舊乎而宋人必盡以爲駁而不純簡斥竄削屏絕之甚於坑燔之烈然每竊取其義勦說入之而遂皆謂自己出是何忍焉矣哉孔子曰是可忍也孰不可忍也則雖先古所傳師氏所守稍不愜已指擊不暇顧是猶有可言者卽朱氏爲易義皆顯竊王弼之餘而云王何罪深桀紂則盜儒者不乃無罪耶使古

之遺幾乎熄矣其曰經解而背經者往往著於篇僻陋污滯何以服往賢之心且使後來者杜口不敢談則其狠愎自用不肯虛受千載爲恨可勝言也此論後世必昌故爲拈出之是非在千古能掩一時者不能終掩夫後世也

王文恪守溪筆記曰景泰中王文威權赫奕忤者必死吏科給事中林聰獨上章劾之文啗之日求其罪不得也會聰鄉人有事吏部應答聰掌記

卷之五

爲囑文選郎中郎出其手書欲置之死會官廷議比擬大臣專擅選官廷臣畏文無敢違者公謂文曰給事七品官而擬以大臣囑微事而擬以選法二者於律合乎且人臣以宿憾而欲殺諫官無乃不可乎遂拂衣而出曰此疏吾不預公等自爲之於是議遂罷曰再議之公歸遂臥病不朝數日景帝問胡尚書何不朝以疾對使太監興安問安造問何疾曰老臣無疾前日

議事驚悸至今不寧耳安問何爲曰諫官有小罪而欲殺之此所以悸也安以告於上旣而法司復以比擬斬上詔曰比擬殺人可乎聰得不死近濟清暎而有一事酷似之世無胡忠安我未知其所稅駕也

陳友諒始據江西改元天啓明年己亥爲天啓二年四月又改天定宰相不讀書年號襲古者有之矣未有襲勝國羣雄者時宰相劉一璟此掌記

卷之五

天耶人耶湖廣周逢泰曰五經有緯雖不傳矣然意可考左傳曰魏大也天啓之也故竟天啓之世魏忠賢爲政魏忠賢得政又魏廣微授之此天耶人耶

元蜀帥紐鄰之孫盡出其家貲偏遊江南四五年間得書三十萬卷遡峽歸蜀今濡沐文治久矣却無此人何也

唐宋禁中京官皆得騎馬惟選人則不許故歐

陽脩稱步行學士今宰相皆步行而中人稍有  
名職卽得騎馬入禁此亦政體失平也

正德中籍沒劉瑾金一千二百五萬七千八百  
兩銀二萬五千九百五十八萬三千六百兩姑  
置金弗論卽以銀論足當天下一六十年惟正之  
侯蓋自內而出者多於自外而入者也然此仍  
入內矣內帑每言乏何也豈又有出者耶

太祖自敘朱氏世德之碑在末正大統時三世  
掌記

卷之五

九

受龍鳳之贈官焚黃而作也內言先老君嘗言  
世爲朱巷人宗族俱存平日每有鄉土之念卽  
訪求故鄉宗族之所遂調兵取句容明年克金  
陵而朱巷距城四十里舉族父兄昆弟四十餘  
人始得與之敘長幼之禮行親睦之道後竟不  
聞表彰之此四十餘人亦竟不見推恩後世有  
言之者以案考無據而止今朱家巷去句容城  
十里先伯一桂爲其令嘗表識之今三十年亦

亡矣

國家失刑自王通始也王通以成山侯守交趾  
棄之而歸宥死奪爵耳安得復有刑章乎自此  
決棄交趾之策 宣宗主之楊士奇楊榮佐之  
張輔爭之不聽使通於未棄之前非先有欲棄  
之論中之於心焉敢棄而歸歸而無罪哉此繇  
於相必不繇於君也君之意自相決之亦自相  
啓之嘗見熊廷弼所刻經略書牘內答元詩教  
掌記

卷之五

十

掌科一書謂除三岔之外無險可據蓋詩教意  
欲棄遼陽耳此廷弼棄遼陽之見亦自長安貴  
人發之故我以文貞文敏罪大矣  
史筆議論不平何以服天下後世亦何以服姦  
邪乎麓川之役都督方政戰死大將沐晟飲藥  
伏法此事可已乎而乃曰時以廷議多謂麓川  
遠夷往發兵爲費不貲宜置而勿問然王振方  
倖用事欲示威四夷力請大發兵討之爲此廷

議者皆可誅卽劉球不應死於振耳其意亦甚無識振雖儉此舉豈爲失乃以人廢言前所記出高岱鴻猷錄而它本皆然甚至謂王驥功不當封世使此等人任史筆豈不悶死

國初贈官猶以五等如金濂郭資者文官贈伯方政死麓川贈威遠伯今以三孤了事已爵不惟斬生而且斬死何怪戮力者之少也

景泰間令李實等虜管見 太上皇實等問

掌記

卷之五

十一

上居此亦思舊所享錦衣玉食否又問何以寵王振至此致亡國此言或實等欲以取媚 景帝故自爲之也如果爾則無禮甚矣等倫之人當其患難亦當慰勉豈有見君父狼狽至此反從而嘲之使果有此言較之郭忠武登城曰國有君矣之語不惟邪正異而譏嘲切骨中人不  
能忘之 英廟安置登豈忘實等耶我故曰實等所自造終 英廟世未聞之也聞其造此語

更毒之矣

高岱鴻猷錄記石亨事謂繼于謙爲兵部尚書者事敗獲罪沒入其貲甚多 上曰于謙爲兵部專且久沒無餘物其未暮歲何賂之多若此此爲陳汝言岱不知耶何以爲野史知而諱耶又何以爲野史

石亨戰功不可泯也奪門之事雖不正亦未爲非也但殺于謙坐以意欲云云此當誅耳其專擅恣肆則當遣耳坐以謀反亦以意欲耳非如

掌記

卷之五

十一

曹吉祥之果舉事也天道不爽如此哉

掌記卷之五

終

掌記卷之六

防風茅元儀止生著

劉千斤之變發於成化元年當天順間饑民聚  
鄖陽巧黠者已自相雄錦衣千戶楊英以使事  
至河南聞其事歸上疏請命有司賑卹之因散  
遣其衆願占籍者聽以英廟之英竟不報後  
用大兵多殺戮及開設鄖陽撫臣以安之不出  
英數語也豈天有殺運聖主不得而主耶予

掌記

卷之六

當插箇未入閩賊未犯浙時上疏力言下部叅  
看部置之而言者謂余浮譚亂政逐矣今大同  
戮二十萬浙所殲夷無算而兩事正未有涯懷  
楊英於九原惟有共灑涕淚耳

善爲政者莫大乎因爲將而能因乎兵大將也  
能因乎將上將也本朝惟王文成能因將橫  
水之捷宸濠之誅皆用文臣爲將自郡守以至  
丞尉無不用之豈一時多將才哉蓋其所用者

民兵爲多惟文臣則素與服而能將之將者司  
旗鼓卽用武臣豈籍其一人之敵哉不籍其一  
人之敵則凡才稍揮霍可以馭衆者皆可爲將  
矣又何必武臣哉此文成之心得至今無人窺  
見之者也余爲道破人尚未能信何況窺  
國家故事通政司奏事原不限起數後定八起  
成弘間猶春秋七起盛寒暑五起自天啓間劉  
相一璟改爲二起今相仍矣

掌記

卷之六

國家綱紀全在臺端按臣奉命代巡更當守法  
以帥百寮乃與撫臣行移體式堅不遵約束身  
不正何以正人初巡撫不拘卿寺皆爲之按察  
司以非統攝文移偃蹇耿九疇以爲言俱改都  
御史若御史與都御史有堂屬定體乃又偃蹇  
多會案不肯徑呈秦紘言之王恕爲奏申整而  
迄無遵者至於自坐堂者出繇角門凡總制衙  
門俱繇角門此未廢也王紀爲漕運總督必欲

巡漕御史唐世濟絲中門相讓逾時終爲紀強  
唐公每爲余言之感額堅正者果如是乎

治世餘聞曰辛酉冬司馬馬文升轉太宰御史  
張津文森會大有論馬宜在兵部且熟知邊事  
吏部宜慎擇正人居之奏上奉 旨進退大臣  
朝廷自有公道這御史每如何輒擅銓衡准律  
文其罪不小皆爲危之後得旨如擬運灰還職  
近日侍講張士範以請增吉士額公疏爲首引  
掌記 卷之六 三

未下之 旨蓋傳旨有人主疏有人士範實偶  
爲疏首耳 上怒其展辯支吾令法司擬罪法  
司亦以支吾罪大延挨致 上詰問不知亦有  
以此事告之法司否耶  
半部論語可以致天下太平此自用其道耳若  
身爲宰輔不知書援引古今止一部四書亦何  
顏對君父臨士大夫乎劉大夏於 孝廟前救  
司寇閔珪 上曰爾第云古咎何人如此執法

倉卒對曰嘗聞孟子云舜爲天子臯陶爲士執  
之而已遂爲士林一笑近日召對最能言者劉  
相亦惟述四書而已一日論邊事忽擴充其學  
曰 皇上玩師卦便知遠近絕倒  
便宜行事凡將帥鼎征皆有之毛文龍得此四  
字便入銜中後劉應坤等以內官督師亦然誰  
執國秉不知所裁之乎

徵聘之典久曠人反以鳳凰爲鸚鵡矣正德間  
掌記 卷之六 四

浙江紹興府報勘經明行修者四人內餘姚二  
人逆瑾以爲謝閣老遷所私執置詔獄其一人  
妄招詞連劉閣老健瑾笑曰今入我彀中矣必  
欲戍之遷以李輔東陽力救得爲民今之事何  
足駭乎士自不幸當此典耳

劉詔以弓馬精熟譽聞逆璫遂從 旨中票出  
揚揚得意後有語之者始面發赤曰以我爲堪  
千總也然竟以此得總督正德間御史薛鳳捕



盜無功徒善射耳逆瑾降之爲徐州弓手如此則忠賢之識出瑾下遠矣

正德間河北盜起初以楊一清之薦用馬中錫討之錫主招降至德州桑園劉六等已出聽面撫劉六欲降劉七曰今內臣主事馬老爺豈能自踐其言乎潛使人至京師撰諸中貴無招降意乃復反中錫下獄死至今論者以錫書生欲効龔遂下渤海事以爲罪應死使苟非內臣之時賊已降矣較之異日用兵殺無辜博賞孰爲得失不以咎其時內臣而反咎錫主論者何惜惜也元美亦因之異哉

掌記

卷之六

五

國之大臣原當盡言况督撫都御史本風紀之司乎余幼時曾見李三才極論天下事取怒神祖今不聞矣王岳爲劉瑾所逐死山東巡撫朱欽極言之瑾亦罰米三百石而已今竟忠賢之世巡撫唯稱頌造祠而已此世道升降默移

而人未察也

陳箬陂曰劉瑾因戶郎奏送各邊年例瑾以爲先朝無此例令戶部查天順以前年例銀數顧尚書佐以天順年前無銀例回瑾大怒曰此戶部官通同邊方巡撫都御史共盜內帑銀兩之明驗也悉追問致罪革罷送銀之例邊儲至是缺甚蓋自成化八年間設榆林鎮巡撫余都御史子俊增置城砦陝西民供饋不繼奏送江南

掌記

卷之六

六

糧折銀以補不足然初亦依江南原折每米一石折銀二錢五分放支軍士其後大同等邊缺乏亦暫送銀補足數皆不多未有以萬計送者弘治間戶部葉尚書淇淮安人鹽商皆淇親識因與淇議商人赴邊納銀價少而有遠涉之虞在運司納銀價多而得易辦之便內閣徐溥與淇同年交好遂從其議奏准兩淮運使鹽課于運司開中納銀解戶部送太倉銀庫收貯分送

各邊鹽價積至一百餘萬人爲利便而不知壞舊法也蓋洪武永樂以來天下鹽課俱開中各邊上納本色米豆商人欲求鹽利預於近邊轉運本色以待開鹽報中故邊方粟豆無甚貴之時今廢商人赴邊報中之法雖曰得價多而近邊米豆無人買運遂致騰湧正德五年侍郎叢蘭整理陝西邊儲遂令百姓每石徵銀二兩五錢准米一石蓋六部政本少有差錯胎弊如此

掌記

卷之六

七

使顧尚書當劉瑾查例之時答曰管鹽課在各邊上納故無年例銀之送後改鹽課納銀解京故不得不分送各邊如此瑾必不怒而反正鹽法其其不免矣此確論也近日主上垂意屯鹽給事黃承昊以葉淇之事爲對近日年例之多已至四百萬非盡以開中兩淮之故却并開中兩淮以致改易之故亦未有爲主上言者今黃給事承昊奉旨與兩淮巡鹽御史議未

知作何報也近日侍郎呂純如辭朝疏曰屯鹽執礙如封建井田夫祖宗之法不師其意而變通之徒言修明祖法其名雖美終不能行人所可必者已所不可必者人人譽人毀皆不可必也故君子小人雖以類聚然君子而不爲君子所知者多矣君子而偶爲小人所薦不能却也韓雍爲陳循所知以驟升中丞竟以循故調外任又不爲李賢所知再逐終以王竑薦爲

掌記

卷之六

八

國家建兩廣無前之業使以循所知賢所惡竑避嫌不敢薦天下後世焉得聞襄毅之烈乎悲哉

勲名之際難矣哉抑天之欲將大降於是人也兩者相參矣王元美名卿績紀其上卷皆名行表裏兼之得十二人劉文成基爲胡惟庸毒死于忠肅謙死於西市此無論已他如羅通爲戶部員外時坐法免徙南邊赦歸始以薦治兵王

竝爲都御史 睿皇帝以其往請籍王振削秩  
流江夏再起爲本兵馬文升爲都御史爲汪直  
所搆下獄論戍再起歷涉至冢宰王守仁爲刑  
部主事爲劉瑾矯詔逮錦衣獄杖闕下謫龍場  
驛丞再起建功始封伯胡世寧爲江西按察使  
爲宸濠所搆下錦衣獄減死再起至南京兵部  
尚書李承勛爲南昌知府爲中官黎安所中下  
獄後至本兵其間不受囹圄杖戍者惟章溢韓

掌記

卷之六

九

雍項忠余子俊而已項忠陷虜回七日夜始達  
足底蒺藜可升許韓雍以陳循李賢故兩黜余  
子俊差平善而生平無首功惟修築耳後欲築  
宣大邊思者設語撼而止章溢在於開創時功  
亦不甚著此二人正可刪也然則 本朝文武  
爲憲功在宗社者無一人得免矣又何尤哉  
國朝法嚴於宋然寬於漢惟于謙死於 國耳  
他則奸人折之亦終伸者十九我故曰天之將

降大任於是人也

掌記

卷之六

十

掌記卷之六

終

雪屋集八卷

〔明〕孫永祚撰

明崇禎五年古嘯堂刻本

北京圖書館藏

孫子長詩引



吳中之詩本朝一盛於高  
楊再盛於沈唐士多翕清  
煦解得山川鉤綿秀絕之  
錢氏一

氣然往：好隨俗尚同不  
能踔厲特出亦土風使然  
也徐昌穀江左之逸才也  
一見李獻吉陽浮慕之幾

欲北面至今為諸儻口實

皇甫子脩歌詩婉麗晚年  
盛稱嘉靖七子非中心好  
之屈折於其聲光氣燄耳  
錢氏二

邇來吳聲不競南辱於楚  
蒼蠅之聲發於蚯蚓之竅  
比屋而是求所謂長江廣  
流縣：徐游者未之有也

夫聲音之道與元氣變化  
木客之清吟幽獨之隱壁  
非不幽清淒愴也向令被  
之弦歌奏之於通都大邑

錢序三

令子野季札之倫側耳而  
聽之其以為何如哉里中  
孫子長紈綺之歲掉鞅詞  
場刻其詩數百篇名雪屋

集子長之詩大都含咀宮  
商前浮聲而後切響組唐  
緯宋緣情匠意而不屑為  
今日之吳聲可謂踔厲特

錢序四

出者也昔吾吳名寬文定公  
為舉子時已有詞賦名天  
上玉堂之詩流傳館閣李  
文正以為美譚子長之年

少於文定其詩篇流傳尤  
蚤余老且廢不能為子長  
長價姑引其端以告於世  
之為文正者

錢序五

崇禎甲戌正月雲鄉鮮民

錢謙益撰



白紵雪屋集

余十一出入里壑即喜觀稗官小  
說注二為邨兒野老譚說往事莫  
不踴躍歡歎十三始能詩擬古樂  
府唐閨詞私其婉約風逸之句戲  
相摹效多豔歌小詞見雄文大篇  
如樂爰居以鐘鼓心雖適二然驚  
心弗快也及總角輒與諸先輩結  
社文藝相角講說經傳始有慕聖  
賢坐立心訓并大人經世之業卯

方同人亦稍知有孫子者不問或  
盛遇之末沈憂鬱塞琴尊之暇光  
景留連時吟嘯一二以寄永懷未  
暇窮其津涯問其五端以故歲所  
得不滿廿然不泛覽流觀好沈博  
絕麗之文較重稚之丰性習覽一  
遷矣夫余伏窮荃壠穴之中讀儒  
書習醢謹之客不得并海內賢豪  
長者游高談極論發其光明俊偉  
之思而又以浮沈舊病不得如馬

遷之豈龍門煖處穴廉成之游學  
周秦往來幽并克豫周歷遐覽有  
以助其幽渺磊砢之情靈灝雄博  
之氣而又以家貧乏藏書不得如  
子雲之尚書賜筆墨錢得觀書石  
渠有以肆心廣意成一家之言不  
過酒闌夢覺樂罷哀餘應遠樹之  
烟和卵壁之勢不已先輩湯若士  
一詩成輒為玉雲生莫舞朝歌不  
去余又烏覓玉雲生哉久散亂敝



篋中或受人故扇頭門人輩彙不  
次之稍成瑩快故聊述如此亦如  
激之云其猶愈於格奕搏塞之戲  
云爾

崇禎壬申十月孫永祚子長識



受第伍  
柳柳門書



雪屋集目錄

第一卷

賦

第二卷

五言古

第三卷

七言古

第四卷

雪屋集

目錄

古蹟堂

五言律

第五卷

七言律

第六卷

七言律

第七卷

五言絕句

第八卷

七言絕句

雪屋集

目錄

二

古蹟堂

雪屋集卷一

常熟孫永祚著

賦

西洞庭賦

有序

震澤爲三吳巨觀七十二峯若浮沕然而  
西洞庭踞其勝余弱冠來遊極眺覽之娛  
形之紀詠俯仰之間以爲陳迹况日月改  
易又歷年所哉余懷向平五嶽之志而不  
無井鼃夏蟲之譏然此間可隱何必圖興  
公之台嶺營樂天之廬嶽也重省舊紀悵  
然久之故託之賦述非獨以當臥遊庶可  
遂初志云爾

昔之禹功誕敷奠茲具區三江旣道五湖攸豬南  
吞於越東浸勾吳霈奇之所吐納神秀之所宅居  
結爲勝麗峙于中隅乍隱乍見疑無疑無遲視兮  
巫岫九疑遠望兮海島方壺岸粵如蓮華之出水

雪屋集

卷一

一

西洞庭

雪屋集

卷一

二

西洞庭

逶迤如青鳳之戾虛帶以重岡盤以邃嶺旣岿  
而繚邈亦窈窕而寥迥包山深折而徐迴洞庭轟  
起而入冥縹緲截雲以建標石公落波以倒景或  
獻形于龜龜或走勢于獷猛或絕壁而赧駭或連  
障而翳屏至其陰壑幽通賜谷靈閣玉乳低垂瓊  
漿細綴雷丁鑿扉靈威穿隧鏐精石英之房琅函  
瑤笈之秘探之無形窮之靡際接羅浮達嵒行  
地幾千萬里而元氣潛宅玄宮肇啓若夫旁漚之  
淵別出之砥銷夏曲隈而深潭明月滌石而碣岸  
硃礫激激而雷殷湍渦洄洑而珠漩協靈潮之往  
復蒸湖氣之聚散沮洳停泓孤蒲繁亂榜人夜艤  
漁子晨爨其中則有平原沃壤以陌以阡蠶女出  
桑丁男力田墟里鬱其相望雞犬荅於雲天衣冠  
仍古淳風尚延軒氏華胥之國晉人桃花之源而  
相與娛朝夕而忘歲年竹有篠簜之類木有橘柚  
之屬蔚兮千奴森兮萬束楊梅夏垂含桃春熟旣

朱實之離離亦青蕤之馥馥猿猱搏樹而擲金鳥  
雀窺園而啄玉芝草三秀建木百仞石瀨濺濺山  
泉冷冷觀輓懸兮旁穴神漢湧兮甘井羽人棲真  
之原列真卓錫之嶺蓋峯廻而勢抱乃肇遺夫靈  
境琳宇土垚銀榜苔青丹丘蹲于狐窟石壇胷于  
流螢荒葛翳坂女蘿蔓庭長松減景而蔭道翠柏  
霏煙以縈屏鳥鳴春而自韻花依磻而自馨仙踪  
已逝杳兮冥冥爾乃繫輕屨振短策陟高巔恣遐  
觀層雲盪胸長風舉腋闊浪天廻騰波電激滴湟  
之所晃耀澎湃之所鼓擊混一氣于溟濤俯萬頃  
而震魄倥佗語于雲中天吳號于下澤矯首中天  
之臺凌空若將可得雷雨晝晦陰風颼颼左雲屏  
而羽蓋右桂旄而龍旂翠蚪翔舞靈龜出遊馮夷  
擊鼓而天矯江妃倚節而夷猶譎喬變幻儵忽恍  
恍而莫知其由于是東望姑蘇非夫差之所窮奢  
極娛者乎南眺會稽非勾踐之所臥薪茹荼者乎

長連

雨賦

而戰壘僅存霸業空徂况夫離宮避暑之館釣渚  
觀魚之臺蕙心紈質之妖麗雲屏綃帳之徘徊莫  
不煙沉燼滅鴟嘯猿哀朝湍夕漲今安在哉洵山  
靈之長在悵逝水之不回孰與夫鴟夷之挂席而  
長往綺里之茹芝而歸來嗟遐軌之可蹈惟隱淪  
其庶幾縱一葦而飛越非我貴夫知希萬里可以  
濯足千仞可以振衣或斷藥于麋徑或理釣于漁  
磯朗詠叢桂浩歌采薇倘虞夏之不作願與世而  
長連

孫子善病著書不怕臥相如之文園忽涼颼之北  
馳零雨其濛拂我軒墀乃歌谷風而徘徊詠東山  
而興思抽毫命素染翰陳辭賦曰大哉雨之爲德  
也應地氣而上升代天工而下施普大美而無言  
潤萬物而不知陰陽以和土膏以宜衛詩則以靈  
紀候周書則以肅徵時帝氏納麓而往試王者零

祀而躬祈迺夫陰諧預知穴處先出水奚爲而潤  
礎月奚爲而離畢燕奚爲而拂雲鸛奚爲而鳴埜  
此皆類以氣感物以性識其餘也霏微歷歷散亂  
飄颻入土而不凝其質因風而不定其方始如絲  
而霖霖既如注而淋浪乍沾衣而藹藹旋緣雷而  
滂滂津莖潤葉滋粉凝粧澗淙淙其出泉花燁燁  
其流光其暴也來不知所自往不知所積鼓勢于  
虛空盡力于擊擲喧喧歷歷破塊漂石疑天潢之  
雪屋集 卷一 五 一 晴堂

牲犧瘞典王之圭幣倏淪淪兮膚合聿霑霑兮千  
里枯樺空懸黍稷介止天何仁于我民雖珠玉其  
奚似缶歌易易以燕以喜至其怨出日以飛蓬樹  
護草而疾首蘭閨晨閉葯房夜守滴愁心于空階  
破殘夢于簷溜春漠漠而煩纖秋瑟瑟而掩袖沉  
沉永巷寂寂長門埋重苔于綠逕冷銀燭于黃昏  
與斷漏而徐滴送長楊而作聲莫不增茲永嘆鬱  
矣傷情且夫棄繻遊子鳴鑣上客指遐路而過征  
雪屋集 卷一 六 一 晴堂

倒注躍瓠子之決圻騰潦則九涂流渾懸瀑則千  
巖飛白于是截蛟竦于朝濟挂夕陽于鳥道魚躍  
淵而噉嚼豕涉波而泥淖銀漢夜澄散梧桐之疎  
滴孤雲晚霽轉蕙蘋之澤耀至若洗兵魚海清塵  
輦路增柳色于龍池浥輕鑣于客渡夕霏霏兮紛  
神女之瑤裾畫冥冥兮濕山鬼之芳杜蜀道以淋  
鈴叶曲成都以喫火失度事異情移不可究數若  
夫布穀鳴畚鍤始抱糈不給黃埃漫起勞聖王之

進車淖滑而不息望遠道以斷魂慨投林之鍛融  
于是乃作苦雨之歌歌曰斷楚塞兮越秦關白日  
匿兮玄雲端下杳冥兮灑征鞍余心悲兮黯漫漫  
勞如何兮以長嘆矧端居之多憂偕泣涕而汎瀾  
亂曰上之狂兮惟恒其罹民之愚兮惟暑其咨不  
崇朝而被天下兮孰行而施傷美人之遲暮兮泰  
階平之何時蘭帝心之忽啓兮惟用作之雨兮雨

今惠我無私

蛙聲賦

新雨霽浮雲羃臨清池倚危閣有聲出於瀕涯類  
立萍之嘒嘒乍求類而孤引忽肆應而並作驟而  
聽之晏然如振鞀鐸遠而卽之填然如進鼓考亂  
蟬吟於高樹雜蜩歌於壤末顧問童子其名曰蛙  
冬伏乎桑根夏集於水窪或成文而綠質或斑駁  
而青花鍾陰類而聚族感水氣而先譁夫其爲物  
雪屋集 卷一 古唐堂  
也名不載於風雅類不離乎汗下蹈井難以語海  
沉窻可以溼化時蓄縮以相櫻嘗力決於兩勝將  
不密以致危納漁人之罟獲只言語以爲階尚永  
號於中夜爰一唱而衆和聿此歇而被滋我聞物  
不得其平則鳴豈含怒之未洩若羣呼而訴之不  
然何昂首而瞋目遂鼓頰而振頤雖與人乎無爭  
抑爲官而爲私至夫陂塘今青草池館今黃昏恒  
伏枕而不寐擾斷夢而騰喧泉溜今出響風篁今

成韻悵羈孤而不怡混虛籟而遞進桐露初引素  
琴晨張厥聲聒耳清徽不揚梅雨方歇榜歌夜發  
厥聲盈野雜沓無節託微軀於卑原懷賤響而畢  
吐非造化之有殊各緣質而音舉素蟾窟於月腹  
妖墓脫於下土殆遺孽之雜處肆淫哇而罔顧胡  
晉人之清風當鼓吹之兩部嗟夫類以聚而羣分  
氣相求而聲應爾不見九臯之喚鶴與喬木之遷  
鶯旣聞天而歷歷亦求友而嚶嚶緬大雅之不作  
雪屋集 卷一 古唐堂  
乖神聽于和平白雪寡和黃鐘見憎惟屬調于下  
里雷殷殷其缶鳴彼其襟然進者爲雅調而繁然  
亂者爲清音慨斯人之聽焚又何尤乎蛙聲

憎鼠賦 有序

凡人欣厭之情因寄萬類聚群分而情  
遷矣故深山大澤之中豐艸長林之下或  
毛質怪裔或角距倖惡雖搏攫吞噬勿逼  
處此非剥牀之災也乃有近在耳目不可

遣驅唯蠅與鼠而已止焚觸惡於罔極相  
皮託刺於無禮厥類惟彰鼠人興嘆而歐  
陽子有憎於蠅尚恕於鼠夫君子之取物  
也大者降乎天精次者應乎人文下者亦  
彰乎物用如鼠者文不足以耀身德不足  
以資物畏中剛外實繁有徒而猶候動伺  
隙冥夜橫驚嗟亦甚矣是以葉名鼠耳文  
后寘之周行憂成鼠思大夫因而泣血疇  
昔之夜厥黨狎至咋嚙跳擲如相戲焉心  
厭其所爲伏枕揣摩盡得厥狀爰作賦曰  
嗟爾鼠之爲虫兮亦大生之衆諸爰取象於卦艮  
兮亦降精於星虛宜守玄而處寂兮胡橫行而逆  
施詩永號於貫女兮易承羞於晉如恒取惡於古  
人兮吾將數其罪而責之維爾形則克藏性則無  
良晝則殄影夜則跳梁方窺伏於垣牖兮旋突馳  
於筐牀唱殘腥於盤飧兮濟餘瀝於杯湯維筭有

裳兮女紅所以授衣也而爾顧肆虐而虧傷維困  
有糧兮王人所以養賢也而爾顧坐糜而飽嘗既  
叫呼而無忌復投擲而莫當迨其醜類匪茹引朋  
昆兮盤據不去種子孫兮遺矢縱橫汗醜醜兮流  
涎狼籍漬匏尊兮以穿我墉與雀角而爲喧兮以  
憑我社與狐黨而爲援兮伺靜而動狡有智兮發  
藏而暴貪無藝兮其畏在目欲前且避兮其疑在  
首欲竄且遲兮將欲熏之而壞宮兮將欲投之而  
忌器兮吾將廣爾之類甚爾之惡駕羽化而爾迺  
孽作鼯技竊而爾猶高躍蹊穴丘以避患而爾不  
畏乎重鑿鼯飲河以滿腹而爾必貪乎大嚼鼯遊  
乎藜藿之逕而爾潛窟者囊橐貂戴乎璫貴之座  
而爾橫索者醺酢處類最賤行暴甚虐宜其腐來  
鴟鳶之嚇而生爲狸奴之攫爾若省過知非嘔腸  
易胃宮庭是遷榛莽是避猶可埽室治垣矜全爾  
類而爾乃啾啾嘖嘖曾不自愧此坡公所以嗤其

黠而劉子所以棄其穢也嗟爾鼠兮我將取爾之  
鬚兮曾不如兔之銳穎我將資爾之牙兮曾不如  
犬之司禁我將褫爾之皮兮曾不可以爲裘而煖  
我身我將烹爾之肉兮曾不可以爲羹而飽我人  
則夫格其足桀其身案其罪而加之刑又曷怪乎  
張湯之文深

雪屋集

卷一

十一

古肅堂



雪屋集卷二

常熟孫永祚者

五言古

詠懷七首

蚩蚩商丘叟，戔戔北山愚。即石可平險，泳水可得珠。至誠動天地，一心與物俱。恂目中已殆，矜外神先渝。乃知旦夕智，疑慮失遠圖。大人積精誠，畢力事前途。矢矣無惑志，嗷彼悠悠徒。

雪屋集

卷二

古賢堂

其二

敬業在合志，樂羣在同方。邈焉時寡儔，一室空和光。夸士喜徇名，達士甘樂荒。良士職蹶蹶，中夜徒自傷。淄澠性不混，鵬鷃亦各翔。思我同懷人，千秋與徜徉。

其三

夢蝶既栩栩，御風亦泠泠。將欲乘虛無，嗒然廢其形。齊物脫嬰網，喪我遊宮庭。名教有樂地，仁義豈

剗刑，玄執不可蹈。智者徒聽焚。

其四

溼鬱苦天穢，宴安懼疾美。人生百年內，憂戚多於喜。五噫悲伯鸞，四愁嘆平子。古來幽憤士，感遇多如此。觸藩空自羸，怡堂竟為恃。世途不可嬰，集木乃坦履。

其五

西山有精衛，銜石填海中。山海何高深，惜哉力不從。神龍屈蟠泥，天飛掣雲空。鴻鵠養六翮，一舉凌蒼穹。靈異起變化，不在區區衷。

其六

蘇秦北遊說，李斯西上書。祗為榮祿謀，傾險惟所施。安知反掌間，戮辱有餘辜。爵爵璠璣器，亭亭松柏姿。根株不早定，蘿蔓會當移。大易慶朱紱，國風歌素絲。願言耿耿志，持此翼明時。

其七

荆棘絆蘭茝波瀾起平丘人情自翻覆乃爲交道  
羞意氣空激昂智鄙相攻仇齟齬里中兒古道不  
可求願言出藪澤海內結侶儔祇恐羽翼微不能  
翔九州坐此抱膝嘆沉吟生百憂

山家

獨往每稱幽同人匪云逐深期託友生遠思愜林  
谷雨色暗松屏溪聲殷石屋柴桑臥雞犬町墮下  
麋鹿木葉澹粉紅秋花淨如沐松根藏茯苓荻簞  
穿簞竹野蔬摘異芳夕爨炊香穀風微覺酒清煙  
直知茶熟涼月未分明棲鳥向人宿

朝登凭虛樓

高樓矗崔嵬四遠清風集水色澄空梁白雲英英  
入麥田千里浪柳村萬家邑爽氣晨飛來開襟紛  
欲襲摘藻嗟棟雲明霞散書笈曙初日已高樹蒼  
露猶濕清嘯出林莽帝座通呼吸

徐仲昭貽余清遊集却寄

哲匠邈高軌小儒事早辭皇考嗟然笑白雪知者  
希四海詎寥廓齟齬堪鄙嗤江上有徐穉卓哉吾  
所師山川恣遊歷靈氣發奇姿下筆破萬卷鉛華  
竟安施造化役風雨天人翔蛟螭千古乃方駕中  
原誰舉旗大雅久不作典刑良在茲

渡江

買舟長江頭江上風吹客落日逗遠烟濕雲流霽  
夕遙山萬點青疊浪千崖白潮聲驚虬宮蜃氣落  
飛翮舟人駭停舶客子嗟旅逆深徑撞陰雷高林  
鏘寒戟子起攀檣看秋色滿巾幘胸中河海平眼  
裏乾坤窄新楓鬱蒼蒼兩岸蘆花碧月下片帆東  
江中一峰僻高歌夜潮寒星斗紛如石杯酒吞大  
江賦詩泣滄伯意欲御天去俯視渺一瀉

平野堂聞華漚漁歌

高軒臨野漱柳岸多漁磯欹枕幾迴聽漁歌來漸  
微一聲杳不歇渺渺從空歸時入寒潭響兼挾清

霜飛心竟坐超忽缺月明房幃此意誰與道中夜  
常披衣

夏夕

黯茲林塘夕豁然疎雨散明月來徘徊雲光爛銀  
漢照我白玉顏風塵浩堪歎細石縈鳴泉流螢飄  
并幹竹涼無夢寐寂寂夜將半

維摩寺老樹

精廬北山上古樹鬱盤根霜色幾千載癭瘤不可

雪屋集

卷二

五

古嘯堂

捫海氣晴晦合山光日夕翻聲滿縣西市影落江  
北軒崢嶸非一狀山鬼時與言凍雪積陰谷烈風  
吹高原下覆巖中松歷歷如兒孫我來探古色正  
當秋氣繁寒鐘答空響黃葉擁寺門精靈未敢問  
落日啼山猿

漫成

春愁不可當秋懷不能忘春日蕩蒐夢秋風慘衷  
腸何以解春愁春愁酒可澆何以解秋懷秋懷詩

可陶酒醉憂蹙歌詩成憂方高

溪上步月有懷時旭如山樓

素輝如積雪騰此地上光欲踏不敢遽脚下生寒  
芒四野何沆寥水木秋蒼蒼水氣下白露木葉脫  
清霜叢薄光迴碎碕岸路微茫千里望不極緣溪  
歸草堂孤吹出林樾遠鴻數平荒思君山樓上留  
酌飛瓊觴遙夜有如此獨坐生憂傷

送趙景之計偕北上

雪屋集

卷二

六

古嘯堂

秋風萬里動天雲飛四垂脂車駕言邁挾策于明  
時君子起大業小儒事卑辭念子光駿德世烈舊  
所基才賢固夙欽文采亦吾師朱鳳振其羽鷺百  
空爾爲自笑鴻鵠志猶事枋榆棲行行把瓊芳春  
風以爲期

其二

執手念遠道黃塵漫浩浩歲晏江河深魚龍豈終  
老霖雨起變化神物自矯矯策馬齊魯間太行青

入吳市駿已空羣破璞非銜寶 明聖正當陽致  
身及應早漢庭第一才茲出誰小草自顧寧不嘆  
賴子抒風抱

倦夜

林月生夜涼水風清晚醉柳疎蟬咽響連側魚翻  
翠亭亭碧影澄濯濯素華墜圓波微見紋灌木遠  
生吹短夕空易徂長日多促刺靜坐聊可適憂來  
不成寐

雪屋集

卷二

七

古齋堂

七夕

今夕是何夕秋風媚幽思微雲澹纖月涼露被華  
滋小庭掬方水鵲去無驚枝眷言念離合明河高  
且垂空聞靈光會牛女成佳期歲年隔朝暮須臾  
聚歡悲人世寡良邁河梁徒爾爲悠悠清宵徂惻  
惻中心私天漢未可問乘槎將何之

與徐元脩王季和自顏港泛月華淮

圓月升夜垣宿鳥喧春潛良景不可得佳人匪遐

阻因地理舟楫橫塘見村炬遙失犬櫓聲素蟾灝  
杯醕空濶渺相將深清汲還煮浩歌發靈颺端坐  
身已舉積水澄明波遠靄浮孤嶼所思在天末望  
望成何許微露下沾衣中流自容與

晚泊君山渚

練帶天風翻散作羣山紺綠煙漁一簑夕翠樵雙  
擔潮迴激石鳴雨起連江暗秋色撲船來芙蓉零  
作纜

雪屋集

卷二

八

古齋堂

題嚴子建萃野

世人事業競遠趣知者寡世外得吾真僅見君萃  
野結茅不數楹花竹環其下綠波照軒明蒼山當  
牖寫芳原連綺繡風物正瀟灑高柳拂長條時與  
炊煙惹涼雲畫裏生明月挂中鴻展卷有餘適卓  
爾見高雅我來心豁然一傾累十竿遠歌發水村  
散步得蘭若籬徑久不行春蘭藉盈把往往載酒  
至輕舟疾於馬解纓濯滄浪釣徒堪結社猶恐漁

人知紛紛問津者

酌陸兆登池上有懷伯符

池上弄明月水木含餘清垂柳散平橋流波暗迴  
縈觥籌信所適石上彈楸枰隔池誰所居君家伯  
子兄相結忘年契北海與正平中道忽云徂素琴  
今不鳴涼風動高樹彷彿哀弦聲舉酒再三嘆惻  
惻傷哀情

偶成

雪屋集

卷二

九

一曰讀書

斯人盡冥行醒者得其清舉世盡畏塗醉者得其  
真醒醉我何適大道本無營

感事和錢履之秋夜韵

羣羊食草間而欲冒虎斑嗟彼揭竿民何異貪餌  
鰥慢藏雖云悔餘毒及孤孀遐哉神君治夜戶常  
不關

春日雨中題江上寓

震雷發羣蟄衆卉欣時雨鼓藥紅乍抽老梅白盡

吐雀啄短垣茅鶯啼江渚樹嗟彼灌園翁淳風朴  
而古蒔花滿庭闌種菜當墻戶祝雞無是非抱甕  
忘歡苦自笑浮名身行役戀柔艣壁彩動江關青  
衫滿塵土獻策先賈生匡時後鄧禹春風吹鬢毛  
日暮吟梁父年運苟如此吾不如老圃

鬪雞篇

長安東郊道築臺兼治坊羣雄正恃氣翕赫來廣  
場朱晴炎火發金距利戟張竦冠相抵向振翼忽  
雪屋集 卷二 一曰讀書  
高翔一却仍屢進抑怒以待強口血汗錦毫勝者  
何揚揚豈意匹禽爾決命爭低昂視敵有如此勇  
氣前莫當赴赴戴鵲輩鼠竄良可傷

白馬篇

白馬黃金羈飛出長楸間身輕片雪影汗滴桃花  
斑朝馳度隴水夕驚過陰山蹄蹴層冰裂尾駢戰  
血殷胡馬數十萬追奔無生還與君立功勲微軀  
安足言但笑笑官騎虛飽在天閑

雪屋集卷三

常熟孫永祚著

七言古

月下小憇七星壇成游仙八韵

夜月何皎皎輕霜濺枯草人聲萬戶寂槍立空壇  
老壇前青石幡影舒瑤姬玉女駢香車中天之臺  
鸞鶴集笑語雲中吹步虛疑是瑤池宴歸去玄都  
蹇駐仙人馭靈風一陣月空明葉滿山門不知處

雪屋集

卷三

百嘯堂

春夜看梅沈雨若典園歡醉達旦

城北草亭夜不開梅花數十相迴環闌干平望雪  
斑斑花氣迷濛春一灣三三五五語笑間呼盧命  
酒開春顏綠衣歌舞綺衣閒人影參差醉不還醉  
慙風流意有餘摩空噴雪賦成初人人自矜仙骨  
殊不改心腸鐵石如月落孤山處士居羅浮美人  
鶴來徐相携清夢碧窗虛猶有香風欲襲予

習靜春曉閣

春曉閣前春日暉春生臺榭春風微晴簾花氣撲  
書研午欄竹粉沾巾衣中有園居草玄者朝朝瓊  
屑玄珠霏霏微馭氣窮深宵流水車輪徒擾擾清  
音自在馮高山真韻無心流好鳥靜裏心從何處  
歸推窗露滴青春曉

妓館遲玄姝夜至爲扶風賦

館娃宮月西山頭日暮悲風起客愁匣裏劍光收  
不得春心一夜滿倡樓樓上花枝月初午水僊何  
處猶飛雨燭影熒熒驅夢來凌波迴步餘歌舞僊  
郎故惱鳴鞭回阿鬟扶致鴛鴦杯檀板低催按聲  
怯玉執掩抑勻面開青霓花褰搖襍寶泥人情緒  
偏生懊愁煙柳葉病初長泣露芙蓉妝更好一幅  
輕綃字數行解看猶帶寄來香已知舊恨苦縈思  
那更新懷憐斷腸舊恨新懷訴無極翠寒燼落催  
人逼王孫一擲自千金難買今宵春半刻

長千行

雪屋集

卷三

二

百嘯堂

長干女兒傾城顧家住春洲桃葉渡嬌面盈盈臨  
水粧朝朝織出機中素素耀鮮膚凌雪霜可憐遙  
夜宿孤房少年夫婿向何處獨對秦川空自傷空  
自傷復相憶陌頭楊柳黃金色坐使春風度歲華  
馬嘶不似君行跡但聽烏啼春樹深成行玉筋下  
沾襟起來攬鏡長嘆息青鏡那能知妾心妾不願  
作侯家婦歌舞筵中小垂手金鞭自逐五陵遊倒  
却玉山猶使酒妾不願作邯鄲侶日日高樓大道  
雪屋集 卷三 三 古齋堂

傍公子千金買巧笑一朝零落委秋霜妾心願作  
花間燕雙去雙來梁上見辛苦營巢背逐飛依依  
向語同棲戀如何車馬去閒閒音信乖疎竟不還  
落花重重難上樹君歸何處惜紅顏

### 銷夏灣

太湖之小山巒岈太湖之山水灣環吳王築宮來  
避暑白紵涼生水閣間朝歌暮舞鮫人帳千里湖  
風颯相向漠漠平蕪空一丘只今明月隨波浪

### 大水吟

春來岸雪冬餘積雲母水開春日炙戴勝鳴桑雨  
不來桃花新水無三尺共愁春旱枯漁汀猶喜麥  
天梅雨青誰知澤國常苦潦雛雉高飛搖鵲鴿白  
龍水戰火龍敗海氣湖嵐噴成沫晴晝須臾黑四  
垂疾雷破山雨破塊秧田沙砲擊喧阗雨伯縱橫  
竟不回倒却銀河上疑竭杞人日夜憂天頽城隍  
盡盡摧百丈湍急朝衝兼夕漲溪聲未堪倚杖聽  
雪屋集 卷三 四 古齋堂

水勢但可登樓望翠柳青榆蔭已休川原何處不  
成流蓮涇石決竹橋漫草壁土消茅屋浮坐看長  
堤浪吞齧高塍平浸無由泄浣花磯沒巢鴛鴦築  
稻場沉窟魚鼈野老經營未忍虛擔泥堰水不成  
渠賣刀處處思還續結網家家學捕魚生憎大澤  
連大陸河伯今朝旋面目渚渚不辨牛馬形風雷  
抵恐蛟鼉逐我欲乘流一扣舷舟凌萬頃青空烟  
蒼茫世界疑無地莽莽波濤欲到天猶有人家居

樹半鰲人水國如相喚掩泣空餘明月珠竈畦烟  
冷虛晨翼吁嗟吳儂遍告荒宰官星勘徒紛忙蠲  
租未下災傷詔賑粟誰置常平倉瀕歲窮鄉疫風  
起漕輸百萬多流徙征徭已苦遼東兵汙萊泥滿  
江南水昏墊馮陵日薦飢救荒奇策自來稀黎民  
菜色詎忍見不信廟堂食肉肥五色線將天漏補  
草茅何日承 明主太平玉瑄手爲謫五日一風  
十日雨

雪屋集

卷三

五

口噴堂

贈造墨者方玄卿

廿載江湖老名下盡識方君墨隱者拾得崑崙象  
罔珠文人詩客相追趨雲氣淋漓燒作汁濃香不  
散松膏粒玄霜夜搗鐵杵鳴碧烟秋掃瓊篲溼瓊  
屑新團螺色沉漆光舊暗龍文侵有時乞賦感意  
氣贈我雙函不用金一片清都玉數滴沆瀣淥仙  
郎夢染筆將飛狂尉醉濡髮似浴草檄應磨楮畢  
冰宣麻欲汙宮袍綠有志如斯愧未許日暖閒窗

空著語抽思吮墨把題君彩毫忽動黏春雲

贈筆王強端甫

強君強君住管城夜驅蒙恬十萬兵斷來梁苑竹  
多瘦逐得中山兔盡驚七尖銳射秋末雨珠光圓  
拂春毫霧空傳晉代鼠鬚名不數香山雞距賦有  
筆如此詎可虛會須獻策天子居揮落烟雲洛陽  
紙激昂霄漢金鑿書有時吐鳳甘泉裏自草太玄  
侯知龜有時倚馬弄言動唐宮勅嬪親呵凍五色  
雲屋集 卷三 六 古齋堂

夏日偶集陸文脩齋

濃柳疎桐蟬咽處薰風簾幙涼生芡主人櫓矢客  
鳴壺六月虛堂不知暑冰盤薦雪酒傾珠携宴中  
庭夜色蘇意氣爭傾北海座風情詎數高陽徒明



河照席飛螢火長嘯驚鳥落庭果起舞胡旋醉不歸紫微月向西墻墮

海水謠

海水今年不受職上作霖霖下泛溢江南使者未敢隄醺酒龍神告沉壁推牛擊羊水廟裏鯨浪高掀鼇峰徙天黃日落烟茫茫四國豆苗半浸灰吁嗟回首民惟艱五風十雨何時年令人重憶先皇世海不揚波海晏然

雪屋集

卷三

七

古肅堂

正月二十一日泛雪湖上大雷電

曉鑿藕田三十里移舟汎入空濛裏銅盆炭映玉壺紅蓬外雪飛寒隨指飛來幾片衣方溼磬磴一聲曉矚急萬道火光燒不融玉蚪亂舞成團入如何激薄任天家滕六依然巧剪花疑是空中爭道過一時推倒阿香車

丙寅紀異

述維正十年歲復溢則已一百七年

七月一日怪風色三日夜來不肯息黑罡一氣入

斗旋只在虛無運神力一片空聲樹頭指江北江南數千里倒飛海水潑雨來猛虎毛寒嘯不起鬼車昨夜縱橫帝城中瓦落如雪霏野由連毛拔屋去驚沙壓得稻花豆莢摧成泥我聞京師三月春土霾白晝揚暗塵崩雷五月塌城堙如何沴氣行下國水妖旱魃乘風輪鳴呼三農賽神告神保五日一風泰階好誰吹玉律掃天狼空向高山尋勁草

雪屋集

卷三

八

古肅堂

寄蕭山來廿四季方

我不羨君抱奇術江山到處尋真室我不羨君好家世公卿子姓滿門第如君自是千古人青鞋布襪寄風塵世人無復入青眼對予如接平生親憶昔相逢在平野臨風把酒梅花下一見豁然千里心百年空嘆悠悠者杖屨白雲何處家別來又復幾年華山中流水依然在洞口櫻桃空自花如今情事不堪數至痛驚心兩迴苦欲卜玄堂土一坏

不見君來何處所當初指點北山深雲石蒼茫不  
可尋草草泉封已成樹教人能不憶沾襟

嘗野菜

我家有廬住北郭山谿野人獻芹藿蒹花薺菜破  
烟挑萃子泉莖和雨斲隔屋青香遶爨烟一杯野  
飯春堪嚼菜根滋味咬更奇肉食鄙夫那得知試  
效野人獻此味蜚口慘腹君胡嗤君不見金盤玉  
饌無下箸日費萬錢空爾爲

雪屋集

卷三

九

古齋堂

病眼看梅

眼中痛發熱如火使我喧悶難可禁虧殺窗前三  
株四株老梅樹招得寒香清沁心三冬霜雪飽凍  
苦一月風雨常晦陰乃知倦眼怕晴晝如此蕭森  
颯爽開煩襟開襟暗覺香風起直以冰脂洗昏翳  
老梅精爽能驅爾不然閉目悶欲死

弔藤

古藤盤鬱西山垂  
峯雲攫日精靈移  
黑蟠雷雨挂

虬角青入薜蘿纏石皮秋堂長絡千年蔓元氣崢  
嶸山鬼怨一披西風入斧斤吹佐僧厨香積飯我  
來谿上重淒迷墮葉飄花自著泥何處空中孤鼠  
齒猶聞澗底作龍啼

朱又希師旅母觀歸越短言慰送

單父曾聞不下堂虞陽枳棘棲鸞鳳鳬初來看  
飛越牛刀試割真鋒鋦兩載簾垂父母邇君侯美  
政花相似城頭刻宿忽無光一夜悲風滿街市吁  
嗟吾侯母不天奪侯母爭民胡年母在何辭百身  
贖侯去誰爲衆子憐執白紵攀素軾行行欲淚情  
無極春雨棠梨徒爾思春風桃李空相憶君不見  
江南保障爾絲輕何處循良赫赫名獨有絃歌遺  
化在川流夜月瀉琴聲

送譚扶風北遊

丈夫之志在四方胡爲刺促間井傍君今出門向  
何處意氣凌雲入帝鄉六月揚帆渡淮水黃河日

暮黃雲起耐可乘槎直入天風沙已踏京塵裏京  
國新來四門闢乳虎蒼鷹已薪積下 詔更求良  
史才紛紛通籍承明掖如君入都正年妙走馬長  
安五陵少楊雄獻賦甘泉官方朔隱身金馬詔一  
時恩遇日應新何必功名讓古人君試昭王臺畔  
過黃金猶自照千春

贈徐子鵠得子

君不見徐卿生子稱絕奇少陵不惜爲歌詩至今  
雪屋集 卷三 一 二 古齋堂  
千載見英氣其後往往多佳兒南州名士文章伯  
探驪半世無消息驪領昨夜走其珠却在君家掌  
中得微蘭兆叶采蘭曙正值春來馥如許神駒出  
水千里血老鳳引雛五色羽珊瑚數尺綬青絲白  
玉門楣未有期珍重奇珍希世有階前行見玉盈  
枝

遊洞庭篇

閨閣城外木蘭舟溟濛烟雨春江愁載得美人出

湖裏拍天湖水桃花流美人唱徹勾新醉青漚幾  
點烟中翠淨碾玻璃三萬六秀削芙蓉七十二龍  
巖石洞苔龍葱落唾吹花珠玉風東海蓬萊不盈  
咫五湖一吸掌杯中吳王洲前水犀戰鴟夷舩裏  
西施面潏潏空送明月歸綺里烟霞幾回變霸業  
仙靈去不回十三小艷花板催直須一醉便千日  
却駕山頭黃鶴來

林屋洞

雪屋集 卷三 一 三 古齋堂  
湖龍散唾石花噴幽岫玲瓏路盤亘共工餘怒不  
周回倒觸山根丁甲遁地脇穿開達玉崙津砂瑤  
草白成春至今妖嬈不敢穴萬丈天荒一線人隄  
隈何處尋靈篆元氣茫茫洞中轉低窪細生瑪瑙  
漿倒乳暗垂冰雪磳願持不夜驪珠來照共靈威  
手劈開不知世上換花甲但聞地底開風雷葫蘆  
空繡日月色鐘鼓長懸天地黑頭上湖聲萬頃鳴  
脚前石柱千秋隔隔得人間不隔仙仙凡豈在穴

中天歸來縹緲山頭立猶聽青空語倥傯

吳閶舟中贈歌妓若蘭

吳天棹破迷烟雨拍拍香風花對語當筵十束紅  
綾紵不換蘭娘歌一緒一聲妙叶神工什湘娥怨  
瑟西施泣顆顆真珠滴欲圓柳邊猶覺鶯吭澁無  
言四座各情含湖上羣山眉着嵐何當今夜扁舟  
承飛鴻目送秋風裏

徐文虹齋觀劇四章

所謂徐家燕子

雲居集

卷三

一三

古齋堂

十三小伶鑲玉骨能行屏風靴踏壁排場一道不  
數尺蹲蹲起舞應節拍陡然險勢疾飛翻利刀短  
劍當頭擲一聲撲地翻向空座上寒毛如蜩蟻旋  
身未數胡騰兒燭花暗飛紅毯移石國遺師至今  
在不向君家那得知

其一

繚垣重重心悄悄湘簾半捲穩趁月華堂小史髮  
鑑大雄吹清歌一時發激徵流商分外奇梁塵欲

動雲不飛輕喉最向空落成串真珠櫓雪霏子  
夜前溪方罷舞座賓唧唧徒聞語醉中不惜汗新  
裙走筆爲翻新樂府

其三

劍戟森森豹幡掣中軍隊紅纓結金鉦靜處不  
聞聲縱橫陣脚旗門列五花八門何井井鞭梢一  
指旋風影不知轉戰畫堂上疑是春營耀威猛君  
不見婦人可兵姬可騎三令五申誰所致可憐百

雲居集

卷三

一四

古齋堂

萬養將軍棘門灞上同兒戲

其四

我出無車策款段天閑神駿無由看紅膺翠轡繡  
纏髻燈前滴滴桃花汗奚官牽出風生蹄玉鞭一  
下盤旋馳遶場蹀躞復蹀躞擬向月明歸借騎君  
不見西京樂工遺妙伎殿前激水魚龍戲更憐木  
偶會招人穆王何事空生怒

泊雨綽墩湖

緯墩湖邊烟數樹野塘沉沉雲水暮問津前向不  
見入風雨孤舟何處住略上行人怕暮黑暴客縱  
橫劫商客渡頭昨夜滿腥風官長差人捕不得吁  
嗟出門多畏塗風波賊盜無時無安得龔君蒲州  
縣佩刀帶劍皆農夫

置酒行

置酒高堂刻明燭翠釜金盤饌炊玉妖童少女伎  
紛屬絲楊肉奮性移促纖指轉斷腸絃軸鳳梁猶  
雪屋集 卷三 一 古齊堂  
繞春風曲主人酒半客更衣樂端屢進歡不足起  
看北斗移星河有士飯牛方進芻漫漫長夜鳴鳴

歌

哀王孫

老嫗山中哭帝子漂母淮上哀王孫乃識假玉與  
真主被酒寄食元不倫蛇已斷從其龍投魚竿縱  
狗功相與逐兎烏江東誰知鳥盡將藏弓有雉反  
來來央官漢家何薄韓何驥何不回首飢餓城南

臺淮陰已侯猶望報坐令怨嗟羅刺身爲菑吁嗟  
乎帝子不須哭王孫真可哀城南漂母詎易得空  
嘆英雄千古才

白紵舞歌二首

黃金樓楣白玉堂清絃急管飛瓊觴有美一人婉  
清揚纖袿長袂盛容芳迴身徐起步鳴璫循奏躡  
節趨徜徉疑思含睇惜不翔雙袖忽舉橫難當日  
沉月入西馳光妾身長侍奉君王願君歡樂壽且  
雪屋集 卷三 一 古齊堂  
康千秋萬歲未渠央

其二

銀燭明輝麗便嬾徘徊紛衍却欲前紈袖飄舉帶  
縈旋迴風匝地拂綺筵轉腰頓足翩僊僊金盤玉  
除盈翠鈿逸態百出變屢遷清霜乍飛歌乍傳鳴  
箏促柱思華年盛顏一故詎再妍誰能禁持私不  
憐

龍頭水

隴頭水咽不流馬渴下飲嘶長溝驚塵漫漫關路  
悠邊塞不識春風衆征人去赴交河戰此水鳴鳴  
下隴頭

江南弄

青青垂柳拂金堤相邀拾翠弄春暉連袂踏歌嬌  
不歸嬌不歸江南路曳羅裾花裏度

採蓮曲

沙棠作舟本蘭橈金塘水清不通潮持花牽葉來  
雪屋集 卷三 古肅堂  
迢迢來迢迢浦風起捲羅裳墜蓮子

採菱曲

椒潭桂浦茱萸灣女兒纖手金約環夷猶中洲采  
菱還采菱還歡不見望江南淚如霰

朝雲曲

疑烟似雨流光開芳菲掩靄臨荆臺乍遠却近來  
徘徊來徘徊望不隔飛瓊裾拂瑤席

君馬黃

君馬黃臣馬驪兩馬同逐臣馬隨分之所安不敢  
辭君馬黃臣馬黑朝發官城暮八極願君歸兮無  
忘矢文德

獨夜歌

溪蛩號霜天柳葉霏水烟長安高樓多舞筵何處  
良人羈盛年夜半空閨獨誰語玉闌干外月臨川

春風歌

春風吹寒洛城隅洛城有女長嘆吁低首不語心  
雪屋集 卷三 古肅堂  
薛紆柳條輕弱桃花都桃柳紛紛夾長衢鶯黃燕  
紫新弄雛誰人相攜採薜蘿可憐南陌多靜姝紫  
絲障歌石絲珠青絲籠葉秦羅敷使我獨立空踟  
躕葳蕤深院日照鋪花氣縈帷碧流蘇凝色凝枕  
紅珊瑚心煩意亂碧看朱空持少年與誰俱鶯啼  
暮樹春欲徂思君不來眼骨枯君不見池上浴雙  
鳬飛來飛去無時孤

秋風歌

秋風瑟瑟生虛堂井梧飄蕭吹裙襦低愁含恨眠  
象床羅衾繡幕爲誰芳隙月照幃起徬徨金鋪鏤  
響出迴廊香氣滿裾散流黃羅帶牽風別來長明  
河垂練星垂璫冥冥秋夜何未央玉簪搔首蓬飛  
揚玉筯挂頰三兩行寶錦秦機空斷腸思君不來  
心煩傷君不見牛女隔河梁朝朝暮暮長相望

義憤行爲貢獻五

主爲奴決兄爲弟桀大江之水下嗚咽青天之霜  
雪屋集 卷三 一 口 嘯 堂  
上飄瞥君何辜兮罹此屈軀爲友隕兮寃爲友雪  
友道貫金鐵嗟乎大義胡可滅食仇肉飲仇血嗟  
乎大義胡可滅

坐雨鄒愚公故園酒酣因醉公履

愚公故谷錫山隈喬木陰陰曲水洄画壁長廊金  
粉堆層阿複道隱樓臺秦歌趙舞日不歇可憐一  
旦飛塵灰我來六月毘陵道猶貪佳蔭攜尊疊雨  
勢忽如瓢子決飛烟噴瀑驚崩雷但愁咫尺坐相

失中堂叫嘯相喧喧哀湍墜石拂高樹美人黄土  
何其悲惟見兩山青不改荒園無主空蒿萊吁嗟  
鄒子身爲災血痕在壁長莓苔陰房杳杳鬼語哀  
我今爲汝酌一杯鄒子英魂安在哉胸中硯礪須  
得澆我百斛酒坐恐惠泉枯竭生黃埃百年翻覆  
成何事一曲長歌歸去來

我所思兮四章

我所思兮山之中山鳥鳴春今日曛曛薜蘿羅生  
雪屋集 卷三 二 口 嘯 堂  
今美人以爲宮欣欣目成兮下簾櫳私並坐兮未  
敢通翩然一逝兮驚如鴻落花無言思何窮小窗  
搔首兮愁春風

其二

我所思兮山之北有美一人兮在空谷采芳蘭兮  
不盈羽雲龍蔥兮花覆屋泉鐸鏦兮鉶鳴玉風雨  
夕兮客宿宿私有心兮愁幾斛天涯一望兮芳草  
綠王孫王孫兮去何促

其三

我所思兮山之阿空山無人兮花事過花時爛熳  
今春風和有美人兮笑齒瑳橫睇盼兮流明波新  
睡起兮自行歌愛予新詩兮繡輕羅一別如雨兮  
兩心磨岡重路複兮傷如何

其四

我所思兮山之上白雲悠悠兮自來往中有人兮  
坐愁想幽心自結兮抑而枉一見予兮失俯仰橫  
自陳兮覆蓮掌嗚呼歡情極兮哀情長一望不見  
今心煩快春山茫茫春澗響何日重來兮意惘惘

嘗魚行 此乃陸氏園記

東舍溪頭好楊柳主人種魚池百畝昨夜桃花新  
雨餘喚取一雙來供酒溪童撲地入春波手捉銀  
鱗水上過擲向溪陰深草地尾稍猶見白栽栽中  
庭笑殺觀魚客潏潏離徒繞六尺主人呼酒稱快  
哉金盤已薦行瑤席不移時刻帶波煎玉菜冰絲

切作烟蘭閨素手好美臙侯家何處留春鮮堪美  
城中盛嘉會早起門前喚魚賣買得西谿尺鯉長  
猶繫隔宵枯柳帶何似君家涇上居嘉賓日日詠  
嘉魚孟嘗好客空千古馮煖歸來彈缺歎

大風雨拔屋木留酌周彙吉齋頭燈下慨述

天子仁明正當御江南水旱何多故地圻井枯河  
見土禾頭乾黃不得雨赤日照田成斥鹵十日南  
風吼如虎到今狂勢何更怒須臾雨雹震擊戶飄  
雪屋集 卷三 古齋堂  
瓦紛紛向空舞一堂爾汝不相顧出門倒走踣即  
仆幸有玄亭草玄主把袖殷勤留客住人人蜩縮  
寒毛豎篝燈一室相向聚惡況翻成良會晤呼盧  
且盡雙玉注窗上風聲猶薄柱應有垂龍驅海颶  
移海潏天翻作澍幸不傷禾澤沾普珠玉離離遍  
黍稌酒酣更念小民苦偃屋拔木不可數今夜露  
帝無告訴自起悲歌歌杜句安得廣厦架千間庇  
盡蒼生獲安堵



送邑侯楊伯鉉老師入觀

君不見虞山峯崒而逶迤君侯美政與之齊堂上  
琴聲閒白晝縣中花發滿春堤君不見虞川湮淥  
流七絃君侯德澤湛清漣初看破柱嚴霜後漸見  
垂簾愛日邊如君自是調羹手暫試烹鮮亦何有  
盤錯已知別利器畫一何妨飲醇酒堪歎循良半  
繡絲赫赫之譽非所希何年江上秋螟散何處田  
間春雉飛自幸忝居文學里絃歌雅化猶聞耳郎  
雪屋集 卷三 古嘯堂  
星照處福星臨膏雨千門父母過五載棲遲鸞鳳  
章海邦枳棘羽儀芳祗今鳬舄朝天去百里何能  
域大良余也不材本樗散拂日凌雲應所短培植  
深恩比豫章可憐猶作溝中斷自昔英雄重知己  
江東孫楚悲如此何時移向上林裁不負公門舊  
桃李桃李無言谿上路棠梨處處沾春雨何武空  
餘去後思去時那惜攀轅苦攀轅無計苦難留  
天子方今側席求佇看日邊雲五色夫君黼黻潤

皇猷

代愁吟

春有布穀之鳥鳴秋有促織之蟲吟雨中催得耕  
夫力月下喚起紅女心心縷如梭纖手澀機頭夜  
夜寒生泣禾頭滴汗望收成了却官逋無半粒歲  
序悠悠春復秋人生苦爲衣食謀可憐蟲鳥聲淒  
處空代耕夫紅女愁

結客少年場行

雪屋集 卷三 古嘯堂  
少年事俠游意氣橫九州身藏博徒間腰佩雙吳  
鉤吳鉤晃曜白如雪向空一指天狼滅爲君報讐  
仇未得被酒燈前肝膽裂少年場堪結客功名欲  
奪田寶勲豪貴常遊許史宅吐氣如雲衆所尊相  
看千古竟何言惟有當年魏公子下車迎揖老夷  
門

雪屋集卷四

常 熟 孫 永 祚 著

五言律

雨後探桃源欄

空山新雨後。着屐到長林。一徑桃花水。春來幽意深。禪關迷草色。欄戶落雲陰。日暮驚啼歇。能生物外心。

憩包山寺後閣

雪屋集

卷四

古齋堂

寂莫毘耶閣。蒼然翠萬重。林深依淨業。寺古絕塵蹤。月落仙壇井。寺後有毛公壇雲移鳥道松。他年何處跡。賴有度山鐘。

溪行

不向溪南去。那知潦滿塘。林中脩犢具。水上築漁梁。小鳥調鶯舌。閒花學婦粧。田家春欲盡。處處足耕桑。

宴功甫大叅宅看演家劇

華宴當佳夕。清歌列畫堂。月生先映幕。雲度不移梁。舞席花煙滿。衣塵水杜香。何知秋思裏。留戀醉春光。

春晚偕時伯和野眺

何處堪遊目。開門野意閒。春陰花草徑。夕照有無山。石老生雲出。溪深引水還。莫愁新月暗。前路是松關。

倦夜

雪屋集

卷四

古齋堂

清夏疑徂暑。虛堂夜啟扃。幾堆雲鬢髻。一片月池亭。松靜鶴初夢。竹涼人易醒。流螢飛不盡。林外落疎星。

獨坐

遠籟忽含寂。城陰極望迷。秋風催去燕。晝雨隔鳴雞。虛閣桐歸榻。深廊竹抱溪。宛然成獨咏。醉後不知題。

春雨

春雨乘時至如煙漫碧空草輕迷遠渡花重滴荒  
宮有恨縈人意無心潤物客絲絲誰爲織一任好  
東風

春暮遊洞庭

浪聲千頃作人在太湖隈林雨櫻桃熟山風橘柚  
開禹書空閱洞仙跡尚留臺欲問吳宮事春陰酒  
一罍

夏日溪上賦得欲雨

雲屋集 卷四 三 古嘯堂  
兩椽茅結夏一陣竹鳴秋水氣先蒸礎雲容忽疊  
樓鶻低翻樹去龍下抱珠遊遙望千山白移來只  
幾丘

平野堂看吳仲纓舞劍有序

仲纓白江上偕徐元脩過譚扶風平野堂  
酒酣賦詩擊劍爲樂致足雄也未遂請纓  
之志頗有橫槊之風因短言紀之

匣裏雄開劍堂中笑脫衣風聲寒鐵氣電色燦霜

肌騰景龍雙遶迴身蝶滿飛看君酬國志直擬破  
戎歸

謁功臣廟

太廟藏弓遠英祠列象崇山河百戰後俎豆一  
王同綵壁圖麟跡金城汗馬功普天猶食德祇肅  
仰遺宮

登燕子磯

雲屋集 卷四 四 古嘯堂  
蔓壁青蘿合橫秋白露灤龍迎山勢動燕落水聲  
空斗近雲生樹江深月在蓬迴看王氣紫直接  
蕭關中

阻風天霽洲

此日弄孺客歸來淚滿襟江豚吹颶脚岸葦亂秋  
陰縱飲山河壯高歌星斗沉魚龍知失意翻浪助  
悲吟

枕上

一枕清秋夜涼生小簾初露寒蟲語戶燈暗鼠拋

書有夢風雲薄無謀歲月疎  
猶憐華髮在莫學病相如

悼時

國計固云急民生何日蘇  
赤家供吏役白水課王租  
郵使煩征督漕官怒籲呼  
江南膏力盡誰上鄭監圖

釜山卽事

大海安孟日微山覆釜形  
港門潮氣赤墩草燧烟  
雲屋集 卷四 五 古齋堂  
青估舶占風候漁罾帶水腥  
村酤成一醉傍晚莫揚舲

夜坐懷人

秋風餘竹榻閒凭小欄干  
夜色樓臺靜人聲燈火  
殘千砧霜悄瑟一笛月清寒  
回首牽孤夢兼葭何處看

花雨樓看月初起

何處一輪月當樓忽湧來  
城昏烟尚罩潮霽水先

開病鶴秋蘇骨潛龍夜護胎  
漸看光滿處片片散亭臺

感懷

淮海元龍臥乾坤一拭巾  
時危多伏志道賤尚違  
身病鶴翎初拂飢鷹性未馴  
應知丘壑裏不是置閒人

秋過藤谿爲顧朗仲先生讀書處

一水澄秋氣蕭條映古關  
人來藤徑晚僧坐草堂  
雲屋集 卷四 六 古齋堂  
閒黃葉風千樹蒼烟日半山  
空悲先哲萎時有白雲還

泛湖

荷芰遙臨鏡湖山盡入圖  
夕陽依水下雲氣近船  
無病酒杯分半隨涼棹引孤  
莫催歸去黑螢火照菰蒲

賦得明月照高樓

商氣高樓動徘徊月照時  
虛梁搖一水宿鳥抱孤

枝遊子關山意離人粧鏡悲遙知千里共只是隔相思

晚渡蔡涇 在文錄東

落日漾遙津晴光覺可親新蒲風獵獵淺瀨石粼粼  
岸雪猶餘棗林花已及春數聲涇口鳥迎得去年人

病眼

齋心葷久斷病眼酒兼忘惟覺臘辛遠漸知春藪

雪屋集

卷四

七

古齋堂

芳默存多道念暗坐失年光何法除煩惱身空有梵王

病起

病起自理策開軒近前楹新陰放幾樹好鳥來初鳴  
猶見疎雨滴始知晚春晴東風不堪問紅藥正含英

夏夜留丁曙清清溪草堂

我愛清溪月因留幽士居徑深寒焚石潭響夜跳

魚席乘當風竹杯香滴露藥醉聞高柳外漁唱落庭虛

中秋夜一宿維摩寺

一宿招提境衣裳翠霽中孤雲翻海氣雙樹棟秋空  
石臥深山月鐘遲古殿風諸天應自近香入桂花叢

偶得古錦文七十一字叶而爲詩卽蘇惠第

六圖作蘇惠怨二首

雪屋集

卷四

八

古齋堂

衰壯容顏改寒衣歲暮時龍章繁別感藻繡翳勞思  
往恨終風嘆貞情孟曜詩遠宣仁士行終始盛年知

其二

松桑微日驟龍虎異風鳴華飾憂衰暮彫顏感盛榮  
歲寒賢改行世喪物殊情文繡興繁嘆詩章遠恨悵

思舊有序

安陸張銓部武康駱侍御遂安毛中丞予  
少所受知者也同里陸伯苻袁無盈陳廷  
節予所結社而資以義者也今並後先物  
故每閒居之暇忽忽如失竊念予顛毛未  
告而知已云徂已種種矣慨然援筆淚下  
沾衣

束髮操觚歲中原獵菟年文宗推國士同社嘆才  
賢竝以千秋賞俱爲溢露先那堪吹笛處墓草半  
雪屋集 卷四 九 古嘯堂

芊芊

題范季公書屋

草橋春渡處幽築兩三椽竹暗風爐火花明水榭  
烟人閒知靜日物暖記新年未識陳蕃過茅堂榻  
尚懸高士毛公懸榻待陳蕃

嚴子張泛酒蓮花蕩訪子建芊野二首

爲愛楊雄宅時時載酒俱花源行處遶煙嶼望中  
孤落日飛沙鳥微風動岸蘆多應深柳內隔水間

耕夫

其二

入座山當供虛窗竹樹涼不知中酒渴唯覺鬪茶  
香茅閣依蓮浦漁家遍柳塘只愁迷路出烟水自  
茫茫

經山北廢祠

秋蟬鳴不息斜日廢祠前零落無香火松楸自歲  
年荒庭山鹿入斷徑石羊眠行路空回首殘碑字  
雪屋集 卷四 一 古嘯堂

已湮

戈莊樂以自題五十見示和韻答之二首

家入碧溪分花源事力耘穰冠時倚醉漁棹日移  
羣山桂清猿夢園樗遠豹文還將秋鬢色飛共鏡  
湖雲

其二

浮生逝駛安半世足烟波共識鹿門隱相邀蓮社  
過道情宜野服生計任漁簑白日滄洲趣高閒奈

爾何

苦熱

本是炎方客那堪毒熱蒸  
暗融鐘鏤鈕渴斷轆轤  
繩牛死田身坼龍枯地脉  
崩祗愁三島泐不得御  
風登

遣熱

何處尋涼爽閒思竹戶開  
萬山圍暗木一雨送輕  
雷陰洞侯家館風軒帝子  
臺道傍耕力者當午荷  
鋤來

雪屋集

卷四

二

古齋堂

與周古樵夜話

相見長林下科頭渾不簪  
涼生新浴後語入暗更  
深月珥圍重暈風蟬咽  
斷吟溪童因立久只說  
夜河沉

過邵蜚百羽萬內弟華漚村莊二首

綠溪無半里處處足漁家  
數頃滄浪水清歌到日  
斜近村多細篠遙岸著  
叢花擬借池南地春深  
學

種瓜

其二

泛入清溪去輕鷗相逐飛  
花源何處盡日夕不知  
歸非渡春波濶西村夜  
火微猶將濯纓興醉臥  
釣魚磯

除夕

此夕驚何夕瞳瞳滿六街  
其如多病客空復惜年  
華細酌開梅醞芳顏映  
燭花春風儻有意吹暖  
到寒芽

雪屋集

卷四

二

古齋堂

燈夕徐艾若齋小飲

街鼓喧喧夜清觴雜笑哇  
春芳餘韭茁人語隔梅  
花幾處傳燈市相看感  
鬢華照人今夜月不盡  
五侯家

顧虞工過小齋出蔬酌相對

入門無禮數落拓不簪冠  
菜甲摘秋圃魚腥薦晚  
盤相期吾道貴寧賦腐  
儒餐牆外唯高柳時時  
對

酒看

贈鄰友

吾愛吾廬僻君來好接鄰巷深疎長者樓迥引仙人  
蔭柳分颺近遷鶯喚友新莫辭明月夜濁酒過  
牆頻

賦蟹

矛鋌尖豎眼樓殿隱生匡直刺螯前衛橫驅足列  
行水涎腥汗甲秋腹密舒芒占盡江南味玄黃一  
雪屋集 卷四 一三 五言字  
殼藏

其二

帶介如成隊交鉗每聚窪水寒秋上籛燈遠夜行  
沙銜稻猶餘穗懸蘆欲折花應令思膾客不復薦  
蓴芽

窮居六首

雲構誰家密貧居自北郊壁根滋長菌屋頂亂生  
茅多病無人事清談有故交莫因炊并日遂使酒

杯拋

其二

春生蓬藿徑未收故山居蠹食成仙字蝸涎負客  
廬因風猶起嘯映雪卽移書窮巷甘吾拙空勞長  
者車

其三

聲出滿天地商歌到日低矮簷巢海燕虛壁穴用  
鼙剗薦思賢母烹雌愧老妻所嗟壺口缺猶向櫪  
雪屋集 卷四 一四 五言字  
頭嘶

其四

牆外餘高柳時時拂短檐掃花僮縛帚移局客迎  
簾鄰店容賒酒貧閨任典奩唯將吟思足爲對雨  
纖纖

其五

星文天上動華彩矚前軒草聖顛何減書淫樂不  
言論交長挂榻載酒自盈門鳴殺床頭劍平生未



報恩

其六

平子思玄日嵇生任誕年醉多春半病吟苦夜無眠  
先達酬詩序門人獻酒錢一瓢吾不改何日兆  
街鱸

雨夜宿汝若夕舫

愁向高齋夜涼生水簾空巷深犬吠雨城黑馬嘶  
風病骨知秋早殘燈照夢紅不堪岑寂意聲斷檜

雪屋集

卷四

一五

古嘯堂

鈴中

山花

花發蒙茸路幽芳更泥人隔烟愁立望經雨怨橫  
陳不禁山峰竊還來野鹿巡無言向流水幾度碧  
谿春

雪中四首

早起軒窗外瑤岑向画圖魚從冰眼得竹賴石頭  
扶驢跡經行沒鴈聲帶餓呼梁園方宴客誰是獨

操觚

其二

遠村烟不起飄瞥滿平沙大地堪量玉天工會剪  
花饑鳥窺晚食野鹿到人家借問山中客寒梅幾  
樹斜

其三

欲敵荒寒意唯資酒力饒誰家吟柳絮何處侍雲  
翹翡翠圍風暖後猊入火銷那知高隱士僵臥已

雪屋集

卷四

一六

古嘯堂

連朝

其四

四野望不極風高氣欲凝色浮仙掌日寒借夜窗  
燈雁沒秦原路河漸漢塞水遙思行砦者貂帽入  
雲層

村莊雨過

虹外斜陽斷田中奔滂渾腥呼翻渚鴨濕臥涉泥  
豚旗影水祠靜籌聲漁市喧插秧天正好明早綠

村村

雨後訪祝來仲破山山房

子雲起草處涼雨過山微石徑携藤席松枝掛葛  
衣泉隨清梵落鳥破白雲歸談笑都忘返深林樵  
者稀

雨中看梅秋水閣呈錢牧齋先生

何處滿鳴鳩芳園草欲稠林梅將竹色夜雨洗池  
流水閣謝公典春盃山簡留風波湖上闊賴有濟  
雪屋集 卷四 古嘯堂  
川舟

題錢牧齋先生耦耕堂

竹林開綠野花藥此堂分海內蒼生望山中白日  
曉耕耘知帝力黼黻見卿雲沮溺雖賢者寧甘麋  
鹿羣



五言排律 附

冬晚坐西爽閣與顧晉昭聯句得八庚

坐承銷人事閒窗殘日明薄寒淹短晷子長細火暖

斜鐙刺幔蕉疑雨昭紫風鐵似筆煙鬚拖復挽子

夢緒攪還清雲凍雁遲度晉樹昏鴉亂鳴蒼山收

淨靄子碧落散晶瑩對塵屏仍掩晉敲枰譜未成

鳥爭紅子墮子蠹蝕墨絲橫毳帽雙蓬鬢晉牙籤

百雉城玄珠隨唾落子綵筆著人驚劒俠尋仙早

雪屋集 卷四 古嘯堂  
騷竟入道平觸蝸羞鬪角子戰蟻笑排營趙壁

張誰幟晉齊竽濫有聲壯懷生遠嘯子奇骨賤時

名洗眼風霾暗晉憑襟涕泗并物華何在子再歲

事苦崢嶸律轉楊萸候晉遷移槐火晴登樓携舊

賦子垂屋壓新橙雪乳秋供葉晉冰酥夜荐英陷

灰寒撥盡子斷漏滴徐盈戍角吹霜壘晉檐花瀉

玉罌藜光連太乙子月暈隱長庚陡欲驅愁鬼晉

依然仗酒兵不知陰節壯子幸有歲寒盟絮褐論

千古晉昭蠶鹽詠四更頻年多仇浪莫笑渡江僊長

九日

九秋淹羽翰陽節罷登高風景摠堪殢吾生亦已  
勞浮沉聊泛桂出處但持螯菊細金錢綴庾芳紫  
佩韜龍山從笑孟蓮社擬呼陶誰侍橫汾宴香分  
漢苑繆

東南銓魏仲雪先生恭進 烹廟香里旋

地肺奎章動天樞斗極分銓衡元重寄冰鑑自超

雪屋集

卷四

十九

古繡堂

羣冠冕今師表文章舊冠軍中台需黼黻南國煥  
星文名壓吳都賦心懸漢闕勛使輶隨極運臣志  
與香薰哀慕思 先帝歡呼拜 聖君惟新同喜  
起休沐暫慙勤操履鄉人頌經綸 當宁聞佇看  
五色線長繞日邊雲

雪屋集卷五

常熟孫永祚著

七言律

春雪和嚴天池先生

楚國騷人調已稀。梁園詞客賦難追。飄零江驛梅多瘦。粧點山城柳半遲。愁老凍龍雷隱處。影寒歸雁月明時。馬蹄此日長安道。十二街頭去覓誰。

湖莊

雪屋集

卷五

一

古齋堂

小築編茅青入蕪。片陰橫雨黑生蒲。竹孫挑去供溪飯。蓮子收來當水租。鷓鴣一隻晴出浴。鴨羣無數晚相呼。盪舟常破碧烟去。湖上雲山是画图。

寄懷江上吳仲纓

別路當年草又齊。不堪重記酒樓題。春筵解瑛桃花下。曉騎鳴弓柳葉西。幾處懸烽江火近。何人留幕海雲迷。知君自有封侯骨。耻向窮交乞贈緇。

春遊

三月江南氣鬱芊。晴山罨畫冶遊天。花風暖颺游絲日。草曲香縈去騎烟。近谷樓臺春沸酒。中流簫鼓夜歸船。幾迴留下王孫佩。何事壚頭尚借錢。

春日閒居

平蕪一望綠田田。深院葳蕤鎖曲川。碧檻春寒搖夢鶴。青壺酒暖聽啼鶯。雨梳苔草堦衣淺。風逐萍花水壓圓。只有閒居堪賦就。馬蹄門外自喧闐。

湖上卽事

雪屋集

卷五

二

古齋堂

千枝萬朶藕花隈。溪上女兒笑折來。柳條牽纜挽無力。菱蔓冒篙撐不開。風急怕從官渡去。日斜歌向裏湖回。其中間着摻摻手。先把蓮房擘幾枚。

九日病中口占

風雨偏多病子緣。暗知消瘦若爲憐。爐間剩有煨芋火。囊裏貧無買藥錢。一枕南華忘是夢。三升米汁但如禪。宵來偶問清秋節。見說重陽近日天。

大雪飲魏于飛齋座有王翁鼓琴衛翁使酒

歡醉竟日是夜墮橋子有戒心

快哉酒社正今日。三徑雪。展齒平。村市人聲喧不起。野田犬跡喜先迎。山公醉態渾忘老。嵇叔琴心太澁生。誰道歸吟驢背穩。夜來愁說灞橋行。

鷹山曉發

欲醉不醉夜未眠。歲晚行役殊可憐。宿雁水呼涇口渡。行人岸語雞鳴天。寒星數點斗垂地。曉月一絲霜滿船。爲問江湖生幾尺。放舟又過鷹山前。

雪屋集

卷五

三

古肅堂

上元夜雨

落梅歌緩漏迢迢。街鼓聲沉夜寂寥。香篆暗隨燈燼動。酒杯虛向雨聲銷。繁華自說前朝盛。烽警空傳舊歲謠。最是病夫眠不得。一番春事又今宵。

登報恩塔

闌干紅日曉浮浮。紫瑞佳烟滿上頭。金碧諸天標勝界。蔥龍一氣見皇州。城中官柳連青瑣。江上晴雲接素秋。只有南朝遺構在。不堪風雨下荒楸。

哭安陸張符禺老師擢銓部道卒

君王天上佇鴻儀。黼黻當年未竟施。花縣春風徒插竹。桐鄉歲暮正開祠。空餘墮淚吳山石。何處招魂楚國辭。白屋一雙青眼在。至今回首漫勞思。

南歸

柳絲榮拂舊征鞭。此日歸心一葉船。江月送人隨去水。雨花飛淚細成烟。已當鄧禹封侯歲。時余年二十四猶作相如浪客年。祗恐津頭龍氣合。匣中孤劔不能眠。

雪屋集

卷五

四

古肅堂

能眠

雪夜歸舟

扁舟東下荻花灘。雲物陰陰逼歲闌。增續更嫌綿力薄。舉杯唯覺酒腸寬。風迴數雁霜初下。雪壓孤篷月正寒。江色暗驚懷內壁。歸來長缺祗空彈。

登拂水巖劔門

何年靈斧劈層岡。巉骨巖巖冠此方。孤壁雲霞連海氣。兩湖風日浴山光。磴垂霄外穿陰壑。水勒空

中拂石梁極目東南小吳會待將飛挾洞庭旁

同顧子方春遊錦峰

錦嶂青林水外樓柳堤晴繫木蘭舟花間翠羽聲  
初習澗底芳芹葉未抽衣怯春寒新病後香分酒  
半舊爐頭銷魂那更尋幽珮不惜金貂事醉遊

春暮雨

密雨濛濛天氣溫山青欲滴水初渾流滋暖谷花  
無主細膏春泥竹有孫楚峽不堪行斷夢吳宮惟  
雪屋集 卷五 五 古肅堂  
有閒黃昏午光小落疎簾外一抹晴烟拖過村

元日雨窗小飲

鶯輅東行玉律回年光又見逐春來燒痕初暖紫  
新草花氣輕寒止早梅烟鎖千門金縷帖雨留盡  
日鬱香杯物華何處應先到杜若洲邊細細催

夜宴

鷓鴣杯酌莫辭多鸚鵡屏移遶玉娥散盡真珠春  
不換燒殘高燭夜如何中庭月午猶留客小院花

淡正按歌爭使繁華天上住肯教香影負雲蘿

冬日與嚴五子建讀書天潭遠谷

行即高吟倦即眠山家雞犬亦翛然青松自遶林  
間屋殘雪猶餘石罅泉日暮火溫供臘酒月明琴  
響任風絃與君細論行藏事湯賦淮南桂樹篇

登烟雨樓

正當烟雨一攀躋丹磴斜連佛閣西列郭人家半  
洲渚垂綸水檻過鳬鷺飛雲自駐危闌曲積蘚空  
雪屋集 卷五 六 古肅堂  
留斷碣題何處園林春不歇鴛鴦湖上草萋萋

送友北發

滄波綠樹映重重撾鼓先祠第一洪側挂檣頭惟  
北斗送行京口正南風江神踏火夜還廟津吏呼  
關畫落蓬想見賦詩多逸興小窗醒酒月明中

春遊瞿少叅浣溪草堂四首

城東城北水爲鄉森森清波遶辟疆前浦菰花迷  
路遠大堤行樹引溪長流當曲處藏烟艇閣在空

中抱月廊何事画橋春不斷大夫一任酒人狂

其二

幽樓元近北山家到此招尋路未賒煙外遠山多  
縹緲風前弱柳太橫斜綠堤鵲飛相屬出水儵  
魚樂有加記取明朝再乘興莫教爭折路傍花

其三

淥波浩蕩水雲輕人在清溪鏡裏行花外小橋春  
駐馬柳邊危閣曉聞鶯當軒增勢千尋出隔檻煙  
雪屋集 卷五 七 古齋堂  
光萬里生頗似錦官城外客只將酒酸助吟情

其四

浣溪匪效杜陵愁日日堪爲濠上遊南浦月生先  
映郭北山雲起已當樓魚跳淺漲桃花水鳥下平  
蕪白鷺洲不信滄波春更濶小舟歸去亂輕鷗

春曉閣雨中

城東官柳散千家望裏雲天不見涯二月水田飛  
燕一溪煙雨暈桃花漁樵日暮還人事樓閣春

陰自歲華借問漢庭詞客滿馬卿猶見臥南沙

泊百花洲

春風倚棹閣廬城猶有吳娃連唱聲酒店斜舟自  
語語江橋落日重行行鳥棲鹿上盡荒迹柳暖荷  
嬌空短情過客至今懷古怨高臺耕作墓田平

感述二首

淡巷空迴長者車哀哀雞骨正貧居賦當壁立誰  
人買轍到途窮只自歎有累未寬吾父慮無謀可  
雪屋集 卷五 八 古齋堂  
共阿兄扞歸來庭訓猶能慰尼父當年樂飯蔬

其二

華髮文章競五都自憐岐路復窮途市廛郭隗臺  
前駿色暗隋侯掌內珠笑向蜀橋題去乘怒從關  
吏并來孺可知龍性馴非易風雨時時劒一呼

登福山晚眺 二首

長天漠漠望前空蜃霧龍雲氣不同萬水東來江  
勢盡千帆南去粵煙通遙傳魚海波難息近說狼

山戍自雄幾欲振衣鰲背上蒼茫日色射潮紅

其二

雨氣初收海氣昏茫茫帆影赴江門荒城笳吹風  
前出野戍戈船水外屯日落魚龍依陣舞漲生牛  
馬共潮奔居民未識兵氛惡買酒開牙自一村

乙丑夏

無端訛說遂汎瀾五月冥冥氛侵寒城上游兵宵  
帶甲里中狂少晝揆丸屯江列戍窺營易傍海飛  
雪屋集 卷五 九 古肅堂  
書戒路難誰借虞巖好長吏中原一望淚空彈

銅雀硯

宮鴉飛散雀臺煙橫禦風流去不傳總帳已空殘  
瓦在銅灰未盡古苔鮮寒光秋濺漳河水暈氣春  
銷鄴下田莫怪魏家詞賦盛鴛鴦一片值三千

偕徐仲昭看楓吾谷

高楓萬木帶初霜紅葉連山拂黛粧空谷秋淡陰  
漠漠晴湖日落晚蒼蒼映衣忽著珊瑚色開酒先

浮琥珀光我欲醉眠枯石上笑他敲菊瘦籬旁

重建拂水巖禪院

相傳靈境倚崔嵬原是珠林舊講臺孤澗鶴松雲  
罩住兩湖龍雨夜歸來空明寶月禪心見紺碧金  
天佛掌開擬迹鐘聲訪蓮社遠公應過虎溪回

供梅

老梅一枝供月香玉壺一尺浸冰涼凍皮剩有雪  
皴在瘦萼半含霜氣僵愁絕臨窗美人夢夜寒索  
雪屋集 卷五 十 古肅堂  
酒謫仙嘗君看谿上太撩亂伴我吟身影幾行

杜鵑花

誰滌腥紅著樹繁滿叢鮮露滴山園明鋪衮火當  
陽麗細裊春絨入雨溫睡美不乾妃子汗酒淡未  
醒越姬魂只愁燒去青油幄蜀魄飛來認血痕

水仙花

寒綠凝烟步蹴開輕黃銷額粉勻腮臨風似欲涉  
江去含雨疑應度峽來半面道粧還獨笑一身香



骨不禁哀若將霜袖遊明月恐逐天妃到玉臺

丙寅元旦

幾年塵却舞衫寒不見當時遶膝歡兒女衣冠徒  
下拜歲時椒柏復誰餐匪我銜恤空生久寸草含  
暉欲報難明發至今勞夢寐鮮民日月敢圖安

穀日迎春

鏡吹喧喧動海洲東皇瑞接五雲旂人烟郭外隨  
春仗穀雨朝來應土牛簾幕千家紅映袖幔亭十  
雪屋集 卷五 二 古齋堂

集陳希文園莊

林臯楚楚絕塵譁綠戶葳蕤野色賒池外影分文  
杏館酒間香送木蘭花雨添春水魚爲饌烟滿柴  
桑柳是家莫使漁郎迷路入津頭時有往來槎

吳江道中

吳門煙色柳層層寶帶橋頭浪欲騰風雨一天來  
震澤江湖十里到松陵桃花村店多沽酒春水人

家盡下曾誰惜曉寒偏帶客木蘭舟上醉閒凭

春懷七首 歲在丙寅

葳蕤綠戶北山陲雲日輝輝二月時春水不來莎  
岸出候風無准花遲數聲好鳥吟先覺一點輕  
寒病自知莫看階前芳草色佳人南國費相思

其二

江籬汀杜逐時生山下薜蘿入望平水國寒多新  
識燕春城雨歇一聞鶯夢依池館花爲婢愁豎闌  
雪屋集 卷五 三 古齋堂

其三

寂寂一夢寄清酣木榻何人對塵譚世事應從忙  
處拙閒情翻向病中諳鶯花漫野春無賴風雨淡  
燈夜不堪爲道酒杯拋擲久清齋消受是蒲龕

其四

玄亭抱膝草蕭蕭鐘鼓西隣自暮朝天道好還虞  
氏鼠世緣如夢鄭人蕉投人文字等閒賤誤我風

情何處銷猶有幽蘭堪紉佩設將心事託離騷

其五

春陰連朔望天容綜核新傳下漢宮世路共愁來  
鬼朴草廬誰識臥人龍閒看高鳥青雲外獨對疎  
花碧檻中堪笑桺條無傲骨腰肢一一任東風

其六

牢落年華三十春有心傾日向誰因陳平猶恨先  
投楚王猛空憐只仕秦靜憶胸中無謂事醉冥眼  
雪屋集 卷五 三 古齋堂

其七

北極遙瞻紫氣傍隕霜何似布春陽雲連鵲鵲彌  
天網日近長安滿道狼駢首一坑秦重禁囊頭三  
水漢諸良詞臣方進河清頌莫上狂生痛哭章特  
璫通

曉粧

綺窗曙色乍臨粧花氣猶籠夢一床暖日融膏沉

水淨春風掠髮玉梳香龍鬢翠重擔釵怯蜂蝶魂  
迷拂鏡忙眉色不須橫膝画自然蛾黛遠山長

晚粧

畫永南風試晚湯釵鬆雲墮漫成粧當簾新月眉  
初姣背日歸鴉鵲半黃聊學慵來昭瑩有施薄粉  
慵來粧  
尚拖餘睡膩微香徐徐整袖梧桐下蟬翼輕紗一  
扇涼

無題 二首

雪屋集 卷五 一四 古齋堂  
彈撒金丸響玉簪春風無那髮鬢應憐絕色蓮  
花艷尚愛餘香桃子甘醉脫青衣看夜舞歌殘白  
紵惜春愁鍾情總令蛾眉妬未解前魚一淚含

其二

之香男兒

柔姿也自學眉嫵綃霧縈雲映日都漢殿晝眠曾  
斷袖霍家春醉在當爐王孫不惜珊瑚玦戚戚里爭  
誇錦繡鋪窈窕曲房人謔笑夜淡燈月滿氈毹  
秋夜泊三江橋忽聞隔岸有客吟余舊詩因

命酒借醉是夕吳八仲纓欲還延陵同殷  
汝若賦

渺渺驪歌燭半闌。有船相傍和歌還。新詞易落騷  
人耳。別酒難爲壯士顏。四座友朋憐子夜。孤帆風  
雨暗吳山。秋懷常在蒹葭外。何況雲鄉揮手間。

破龍山房

一注丹流引路賒。有居深在破龍窪。芹炊野飯隨  
山婦。雲護床書類道家。松樹無風花自落。竹枝未  
雪屋集 卷五 一五 古齋堂

雨影先斜。春來幽事應多少。汲得溪泉自煮茶。

坐雨西爽樓時叔維復有湖上之行晉昭出

酒言別兼訂秋期分得青字

春陰漠漠雨冥冥。此夕聞君又買舲。別夢經年吳  
水澗。愁心明日越山青。闌干影外花寒暖。鸚鵡聲  
中酒醉醒。君去好留湖上屐。秋淡相擬到南屏。

春日遊虎丘

樓臺紺碧萬重簾。簫鼓悠揚七里涇。荒臯月明猶

虎跡。靈池雨過尚龍腥。落花飛去真娘墓。芳草行  
迷短簿庭。只有生公說法處。夜深常見佛燈榮。

雨過

江天梅候雨漫漫。膚寸雲來水滿灘。近渚秧田平  
作漲。傍城茅閣溼生寒。汀烟漠漠鳩呼婦。岸草青  
青蛙鬧官。最是溪聲堪倚杖。晚晴時過隔丘看。

夏日題沈雨若十五松山房 後歸佳季

巧疊山谿石裂根。水亭涼氣絕無喧。草深不掃雲

雪屋集 卷五

卷五

二六

古齋堂

堆徑。林密無人晝掩門。四面疎簾領風色。一聲熟  
杏落苔痕。竹床盡日能銷夏。在澗清音獨寤言。

懷顧子方

論交忽忽久離居。淮海豪情未可除。春日山中狂  
對酒。秋風湖上遠裁書。閒窗空復彈流水。綵筆懸  
知賦子虛。爲問江天梅發處。美人清夢更何如。

途次丹陽望金陵

客路秋風洗暮昏。六朝猶惜柳條存。馬駝麥飯山

中店人買蓮漿水外村王氣千年終未厭 帝京  
百里屹方尊明朝擬獻甘泉賦幾度徘徊金馬門

闌中作

高樓橫角夜遲遲起視中庭月未移天上星辰示  
諸此人間名世舍其誰傳來綵筆當年夢借得黎  
光午夜吹隱隱斗間千氣象南陽豈合臥龍時

出闌作

雄文賦就桂花黃自擬風流出玉堂秋日照人雲  
雪屋集 卷五 古齋堂

路近曉風吹鬢露華芳築金盡說燕臺麗題柱爭  
誇漢苑香但使蓬萊聲價得應教紫袖憶仙郎

秋末過瞿氏東臯

蓮葉仙舟到晚來浣溪風物夕霞堆雙橋迴曲通  
花路一水空明浸佛臺烟竹夾城曠日色風蘋吹  
酒散秋哀祗餘天際芙蓉夢不與寒汀一樣開

落花三首

二十四番風信除朱樓幾處瑣窗虛西園公子酒

闌後南國佳人腸斷初錦障泥香遲渡馬秦源路  
杳誤隨漁只憐春事年年怨芳草空迷金谷居

其二

立盡空庭香霧存蝶羣何處露華翻闌干影列春  
風檻院落聲沉夜雨門土剝胭脂管井淚蘚殘腥  
血馬嵬冤誰將吹入含章殿盡作梅粧上額痕

其三

佳麗江南已半非游絲百丈自霏微斜陽挂斷金  
雪屋集 卷五 古齋堂

鈴索碧蘚拋汗錦幃圍洛水夜游塵動襪杜陵春  
醉舞更衣五更風起知何處應向魚龍浪裏飛

落花又三首

又見年芳一遍驚葳蕤鏤合小餘英迴風曲奏雲  
流座羯鼓聲高絮滿城有恨暗縈金谷草多情飛  
出上林鶯道人未醒春來夢莫問風聲與雨聲

其二

闌干曉見手慘慘着手驚飛杏子衫盡日客來僮

不帶常時風起鳥俱衙間情但付勾春使沉醉都  
忘問酒監何事隔簾如訴我鶉聲啼罷燕喃喃

其三

綵雲忽散錦塵添攪得春情共雨黏無數殘香隨  
蝶翅幾行疎影見魚噏柔風暖撲玉缸酒長晝晴  
吹粧閣簾昨夜侍兒供作餅餘英搗入水晶鹽

夢中觀鬪鴨

風入新榆夢欲歸忽看鬪鴨滿江磯亂翻雪影衝  
雪屋集 卷五 元 古齋堂  
烟起高拍漚花過岸飛晉卒正迎泥水陣楚軍未  
破定陶圍時余身在溪橋畔柳上驚波猶滴衣

春日訪貴一師不遇留壁

數筍茅庵出水涯溪橋斜接野人家遠公有社初  
通謁陶令無緣一笑賒雲影自留飛處錫法堂猶  
落講時花登樓小向蒲團坐簾外春風過綠麻

瞿給諫稼軒山堂初成招看桂

錦峰圖画列軒墀百折迴廊半枕池湖上月來浮

綺閣山中桂發溢瓊巵鳥翻露葉寒塘靜樹映滄  
波碧檻移縱使大饒丘壑致此中不是置君時

溪上

林間乘屋兩重苦溪上捉魚三尺簾野牯晝眠驅  
不起場雞晚哺聚相噉沿籬白豆香蒸莢出水紅  
菱嫩剝尖好與村翁期一醉酒招遠遠見青帘

送功甫大參備兵之粵

檐帷東國功三奏籌略南天福一方貢土舊窮神  
雪屋集 卷五 元 古齋堂  
禹服專城遙制趙佗王珠崖月出鮫宮白銅柱星  
搖鵲印光自有昔年平虜策恬波又見海來航

送魏子飛侍其尊人之粵

遲日春帆指粵東名灘三百畫圖中官舟文酒皆  
詩禮驛路鶯花雜土風山雨晝昏榕樹綠夜蓮秋  
薦荔枝紅到來應奪鮫人杼不獨風流屬乃翁

重宿山家

當時曾醉美人家滿樹櫻桃戶外斜幾度春風如

夢裏一番夜雨似天涯幽窗怨瑟空流水小碣啼  
粧自落花惆悵碧雲何處所暮山寂寂見棲鴉

題朱日卿湖橋翫月圖紀後二首

憑君坐憶西原勝指點風光已逼真歌舞化雲成  
斷綺橋門將月映雙輪百年身世空來往一日湖  
山即主賓何夕扁舟共乘興畫圖增得臥遊人

其二

平生自愛幽探好蕭鼓樓船亦足奇小隊當歌雲  
雪崖集

卷五

三

古齋堂

不去斷橋橫浸月生遲湖光曳彩忽騰躍山背澄  
陰猶蔽虧記取追君舊遊處秋來一一爲題詩

雪屋集卷六

常 熟 孫 永 祚 著

戊辰元旦立春恭遇 崇禎改元

有道神孫是我 里海邦日月見重光三靈肅穆  
開三殿萬壽廣呼協萬方頒朔正逢時應律履端  
同慶 聖當陽野人何用占年穀率土惟歌 帝  
運昌

燈夕

雪屋集

卷六

古齋堂

太平人物在蓬萊盡逐烟花踏地來珠玉千行燒  
炬蠟魚龍百戲列樓臺春城動吹初生月夜巷迴  
車隱駐雷只有雪窗高士夢靜摩病眼不能開

春燕

迢迢蓬海擁仙臺仙子迎歡綺席開明月新粧爭  
遶座綵雲香影却行杯春紗映燭銷殘雪夜舞窺  
簾駐落梅曾在碧山溪處住桃花相引到天台

過西蓮僧舍感述

舊余讀書處

東林過雨一敲扉小殿房廊掩夕暉舊識老僧猶  
半憶新開斷徑已都非枯桐葉落兔絲滿古屋陰  
生蝙蝠飛身世浮名笑何事一時回首重沾衣

舟過山涇之江上

一葉牽愁破沈寥蘆花月暗出湖橋忽來山霧秋  
疑雨漸到江村夜赴潮薄酒蕭騷寒易醒鳴榔搖  
曳夢還遙橫塘曲曲長涇路數問舟人過幾條

登君山

雪屋集

卷六

古齋堂

一徑松陰石磴連春申何處舊封泉遙疑海氣虛  
臨閣平望江流欲到天鶴渚對江中風迴千樹浪  
蓉城江陰名日落萬家烟可堪醉後頻回首面  
羣山墜馬前

登金山

誰撐一柱斷峰浮不逐神鞭赴海流水勢直來磯  
燕鎖雨腥東去鉢龍收帆幃估舶連瓜步烟火人  
家出潤州憑眺不堪窮遠目亂雲片片落江樓

贈錢虛中醫士 舊隱茅山

鍾陵國手老更奇袖有數卷青囊書大丹秋轉巡  
金虎靈藥夜寒飲玉琰仙人入市壺中隱道士還  
山杏下居不向人間施造化江干那得有茅廬

先母忌日 戊辰

悽愴君蒿展孝筵荒荒寒日紙錢烟身名貧賤猶  
三鼎霜露淒清已六年慈哺至今驚在眼斷寬當  
日恨終天可憐望我無存歿那得區區慰九泉

雪屋集

卷六

三

古肅堂

先考忌日 戊辰

音容五載日依稀坐憶雙親淚暗垂同月同年生  
自傷隔年隔月死如追 先母以嘉靖癸亥十一月  
生以天啟癸亥十一月卒  
先父亦以嘉靖癸亥十一月生以天啟  
甲子十二月卒距母弃世僅周歲耳一時降割  
摧心骨今日蒸嘗積痛悲莫但蓼莪從廢去惟應  
三復宛鳩詩

秋日漫興八首和錢履之韻

江漢滔滔歲月新風光常見伴愁身懸鵲有病非

高士運甕無能是僂民玩世不堪呈裸裎憂時何  
忍置鄉隣閉門日暮多荆思欲覓高陽舊酒人

其二

東海綸竿傍釣村秋風落葉滿荆門洛中空說延  
徐釋江上何人弔屈原漢葉昔聞多重禁晉家猶  
見事清言幽憂誰更同心者老子杜陵詩句存

其三

垂垂鳳羽笑蒙鳩去住江湖倦客舟多病一身唯  
雪屋集 卷六 四 古肅堂  
閉戶含愁百尺莫登樓京塵短褐違朱轡湘國哀  
絃易白頭駟馬何人呵從過可堪倚柱數交遊

其四

司馬當年賦子虛文園長臥見清癯論交欲笑頭  
空責乞巧無靈道合愚霜果夜中時落子沙禽竹  
外自將雛野人未識朝廷事舒卷閒心似戶樞

其五

烽烟三輔未全休封事朝來正可憂碧血草腥空



涕淚赤爐炭熾盡瘡痍金弓見說新猿臂玉帳還  
推舊虎頭東警祗今勞 聖主將軍且莫話封侯

其六

關河搖落動秋風明月時時不離空衣袂半千堪  
換酒鬢毛三十已成翁襴衙刺滅才無匹庾信哀  
多思不窮只有山中好蔬味春初早韭夏餘菰

其七

葉剪林霞爛若蒸夢分桐榻照秋鐙瓊簫坐憶人  
雲屋集 卷六 五 古齋堂  
如月錦絮空添被似水文木理紅塵斷蠶紙窗油  
碧觸飛蠅當年不盡吳宮怨醉裏時時淚溼肱

其八

少壯登朝半故人丹樓青瑣夢無因家徒壁立琴  
樽在客少知心魚鳥親送別祗令羞路鬼卜疑還  
欲問著神秋空處處橫鵬鶚烟雨江南老我身

思玄賦鵬鶚競於食  
焚令我脩潔以益榮

輓張叔維 居與余隣並 名維弟名香

隔屋哦詩響即傳一壺分得竹間烟春燈夜剪西  
窗雨霽葉秋烹北郭泉夢裏祗今疑在客花時空  
復想當年爲君剩拂青山句畫卷纔開淚泫然

春日登穿山 舊名穿山 今屬大倉州

一卷突起石巖巖靈島何年骨尚巉壁削空中新  
挂磽洞穿江底舊通帆四圍麥秀愁驅浪數片春  
陰欲薄衫安得買田山下住不妨終日荷長鑱

錢塘湖秋泛

雪屋集 卷六 六 古齋堂

清娛絕似漢陂遊迤邐風光鏡裏收歌板乍停金  
縷唱酒樓時倚木蘭舟兩峰起翠雲生席一水涵  
空島下洲醉後重登堤上望六橋煙柳不勝秋

秋八月望嚴仲木招同殷領諸子劔門看月

二首

誰向山頭浪醉眠同遊數子尚英年顛崖劔削一  
千尺明月秋當三五圓雲氣滿身生羽翼天香吹  
袖拂嬋娟飄飄欲共乘槎使直犯星辰北斗邊

其二

團團白月斗崖安欲到青空路幾盤絕磴自緣蘿  
壁上明波先借鏡湖看放歌夜失山精嘯偃臥衣  
沾海霧寒指點下方秋思裏滿城絲管正漫漫

晨雞

萬井殘鐘霜滿城膠喈一帶隔林聲初疑風雨天  
如晦乍視明星旦未清獨閣人眠沙雁過長征客  
起店驢鳴朝朝叫破江天夢不許春愁到五更

雪屋集

卷六

七

古齋堂

句曲道中

鞍馬秋風客路遙勞勞華鬢也應凋封狼自信雄  
堪賈射虎空言氣未消江上橫山千嶂列日邊

高闕五雲朝紛紛誰是青霄客送盡車塵是柳條

秦淮逢陸文脩偕醉歌院

相逢尊酒對清宵曲院調箏絳蠟搖千里蜀塵經  
雨沐一梳明月照寬銷新歌宛轉憐三疊舊事淒  
涼憶六朝最是秋風輕別去粧樓柳色慢河橋

渡燕子磯

浪踏京塵數日留白門柳色送歸舟月明擊楫龍  
關曉風穩揚帆燕子秋山上女牆連樹靄磯前佛  
閣倚江流諸賢盡說登臨勝愁數當年幾遍遊

茅山道中

隱隱茅山直面望籃簾携得是風光涼生細雨三  
秋日路引長松十里岡指點仙家雲物靜盤迴野  
徑草花香不知玉觀還何處薄暮鐘聲出道房

雪屋集

卷六

八

古齋堂

設醮禮三茅峰

穿雲禮罷大茅峰霞護青詞叩上穹瓊觀凌秋金  
的爍繡幢翻影玉玲瓏齋壇祗肅風雷部石柱陰  
森日月宮千載尚餘玄錄在山頭白鵠下層空

志感二首

浪說秋風香滿廬一番涼燠又成虛才名傾世應  
多事貧賤看人已不如未敢迂疎空對酒且將薄  
劣漫編書玄亭草沒休通謁猶有門前問字車

其二

閉門風雨惜蹉跎敢謂清朝逸網羅吾黨驂騑驚  
盡出人間水鏡費重磨貫裘且市陽昌酒扣角徒  
聞寧戚歌誰與薦雄文似者漢庭箇箇響金珂

時伯和齋薔薇香色頗異同張尊生賦二首

杜宇聲中花事疎君家猶列錦屏居昭陽姊妹爭  
歡日合殿嬪妃獻笑初晚徑粉香迷蛺蝶春風粧  
束怯芙蓉百般旖旎崇光裏比畫紅兒總不如

雪屋集

卷六

九

古齋堂

其二

闌干紅亞綠扶疎嫋嫋煙中態有餘酒點春酥勻  
月面香薰晴麝散風裾石家侍妾朝開幄號國諸  
姨晚鬪車高架不須愁棘刺欲栽桃李意何如

坐雨簡伯和尊生

故人有約風心違漠漠餘寒獨掩扉隔浦烟波連  
睥睨一庭風雨落薔薇春情不散丁香結曉饌初  
烹魚鰕肥爲問夜來新漲綠滄溪曾沒浣花磯

拂水巖待月

乘興放歌來絕頂微風吹酒晚來清湖水灩灩日  
初下海天茫茫月未生劒門千尺夜寒起木葉數  
聲秋壑鳴冥坐烟光忽生袖隔山推出一輪明

九日

秋來離索已傷情恰到重陽雨滿城早雁一行排  
嶺去寒花數點隔烟明天涯日暮愁芳草遊子秋  
風憶杜蘅惆悵關河搖落候不堪高處更凝睛

雪屋集

卷六

十

古齋堂

夜集陸文脩齋觀小史演伎

畫堂箇箇髮當眉十四教歌正妙兒銀燭高烧行  
樂夜紅牙低拍按歌時風生綃縠春無價月滿瓊  
毬酒不辭獨有狂生拈彩筆曲終齊乞後庭詞

照曠閣賞花呈嚴道普徐于王

華堂爭入綺羅羣秋盡平教春十分銀燭籠花生  
夜色金釵行酒着人芬令淹漏滴三更箭歌入天  
風一桁雲調笑未闌多醉去水晶簾外月紛紛

過陳廷節墓哭之

荒荒日落見丘墟不信蘭摧當艾鋤宿草尚留吳  
季劔夜臺空嘆子雲居風花委地才名盡珠玉噴  
泉咳唾初寸壘半藏君意氣蒼茫天地一長歎

嚴子張泛酒昆湖次原韻

香風初吐蓮花心鏡裏放舟湖草深山日結霞火  
樹出海雲落水秋峰沉采菱游女竹枝唱送酒野  
人楊柳吟痛飲不辭今夕醉黃昏官渡鐘欽欽

雪屋集

卷六

二

古齋堂

與顧晉昭

晝掩荆門長綠苔閒庭應許故人迴借書時動風  
簾竹醉酒長留雪帳梅白眼從看唯傲去玄經自  
草任嘲來可知漢室需詞客未便消磨獻賦才

與吳昌生伍柳門北城晚眺

北城斜挿仲雍峰每到開來可策筇秋水一天蒼  
影接夕陽千樹綠烟重山谿漁牧來寒笛野寺樓  
臺動晚鐘極目不禁愁思遠何人江上采芙蓉

宿友人寶嚴山房

六月炎歊逃不得幽人却住寶嚴灣風林蕭爽玉  
千畝石壑蒼涼雲半間岡春斷龍疑下折湖形如  
鶴欲飛還招予一宿渾無寐夜起開簾看放鷗

七夕立秋有懷譚大壯遊

夜河銀露靜娟娟梧井初驚一葉旋羅扇涼生青  
閣柳酒筒香瀉碧池蓮鍼神線影江南月槎客星  
文斗北天盡說秋風起今夕那禁飛夢到幽燕

雪屋集

卷六

三

古齋堂

偕二王泛湖

片羽鳬舟蹴浪心荷風搖蕩碧山潯夕春猶剩三  
竿照秋水初澄十尺淡折葢酒傾飛鷺起采菱歌  
歇亂蟬吟主人方進蓴絲美蘆葦涼生晚易陰

賦七月梨花

太液蓮花出浴羞倚牆無數玉搔頭綃痕浥透橫  
江露香粉施殘乞巧樓舞罷霓裳天外散曲終瑤  
瑟月明遊東風不肯輕身嫁映入銀河一色秋

與練川毛爾嘉偶遇松陵賦贈

偶然萍合定蘭盟已是神交數載名海內文章聲  
氣譜天涯風雨弟兄情敝裘吳市誰收駿把酒江  
橋共聽鶯今日孤蓬飄泊夜與君同是一儒生  
留譚象玄山屋爲竟日之飲賦贈

洗馬溪頭古石苔閒雲自遶竹房開水聲半向松  
杉落山勢相將風雨來六月野供鮮笋炙百壺鄰  
給舊春醅北門何事憂貧窶長日高林醉幾迴

雪屋集

卷六

七

古肅堂

七夕客澄江同嚴子張諸君宴蔣園

疎柳池塘月影涼明河拂下露華香共看天上人  
何在遙憶閨中夢未央今夕旅身容易醉幾年情  
事不堪量相從擬作乘槎客未信秋來江水長

故人席出歌伎侑酒漫作

舊遊零落半垂髫少小風情已覺遙落魄文章知  
我貴銷魂歌舞傍人嬌擎來罰酒催花板譜出新  
詞按玉簫醉後牧之狂更甚當年烟月未曾消

虎丘山房月下獨步

石間笙吹鎮黃昏月下孤往蘿白捫蒼崖夜飛有  
神物轆轤曉汲無春喧吳王舊墳伏殲虎主簿廢  
宅啼山猿千載祗餘古寺在鐘聲時叩白雲原

江上青陽瓜食而甘之二首

青陽莊上金粟地新摘藤陰幾蒂殘絡索朝原秋  
雨熱轆轤夜井水花寒故侯尚遺秦時種空洞猶  
傳仙府餐試向玉樓驚一剖水晶映作赤瑛盤

雪屋集

卷六

占

古肅堂

其二

離離秋雨摘初乾水破紅刀碧月團豹血成冰傾  
玉斗紺珠如雨落金盤楚王萍實浮江赤西母桃  
漿浥露寒却笑阿環多病齒飛塵一騎荔枝酸

澄江道中一宿長涇廟樓同時伯和徐艾若

題壁

巍巍層構倚江隈傍晚閒登野色開同社風期猶  
結伴薄遊事業未成灰故山明月隨流水今夜星

文動上台夢醒不知樓畔宿御香冉冉下空來

舟夜

天際涼雲捲素河溪前明月繞輕舸半江晚溜隨  
潮急兩岸藤花入棹多螢火作團飛不盡蛙聲成  
部吹如何蘋風容易吹人醒子夜猶聞水調歌

送嚴子張井上

直北飛花撲玉鞍馬蹄計日近長安相君舊業遺  
鴻烈公子清才接鳳翰解玦墟頭燕市醉賜衣天

雪屋集

卷六

主

古肅堂

上漢宮看春風蚤通泥金信吾黨欣彈貢禹冠

雪夜携酒張仲虎東塢寺寓

雪壓春城起暮寒清宵尊酒對清歡一材凍葉全  
禁柳幾度輕風欲灑蘭紺殿鐘聲雲外蒼碧霄燈  
影座中看相携不忍輕言別新月猶高夜未殘

同徐元脩過嚴子度別業三首

春陽處處遍長條公子山堂柳色饒出郭無多四  
五里到村應計兩三橋稍憐風色澹晴日更喜江

流急晚潮借問醉歸誰送我半窗新月照溪船

其二

數樹寒梅已滿枝一溪新漲漸盈堤日常竹裏通  
佳客時或花間寫醉題莎岸遠尋山路細江樓閒  
倚夕陽低春來欲喚漁郎棹莫使桃花水更迷

其三

草堂風日倍悠哉給第家僮淨竹苔北郭半侵青  
嶺出東流遙合大江來雙雙沙鳥窺人立密密林

雪屋集

卷六

十六

古肅堂

花對酒開人事不堪重憶省數年兄弟好銜杯

劉司李振賢老師郡齋值太翁壽誕二首

叨得淡恩愧已并更逢椿歲忝何勝祥刑庭下巢  
馴鵲義訓堂前凜立冰北望新綸來薊闕東瞻  
紫耀滿毘陵極星昨夜增輝彩盡是江南喜氣騰

其二

東來紫氣滿江旼南極星高照永州公永天使上  
仙齊啟誕辰三後純陽誕人因祥鳳盡貽謳繡衣獻舞

從斑綵雲謁承恩未白頭何幸得同階下鶴疏翎  
一頂萬年遊

壽李太僕太夫人寄長君伯發

家慶新隨柏酒濃 國恩舊 賜璽書崇東來函  
谷李方大西望瑤池桃已紅膝下鳳毛回赤日堂  
前鶴髮共春風應知慈訓能移孝座有元方更亢  
宗

元日病中

雪屋集

卷六

七

古齋堂

千門晴雪動流光曉日矚矚到草堂多病愁侵潘  
令鬢不才嬾逐阮生狂尊中栢葉春無減座上梅  
花寒更香鳩鵲祇今空夢繞十年前已賦長楊

春日寓百花洲

城外潮聲入夢頻江流送得暮愁新一身多病猶  
爲客二月連陰不見春鹿上荒臺空過雨花飛茂  
苑已成塵可憐洲畔青青柳只拂尋常渡水人  
春雪用陶石簣先生韻

輕隨烟靄遠含風寫出天容在淡濛歌扇擎來全  
掩素舞衣飄溼欲沾紅易殘花片粘新柳難駐光  
塵壓小叢莫怪朱門寒不入溶溶酒氣玉樓中

雪屋集

卷六

一八

古齋堂

六言律 附

題陳仲容村居圖二首

一二板橋紅曲雨三籬舍綠陰雄飛莎草田暖魚  
孕桃花水溪社酒醒時春雨榜歌靜處晚禽年來  
幾入吟眺画意詩情滿林

其二

斜日斜風斜柳疎煙疎雨疎簷晚春易下藥臼晝  
卧花飛筆床別洞秦人雞犬深村處士柴桑扁舟

雪屋集

卷六

十九

古齋堂

誰處問渡指點白雲一鄉



雪屋集卷七

常熟孫永祚著

五言絕句

郊原早春十首

淑氣江南早東風日已暄城中塵汨汨生意滿郊

原

其二

綠甲舒畦菜紅苞綻野梅數聲調舌鳥漸送好音

雪屋集

卷七

一

古蹟堂

來

其三

渙渙河水斷鄰鄰石瀕融晴烟千里合光漾綠蘋

風

其四

燒痕青不歇土脉碧方滋麥隴銷殘雪添成溝水

漸

其五

鴨綠生波穀穗黃綴柳條野蜂無隊侶趁蝶過溪

橋

其六

高廩猶餘稻新厨乍摘蔬短鋤閒不事屋後藥溪

魚

其七

草短柳陌長汀洲芳杜香無端桑女日日弄春

陽

雪屋集

卷七

二

古蹟堂

其八

撲遶兔出草摩戛鷹呼風王孫輕騎獵金彈落晴

空

其九

好風輕着物靈雨正乘時天地鴻鈞力微生那得

知

其十

紫禁端居日青郊草木春熙然萬物意盡識是

皇仁

冬日讀書天潭邃谷十首

滄海雲霞曙山城烟火冥下方殊氣候時向一窗深

其二

寒泉不可弄潭影生清涼危坐蒼然遠平疇滿夕陽

其三

雪屋集

卷七

三

古齋堂

月出已在戶雲來忽當衣拂琴彈石上冷冷山泉微

其四

林外疎風入蕭然生遠音青松看不厭落落歲寒心

其五

深林行未遠鳥語時相聞洞口杳然失山家多白雲

其六

策杖雲生處蒼崖時一捫仙踪已千載石上空苔痕

其七

爐火沸茶聲松聲忽相和不知茶已熟幾被松風誤

其八

初日照遠水千林浮練光雁行湖上起飛破曙天

雪屋集

卷七

四

古齋堂

霜

其九

嵐氣忽成雨洞門深自關道人侵早過展齒響空山

其十

長嘯驚山鬼清吟破夜寒忽來遙犬吠燈火出林端

己巳冬聞警十首

天子宣仁日胡奴犯順時邊塵三百里一夜達京師

其二

關下諸侯旅麾前六郡良勤王空有詔誰是郭汾陽

其三

遊客方膺鉞書生漫擁旄昨聞邊報至幾欲哭陳陶

雪屋集

卷七

五

古齋堂

其四

已報前軍沒俄傳令箭催一身拚戰死誰弔國殤來

其五

何日旄頭隕新聞掠薊州胡風驚一過腥血滿蘆溝

其六

山海全移砦盧龍未撤圍戎櫓寬聖慮日日捷

書飛

其七

棄邑真無節迎降更有身稱盧行媚者三代國恩人

其八

鼙鼓連營急軍前半死傷漁陽多舊將帶箭出戎場

其九

雪屋集

卷七

六

古齋堂

賜貂藏不測褫帶示無寬賣國猶疑獄鐵奴已食言

其十

冰裂江南地風吹殺氣多紅鑪猶畏冷西北夜操戈

詠史四首

博浪椎方索蓬萊使又行副車如未誤何藥獨長生

其二

置酒未央殿功臣半就烹自知天子貴不復罵儒  
生

其三

東封泰山石井上單于臺欲問通仙路柏梁前夜  
災

其四

車駕征遼去江都柳色濃迷樓成一炬何處更留

雪屋集

卷七

七

古蹟堂

儼

嚴道普齋中種松十詠

松風

謾謾生涼爽翛然豁遠襟當年貞白老吹夢入山

深

松露

河漢淨娟娟清宵庭際立不知老鶴翻惟見蒼苔

濕

松月

想見虛窗夜幽人慣不眠清光助清興吟破曙霜  
天

松雪

霽色開林薄寒光拂酒卮老龍精怪出一夜長瓊  
枝

松雲

白雲就我宿百尺搖成練擬欲持贈君推窗飛片

雪屋集

卷一

八

古蹟堂

片

松石

古色不可掃稱此松下臥我以結石交抱琴長偃  
坐

松影

莫以詰屈形孤直無由致月明良画工掃出千尋  
勢

松香

清香引晨露下凝琥珀精峰蝶紛紛者俱爲糞上英

松翠

含雨已欲滴經霜變獨奇亭亭看不厭知是歲寒姿

松聲

洗却笙簧耳遙同山水音清風吟不足相和入琴心

雪屋集

卷之

九

古齋堂

落梅雜詠

春日照合章簷端細雪香宮人爭貼額不及壽陽粧

其二

數點春風雪山溪流玉磬那堪明月夜笛裏又翻翻

艷曲

閨裏深深夜燈前語笑芬故偃郎膝上不自解細

裏

其二

纔登白玉床旋下芙蓉帳華燈照斜光背面香茵上

十怨詞

蒼梧怨

雲凍蒼梧野空山環珮還祗今湘岸竹猶帶淚痕斑

雪屋集

卷七

古齋堂

垓下怨

君王氣已盡賤妾亦何憐蟾光隨劍落楚舞未離筵

長門怨

玉漏悄悄夜君恩逐斷竟可憐金屋寵殘月照長門

玉階怨

長信蕪秋草何由見履綦金輿門外度明月下階

建

青塚怨

草沒胡沙白青青不記春空留一坏土猶見漢家  
人

銅雀臺怨

歌樂朝來動塵飄總帳秋西陵空望眼含淚下漳  
流

馬嵬怨

雪屋集

卷七

十一

古廟堂

車駕驪山道遊魂何處追君恩真莫報恨殺錦綉  
兒

臨邛怨

無復琴心在茂陵秋雨深何堪粧鏡側重理白頭  
吟

金谷怨

君行從此决妾命亦餘幾生爲金谷人死爲金谷

鬼

燕子樓怨

塵疊春衫淚熏消夕被香簾前相識燕只向舊樓  
梁

採蓮曲

渡口晚風急舟橫亂挽篙乘潮小未慣蓮子滿溪  
拋

其二

來往采蓮路笑聲傳隔渡日暮聞郎歸繫舟楊柳  
樹

雪屋集

卷七

十二

古廟堂

其三

斜日照儂粧微風吹水涼上有紅荷衣下有綠荷  
裳

其四

欲折惜紅顏何枝不可憐含羞忽回棹瞥見並頭  
蓮

其五

輕風亂藕絲好似儂心緒無處訴衷腸蓮花共儂語

子夜歌四首

思郎聞雁聲同征南北異郎此去玉關雁從玉關至

其二

月下擣寒砧一擣腸一斷身願作征衣同郎受寒暖

雪屋集

卷七

一三

古齋堂

其三

不怨卿離妾翻憐妾累卿分明妾薄命卿被薄情名

其四

別久老容鬢歸來非舊春如何對君面翻悔夢中人

相逢曲五首

低頭井上汲側身讓行路白玉誰家郎謙謙知禮

數

其二

潞衣當井闌逢郎起恨端妾淚肚中落井泥那得乾

其三

碧玉正未破明珠何處投郎但勿回顧家住井西頭

其四

妾非千金軀妾有千金意徘徊難自陳願因微風致

其五

井水深百尺轆轤下還汲春華不再芳忍使路人拾

雪屋集

卷七

一四

古齋堂

雪屋集卷八

常熟孫永祚著

七言絕句

遊天平山范園

削出千峰秀入雲  
碧廊曲曲畫橋分  
春山盡日鶯啼罷  
竹裏紅泉到處聞

借朱韞之靜之春泛石湖

石湖烟水錦紋生  
綠鷗徐迴鏡裏行  
君看越來溪

雪屋集

卷八

一  
古齋堂

上柳春風猶似舞  
腰輕

林屋洞

靈篆葳蕤玉乳低  
洞中日月使人迷  
道書何處曾探得  
禹穴相尋到會稽

登縹緲峰

弁峰七十脚前平  
湖水浮空口氣輕  
遙指三吳襟帶地  
烟中數點不知名

包山道中卽事

小袖輕衫綠映腮  
柔桑影裏采茶回  
不知指笑緣何事  
應道山中客誤來

夜泛石公山 有序

壬戌春與扶風諸君携酒肩輿遊涉七十峰  
薄暮抵舟月已東生矣水天一碧烟光萬狀  
乃復移舟沿泛自洞山下抵石公坡往返數十里  
吳姬度曲山僧詠詩露坐傳觴頗極快致時三月  
望夜也僧蒼白姬

雪屋集

卷八

二

古齋堂

馮月卿

酒淺衣單怯小紅  
一湖明月半帆風  
夜深不辨林山色  
笑指烟中是石公

其二

湖平如掌浪鷗閒  
幾處輕帆明月灣  
薄醉略嫌風色緊  
詩僧歌妓一船還

其三

醉弄烟波一片空  
夜乘明月五湖東  
從教踏盡西



山勝難得風光此夕中

早起見雪

昨夜春寒醉不知小樓夢覺起遲遲曉來日照前  
山雪猶帶松聲入澗澌

春夜

冥冥月色已淡更小院叢花霧未清有客銷魂偏  
此夜似嫌秋魄太分明

金陵作

雪屋集

卷八

三

古齋堂

日斜鞭影鳳凰臺走馬承明獻策來誰似洛陽年  
最少人人共羨賈生才

秦淮水閣

楊柳藏鴉霧閣香朱闌絲管落虹梁六朝艷事空  
流水金粉猶存舊院村

胥江觀競渡弔古二首

菰黍初沉鬪彩蛟貞魂不逐水同漂城頭猶有雙  
晴在應共江流訴怨潮

其二

鼓落旗雲畫鷁明往來何似水犀兵高臺空事黃  
金飾惟有千秋弔屈平

西郊春日六首

別作

水拂長楊色半勻桃花馬上日鱗鱗不須紅袖相  
招飲自有春風欲醉人

其二

繫馬香溪問酒家雨餘春色上初花醉中一任風  
雪屋集

卷八

四

古齋堂

吹袖學得垂楊幾樹斜

其三

春來處處女當壚勸我來傾碧玉壺携向萬花溪  
處飲五峰殘日下西湖

其四

垂垂紫袖拂花香雙語流鶯引曲長歌顫不勝羞  
欲暈晚風時帶落霞粧

其五

西園白馬繫龍臺南國佳人醉玉杯雲氣拂衣看  
竹過霞香染袖折花來

其六

晚來風急透春衣山翠嵐容帶雨飛避得溪林小  
村舍桃花無數水流歸

十臺詞

章華臺

十年形縷跨荆墟沙市城南縱目初揖得魯侯長  
鬢指南風何似舊匏居

雲臺集

卷八

五

古齋堂

鳳臺

春風嶰谷管新裁樓上簫聲不下來弄玉已隨仙  
史去秦王空築鳳皇臺

姑蘇臺

絲仗春風白紵秋江聲湧月閣前流何人只勸君  
王醉日上珠簾舞未休

金臺

朔天日色照黃金郭隗層臺薊北陰駿馬自非空  
買骨而今不必按圖尋

陽臺

十二巫峰綰翠鬟楚王宮裏細腰孱夢中不用空  
相妬爲雨爲雲去復還

戲馬臺

神騅一顧氣如龍笑指山河叱馭中事業未成歌  
楚帳旄臺回首大江東

雲臺集

卷八

六

古齋堂

歌風臺

馬上歸來意氣雄酒酣擊筑自歌風四方猛士何  
愁盡不見浮雲起禁中

柏梁臺

芙蓉仙掌露初承酒罷瑤池宴侍卿分賜金莖天  
上漉何人最是賦先成

銅雀臺

銅臺秋色下漳河武帝宮人尚綺羅日暮西陵空

自望帳中笙吹爲誰歌

凌獻臺

宋主離宮十二盤  
凌風六月綺羅寒  
江南龍虎餘王氣  
厭向層臺歌舞看

遊江干賊鼻二首

江勢如龍沙嘴孤  
海潮衝處石梁扶  
神山只在鼇身上  
我欲鞭之向玉都

其二

雪屋集

卷八

七

古肅堂

萬里烟濤對海門  
磯邊濯足白波渾  
大江日夜流無盡  
潑向春風作酒痕

秦坡看水

層坡松拂雨容斜  
百尺飛流噴夕霞  
坐久不知衣溼盡  
紛紛歸路點藤花

曉窗

雨氣濛濛日氣輕  
曉窗開處水流聲  
石苔昨夜香泥破  
蘭葉春風長綠英

京口夜泊二首

孤舟江上禿楓寒  
石咽潮聲夜聽殘  
今古情多流不盡  
數峰相對月中看

其二

中天風色一江濶  
幾處漁烟散暮寒  
莫向隣舟問鄉邑  
愁心欲共雨漫漫

夜坐

萬籟聲隨鐘寂初  
竹風吹戶水當居  
素娥停影闌干上  
知有幽人夜讀書

雪屋集

卷八

八

古肅堂

燈下

鳴劍伊吾銳莫如  
嫖姚十八冠軍初  
一般頭角成何事  
猶向寒燈夜學書

與陳廷節論文

響徹天雞燈未昏  
草成文藁共評論  
毫端收得精靈在山鬼  
驚啼夜夜村

與殷汝若掩關僧寮二首

柳外荒池春霧生  
巡池獨鶴似人行  
夜溪蕭寺花陰靜  
僧過携琴彈月明

其二

六翮雲霄氣欲凌  
自慚壯志亦何憑  
中宵忽起雙鳴劍  
便去蒲團坐佛燈

訪來季方山中

春澗急澌春日斜  
參差歷亂櫻桃花  
上山携酒下山醉  
山後野人來送茶

雪屋集

卷八

九

古齋堂

口號

白日青天幾箇雷  
海雲生處雨俱來  
蛟龍不敢拋珠戲  
恐有橫江鎖未開

美人春睡圖

午風微颺綠鬟綠  
花壓香茵夢落時  
底事春來憔悴盡  
黃鶯啼遍不曾知

芭蕉美人圖

院落無人芳草衰  
經春行處滿蒼苔  
凝情獨立思

何事風拂芭蕉首  
不回

神社賽燈謠四首

賽社今年樂稔登  
迎神歸去夜燒燈  
香烟遶縣雲驂下  
燭氣熏天火鳳升

其二

奏罷神絃羯鼓催  
法官清道暗塵開  
星旗不動車聲過  
火樹齊移仗影來

其三

雪屋集

卷八

十

古齋堂

好事爭傳鬧火樓  
千門雜沓百靈遊  
錦葵花剪赤瑛椀  
銀杏葉裁青玉毬

其四

絳河移下列星橫  
樂部聲齊隊隊行  
妖妓盡將春入市  
癡農不管夜關城

梅信四首效老杜漫興

日日摩娑老梅下  
蓓蕾枝頭凍不開  
一夜東風吹臍去  
山童報道白皚皚

其二

連日陰風只掩扉今朝幸思踏春暉一枝向水折  
將去便有蜜蜂來惹衣

其三

臘日之日逢却春天氣如何不惱人顏與梅花相  
向笑不到新年俱自新

其四

幾箇黃昏月影橫膽瓶春水得香清臘梅癡重我  
不愛只與水仙爲弟兄

雪屋集

卷八

二

古齋堂

月下

夜角吹殘玉漏零露華金掌仙醺千門惟有沉  
沉夢月在當天照不醒

題朱白民画竹

髯道天機二三筆至今露氣未曾乾風情雨勢不  
自主翠袖湘臯生暮寒

嚴子張惠藥寄謝二首

密密山雲護竹房王孫應解倦遊裝木床盡日臨  
池罷檢點藥苗秋雨香

其二

竹外閒窗搗藥聲秋風鶴骨瘦還輕金莖不惜分  
相贈慚愧文園臥長卿

坐月二首

秋紗如水露涼多却扇徐聽阿鵲歌今夜闌干有  
人倚不教明月恨空過

雪屋集

卷八

三

古齋堂

其二

村鼓秋多水調聲月光綴樹萬條明凭闌幾會貪  
眠去病後只嫌風露清

昨夜

昨夜銷魂酒半酣幾年香夢到今甘溫存性子知  
無恙只是腰肢瘦不堪

宿淡秀齋

井梧葉盡菊花乾門外烏啼夜未闌酒醒不知身

在此一窗月色照人寒

長至日宿王子安堂中三首

尋君不遇又空還  
幾轉雲盤亂石灣  
松下相逢惟命酒  
野烟生處日籠山

其二

疎落寒星照草堂  
酒醒無夢覺微霜  
懸知漏減今宵水  
何事山空夜正長

其三

雪屋集 卷八 三 一 齋堂  
無數山雲入酒杯  
酒闌何日約重來  
主人笑指南窗下  
紅萼枝頭已漸開

叔子師山窗四時詠四首

紅塵不到北山家  
水閣春煙滿碧紗  
笑向桃花谿上坐  
淨來何處熟胡麻

其四

黃禽啼罷散桐香  
扇影空懸畫夢長  
樹密不嫌山裏隔  
一林綠雨澗風涼

其三

白雲貼水照窗明  
薜荔牆低落葉平  
欲向山階鋪席臥  
呼童月下埽秋聲

其四

酒醒紅日滿闌干  
雲母冰漸閣下寒  
一夜雪山當面出  
畫圖移在檻中看

長至夜哭母二首

雪屋集 卷八 四 古齋堂  
常年歡笑聚燈前  
今夜先無阿母憐  
自痛吾生餘一歎  
不知何處是黃泉

其二

猶憶今宵病裏身  
重違已是隔年塵  
燈前一慟明知絕  
猶恐心傷白髮親

病中送春三首

芳草花時憔悴何  
枕邊覺得雨風多  
閒來莫問春多少  
容易愁心起綠波

其二

何日春歸綠滿村吟身且問酒曾溫一從多病文  
園後時序年來不敢論

其三

今夕如何不黯然風光應落阿誰邊可憐明月長  
如此照得江春又一年

雜詠二首

鷓鴣聲裏雨如塵腸斷花時不記春昨夜新詩誰  
唱遍隔簾愁殺舊時人

雪屋集

卷八

五

古齋堂

其二

門內桃花爛熳開似曾相識向人猜七年情斷三  
生路忽入遊春夢裏來

妾薄命詞二首

未敢分明說向伊千迴萬轉又難持少年心性太  
嬌劣如此相逢有幾時

其二

知君性格本狂夫使妾心腸似轆轤忍定淚光含

又落此情不信薄情無

春陰

春雲壓樹畫不移老竹拖去紅闌西斜日陰陰酒  
醒後鷓鴣一聲來樹啼

已未春三月四日清明前一日上巳二日寒

食

三月三初佳節連桃花日漾柳花烟江南春氣人  
人醉寒食清明上巳天

雪屋集

卷八

一六

下齋堂

飲洪花田

輕烟輕日弄春霞兩兩嘶來白鼻駒仰吸木鯨和  
醉臥野田狼藉水濱花

楊花

泣雨牡丹如欲語弄晴芍藥待含忻何知柳絮春  
風意性自飄颻情自黏

七夕立秋

水簾風起見螢流新月涼生十二樓望斷天河人

不見一聲桐葉好題秋

中秋雜興三首

眼看儔侶盡悠悠中酒情懷不自由市上笙歌沸  
明月幾番厭逐少年遊

其二

中庭桂影瀉明波一社風流今夜多遙憶秦淮舊  
年月画闌若教美人歌

其三

雲屋集 卷八 古甯堂  
何處幽思寫琵琶青春夫婿在天涯長安花月紫  
人夢不信秋來不憶家

題范蠡載西施圖三首

少伯功名西子都興亡總不爲身圖月明談笑扁  
舟去空使濤聲泣子胥

其二

歌舞臺荒麋鹿遊越來溪上五湖舟烟波何限空  
回首明月吳宮白紵秋

其三

歌罷吳歎弄越吟溪頭片語思何禁十年儘力君  
王寵小殿芙蓉長捧心

爲人題山中雜紀十一首

山日初高宿鳥呼櫻桃花照美人膚垂鬟未理喂  
鸚鵡低問前窗客起無

其二

雲屋集 卷八 古甯堂  
色不勝脂香不檀素肌生翠氣生蘭玉鞭盡指閒  
花柳迴馬何人相解看

其三

初日花明照玉姿推簾無意忽交頤笑聲欲忍難  
藏靨背映中門立不支

其四

晨起梳頭百舌啼綠紗輕袒手如萋爲君親熟胡  
麻飯流出門前日未西

其五



紙窗燈暗背蘭擎花覆山牆月二更自恨夜來微  
帶酒簾櫳小語未分明

其六

溪山一閉髮鬢鬢背却東風心自合昨夜佛前私  
聽見長齋初不爲宜男

其七

生塵小襪銕稜稜步滑紅香半不勝自褪白翻斜  
屋下繡紉剛印紫花藤

雪屋集

宋八

方

古齋堂

其八

新生梅子乳來太正熟櫻桃口樣紅手摘一盤祈  
少食愁君內熱又酸中

其九

松風逆響月痕纖細語無人夜隔簾珍重日來雙  
眼色莫輕姑小不知嫌

其十

不向花叢鬪麗暉春淡粉氣膩羅衣自憐一鏡芙

容頰守得蘿村舊浣礪

其十一

司馬風流杜牧詩高唐留得夢相思溪山一別空  
如雨新與春風竟不知

午日閨詞四首

綠酒初溫碧玉壺摻摻細手切菖蒲繡牀艾虎餘  
殘綺剪作榴花戴小符

其二

雪屋集

宋八

三

古齋堂

統扇新裁午日長戲拈百草鬪迴廊小姨羞摘宜  
男葉輪却胸前艾子囊

其三

杏子單紗映粉肌侍兒新擁沐蘭時起來玉釧香  
零亂自理榴裙五色絲

其四

樓前水戲敞垂簾看罷龍舟酒半淹笑射玉盤誰  
中黍葉長獻得指尖尖

夏日李季文吳新謀偶集扶風凭虛閣得樓

字

夜涼先到幾分秋  
簾捲荷香不下鈞  
今日相逢盡  
佳客醉眠夢醒在高樓

大街曲三首

相約如花姊妹儔  
月明偷上大街遊  
夜淡語笑千  
門寂猶有遊人過市頭

其二

望星集

宋人

三

古齋堂

着面溶溶好月光  
碧天如水地如霜  
相逢女伴元  
相看背地私評幾樣粧

其三

星壇日寺路層層  
又去東城看塔燈  
記得去年來  
供佛碧幡曾繡雨花僧

村泊

日暮江村好繫舟  
土風閒問古鄉州  
人言萬歲橋  
頭水無錫江陰常熟流

月下

山河淨影玉壺空  
換却尋常竹木容  
盡說瑤臺何  
處是仙家只在月明中

春閨

殘睡濛濛不下牀  
綺窗紅日乍臨粧  
濃梳薄掃無  
人見妬殺東風到海棠

夏閨

曉堤閒立看鴛鴦  
水上蓮花似妾長  
只見侍兒徐  
笑道分明一朵並頭粧

秋閨

天河昨夜渡星郎  
影落方塘夜漸涼  
團扇溼生金  
井露秋聲惱殺絡車娘

冬閨

熏籠擁火着衣裳  
東黛呵開畫曉陽  
翠袖玉纖禁  
不得燕釵寒墜臘梅香

過松陵

橘柚秋風十里程  
垂虹亭下水蘓平  
龍拖急雨長橋過  
遮却吳江一半城

弔湘妃作

湘岸淡澹湘水清  
秋風一夜珮環聲  
洞庭是處瀟瀟木  
葉落空江怨月明

自五渠道步入清溪晚泛華漚三首

徑折南沙五里通  
溪橋幾曲綠波風  
春光欲到江南柳  
烟色茸茸午日中

雪屋集

卷八

三三

古甯堂

其二

近水人家竹樹低  
春畝麥長雪融泥  
村村無事來城郭  
曉打溪魚晚哺雞

其三

山浸平波霞氣吞  
溶溶灩灩照人溫  
誰鋪一片明光錦  
水底鮫人天上孫

吳江即事

旌旗十里蔽江亭  
夾岸樓船鼓暫停  
震澤忽然風

雨過千帆片片溼  
龍腥

事卯八月廿九夜

半醉歸來近夜央  
門前飛馬去東牆  
熒熒四壁一燈照  
寂寞愁心秋漏長

客江上

河上仙舟向晚津  
南陽名士自綸巾  
江城誰是知音者  
不似胡琴碎向水

西湖雜興九首

雪屋集

卷八

三三

古甯堂

錢塘門外水拍天  
昭慶寺前山着烟  
買弄湖光與山色  
故踏堤頭犇子船

其五

昨宵細雨柳蕭蕭  
早起晴光十萬條  
湖上秋來勝三月  
酒船先泊段家橋

其六

落日清波六鏡開  
六橋風急回船迴  
長堤不似花時態  
猶有笙歌小隊來

其四

十里斜楊遶岸垂，水邊樓閣半逶迤。  
小舟盪棹過湖去，沽酒買魚歌竹枝。

其五

孤墳何處弔風流，金縷歌餘小小愁。  
可惜西湖一泓水，不流春夢到蘇州。

其六

高高亭子出湖心，放鶴人歸何處林。  
欲向孤山辭雪屋，集卷八主古肅堂  
荒土兩峰雲起閣，秋陰

其七

三百紅樓倒映湖，捲簾秋色上菰蒲。  
美人臨水教絃索，飛出香堤聲有無。

其八

秋風有客渡錢塘，隔岸江楓滿目黃。  
獨立湖頭艤舟處，一時回首兩茫茫。

其九

遊人漫說酒盈杯，文采風流屬有才。  
放浪湖山誰是主，白坡去後我重來。

立冬日偕徐元脩諸君過嚴于度別業月下

歸舟漫賦三絕句貽之

竹間人影水邊樓，柳外漁歌江上舟。  
況有園蔬能供客，何妨竟日爲淹留。

其二

林外溪山綴晚容，衰楊影帶夕陽春。  
停杯忽憶春雪屋，集卷八主古肅堂  
前醉不覺重來已是冬。

其三

夜半溪村漁火微，小舟盪槳去如飛。  
野人聽得吟詩過，知是山陰泛月歸。

飲邀笛閣

閣前流水月明多，醉倚胡牀獨聽歌。  
一曲桓伊三弄後，笛聲常繞舊淮波。

玉峰寓中憶溪館牡丹

遊絲飛絮繞天涯幾度春風不在家昨夜溪童來  
問訊紫欄間殺牡丹花

周古樵携得家園牡丹至余寓因出酒賞之  
年年爲客滯花期寄我名花慰所思燈下與君須  
痛飲春風已到牡丹時

春病二首

寂寂荆門病裏春石爐風拂藥香頻聞中誰是消  
閒者會有簾櫳鳥罵人

雪屋集

卷八

二十七

古肅堂

其二

說與東風只任然自從憔悴入新年落花狂柳曉  
無賴細雨輕煙春可憐

自嘲不飲

縱酒狂歌夜擲盧獨醒吾亦厭吾多不辭辛苦爲  
君飲其奈新年善病何

嚴子張泛酒草野送別徐元脩歸江上三首  
載酒蓮涇醉竹叢西船繫在柳陰濃白雲渺渺西

湖上望去君山樹幾重

其二

只在江頭幾尺天兩鄉不隔月同圓如何別意濃  
於酒草拂王孫綠似煙

其三

渡口聞鐘日已昏醉乘輕舸下江村知君怕向湖  
煙曉一路青山斷客魂

雲亭道中四首

雪屋集

卷八

二十八

古肅堂

客思紛紛葉滿堤江城回首日初西吟鞭遙指雲  
亭道一路寒山送馬蹄

其二

柿葉稀紅菊遶籬家家村巷對山居滿場禾黍新  
筍釀笑指行人不下車

其三

寒江水落不通潮馬首西風客路遙日暮孤舟何  
處是道旁村店酒帘招

其四

漠漠征塵撲玉鞍  
朔風吹綻客衣單  
江頭酒舍新豐似  
忘却黃村道上寒

時旭如山樓值雪二首

愛汝山樓日對山  
捲簾朝爽落窗間  
西風忽起漫天雪  
添得遙林萬樹顏

其二

展出吟屏是雪山  
雪光山色淡濛間  
雲中細落鮫人剪  
天外高梳玉女鬟

雪屋集

卷八

二十九

古齋堂





雪屋二集五卷

〔明〕孫永祚撰

清順治十七年古嘯堂刻本

北京圖書館藏



孫子長詩序

余嘗論子長之爲人蓋有三變少壯而蜚華揆藻若發穎豎英英俊人也長而規言矩行金聲玉色溫溫恭人也晚而挂冠解組隱居教授生徒負牆講論重席番番老成人也井邑遷改人世交變世變則風毛雨血蛻背徇流而子長自如人變則睂橫目豎石浮木沈而子長亦自如橫經籍書易衣并公名

錢序一

行日以修著述日以富一日卷其所作謁余而請曰祚也夙侍函丈今老矣惟夫子賜之一言庶以論其人表其志余聞之詩曰有匪君子如金如錫如圭如璧夫圭璧之爲器古之帝王用以祀天禮地羞王公而鎮社稷詩人之言金錫蓋趣舉之而豈以是爲等夷也哉世衰道降灌薦覲聘之禮不作圭璧之用不能比於金錫而世之識玉

錢序二

二

者亦寡矣余觀子長殆衛風所誦  
圭璧之君子作爲聲詩乎尹旁達  
劒璣鉞秘錯落其間時命晦蒙不  
獲與大璜琬琰陳列明堂東西序  
之間而子長恥於自衒不欲泣血

錢序三

以相明斯世之識玉者寡不徒無  
憾亦竊以自幸焉咎者王子朝之  
寶珪得者將賣之則爲石鄭人取  
周府之玉則化而爲蜮且射人甚  
矣玉之難免於亂世也化而爲石

又化而射人而後乃懂而得全天  
之鍾美於是而愛惜之闕護之若  
此其至也由此觀之子長之圭璧  
居今之世而琅然於砭砭砂礫之  
中久而彌瑩夫豈偶然也哉子長

錢序四

被褐懷玉不自矜重余以崑山抵  
鵲之人幸得攫攘其旁探子長之  
意以余猶爲能識玉者故不辭而  
爲之序於以論其人而表其志且  
告於世之爲石爲蜮者也歲在庚

子中秋江邨老友蒙叟錢謙益序



錢氏五

順治十七年冬梓行

雪屋二集卷目

第一卷

虞山城樓春眺 癸酉

花信風

春寒

家庶明湖田別業

飲野田

綠萼梅

明妃

題張叔維畫卷 四首

遊靈谷登寶公浮屠

句曲早行

對酒

冬日

寄北征友

塞上曲 四首

雪屋二集 卷目

一 雪齋堂

訪程孟陽拂水山莊 甲戌

春夜譚扶風齋

登縹緲峰落舟復泛月石公坡

春夜步至破龍山房

山中出蛟

春暮山房雜詠 十二首

過北山王子任故居

破龍礪觀泉

五丈石觀泉

夏日登北固

登焦山絕頂

題京口石磯

病熱口占

病中

病餘

小除夕雨飲綻香閣

元旦 乙亥

春日復過山齋

山齋枕上

清明題寓

張公亮過虞山有贈

送魏仲雪學憲之粵

夏日山齋

哭兄蕃甫疊夏日韻

應詔

呈雲間司李李寶弓房師 四首

北征次京口 丙子

姑蘇逢劉無彊沈繼明

呈張二無先生

金山杏花下作

舟過高郵

泊古城謁三義廟

舟次宿遷

伽河飲陳大士舟次

雪屋二集 卷目

二 古齋堂

與周伯玉從陸赴京

東平道中

郝山述所見

滕縣道中

鄧州道中

瓦橋關

題三家店壁

題京師寓 二首

候試

廷對

同馮仲先遊龍華淨業金剛諸寺 二首

與馮仲先朱以發南下

舟中值兄蕃甫忌辰

偕朱以發登光嶽樓

夜泊邗關 二首

濟江

留都贈周午陽卜隱

秦淮晚嚴子建 四首

鄧尉看梅 丁丑

送錢宗伯暨瞿給諫赴京廷辯 四首

水村

時伯和齋牡丹

經嚴子建墓

訪陳季采陸布公石梅

趙景之及第寄贈 二首

送蔣晚仙之任南海

雜興

時旭如齋虞美人草

寡鵠歌贈袁重其節母

七夕集姜神超玉照堂

過嚴刺史湖莊 四首

詠朱鸚鵡爲家光甫 二首

長至許文玉新樓晚眺

冬日慈視菴 五首

雪屋二集 卷目

三 古嘯堂

第二卷

春日掩關南村草堂 六首

虞美人花

舟次西巖

南園呈陳益吾中丞

與盛躬約繆令胤諸子暨履兒坐月 五首

夏日池上

履兒采芹示之

晚泊釣渚

錫山侯牧師稼翁北歸

悼履兒

再哭亡兒履德

春朝趙景之太史爲余作異夢賦謝 已卯

趙太史劾楊武陵奪情左遷賦贈

上元友人席

馮已蒼姓香洛伽

江上送徐元脩葬

萬峰禪院與剖公夜談

舟次鄧尉

遊鄧尉

送別新安李玄章

瞿稼軒先生招飲浣溪

春暮南村感懷

贈形家鄭南溟

盛桓夫邀看荷湖上

阻雨京口有懷

九日次雲陽

泊新豐鎮

夜叩蔣山廣公房

淮上感賦呈舊知 四首

客淮上陳階六招同夏象也嵇淑子

雪屋二集 卷目

四 古嘯堂

泊巴城湖

閨春詩 十六首 庚辰

過廢園有感

西廊

移坐松石齋

飲桑昭伯茅屋下

詠蒹花田

坐月嚴髻珠齋

破山行礪上

山中雨後

嚴子張刺史同日馬生駒鶴生子賦贈

酌林六長於薦菊泉

賦得歌舞閒時看讀書

錢宮詹邀同六長泛湖

中秋周奕丹席

復飲桑昭伯茅舍

何白石寫蘭墨賦贈

聽胡白叔誦洞庭詩

觀商丁大雅羹尊五首

舟中次牧翁韻

冬夕宴牛野堂

輓魏叔子師旅櫬

寄通州胡指水

上元有感辛巳

上元夜飲

燈飲躬約齋貽戈莊樂

送錢爾弼之金陵三首

松石齋雜詠二首

留殷大徐三小酌

瞿稼軒招山中看梅四首

寄懷進士馮仲先

蔣峴仙招遊錦峰

同嚴武伯牛塘野步

花園村

雪屋二集

五

百齋堂

第三卷

陳益吾中丞招飲柴居

題睢陽五老圖

朱以發招集二株園

林若撫吳廣成過訪

牛塘寺展閱華嚴經

夏旱

困夏

錢宗伯黃山歸陪侍

楊贊皇招飲龍潭別業

題朱宗遠園居四首

送嚴伯玉楚行

題汪賓陽儉退居

東山酬和賦

壽錢宮端牧齋師六十

與瞿伯申月下登北固

九日雲陽道中

十月廿四履兒三週忌辰感悼

村中和坡公詠雪韻

寶綸堂又和坡韻

戲柬王兆隆蔣峴仙

春甲子晴壬午

留宿稼翁瞻雲閣

鄧尉隨喜大悲懺事

禮三峰和尚塔

登七十二峰閣

北上泊金閭

舟中小臥

雲陽道中

晚霽渡江

升關

北征途次

阻雨邵白旅店

阻雨界首旅店

雪屋二集

六

百齋堂

漂母祠

晚渡黃河

渡河循東路有感

繇沙河至黑林

小諸城村店

穆陵關

過破車峴

雨後過穆陵關

晚宿山店

臨朐道中

曉發臨朐

途次示扶風

道旁齊桓公墓

齊景公墓

曉渡淄河

青州道中有感

滄酒二首

再題新中驛店壁

入都	新城道中懷古	永州道中二首
文宣師廟石鼓文	呈徐虞求少司寇	報國寺雙松
性不喜醋戲爲解嘲	京邸醉述	遊西山碧雲香山詩刹
夏宴田國威第	遊西山碧雲香山詩刹	龍王堂和劉司馬韻
遲馮躋仲沛祖不至	題平坡廢寺	題秘麗巖寺壁
一宿承恩寺	碧雲寺泉	憩香山寺來青軒
遊石經山	香山寺	香山寺
祕魔巖	淨德寺	玉泉
玉泉山泉	京邸雜言十二首	第四卷
李豐城侯復爵	小侯	都中馬上
下第	九日偕諸同人集酒館	贈別蔣南陔謁選建寧
送別葉水脩	與朱子舒旅飲	部試授司李呈羅文選三首
部試授司李呈羅文選三首	上鄭玄嶽大家宰	

偕客飲長安酒樓	長安旅夜	與王史諸君結社長安	燕邸承相知慰遣東謝
徐大司寇惠遺東謝	臘月十九日立春	除前三日贈別朱子舒赴晉撫蔡雲怡先生幕	除夕偕王兆吉赴時兵垣守歲之飲二首
人日癸未	燈市	春分雪	誅失事者
大司寇徐寶摩先生去國次元韻賦贈四首	陳益吾先生擢少司寇喜寄	李仲九何子九見過	送孫魯山先生督師
寒食日粉榆社集	蔡穎生納姬	宴陳水部公署	偕翁時二給諫出都
馬上二首	德州道中苦熱行	經阜城荏平	馬上望嶽
單家橋	入濟	淮船	古城謁三義廟
清江對雨東漕使	午日金閨別脩來督漕	華蕩舟次抵家作	松陵舟夜

海鹽舟夜	平湖乘陳階六明府
崑山朱以發齋夜集	顧誕明齋夜集
西湖飲朱雲子寓樓	陸鯤庭貽旃鳳堂集
渡湖	雨中渡錢塘江
會稽東陳臥子司李	上劉念臺先生
上李玉完中丞	戴山晚眺
臥龍山懷古	趙張氏瑪玉山房
感悼倪光祿三蘭先師兼貽爾徵爾詒諸世兄	恭謁禹陵
高樓怨	
雪屋二集 卷目	一 晴窗
遊南鎮	中秋月蝕
題祁世培先生寓山園	滿城風雨近重陽
倪爾徵送酒至	錢長史宅觀女優
入樵風涇	過射的山
至平水市	暮入雲門
遊雲門寺 四首又二首	趙竹筏
訪陸雍之山居	題倪鴻寶先生園亭
玉樓怨 四首	遊曹山內宕
題曹山外宕石	題永雲閣

倪子新招飲水閣	王玄趾齋集講學諸子
晚步兼葭園	張墨妙齋夜集
爲心函題松弟卷	劉念臺先生示道一則
同張受先先後渡江 二首	循湖堤至七山步
登錢塘江上六和塔	經玉泉廢寺
岳武穆王墓	于忠肅祠
陸敕先刻詩約有贈 二首	步月七檜壇 二首
第五卷	
寶刀篇 甲申	壽范太濛璽卿
雪屋二集 卷目	一 古嘯堂
梁谿顧子方過訪	訪顧子方舟次
瞿給諫浣溪賞海棠 二首	和錢爾發號北詩 存八
吳去塵過訪	送錢宗伯內召 二首
今夜	飲殷汝若新居池上
秋起詠庭前五花 五首	倪文正厥車至吳門
舟經苕溪	苕溪曉發
霜降日觀祭纛 二首	語水飲解蜚齋明府署
當湖陸狂生北郊	偕王子敬西郊感興
送王喜賡令姚江	送朱右服





雪屋二集卷一

常熟孫永祚子長著

虞山城樓春眺

癸酉

南沙古來縣煙火屬承平湖水西浮嶂江湖北過城荒  
祠虞仲蹟廢巷子游名只有仙人石年年春艸生

花信風

年年花信多風信此是春來第幾番一夜青歸彭澤柳  
連朝綠滿邵平園欲將細雨露殘雪時弄遲暉送蚤暄  
轉眼物華何處候野梅江杏酒家邨

雪屋二集卷一

一

言嘯堂

春寒

鷓鴣啼斷竹林煙花信今朝倍可憐殘雪禁持芳艸色  
輕陰邀勒豔陽天曉窻呵鏡籠纖袖夜閣熏香換薄綿  
最是病夫先覺得幾番魂夢怯春眠

家庶明邀過湖田別業

歌吹西郊日青春海晏年水邨多曲處茅閣獨悠然遠  
勢山縈疊閉情柳起眠夕陽猶未下散作海棠煙

飲野田

花事春將半沿洄浦口船繁枝如粲錦飛絮不成綿鞭

影前山俠衣香後舫仙晚雲收夕照人醉水蒹田

綠萼梅

會向林間拂鬢鴉清歌妙舞月方斜羊家條脫今何在  
降下仙人萼綠華

明妃

明妃不作單于婦老向深宮誰得知從說君恩似流水  
長門埋沒幾蛾眉

題張叔維畫卷感憶四首

圖得仙源花一株墨痕猶在繫相思江雲飛去重重恨

雪屋二集卷一

右杏

二

言嘯堂

訴與春風更不知

右杏

張緒當年自寫真長條管得別離曾風流回首今何在  
春雨疎疎已不勝

右梅

一生霜骨傲於梅只向冰天雪裏開展卷不禁春夢斷  
窻前那得有君來

右梅

瀟湘遺墨等閒看紙上清風拂暮寒石徑記曾攜手處  
故人無復對琅玕

右竹

遊靈谷登寶公浮屠

巍巍塔影俯幽岑境入靈峰第一林谷轉龍蛇蟠地勢

松摩霄漢落雲陰三秋陵寢多佳氣十里鈴韜盡梵音  
欲向寶公重問法一燈猶照古禪心

句曲早行

秋河未沒曉星黃鞍馬勞勞倦客裝山路穿雲林月暗  
野田積水稻風涼行人逢着皆他縣殘夢續來猶故鄉  
短舍長亭舊經處幾回來往斷人腸

對酒

不材空歎百年身那復行歌老負薪唯見白駒馳白日  
漸看青鏡變青春達生我欲驅愁物子建愁賦愁之爲物也快飲

雲屋二集卷一

三

古齋堂

君當忽醉人非是酒鄉堪避世眼觀獨醒已非真

冬日

朝暉耀扶桑昏昏忽已晚魯陽戈空揮夸父策亦短急  
景苦相摧沉憂方漫漶惜哉烈士憤刺促何由展我聞  
雞鳴詩士女警昧且願耿明發心烏能溺安晏

寄北征友

北風吹寒條發發成嘯吟萬象忽改色白日生幽陰居  
人掩扉坐遙想行役心吾子在遠道去去關河深嚴霜  
整長駕日夕投長岑饑虎出阻谷老鷗蹲荒林懷哉積

離思願託高飛禽朔鴈方南翔何絲寄遠音悠悠歲已  
晏涕淚常沾襟

塞上曲四首

氣壓龍荒列校屯時隨羽騎獵秋原關榆飛葉邊聲起  
便疑彎弓度玉門

帳外霜風塞草凋月明嚴節響銅焦將軍尚按龍泉坐  
密敕輕車夜救遼

尚方玉劍賜年年捷奏虛隨斷鴈邊飛將數奇都護沒  
誰將高第象祁連

雲屋二集卷一

四

古齋堂

陰山朔雪角弓開瀚海黃雲營策哀蘇武不歸旄節盡  
胡人自拜李陵臺

歲三日訪程孟陽拂水山莊

甲戌

冉冉新年動物華穿雲卽到隱淪家滿天凍雨忽成雪  
臨水孤梅先着葩詩骨斷來山石瘦吟肩看去嶺松斜  
怪他清思輸高士杜老當年在浣花

春夜譚扶風齋中偕徐艾若

歸鴈嘹唳度遠城嚴鐘動後入初更春寒酒盞花無恙  
夜靜燈窗雪有聲牀上短書空復在鏡中華髮已須驚

二三兄弟參差羽不盡東風對語情

登縹緲峰落舟復汎月石公坡

洞庭三月梨花春輕輿花逐行春人山中之人朴而異  
驚看王孫折花至美人跚步躡飛仙猶帶山頭縹緲煙  
半醉歸來青雀舫凌風一曲煙濤上老蛟臥抱明月胎  
戲弄寒光湖面來擊楫泝天天似水石公山石霞稜紫  
空梁激浪殷雷聲萬片銀波如掌平我謁石公公是主  
何以贈余雲數縷持雲歸去春愁深吳飲越舞何處尋  
不如鯨吸三百斗醉臥湖坡弄煙柳石公一笑立青山  
雪屋二集卷一 五 古嘯堂

洞口春風日日還

春夜出北郊同門人祝子肅子又步至破龍山房  
晚攜二三子空山覓心悟稍綠北郭溪遂入桃源路靄  
靄餘夕光濛濛隔春霧前林漸昏黑不辨原上樹野花  
紛紜香宿鳥啁嘶聚幽燐生野墳叢篁莽回互石勢忽  
衝目藤根時啜步幾家隔遠火犬吠春山暮海月東方  
升松頭白微露流泉泱泱聞疎鐘杳然度披蓁發巖扃  
好風林下遇桐戶蘭杜芳迴然絕塵務

山中出蛟

甲戌

晚見雲物異四山蒸濕煙雨氣膚寸合奔騰如決川巨  
石崩紛飛高阜深陷淵跳波樹頭上猶餘老蛟涎因茲  
感物理矯首還佇延想其養困時靈氣何速遽蜎蟠還  
雙伏寧計歲與年不敢出精怪騃抱明珠眠一旦嶄頭  
角變化升九天何曾召風雲風雲爲之先爲我語老蛟  
脩鱗豈徒然

春暮山房雜詠七首

幽澗雜花紛濛濛紫蕤碧蘂搖春風翠翎小鳥踏不得  
一聲飛去深林中

雪屋二集卷一

六 古嘯堂

窗外白雲生遠岑松風歇吟清晝陰楊花滿城不到此  
坐對階前春澗深

空山無人春日長春紅落盡幽艸芳湘簾忽動午風起  
成陣松花吹滿牀

古藤垂垂覆山屋晚來讀倦坐眠熟東風吹落手中書  
日影斜斜下叢竹

山僮采得山花歸草帶青青束一圍手弄餘香過溪去  
一雙蛺蝶趁人飛

春宜惱人意不得野蜂坐衣撲無力忽聽空林颯有聲

山雲疊疊松頭黑

松花作飯烹紫芹日日山中校玉文興到疾書三百紙  
絲毫冉冉生春雲

過北山王子任故居

酒盞從拋已數春海棠開落半成薪一區荒宅深叢竹  
數畝迴塘亂野蓁流水不知更地主夕陽唯見灌園人  
雙雙乳燕衝林入掠得餘花點角巾

破龍碕觀泉

一道飛流白從空落樹間濺珠侵葛屨迴雪濕禪關狂  
雪屋二集卷一 言肅堂

勢千峰合喧聲萬壑還支筇看不足雨氣又漫山

五丈石觀泉

潺湲聞數里一道出長林觸石偏生鬪因風忽亂侵已  
看無敵勢唯見不回心奇觀今朝盡都忘夕照沉

夏日登北固

赫炎何處竹林清一徑涼陰初地行樹色半藏甘露寺  
山形平接潤州城湯湯江水杯中瀉拂拂天風袖上生  
聞說滄桑容易變金焦猶見巨鼇擎

題焦山絕頂

遙接金山勝標分天外青寺深多樹色江僻少人經鉢  
供降龍偈碑捫崖鶴銘茫茫海門氣不逐晚潮腥

題京口石磯

滄波何不息沙嘴一拳峰石勢蹲斑豹江身走赤龍月  
乘瓜步艇風度玉山鐘我欲垂綸釣鱸魚出手逢云北  
出山下大好鱸魚一  
病熱口占

病熱口占

內熱如燠鐵腦漿燥乾髓枯竭外熱如沸湯皮膚焦熬  
舌刺芒如此相煎數日夜人生何苦悠悠者強將心識  
雪屋二集卷一 言肅堂

鎮神魂鼠肝蟲臂誰真假既無輪升玉都又無大藥  
駐丹壺人之大患患有身惡能逃此陰陽爐

病中

一病迢巡勢較增輕風簾幙更移屏清秋只護支牀枕  
永夜唯有背壁燈夢覺未回驚稚子藥囊無辦賴良朋  
朝來莫嘆黃花瘦鏡裏頰頰也自憎

病餘

紅日明窗尚晏眠病餘怯對曉風前衣裳乍熨熏籠火  
爐竈先飄藥裏煙愁熱可能忘米汁嫌腥未敢試河鮮

靜中且喜生春意冬月常如三月天

小除夕雨飲綻香閣

竊律忽將春換臘庭梅開偏灑蘭風一身病久初成健  
百罰杯淹不放空小閣且逃人事外殘年將盡雨聲中  
共憐容鬢今何似笑摘燈花照臉紅

元旦乙亥

已將輕暖入新年庭草茸茸滿碧煙病後畏人稀客至  
雨中閉戶賺春眠辛盤堆菜沾餘醉綵筆迎花試小箋  
誰是玉階鳴佩日自憐梅發草堂前

雪屋二集卷一

九 古嘯堂

春日復過山齋

處處東風織柳絲野梅開偏最南枝人來山戶依然昨  
花落牀書又幾時窗外半添新種樹壁間猶記舊題詩  
依稀只是前春事回首年華何處追

山齋枕上

夢繞燈窗春氣深曉鐘不醒睡沉沉一從移榻山齋後  
滿耳松風永夜心

清明題寓

曉來啼鳥亂春聲落絮飛花風滿城客裏不知時序過

一簾細雨又清明

張公亮過虞山屢同遊席酒間出螢芝集見示口

占以贈

三月飛花滿四郊鄂君青翰屢相邀燒燈同照牡丹耕  
載雨還移楊柳橋拂拭湖煙與山翠公然爲君獻靈祕  
已隨香唾落珠玉更出雄詞吹蠱蠹予贈雪屋吟君示  
螢芝集一讀風生襟再讀雷震蟄字字涵化工能令鬼  
夜泣予也甘心屬櫟穉知君何處倒詞源乍疑五丁力  
士鑿出蠶叢嶂又疑白馬神人戲舞銀濤翻君家詞翰  
雪屋二集卷一 十 古嘯堂

送魏仲雪先生較士東粵

世相似當代何人軼前軌博物知名掩茂先登高作賦  
凌平子可憐有才不遇空淹留予更對之雙淚流不排  
紫雲叫閭闔落拓徒成汗漫遊時命不來總若此千秋  
百代何悠悠手持此編酒百盞澆盡春來萬斛愁

夏日山齋

百粵矜紳擁節迎江南名翰舊儒臣孫陽相馬多無價  
郢匠揮斤信有神杞梓榱桷天上器明珠火齊席中珍  
九重特起敷文教頓使南荒日月新

庭陰交綠水千章夏日山齋晝更長信步不知來路杳  
閒眠唯快午風涼時時幽處見奇致往往靜中聞妙香  
如此清緣堪入道坐闌還笑落花忙

哭兄蕃甫壘前韻

驚心欲廢脊令章羸瘦形神帶漸長家計米鹽元自薄  
人生骨肉一何涼樹交連理荆偏瘁花落同根棣不香  
詩裏清緣信難享勞勞造化合應忙

應詔

新詔煌煌簡大良不才何以應明揚天人策擅曾推董  
雲星二集卷一

卷一

二

古齋堂

校獵文成謬許楊稍喜策鞭離島櫓還羞決起在榆枋  
廿年鄉國傷懷夢好仗東風入建章

呈雲間司李李寶号房師

四首

幽蘭生澗底芳馨誰爲傳桃李開深山無人空自妍所  
貴賞心人及時采芳鮮國香一旦出成谿不在言公門  
固無私春風亦已偏  
咄哉下里編少小曾空羣不遇伯樂顧鹽車汗云云翦  
拂乃在茲長鳴一向君太僕十二閑虛飽奚足云驥首  
奮天路萬里策功勳

亭亭泰山松特挺百尺枝兒絲生其下纏綿得所依寄

根雖云末呈此凌霄姿下與凡木遠上與青雲期自念

欣有託不敢侈恩私

天子重豪儔異數求大良泰道日以升君子正內陽何

幸下里士賓賓觀國光金馬始應詔董生策煌煌詎敢

終小草羽儀方用章

北征次京口

丙子

生長東南全盛年驚看江瀨遶戈船旌麾懷府方移鎮  
烽火中原未息煙吳地震鄰多伏警漢廷對策竟何先

雲星二集卷一

卷一

三

古齋堂

賈生不盡憂時涕太白船頭似月圓

姑蘇送劉無疆沈繼明招飲徐鳳青樓餞余北上

姑蘇臺下鄂君船正值鶯花二月天樓上新妝看寫月

尊前故態酒傾泉熏籠香煖人初醉銀燭光銷客未眠

腸斷徐孺三疊曲不堪明日各風煙

呈張二無先生

夙佇高山望今朝始慰饑文高乖叟舉清過伯夷椒同  
政新膺寵陪京尚典衣

以南望卿新有  
太僕之命在告

聖朝需柱石莫

憶故園薇

金山杏花下作

迴廊行徧日暉暉忽漫飛花點客衣回首海天春已半  
不禁愁思滿江磯

舟過高郵

懷關樓前水拍隄野田花鴨作羣棲舟行酷似平江路  
莎草青青柳葉齊

晚泊古城謁三義廟

船頭斜日戍煙輕疎雨絲絲足別情沙岸落帆河水急  
暮天吹角海雲生幾家野店依荒驛何代英祠傍廢城

雪屋二集卷一  
記是當年三義聚靈風猶起夜濤聲

舟次宿遷

蓬窗浙歷定還驚客思搖搖夢不成河上漁舟聞遠棹  
岸頭小拆守殘更餘寒饒作東風勢急水初添夜雨聲  
憶自離家春過半可堪淹泊宿遷城

伽河逢陳大士舟次夜談有作

何意黃河曲逢君青翰舟從來輕萬戶但願識荊州俠  
概凌同父高名重太丘風波淹水宿談笑慰羈愁味摘  
沙芹細香分楚橘幽夜闌頻翦燭歡劇正傳籌交道惡

聲氣文心足獻酬雄詞高郢雪時事泣吳鉤怒看旄頭  
飲憂深肉食謀星輝連北極萍聚尚南洲水勢春方大  
河聲夜不休馮燒一尊酒明日定安流

與金沙周伯玉從陸赴京

赴關心方迫關河路尚紆篋書懸馬鏡筒酒縛騾車幸  
有同心密都忘逆旅疎紅塵初擾擾何處五雲居

東平道中

白日揚黃塵驅車漫浩浩戴星出東平細雨千山曉煙  
靄空濛濛垂楊弱弱弱平岡轉逶迤客路生芳艸麥秀

雪屋二集卷一  
色侵衣春風亦已老征輶一延佇忘却山東道

郝山述所見

陰陽有遷化水土係所秉水緩易生疝水激易生瘕此  
理夙有聞寓目信有省馬頭婦出汲十九癭垂領並恐  
行客見羞澀自照井照井亦何爲淚落喉間哽不信燕  
趙女另有好頭頸

滕縣道中

東風日日逐征車夾道垂楊滿絮花憶殺江南春似海  
輕塵不到碧窗紗



鄧州道中

生長江南慣水鄉春風馬足信郎當蓮漿不解黃埃渴  
得見清波沁骨涼

瓦橋關

吾丘北接古雄州溪水西通易水流岸上綠楊繫去馬  
隄邊青草亂飛鷗三春半擲紅塵道一月方看白鷺洲  
莫憶江南風物好長安已在五雲頭

新城道中懷古之作題三家店壁古骨

馬頭日落塵生處傳是當年易水渡刮面蕭蕭吹暮風

雪屋二集卷一

一五 古骨堂

荆刺西入咸陽路兩袖單懷督亢圖函中之首血模糊  
可憐投七擊不中怒氣空令倚柱呼茹血報讎雖未雪  
秦王無恙燕丹滅去時相送白衣冠壯士嗚嗚先飲泣  
堪笑舞陽真小兒擊筑猶聞高漸離古來義憤在人世  
增得千秋烈士悲

題京師寓二首

平旦閭闔開征塵起交衢馬頭呵從過冠蓋絡繹趨煌  
煌京雜客大半爭要樞去軫接回轡紆紫并曳朱天  
子避前殿宵旰方憂劬四方賦未減京師早未蘇誰調

陰陽和飽死多侏儒道旁一却顧獨立空躊躇

余本下里士對策來承明四方應詔至輦下羅羣英的  
燦照珠玉芳馨懷蘭蕙始道金閨籍還歸曹子雲天  
子大樂育當途蕝塵輕豈知漢廷上文學難孫弘勉矣  
奮六副毋以小草名處有龍鳳目出當爲棟樑

候試

闕下集羣英懷中白璧瑩上書驚舉朔減刺笑狂衛舊  
賦凌雲久新恩觀日明金臺看意氣短缺是青萍

廷對

雪屋二集卷一

二六 古骨堂

鳳樓門鑰啓銅螭唱徹楓宸入曉雞宗伯引趨鑾殿奏  
將軍呵止玉階齊日華頰首瞻天仗煙靄回身降御  
題自笑孫弘猶未老生平何策獻金閨

人二首

同馮仲先遊龍華淨業金剛諸寺訪雪崖野竹上  
何處尋幽勝相將有衲衣亭虛隄樹暗沙淨水禽飛香  
稻含初雨新荷漾晚暉隔湖遙望見雄剎對漁磯  
燕塵飛不息瞥見水光生深柳藏僧寺平湖接帝城鶴  
分香積供鶯帶上林聲京雉煌煌者何如此濯纓

與馮仲先朱以發同舟南下

小車入洛喜爭迎又見關河買棹行河口不疑懷壁客  
關前應笑棄襦生橋鳥飛下窺書卷汀鳥啼來送友聲  
一道安流隨去住休煩問吏候雞鳴

燕歸舟中值亡兄蕃甫周歲忌辰二首

一生兄弟每相依何意違離已及暮天外有魂招不得  
况堪展讀春令詩  
食貧家計累吾兄前此清修過半生今日京華回首處  
可堪隻羽獨飛鳴

雪屋二集卷一

七 古肅堂

偕朱以發登東昌郡光祿樓

遙看層閣出層空攜手登臨眼界窮  
蠹蝨岱宗通紫氣  
泱泱渤海鎮雄風三台帝座紅雲裏  
萬人煙曉日中  
百尺堪稱天下望幾回欲訪仲連宮  
即聊城仲連射書處

夜泊邗關二首

清淮南下遶城流廿四橋頭十二樓  
歌吹不知何處落  
至今煙月滿揚州

平山堂上快哉風萬井歌鐘煙市東  
極目蕪城高處望  
隋隄柳色夜濛濛

濟江與仲先以發豪飲

大江森森際天流逕渡無勞鑿下投  
買到河鮮堪佐箸  
傾來滄酒不論籌着鞭共效祖劉舞  
放棹爭看李郭舟  
回首清淮與濁潞風波已不到睂頭

留都贈卜隱周午陽

朝來紫氣滿京闕一騎青驄自東發  
迎着仙翁揖道旁  
罡風過處清妖孛自歎有懷明發裏  
人間禍福隨人取  
一生心事向誰論布筭占星徒眩耳  
我有織女石世無  
君平漫不識我有賈生涕世無季主空相忌  
何意毘陵

雪屋二集卷一

七 古肅堂

隱異人場來京雒鑒余真胸參大始  
涵元化謀蘊玄機  
洩鬼神自是君家圖太極五行演出先  
天易垂簾卜肆  
識公卿炯炯方瞳秋水碧余但向翁呼  
滿竿長安貴人  
騎大馬行藏有主其天乎須識先生非日者

秦淮輓嚴子建四首

七夕曾邀共酒卮黃昏雨急負來期  
誰知亭午匆匆別  
便是吾兄永訣時  
孤琴誰更撫涼軒從此無心向酒尊  
淮水笛聲空繞夜  
不堪對月賦招魂

送得魂歸一葉船江湖湧淚柳暈煙可憐載向龍津過  
飢氣嘗沉在九淵

幾迴浦口讀書聲舟到離門一笑迎魂魄至今猶在否  
雲山空向小窗橫

鄧尉看梅 丁丑

登登西崦復平田已及花時勒凍天斜峪千林俱覆雪  
野牆數樹只欹煙山家種慣饒春業遊客看多逐酒緣  
一路香風箭筈上鐘聲遮莫萬峰邊

送錢宗伯暨瞿給諫赴京廷辯 四首

雪屋二集 卷一

元 古蹟堂

白日當青空浮雲忽蔽之一時晦暖間魑魅縱橫馳短  
域既射影小鼠亦嚙衣勢使天地覆機疑神鬼移豈不  
畏太陽跳梁且斯須

人言飛冥弋者何所慕威鳳宿丹穴玄豹隱深霧機  
辟忽中之杳不知其故躑躅鳴向誰患難亦吾素周公  
被流言赤舄有常度

白壁汗青蠅寸點不累質貞珉烈火炎三日不改色往  
往聖賢修頗得憂患力孤稷何足問瘼狗亦已極隕霜  
有餘威天道豈終忒

我有三尺劒誓欲清帝旁我有二石弓誓欲射天狼么  
麼腹中蟲曉曉訴上蒼當有障天手依憑恣披猖行矣

帝無私拭目回陽光

水村

水村書屋小橋東脩竹疎梅三四叢無事閉門此靜坐  
有人敲戶不爲通春陰連日只微雨花信幾番多怪風  
稍喜新聞清耳畔夢魂凄斷塔鈴中

時伯和齋牡丹三四叢徐艾若攜酒至

石家錦障何足羨幽興偏宜君數叢佳客城南先載酒

雪屋二集 卷一

二 古蹟堂

小欄春思欲當風晚雲張煙養花色落照銜山增夕紅  
正使昏黃不歸去燒燈要見夜爐籠

經嚴子建墓

凄其寒食天紆折練塘路指點松楸間故人泉下臥遼  
鶴何時歸悲風起高樹青青草未宿誰識杯中趣有酒  
呼不應但澆三尺墓嗟哉明月中精魂自來去

訪陳季采陸布公於石梅菴

訪君深綠處樹遠竹林偏只在此山麓應從初地禪上  
方來午磬下界清春煙一葉香生落新擔薦菊泉

趙景之及第寄贈二首

趙壁連城擅國聲玉京仙府正標名文昌獨映金鑾對  
魁杓高懸玉斗衡畫靄氤氳龍礎潤東風浩蕩馬蹄輕  
雄才並壓三千輩人在靈龜頭上行

聖恩初賜漢宮花本是先朝翰苑家池上鳴鸞新節奏  
殿前起草妙才華先鞭響觸金鈴索獨步香霑玉路沙  
自笑也無溫飽志彤廷日賦不成華

送蔣曉仙之任南海

鳬舄朝飛嶺外霞朔風不到日南槎鮫宮月出初開鏡

雪屋二集卷一 主 古嘯堂

蜃蜃煙清好種花索節豈因泉水易玄文久擅錦綃華

九重暫借鹽梅手一試烹鮮大爾家

雜興

曉來叫新鶯呼我春夢醒好音流入懷賞心亦何迴夜  
來叫苦鶯驚我春夢斷喉間若吞聲煩緒一時亂百鳥  
各賦聲喜怒隨人情人情亦何異好自取悅惡取憎鳴  
鵲動秋續布穀喚春耕鶯鳴榆上啁啾何足名鵲音  
嚇嚇作妖祟安得十洗俗耳朝陽鳴

時旭如齋咏虞美人草

何處江花擅此名當年一劍楚魂輕血成吳地草花色  
腸斷固陵風雨聲把盞尚聞歌應節傍檐猶見舞含情  
誰知蓋世英雄氣半盡佳人一死生

寡鵲歌贈袁重其節母

哀哀一寡鵲孤鳴將何依懷中挾兩雛弱羽方學飛含  
哺劇含辛淚向西風揮卓哉貞母節誓志能不移矯矯  
松柏姿冒凌霜雪威吞饑飢有年今得返哺歸肅肅孝  
子志奉事以無違真同寸草心難報三春暉幽貞苦潛  
耀至行已可師明時采國風彤史宜著徽乃知勵德操  
雪屋二集卷一 主 古嘯堂

焉論貴與微

雲間七夕集姜神超先生玉照堂同朱宗遠楊子

常周祖修邵羽萬

玉照堂前瓜果繁高山在望典刑存才華照座西園集  
讌笑忘年北海尊金井秋生聞蟋蟀銀河夜渡說天孫  
醉中便擬乘槎問斗際沉沉月欲昏

過嚴子張湖莊四首

蘆荻茱萸別一灣晚來棹破水雲閒分明換却湖山面  
只在高人位置間

萬頃陂塘舊種蓮新開亭子土岡前  
教刪密樹晴樹出補築長隄鏡水鮮

鵲鵲鵲鵲滿汀沙不是孤松五桺家  
天上銀河疏作派月中仙樹爛生花

水木清華點次殊風流不墜賴撐扶  
阿翁魂魄猶瞻此展出湖山供養圖

詠朱勳爲家光甫泉州公二首

海外珍禽何處巢雕籠擎出繫紅條  
雪煨自煨無顏色綠使應嫌舊羽毛

日裏赤烏分火德穴中丹鳳借靈苞  
雪屋二集卷一 三 古嘯堂

雙雙對向庭前語能說清風太守高

當今天子不搜奇曾記元嘉詔賦詩紅  
袖色黏飛燕唾茜衣汗拭太真肌玉籠  
閑却調言語金鎖擎來愛羽儀只有使  
君袍上火分明欲奪此珍姿

長至日登許文玉新樓晚眺

百尺樓頭仙子居登臺雲物定何如  
煙中野火人家外樹裏山城佛殿餘  
一鵲盤空窮目際半蟾濯影舉頭初  
酒間不乏清狂興特着檐燈照綺疏

冬日讀書慈視菴四首

踪跡今年類轉蓬草菴入夜佛燈紅  
暫將心地皈依頂瑟瑟一庭黃葉風

迴廊行徧月中庭木落霜清鼓二更  
料得山僧松夢靜木魚歇後讀書聲

午夜遲眠落夢難一聲清梵曉鐘寒  
窓櫺日影移三五不信侯家舞乍闌

瘦骨條條削玉稜隨緣蔬飯類枯僧  
道腴畢竟勝葷血嚼出黃蘗味也曾

冬日慈視菴

雪屋二集卷一

古嘯堂

茅菴背水面陽開徑引蒼松印紫苔  
戶外市煙塵隔斷窓中山霧濕飛來  
簾移寒馭添遲晷火宿熏爐撥陷灰  
擁膝不知天欲曙佛堂已有木魚催

雪屋二集卷二

常熟孫永祚子長著

春日掩關盛躬約南邨艸堂

六首 戊寅

艸堂何處是路引入南邨一水遙連郭扁舟近到門幽  
蘭生滿徑叢竹隔疎垣幸有吾徒樂何妨獨寤言  
郊外罕人事迴廊信步長山雞尋蟻穴水鶴掠魚塘花  
重入層紫雲輕落片香東風饒作勢鎮日爲春狂  
疎梅飛雪盡新柳半青青遲日移春晝輕煙向夜冥竹  
喧千陣鳥風靜一池星最愛深更後書燈細火熒

雪屋二集卷二

古甯堂

艸玄心苦處時一酌蒲萄醉眼有餘適冥心無俗勞小  
畦饒菜甲在渚足漁舫要見春光滿沿池更種桃  
豔情銷不盡清課懶都芟花氣嫌爐竈朝烘換紵衫落  
梅村裏笛飛鷄樹頭帆時畏春泥濕梁間有燕銜  
不覺三春晚能無時序驚綠英新長惹斑絳漸抽萌劍  
石捫餘字枯桐按古聲欲過望山處賴有小橋橫

南邨艸堂示盛躬約繆令胤諸子暨履兒

初日簾櫳眠起嘗推窓風穀滿池塘千竿竹長餘龍籜  
百種花開助蜜房點也春狂皆樂意鯉乎夜讀是書香

二三吾黨成章士講業傳經自艸堂

虞美人花

神離夜失陰陵道碧血離離化春艸春風吹落漢家營  
猶向江頭泣清曉露泣妝顏色鮮宮睂嬌壓野蘋煙  
一迴應節一腸斷酒濕紅衫楚舞年君不見鷓鴣飛  
未央闕廁中疑鬼聲嗚咽何如一劍楚魂輕漠漠江花  
寄芳烈咸陽城頭樓暮鴉臨風酒醉美人花龍爭虎鬪  
盡黃土不信江頭猶漢家

舟汎西巖

雪屋二集卷二

古甯堂

五月山塘一葉舟青蒲獵獵迴生秋水風吹醒晚來夢  
仰看白雲天際流

南園呈陳中丞益吾先生

閉門靜掩釣魚磯泌水洋洋可樂饑千仞直聲天下著  
一生清節古人稀中州授略師黃石南國彈文補衮衣  
旦夕聖朝需柱石豈容長戀故園薇

與盛繆諸子暨履兒坐月

寥寥天宇幕輕雲屋角橫斜北斗文遙夜有香空際落  
幽花如語靜中聞朗懷月上堪相映涼腋風來許共分

出處他年渾未卜何時還憶此同羣

又絕句四首

金井生涼風玉階滿明月空堂忽聞香昨夜秋蘭發  
竹間小鳥翻池上流螢度貪看月生華衣裳法微露  
趨趨草間蟲信宿花下犬人聲寂不聞屋角銀河轉  
秋淨露華白夜涼雲影鮮門人獻新句蕩漾荷珠圓

夏日池上

濃陰檐外樹鮮碧鏡中天小雨欹荷蓋輕雷坼竹鞭暑  
隨殘蟬退秋動候蟲先何處菱歌發歸來晚渡船

雪屋二集卷二

三 古嘯堂

履兒采芹示之

青衫拾得一經傳生長驚看十九年子弟自佳何與事  
父兄須養亦繇天是人有道應堪正如我無聞劇可憐  
努力雲霄在英妙光陰寸寸好加鞭

晚泊釣渚

西風瑟瑟動鳴榔遙岸芙蓉晚芳小院曲通梧葉徑  
野橋斜偃荻花塘天低落日霞千疊波闊搖空鴈幾行  
誰是昔年垂釣者秋來猶見水茫茫

舟次錫山候錢牧師瞿稼翁北歸

身世無過一送迎天涯搖落不勝情野塘水闊餘菱刺  
秋稻田肥聚鴈聲翻手雨雲蒙北極到頭雷電雪南纓  
五噫愁說瞻京闕從此梁鴻蹈海行

悼履兒

瑤環珞珞我家兒人羨英才總角時頭玉空生慶安在  
掌珠一碎恨何期痛腸不覺覺聲嘯紅眼猶將枯淚垂  
豈是鍾情應吾輩不鍾情待更鍾誰

再哭亡兒履德

攜持書館幾經年頭角粗成已惘然蕤鐵躍來哀玉響  
雪屋二集卷二 四 古嘯堂

蛟盤捧出碎珠旋春風座上香猶在寒夜燈前影獨眠  
那更無聊開篋看尚餘前日讀殘篇

春朝趙景之爲余作異夢賦謝已卯

紫薇仙客舊同聲曉帳曉曉覺後驚北極金鰲開象緯  
東皇玉輅轉璣衡書生有夢風雲薄太史無心志氣清  
倘得後塵相繼起與君端不負平生

附景之贈遊金陵詩 士春

吮毫接席記當年壁壘分行競勉旃顧我已辭鈴索  
響送君重看秣陵煙江山帝闕新詩裏歌舞舞秦淮醉

墨邊便跨金龍凌紫極慰余殘夢早春前

趙景之太史劾楊武陵奪情左遷賦贈

鳳池裁罷五文章諤諤封書出玉堂直節一時推世烈

祖文毅公亦以幼張江陵奪情御杖歸

大綱千古振朝營風雲不共彤墀

步日月長懸白簡光自是陽岡兩鳴鳳科名真不媿王

郎與狀元劉晉卿同進二疏各請

上元友人席聞江上徐元脩詩音

珠玉輝輝照錦茵畫堂今夕黯傷神深杯語劇無新笑

殘燭光銷有落塵心事那禁長夜雨發絲空憶少年春

雪屋二集

卷二

五

古嘯堂

共持涕淚空中灑從此天涯少故人

馮已蒼炷香洛伽

欲將懺悔從初地獨汎新年南海航惡浪定能憑呪力

靈山應許薦心香煙開紫竹調鸚鵡日出青林擾象王

試聽潮音君悟否盤陀石上有慈光

江上送徐元脩葬

生平有幾故人同丹旄翩翩欲拂空百里不辭來執紼

廿年還憶類飛蓬路旁歎息知名士泉下鐫銘太史公

錢宗伯銘墓從此送君長別去白楊原上有悲風

萬峰禪院與剖公夜談

寺額豐碑字未湮萬峰猶記國初年清遊路入衆香國

禪悅人登非想天珠塢鐘聲雲頂落太湖帆影樹頭懸

付衣弟子中興後正印於今燈再傳

舟次鄧尉

晴山乍夜雨初收疊疊煙鬟映小舟欲借一湖清水色

曉來爲客洗春愁

遊鄧尉

探梅自擬入山遲滿路殘香鼻觀知獨有寺前橋上看

雪屋二集

卷二

六

古嘯堂

紛紛正及盛開時

送別新安李玄章

索居吾已久欣得四方人好事論多藝銷情問白因竹

林相見晚雲水結知新又見離愁處長條已及春

瞿稼軒先生招飲浣溪海棠花下

二首

波光柳色好亭臺一樹明妝足豔才西府移根春萬里

東臯駐馬日千迴香魂入夜添燈照醉態迎風續酒來

不是主人心賞得花神那肯十分開

名園何處不呈芳又見風光到海棠酒氣熏之春醉重



燭煙被以夜香仙姝下降羊毫宅鄰女高窺宋玉牆  
痛飲休辭今夕醉莫教轉眼亂紅狂

春暮南邨感懷

牢落年華一卅堂藥欄零亂美人妝幾回身世傷心痛  
底事春風過隙忙醉酒難追當日笑看花金減少年香  
分明魚鳥相關意只有愁人易斷腸

贈形家鄭南溟

蘭谿丈人元地仙胸列象緯如珠淵枕中奇術不忍祕  
青鞵布襪遊人間杖屨雲煙隨足跡江山到處尋真室  
雪屋二集卷二

卷二

二

古嘯堂

山明水秀列仙居虎踞龍蟠帝王宅更有蜿蜒一脈雄  
草蛇灰線真難蹤白雲紫薇已長逝丈人眼底多神通  
丈人有術妙天下歛動公卿簇車馬對余談笑傾江河  
余亦有疑獻君者君不見秦皇歲役驪山徒錮銅爲穴  
張機弧鮑腥歸來葬未冷豈知二世先誅鋤又不見老  
瞞疑塚空多智總帳歌殘銅雀妓漳水東流去不回西  
陵望望今何處北邙山上多新塋華表高巍昨日營一  
夜荒榛上孤兔石羊仆徑多牛耕蓬科萬塚長眠客誰  
是英雄誰落魄可憐地下還升沉郭公今在江心石嗟

乎昔人魂魄重歸藏豈能不封不樹如古皇沙飛水激  
螻蟻穴何如鬱鬱佳氣盤龍岡宜尼馬鬣猶封識指點  
牛眠豈人意多君一語豁余蒙萬事在心而已矣

盛桓夫邀看荷湖上

漾漾蘭舟放湖上赫曦當空沸炎漲須臾四面起水腥  
疊疊山雲黑如障陰入平蕪吹快風回頭忽見雙飛龍  
一龍夭矯入雲際一龍攫挈來水中咫尺但愁雷雨至  
移舟暫傍菰蒲處漸看雨脚過峰西湖島依然自來去  
萬頃荷花雨更香主人流水飛瓊觴客歌既醉水愈淨  
雪屋二集卷二

卷二

人

古嘯堂

一路風襟生晚涼

阻雨京口有懷

昨夜江聲翻雨急曉來盡盡桅檣直千艘萬艦不開帆  
盡在江頭看風色唯有中流一葉舟逆風排浪輕如鷗  
舉篙一網雙白小竿槳來探漁市簫呼童冒雨遙招手  
喚取纖鱗來供酒彷彿宵來夢故人剖看曾有書將否

九日次雲陽

今日登高節無聊臥客舟賓鴻猶未至野稻已先收岸  
幘空餘醉風帆奈遠愁此身飄泊裏爭對一江秋

泊新豐鎮

向晚爭泊舟云是新豐里夜月水蒼玉秋雲孔鸞尾江  
臯木葉下野岸風砧起搖落未云暮嗟哉遠行子

夜叩蔣山廣公房

夜欵荆扉記得真上方鐘磬已初淪老僧投杖欣相識  
香積炊煙便薦新落葉有聲風似鐵空山無跡月如銀  
當時意氣今何在猶是秋前未第人

淮上感賦呈舊知

四首

鶴鶴一白鳥自顧潔羽儀病翅秋風裏欲飛將安之鷺

雪屋二集

卷二

九

古嘯堂

梁自肥腹林饑奚所宜九臯一引吭天聽未云卑倘邀

支公愛遂此凌霄姿

病鶴

天驥昂昂者俛首伏阜樞下與駑駘鄰中爲厮養剔嘶

鳴向知已千里志猶激翦拂一顧之汗出桃花滴報君

唯一心燕然勒勲績

困驥

灼灼桃一株託根在路旁着井雖未蠹成谿欲焉望本

擬天上種失路良可傷公門曾置賞得移岡之陽被以

春風和燁燁天路光

野桃

澗汀被叢蘭霏霏抱幽馥無言向流水誰送出空谷寄

賞有碩人彈爲王者曲憔悴在江潭豈同凡草畜雖乏  
春風吹妄希秋露沐

汀蘭

客淮上陳階六招同夏象也嵇叔子

乍驚搖落已非秋來就元龍百尺樓四海弟兄歌白雪  
長淮煙月照黃流井中投轄飲無算地上着牀高不愁  
賴得主人情重處他鄉不復有離憂

泊巴城湖

日落船頭湖水黃朔風微見動枯楊人家賣酒孤村迴  
野岸垂旛古廟荒鴈影分行低暮渚鳬聲呼隊上寒塘

雪屋二集

卷二

十

古嘯堂

誰憐水宿孤征客華鬢愁來拂曙霜

閨春詩和馮已蒼錢夕公

十六首

庚辰

春賴閨加添芳園勝事兼野蜂窺步障梁燕礙垂簾半

映桃花亞新添蕙葉尖不堪泥繡襪長是雨廉纖

春賴閨加添妝樓勝事兼金猊焚沉水銀蒜押鉤簾綵

齒天然巧妍跌底樣尖畫眉人不到檐外月兒纖

春賴閨加添瑤房勝事兼朝眠酣落枕夜舞映窺簾譜

曲調喉滑挑絃露指尖莫教長攏袖爭惜楚腰纖

春賴閨加添行春勝事兼軍裝調寶馬官道上珠簾金

鏡雙鈎窄宮靴一捏尖王孫經看殺去路草離纖  
 春賴閨加添看燈勝事兼重遊火城樹未撒夜明簾避  
 路嫌塵暗占晴喜皎尖明宵微約束袖窄更桂纖  
 春賴閨加添銜杯勝事兼藏闌聊背座彈燭故開簾笑  
 隔生香小倚肩帶暈尖最憐微醉後移近語聲纖  
 春賴閨加添裁衣勝事兼輕雲粉落剪細浪疊迴簾絲  
 線拈針尾餘絨唾舌尖身材能料理只恐別來纖  
 春賴閨加添山遊勝事兼佛龕施寶釧仙洞揭油簾步  
 屣珠連綴拈香玉削尖不嫌芳徑裏裙帶殿風纖  
 雪屋二集 卷二 十一 古嘴堂  
 春賴閨加添晴暉勝事兼清陰凝繡帖長晝下湘簾贈  
 別花含笑忘憂草苗尖無聊池館上拘水弄春纖  
 春賴閨加添陰霖勝事兼峭寒熏煖閣蒸潤倚風簾泥  
 膏黏花朵爐絲羅樹尖絮萍猶未徧吹作縠紋纖  
 春賴閨加添侵晨勝事兼猩紅低拂鏡鴨綠淨涵簾小  
 鳥鈎軒急危峰羅歷尖垂鬟猶未理苔印步痕纖  
 春賴閨加添深宵勝事兼熏籠初熨火蘇幕更遮簾錦  
 帶閒挑結金釵試劃尖燈前看瘦影漸覺團纖  
 春賴閨加添毳場勝事兼月門高結綠花斗直拋簾彈

袖承來穩翻身蹴送尖柳風吹不極猶滴汗珠纖  
 春賴閨加添鞦韆勝事兼花園才起架柳院不施簾仙  
 佩輕飛上湘裙倒露尖腰肢空際裊一看一回纖  
 春賴閨加添臨池勝事兼椒花詞滿帖柳葉篆橫簾逸  
 少收門下文姬避管尖新詩書未了數起看穠纖  
 春賴閨加添裁詩勝事兼雪飛推詠絮風動憶開簾落  
 唾珠瑩顆停思翠蹙尖天才應絕麗不闌句中纖  
 過廢園有感  
 曾見歌鐘撲地來美人花下舞裙迴春風吹過隔牆笑  
 雪屋二集 卷二 十二 古嘴堂  
 夜月照殘深徑杯爐柳萬條低曲沼露桃千樹出層臺  
 今朝雨屐重探此寂寞園門自鎖苔  
 西廊作  
 一春足雨風今夜見新月乍照梅枝空徐聞松韻發斜  
 廊貯光華不共流星沒  
 移坐松石齋  
 坐對庭中松秀色日堪把淑氣初暄煩清風自滿酒來  
 尋貞白夢一榻置軒下聊以悟靜因春濤空際瀉攜琴  
 一吟和寧歎知音寡

飲桑昭伯茅屋下

昨宵細雨濕山城，翦拂年光過閨正。數畝菜花明野色，雙頭燕子話春晴。鑪中煙起酒初暖，壁上風來琴自聲。遙見兒童爭折柳，始知時節近清明。

詠莢花田

芳塍如繡，雉將雛，狼籍風光又挈壺。騎踏亂於紅叱撥，醉眠藉以錦氍毹。已看瓊席添殘照，况有金塘映綠蕪。誰道郊原桃李盡，浪將春色一平鋪。

坐月嚴髻珠松石齋遲至月落

雪屋二集

卷二

一三

古肅堂

佳人美清夜，明月正當軒。酌酒一幽賞，涼影散春暄。金莖滿仙掌，玉繩低粉垣。坐看流景移，行惜餘歡存。前庭撫松石，後榭摘山簪。香露滴衣袖，幽懷轉翩翻。

破山行澗上

寂歷空巖煙漠漠，夷猶澗上來行藥。新榆過雨綠葉舒，古藤凌霄紫花絡。遙聽鳴鐘山寺深，近看樵斧松林落。雞鳴犬吠了非嘗，葉筍清啍差不惡。一酌顚然向竹林，野人自過無酬酢。

山中雨後

春歸久未破苔錢，行藥來吟古澗邊。百道飛泉狂似決，一林初綠靜生妍。山鳩向晚猶啼雨，茅屋無人自起煙。長日容吾閒枕石，藤花紛點角巾偏。

嚴子張自信陽攜得二馬二鶴歸庚辰三月馬生駒鶴生子以同日爲瑞賦贈二首

中州帶得逸足駿，曾向戰場衝突陣。朱鬣披時雲滿身，碧蹄散處風生剋。天房昨夜降星子，却似渥洼初出水。瑞應春明紫玉珂，已看逸氣凌千里。霜蹄未撥髮未乾，真龍一出桃花斑。能空冀北三千騎，不數天家十二閑。雪屋二集卷二

右馬

十四

古肅堂

使君東下騎雙鶴，攜得清風歸院落。水檻相依梳淺翎，月臺獨立拳高脚。前宵對舞雌雄鳴，青艸湖邊雙卵生。瀛海未傳青使信，瑤池已結仙胎成。誰家飛上揚州道，丹穴分來鳳雛好。快與春風長羽毛，秋來轉盼凌蒼昊。

右鶴

晤侯官林大長於薦菊泉因攜酒偕王山子鮑存叔小酌以綠陰黃鳥爲韻分得鳥字

大長名銓

入山訪幽人，結茅在木杪。巖扉倚絕澗，下有流泉繞。座

中七閭客一見玉皎皎相看儼風格靜對成深宵遂解  
杖頭錢濁醪勝清醪薜荔香紛紛藤蘿弱裊裊楚閨交  
長松人家低綠篠豁然千古心日夕供吟眺清談接晉  
魏悲歌劇燕趙架上何翩翩行囊露細縹忠臣一腔血  
萬里同昏曉仗劍出兵燹談之尚驚慄卓哉古人節流  
俗方茲邈山時流冠至素稱重儒之出孤往心自  
遐卑棲頭已掉寧芳涉大江十載遊未了虞嶺饒煙霞  
君來領多少清蔭回涼颺蒼煙何縹緲酌言不覺醺夕  
陽澹林表轉入層巒歸踏踏青雲杳揮手自茲別礪戶  
雪屋二集卷二 十五 古嘯堂

空啼鳥

賦得歌舞閒時看讀書和周安期

萬卷樓中白玉牀柳枝桃葉滿春妝縹囊尚見梁塵落  
梨几猶飄鈿翠香却扇近前移燭侍整衫遙立掌燄藏  
應知無限含情處不盡嬌歌豔舞場

錢宮詹牧翁邀同林大長汎湖

湖上空閒國老身玉璫釣處未收綸晴開煙水浮青雀  
晚泊汀洲弄白蘋沙鳥傍船驚落子渚蓮擎酒勸畱人  
坐中特許分詩席不覺胡盧醉吐茵

中秋周子奕丹席素馨素卿二姬侑酒

幾年不到艸堂遙離緒歡悰倍此宵狂客亂搗花下鼓  
美人細合月中簫蘭心灑墨雙團扇酒態題詩數幅綃  
畫道風情渾未減新愁聊爲莫愁銷

偕張芬男時伯和復飲桑昭伯茅舍

茅檐風日氣餘溫不設疎籬與短垣水繞後溪清映郭  
山橫前浦翠當門花開任客嘗攜酒菜長教兒自灌園  
且趁秋光還訂約膽瓶殘菊返香魂

何白石寫蘭墨賦贈

雪屋二集卷二

十六

古嘯堂

白石道人丰骨奇胸藏萬斛煙雲姿閒窻弄墨有餘瀋  
露葉風枝隨所宜思在湘臯與楚澤元氣淋漓恣起忽  
寄情象外天機深得意箇中神致逸美人何處芳意通  
堪笑畫師形似工不恒相似恒時似秋堂之上生春風  
予亦臨池戲相彷彿拙手生疎少心賞對君揮毫疑有神  
坐令眼明神意爽寫罷仍題數首詩坡痕石勢相參差  
攜歸展玩松窓下夜夜香魂攪夢思

飲松月下聽胡白叔誦雪中看洞庭詩賦贈

能以賦詩  
以醫寄迹

丈人原是閩風之上仙隱在江南林屋之洞天賣藥偶  
然入吳市詩名誤被人流傳今宵遇我松月底炯然如  
見雙眸子珠璣錯落煙雲生四目重瞳何足比高吟細  
詠稱滿卮酒酣各誦洞庭詩丈人胸中吞吐三萬六千  
頃遂令七十二峰不敢藏靈奇恍疑身在漁舟雪篷下  
載酒縱觀將鶴跨我曾杖屨一探幽何似神遊幻出湖  
山價讀罷松風謾謾吟夜闌如爲助清音丈人自有虛  
室之白朗明月地上霜華同照心余有窮愁應萬石乞  
君大藥驅煩積君但浩歌把酒澆予塊不如且飲樂此  
夕  
雪屋二集卷二  
古嘯堂

嚴子張齋觀商丁大雞彝尊 五首

何年製此大雞尊商廟繇來重器敦清酌載時芳烈遠  
彝章篆處典刑存寶冠不作雲雷刻金距寧同犧象蹲  
莫道先民唯貴質敢將追琢近時論  
書垂喪志豈無意如此先朝法物何猶是禹金甬鐫刻  
仍將湯廟薦猗那土花剝蝕何繇出寶色焜煌定不磨  
卽恐質衣都莫惜古來聚散已經多  
彝器繇來好事傳其經鑒識詎論錢鑄從昴日新圖象

款是湯孫舊記年傳世難倪藏顯跡閩人應笑往來緣  
如君法眼還成癖爲續歐陽集古篇

美好珍奇眼未逢異時物力見淳風盤螭銜得雙環綠  
拒嚙盛來兩耳紅玩供祗愁神物忌珣鍤唯歎古人工  
唐宮漢寢終難祕夏鼎周彝倘不同  
博古圖開鑒別真曾經商祀幾千春神充大冶工於物  
鬼剽頽陵賣與人燒燭摩娑踰丙夜捫尊款識記丁辰  
沉沉寶氣來相撲珍重司彝莫浪陳

舟中次牧翁韻

雪屋二集卷二

古嘯堂

翠蛾江上遠凝愁謫下仙人十二樓縈拂章臺牆下騎  
沿洄桃葉渡邊舟西施石在猶畱跡玉女盆遺自洗頭  
今日東山傾一顧也知學士舊風流

冬夕宴半野堂次韻

芳筵一破美人愁玉管瑤笙催下樓海外蓬山疑有路  
堂前弱水不通舟燭搖夜雨飄簾額曲引春風入座頭  
怪道女星時隱見却隨河漢影西流

輓魏叔子師時旅櫬北京

高山何在白虹侵愁見燕雲萬里陰客裏厥車悲遠道

生前書屋歎空林，慙無宋玉招魂些。剩有侯芭視草心，最是不堪回首處。遺經身後付沉沉。

寄通州胡指水

白狼山上白雲起，白龍乘之兩千里。白雲初在虞嶺巔，一氣遙連吸呼裏。嗟我伊人遠莫致，一綫長江春瀾瀾。憶昔長安春草芳，酒間落唾珠玉香。歸來一別動經歲，安得鞭石填滄桑。江之永矣不可方，白雲舒卷空相望。

上元有感

魚米江南價日增，侯家不信酒如澠。俗因神賽思分肉，雪屋二集卷二

古嘯堂

官爲民荒禁放燈，街鼓無聲雪暗月。夜塵不動雪凝冰，如何人物熙遊世。漸覺年來未可能。

上元夜飲

香塵漠漠綺羅叢，城市春陰鶴唳空。積雪照衣添月白，寒花向酒借燈紅。樓臺密映重簾夜，絃管新調一曲風。但願昇平同此樂，六街笑擁逐遊踪。

上元後二日飲盛船約齋次晨貽戈莊樂索和

憶昨滄霞醉不辭，扶歸依約漏遲遲。簾敲凍雨燒燈夜，鳥喚春晴中酒時。紅日滿窗猶戀被，東風吹夢忽成詩。

起來欲寫烏絲上，殘墨輕冰在硯池。

送錢爾發之金陵有感

三首

驪駒歌罷逐江船，欲折江梅思黯然。行傍酒壺淮水月，笑攜吟卷秣陵煙。友聲谷鳥先傳響，文價都人不論錢。君向春風踏春雪，有人夢斷五更前。

金陵幾度來遊地，此去應多弔古詩。青草荒臺鴉噪夜，烏衣舊巷燕飛時。黃旛空說降王第，璧月猶傳狎客詞。只有高皇全盛業，莫將王氣寫哀思。

想得高皇事業雄，年來塵積已重重。市中日出多流

雪屋二集卷二

古嘯堂

殍，江上煙生隔遠烽。夜雨官輓消壁粉，晨星官署嘯風松。賈生應有填胸涕，曾草憂時策幾封。

松石齋雜詠二首

謾謾濤聲曉夢餘，篆煙未蕤髮方梳。松皮蛻地投爐火，不覺清香繞架書。

連日春陰閉瑣幃，寒風吹盡雪花微。誰知點點松坡上，牆角殘梅一片飛。

西殷大徐三小酌

野蔬濁酒足清歡，詩思騰騰興未闌。踏凍欲探梅信去，

野橋風雪十分寒

正月晦日瞿稼軒先生招山中看梅賦四首

籃輿一徑入梅谿花氣溟濛萬樹迷殘雪初春全凍勒  
好風昨夜忽開齊夢隨流水疑先到顏是孤山記舊題  
齊各小孤山爲余書額莫恨此宵明月盡照人行處玉爲隄

入曉花光動綺寮山中折柬約今朝枝頭正及十分笑  
水面曾無半點飄春透好懷香不散寒支傲骨酒能澆  
幾回疎影相縈處湖上還期放鶴招

孤村盤過北山巒萬玉攢枝十二欄移石壓根宜偃坐  
雪屋二集卷二

築堂齊樹愛平看先春獨有風標迴帶雪會無骨相寒  
還笑驛牆欹一樹廣平也爲弄柔翰

衆香國裏乞餘閒繞屋栽成又買山夜浸霜華曾換骨  
朝烘雪片更開顏新醅不惜春傾倒舊雨相將日往還  
鼎寶祗今方待薦那容長臥掩花關

附稼翁和詩四首式部

正月晦日集社中諸子歸雪莊看梅辱贈瑤什

舟次荆谿依韻疊和訂約後晤見於言外

平橋曲水自成谿宛轉房櫳過客迷凍壑故浮蒼靄

徧寒林直與白雲齊花清巧耐頻頻厄詩好應須續

續題流想新鶯求友日千章稠綠覆遙隄

最是閑居愛友僚况逢淑氣近花朝寒輕似放三分

煖藥冷那禁一片飄索笑正堪淹獨坐孤懷聊亦借

人澆荷香桂馥須臾事畱剩家醅取次招

寒亭突兀俯層巒勝侶追尋凭綺闌古幹自能衝雪

過繁花原合趁晴看羅浮彷彿非關夢鐵笛蒼茫不

道寒領略最饒雙鶴在每於風雨振高翰

塵世難偷半日閒悠然朝夕見南山天寒龍袖深藏

雪屋二集卷二

手晴旭當窻早破顏隱几緡書從取適攜鉏斲藥豈

知還開門埽徑延君後便與梅花共掩關

寄懷進士馮仲先

憶昔南舟已六春青雲轉眼一番新人推董仲明經術

天遲孫弘顯策身題柱漢廷方寵渥函書京雒忽逡巡

金臺盡是煌煌客媿向君稱同籍人

蔣晚仙明府招遊錦峰與武林陸麗京練水黃韞

生步至拂水巖登望海墩憩劔門石頂

蕩漾春舟行飛觥雜清話流鶯勝宮徵晴山卷如畫停



槐錦峰岸信步隨所屆陸子欣乍逢遂欲窮目界黃生  
好奇者攜手信前邁罔顧山路險并忘日色暝行喘小  
徒倚步捷後呼喝雙足不敢疲里百恐九敗樞身賈餘  
勇瞪目忽詫怪劒門壁千仞掌痕巨靈搯杳杳頭上天  
兀兀嶺頭砦回峰轉危磴拂水勒中隘巖風逆振衣泉  
涸少沾灑上有玄武宮吳會走瞻拜香火四方集紙帛  
千牛牯整容被酒湧燥吻思茶賣翠嶺山頂岡登頓更  
忘憊溟渤來長廳長江若衣帶回憩劒門石兩湖澄一  
派劃裂儼神斧巧綴疑鑪鞫俯瞰誰措足伯昏垂在外  
雪屋二集卷二 三 古嘯堂

余乏凌空術且守臨深戒沙艇如遊鳧澗松似植薤遐  
觀信曠哉一豁胸中蒂長嘯煙容開高吟塵累解並生  
紫霞想鳳吹此可避我與二三子歎笑無物械矯首招  
青雲舉杯挹沆瀣豈獨暢新歡兼令夙疾瘥回舟再舉  
觴茲遊信稱快

同嚴子武伯半塘野步入花園村

晚色生杖屨出門舒野眺探奇不在遠一徑入深宵阡  
隴多逶迤平岡互迴遶道旁紛落英籬角低叢篠草戶  
翠葳蕤樹屏青繚繞笙竽起長松絃管弄幽鳥谿泉屢

決決麥浪忽淼淼勝境漸引人盤迴不知了稍尋來時  
路夕陽澹林杪蒼莽來目中幽奇出意表如入桃源村  
雞犬無驚擾虎丘已肉市山塘皆酒沼如何數武間咫尺  
凡杏生業唯灌園園花供百挑我欲結茅居衡門  
課花老花事忘冬春花香接昏曉綠橘命爲奴黃卷呼  
爲媼欽踪與世隔轍跡門前少

花園村

野人日灌花花畦事刪劔春耕未秉耜市上賣花活路  
出女墳湖落花趁流沫花時試幽步津有漁舟刺

雪屋二集卷二

三 古嘯堂

雪屋二集卷三

常熟孫永祚子長著

陳中丞益吾先生招飲柴居

辛巳

先生折節好畱賓  
鯁菜鮭羹也未貧  
初樹啼鶯多喚友  
晚春飛蝶尚撩人  
花臺障日青油幄  
水榭從風白帟巾  
天上已聞求國老  
可能蒿臥作閒身

題睢陽五老圖敬次杜正獻公元韻

清朝簪紱乞身閒  
五老悠然戴竹冠  
百代鬚髯猶刻畫  
一時巾屨共盤桓  
典刑自昔風斯邈  
酬唱於今韻未寒

雪屋二集

卷三

一 古齋堂

珍重畫圖畱勝蹟  
耆英洛社後先看

朱以發招同馮仲先蕭公木集徐昭發二株園

好友幾嘗聚各居天  
一涯每逢握手會  
便擬話心期檻竹  
消初暑池荷漾晚  
颺清歡正無盡爭  
恐出城遲

林若撫吳廣成訪余牛塘寺

二首

逋仙標格詩無敵  
道子風流畫入神  
曉寺未開煙樹鎖  
敲門恰到兩高人

新泉一尺雨初過  
老杏千年風四圍  
汲水烹茶來樹底  
滿階涼影散人衣

半塘寺端如房展開華嚴經

茲寺有二異蓮生雉兒墳  
寶笈閱血書華嚴十萬文  
金華宋學士了了見宿因  
開士爲我說大義卓不羣  
久欲持誦間塵勞及腥葷  
賴此靜息會得遊功德園  
洗心香水海翹首樓閣雲  
如入大寶藏獲此如意珍  
如入香積廚法味充芳芬  
法雨施無盡天花落紛紛  
覆以蓮華網嚴以妙香熏  
願先乞慧斧斷此無明根  
究獲無上義永歸不二門  
稽首大覺王我應如是聞

夏旱

雪屋二集

卷三

二 古齋堂

恒風終日涸津河  
奈此三時望雨何  
翻見凍蠅緣几視  
但聞乾鵲噪檐阿  
新收熟麥如珠貴  
未種枯秧似蠟多  
賑粥禁酤成底事  
豪家不信尚酣歌

困夏

一榻偏於夏日慵  
排窗四面透薰濃  
蓬科繇我且遲理  
穠穠向人誰喜逢  
午後黑甜黃妳力  
曉來清瘦綠君容  
可知河朔轟騰飲  
不及陶家跛脚農

書能引睡呼爲黃奶

錢牧齋師遊黃山歸瞿稼翁移舟半塘偕吳來之

嚴子張諸公陪侍

畫舫亭亭傍水濱柳陰清晝未成醺羣公譙笑方移日  
末座風流許出羣天上賜環氣色春來遊屐滿氛氲  
新詩讀徧更衣起猶帶黃山嶺半雲

雲間楊贊皇招同王次回周逸休飲龍潭別業

駸駸久識是雲龍今日相邀潭上官鱗次萬家深竹外  
鏡涵一水畫樓中璇題餞納鈞弦月寶塔飄揚鈴鐸風  
况更主人珍重意玉鱸黃甲薦秋菰

題朱宗遠園居

四首

出郭遠塵事入門生畫涼碧梧無漏日新竹有苞霜

雪屋二集

卷三

三

古嘯堂

以陂陀石縈之窈窕廊挂衣聊一坐風送藕花香

昔曾池上遊逸興比滄洲靜可禽魚適清宜水石幽晚  
蟬風咽斷曉鶴露驚流更愛軒窗外溪塘蘆荻秋

丘壑非君事閒心點綴殊碧山雲不斷白石水相于戶

外填車轍亭中列酒壺長楊前獻賦莫笑子雲迂

盡說園居勝洋洋可樂饑負薪寧久屈折檻自來稀鴻

漸方儀羽鷗盟且避機聖朝知破格閒殺釣魚磯

應辟

送嚴伯玉楚行應祁陽王聘

長洲才子意不得敝裘行吟出金石珠璣不賣吳市盲

去作王庭珠履客封書昨歲下天潢便擬春風逐編鯨

客路烽煙遲行役朝來忽報舉離觴船頭統統鼓催發

日弄江煙與江水水檻推蓬一浩歌楚山歷歷吳山沒

巴陵浩蕩漢水清湘潭悠悠雲暮橫輕舟夜向萬山過

何處斷腸猿數聲君不見長沙賈傳因南徙幽憂空弔

汨羅水又不見淮王門下客如市遐舉白雲徒說耳君

今應辟曳裾輕赤社分茅桐葉青得傍瓊枝歌玉樹還

窺鴻寶獻丹經頗聞獻王陳雅樂更見東平爲善樂學

雪屋二集

卷三

四

古嘯堂

業才華卓不羣賦詩觴咏推君作長江迢遞通銀河莫  
畏前途風浪多寄語到時函尺素蘋花吹送鯉魚波

題汪賓陽孝廉儉退居

固始汪孝廉諱度以儉退居乞余書額云爲西

江萬吉人先生所贈似取鹿門隱書以儉而獲

罪猶遠乎奢以退而遇謗猶愈乎進之義人謂

賓陽弘偉之才方連茹以進何取乎此余謂守

斯戒也卽居台輔享萬鍾當無滅頂之患因書

以贈

貧陽中州彥名下果無虛高才凌紫雲子將得與著  
儉不中禮進退又焉如躁進觸藩羊奢淫遊釜魚飛鳶  
墜腐鼠虞氏家爲墟黃犬牽東門臨刑空歎歎何如素  
絲風在位勵其餘布被著孫弘賜金榮二疏君今重師  
命長跪乞余書余書安足珍此義良樂胥不貪以爲寶  
安步以當車卓哉鹿門隱无咎卽有察

東山酬和賦

爲半野翁河東君

吳國王孫金門仙史登玉堂拂蘭綺冠天上之才華攬  
人間之麗魄既離憂而靡託望北渚今帝子接太傅之  
雪屋二集卷三

卷三

五

古嘯堂

風流陳令公之聲伎列屋今粉黛滿堂今羅綺悅若有  
思黯若無視未有疑豔質於鬼神嫺雅步於詩禮曠絕  
世而獨立妙傾城而可喜者也爾乃感意星妃降精柳  
宿驂青鸞以回翔度弱水而邂逅醜粉黛之容華陋蘅  
蔚之芳臭素質凝脂真香拂袖皎今明月寫秋天燁今  
花枝照春畫容與藝林跌蕩文囿託微波以通辭知不  
可乎遽就詎目挑而心招乃魄動而意授於時東山陪  
展慈嶺申情唱白雪而遙訂感紅顏以結盟捧上壽之  
觴於椒頌擁合歡之被於書城芳心自許密訊方成猶

有畱連徙倚偃蹇猶夷乍離乍合若信若疑青翰同載  
銀燭未移削玉管而微韻量明珠以贈遺悵春燈以惜  
別指秋河以爲期帶綰同心恨垂條之尚短煙含青眼  
鎖纖眉而可思分手涕洟遊情鬱滯西谿梅落餘香未  
分仙掌濕懸素練欲遇浴湯泉懷如玉之溫登雲嶠望  
真仙之御寄愁心以遙緘託芳詞而先赴暮雨不來行  
雲何處於是駕桂棹理蘭航泝洲渚凌滄浪流蘇百寶  
鈿車七香燒石葉以熏路爛卿雲而催裝客星犯斗牛  
之位天姝降井鬼之傍羸女乘鸞向煙霧天孫填鵲渡

雪屋二集卷三

六

古嘯堂

銀演連理枝頭共宿女牀之樹鬱金堂上雙棲玳瑁之  
梁花影拂筵麗句斯在玉聲度曲清音未亡記綢繆於  
三星侍巧笑於一粲刻珊瑚以作枕染翡翠以飾幔陪  
甲帳而橫陳吹乙蔡而染翰綠華條脫纖手宵分紅燭  
簾帷蛾睂夜半朱鳥窻前上宮閣畔青青長在彩雲不  
斷恣糾結以攀折情綿邈而泮奐豈若宋玉恍忽於夢  
中江生仿象於水上陳思感浴靈而空迴相如擬神女  
而永歎者與若夫誤曲引顧秉燭技文笑倚柳枝而起  
草醉扶桃葉而書裙掌記紆憂於行役援桴賈壯於從

軍萊公受諫於荷桃學士鼓腹於朝雲莫不紀一時之  
軼事資千古之談芬况良家之非偶洵佳人之難得錦  
和鳴於玉簫諧婉變於瑤瑟止禮義而不淫等國風之  
好色倚酬唱於曲房傳風流於通國寧芍藥之盈篇競  
龍鸞之共織雖靡盬於風人亦不傷乎麗則儷玉臺之  
新聲猗彤管之有奕

壽錢宮端牧齋師初度

拱降生申日郊祺誕契年東華承日色南極映星躔江  
左謝安石洛中張茂先學成王佐器猷贊帝謨篇巍甲  
雪屋二集卷三

龍墀步絲綸鳳沼還淵雲才似海燕許筆如椽道濟生  
民溺文垂一代傳洪鐘隨叩擊大冶盛陶甄玉鉉資調  
燮青蠅起捷翮德高翻有忌望重豈無顛赤舄居東似  
柴車入洛然懷香空谷媚韞璞玉山鮮北斗瞻標聳東  
山着屐便板輿嘗奉母花洞或遊仙夜月絃歌第春風  
書畫船侍書嬌秉燭掌記豔移牋詩癖閒能註書淫老  
更專弘文昭日月餘墨落雲煙式士模楷久憐才吐握  
虔高山誰不仰大匠總無偏憂樂關天下行藏寄日邊  
祥麟追繡紱威鳳照瓊筵露湛金莖白霜凝玉杵玄節

符萸英九歲祝大椿千金鏡丹心在銀絲素髮卷忠門  
傳武肅壽裔本彭錢縱有雲霞日終須揖濟川科名真  
不媿視履正其旋道梁松喬上功期伊呂前白雲封不  
住黃閣去朝天

與瞿伯申月下登北固

江臯有秋客蛩然足音寡深夜一叩門開尊劇風雅被  
酒登高岡交加樹影寫孤亭倚絕巘大江流其下茫茫  
江月白不辯渚渚馬地拔山川奇星分斗牛野金焦兩  
拳峰伸臂可攬把瓜步魚上潮甕城鱗次瓦江神踏火  
雪屋二集卷三

過似見旌旗赭眊目望不極攜手歸蘭若原樹起高風  
波濤半空瀉

九日雲陽道中懷社中諸子

三秋多在客途中此日歸舟又信風時序忽驚重九節  
鄉心應寄北來鴻天涯送酒茱萸綠  
暮穿林柿橘紅未識故山兄弟好可能高處見征蓬  
辛巳十月廿四日爲亡兒履德忌辰已三浹歲矣  
悼之

言念亡兒初沒前于今不見已三年招魂羸博離離草

掩目西河黯黯天欹枕未乾長憶淚探環猶望再來緣  
可憐蠹蝕丹鉛褪何忍重開篋內編

村中和坡公北臺詠雪韻

飛來如掌旋廉纖擎得深杯未解嚴南日迷雲天雨玉  
北風捲海地生鹽野橋一笠方收棹茅屋三稜已壓檐  
望去漫漫開笑口明朝何處覓山尖

條封衰柳集饑鴉三尺旋盈屋後車頑石能扶將折竹  
寒梅故勒半開花泥平牛跡鴻留爪路斷人踪犬到家  
酒熱更需鮮鱸佐擬從冰孔擲魚叉

雪屋二集卷三

元

古嘯堂

寶綸堂又和東坡詠雪韻

筵前翠袖攏柔纖片片飛來氣候嚴紅火四圍澆趙酒  
玉蘂百沸點吳鹽平添夜色明簾閣巧翦春工滿畫檐  
只有詩人芳意暖不愁冰斷免毫尖

寂寂朝來禁噪鴉馬前凍沒道旁車縱橫大地能宜麥  
飄瞥寒林盡著花梁苑幾人能授簡剡溪何處便還家  
酒闌更欲娛清供摩詰芭蕉植畫叉

社中正兆隆蔣晚仙與余同庚後先登第而余猶  
未遇戲柬之

同學同庚復同里少小才名同鵲起羽翼方成次第飛  
鬢毛漸改參差裏如余恐是雌甲辰他日誰爲大戊子  
窮達有命當奈何十年讀書亦晚矣

春甲子晴

工午

年來荒歉怨天行每簡農書驗五行縱有春分連夜雨  
却忻甲子一朝晴

瞿稼翁畱宿瞻雲閣

二首

岡勢西來黛色間輕舟盤過北山灣萬松深處安新閣  
要看朝南正面山

雪屋二集卷三

一

古嘯堂

梅花萬樹白雲浮襖被山中夜雨愁夜半酒醒風雨歇  
但聞香氣滿空樓

入鄧尉萬峰禪院譚扶風新建大悲殿成隨喜懺  
事

壇開居士施金碧罩慈光燈映千重網花熏百和香湖  
龍聽法至山鳥送音翔台教隨禪誦齋心禮梵王

禮三峰和尚塔

次什菴韻

湖上煙光浴海暎漢公宰塔此山根機從用處千重案  
意到忘時不二門雄力直將生面揭婆心猶見話頭存

當年坐破蒲團處應向虞山頂上論

登七十二峰閣

殘梅一路入山坳又過盤螭萬樹桃日見衆峰浮酒碧  
風排千浪逐天高水犀散去皆爲沼臺鹿來遊半已蒿  
何似年年登此閣快哉一洗鬱斯陶

北上泊金閭招桂姬小飲

去路黃塵汗似漿吳姬水閣正風涼且將匣裏青萍色  
一醉尊前錦瑟香

舟中小臥

雪屋二集卷三

十一 古嘯堂

臨發積疲頓下舟忽呻唧珊珊骨作楚漉漉喉少液眠  
食如有妨欠伸頗未適僕本多病人况作長途客驗脈  
乃無傷推星尚有厄賈生日者言卜肆方嚙啗時余薇  
垣宮大火流聲魄朱雀雖矯首蒼龍還奮額吉人坦素  
履天地發神策佩劍清妖氛囊圖利行役中心葆冲和  
嘿鎮陰陽逆何必枚生來陽氣滿大宅

雲陽道中

一路青莎岸乘潮上水來麥秋喧土鼓秧雨濶黃梅漕  
輓開幫去戈船番戍回江南民力困咸賴 聖恩培

晚霽渡江

舟凌揚子津晚日淨江雲杯酒臨風盡山鍾半渡聞南  
徐迎鷁至北固隔煙分擊檣從茲去中原士稚敦

邗關

吳客浮名薄關河事壯行囊書迎紫氣渡馬躍青萍瓊  
觀花無價蕪城賦有聲他年乘傳過應識棄繻生

北征途次

北望燕塵去路脩渡淮鞍馬自揚州腰間匕首揮砧肉  
背上囊圖作枕頭客店俊驢如健僕他鄉美酒似名流

雪屋二集卷三

十二 古嘯堂

黃金臺畔能收駿莫笑重來一蒯緌

阻雨邵白旅店

夜雨邗溝滴夢長曉來泥滑馬郎當主人埽室重留客  
特冀安南辟惡香

阻雨界首旅店

淮水蒸雲雨不收依然逆旅客還畱墟頭老嫗新豐似  
可有香膠醉馬周

漂母祠

淮陰城下釣絲收漂母祠堂峙古丘不是英雄恩一飯

漢家猶有戛羹侯

晚渡黃河

鞞劍囊書馬幾馱  
艤船渡口箭頭波  
海雲如蓋河如帶  
斜日輕風截浪過

渡河循東路有感

京渡黃河日漸西  
驅車舊路已全迷  
中原劇盜何繇盡  
北道援兵尚未齊  
健客征衫韜羽箭  
書生佩劍掛輪蹄  
中流風有澄清志  
半夜劉琨共聽雞

繇沙河至黑林

雪屋二集

卷三

一三

古齋堂

沙河北去黑林西  
歷歷晴山送馬蹄  
細石沒沙坡上下  
平原依路黍高低  
古墳獨樹呼乾鵲  
荒店炊煙唱午雞  
唯見征鞭遙指處  
野花狼籍草萋迷

小諸城村店

店驢驟鈴聲曉夢  
斷還又微雨洒征車  
輕風吹短袖頓  
忘暑月苦旋覺山川  
舊古道多逶迤平岡  
轉糾繆野花  
紫紛籍原草青覆肩  
棗樹列成行黍苗森  
已秀細石亂  
縈沙淺灘時出溜  
春秋魯諸邑落落數  
家瘦歇馬山店  
中炊煙猶未晝

穆陵關

雨後草木秀迎人  
風獵獵千山蒼翠中  
六月御單袷雲  
氣衝車來蔚然濕  
書笈穆陵何處關  
望望煙中堞

過破車峴

大峴設重險行行漸  
岌岌阪道互縈紆  
磐石不隘隘熱  
氣毒上蒸飛鳶墮  
跼跼稍移日中影  
觸石生雲葉不盈  
膚寸間川原已沾  
汜淖水奔流沙荒  
煙出古堞細懷劉  
寄奴師行從此涉  
有險旣已度遂喜  
南燕捷先算在掌  
中功名開大業徒  
作戶牖觀焉能守  
筐篋中原多戰場  
雪屋二集

卷三

一四

古齋堂

心撫短歎

雨後過穆陵關

莒城路入碧雲寒  
馬上貪看雨後山  
鳥道重重蒼翠裏  
南來已過穆陵關

晚宿山店

阪道雖云險縈紆  
已漸過海雲連嶂  
合澗水入田多白  
鳥窺山果青驪踏  
野莎晚來何處歇  
茅店在前阿  
臨脚道中



路繞荒岡幾日程淺灘危磴信前征馬蹄古道侵朝雨  
牛背殘陽帶晚晴沙果摘來多異味欄花看去不知名  
穆陵關北南來路漸近決決渤海城

曉發臨朐

牛山日影半山雲雪日曛曠曉不分我欲停車開紙筆  
墨痕濃淡寫數文

途次示扶風

後車欣共載前路愜還征買飯淮陰市停酤渤海城吳  
鉤能識氣燕駿欲收名借問平津客何如洛下生

雪屋二集卷三

十五

古齋堂

道傍齊桓公墓

瞥見齊桓墓猶餘道上碑雄風東海盡霸業一丘知野  
馬嘶荒草饑鳥噪晚陣行人自回首不忍憶蟲尸

齊景公墓

身同千駟盡猶剩一荒丘渤海觀何壯牛山涕未收遺  
弓經劫火懷陸牧耕牛身後誰收葬師乎不與謀師衆也指

衆公子也見左傳衆人之歌

曉渡淄河

喔喔雞聲跨店羸曉乘殘月渡淄河煙中回首青齊勝

路入千峰客裏過

青州道中有感

路開東隅過峴行西方羣盜尚縱橫曉征未見旄頭落  
夜夢如聞鼓角聲北海魚鹽猶擅筴中原雲鳥正交兵  
書生誓有澄清志願學終軍一請纓

滄酒二首

五茄皮酒出高郵琥珀真珠淮上頭珍重長途莫多飲  
料量簡釀到滄州

沽得滄州酒數升渴喉冷吸勝凉水刁家醇耐應何似

雪屋二集卷三

一六

古齋堂

恐到京華浪得稱

再題新中驛店壁

聚樹成行夾岸楊來從瀛海不曾涼毒龍銜火燒天赤  
羸馬拖沙刮地黃旅店舊題猶在壁故鄉殘酒一停觴  
鬢華漸改紅塵道尚向邯鄲夢裏忙

新城道中懷古

督亢與圖古戰場荆卿遺事舊淒涼垂楊半禿臨官道  
荒棘連叢出女牆猶見白虹騰易水但看斜日落咸陽  
千秋俠烈憑回首羸得征途一慨慷

涿州道中二首

一路平沙颺去程驅車涿鹿壯哉城遙山消盡出尤霧  
鳳舞龍翔到帝京

草青沙黑野茫茫古堠無人半土牆鬱鬱皇都紅日  
裏休煩行路指樓桑

入都

策馬爭趨汗如雨風衫涼帽征夫伍皇都鬱鬱何巍

巍流水車輪起塵土遙望九衢道冠佩絡繹來丞相火

城呵路開列侯羽騎獵原回旁觀六街市百貨填香塵

雪屋二集卷三

二

古嘯堂

渡海賈胡碧眼神衝人豪客黃衫新竭來正值朱明夏

書生躡躡何爲者意氣如龍凌紫雲徒行不讓當街馬

賦成莫作長門賣紙貴方餘洛陽寫休將秋發憶華顛

老驥奮足嘶風前中原逐鹿捷先得陰山射鵬巧更便

書辭東閣招裾謝侯門曳且把毛錐穿月脇虎觀諸儒

縮鱗鬚君不見鵬徙溟龍起蟄

賦呈少司寇徐虞求先生

泰道方升慶得朋夔龍高揖讓先登時房海客宋九青

翁解先納言自昔王喉舌邁德於今帝股肱白氣已無

搖貫索丹心唯有射鰐稜飯生曾讀尚書傳拜手賡歌  
獨首稱

文宣師廟石鼓文

周家天子正九葉雲龍九天神武姿明堂大開觀羣服

會獵却扼中興機駟乘鸞旂振山嶽張弧挾矢颺電移

擊鮮刺肥賞扈從風旌獵獵威四馳猗歟盛舉何所記

載筆史臣前獻辭仁聲義問妙揚厲章句稍溢車攻詩

銘鐘勒鼎亦嘗事相與刻之石鼓爲石鼓敦重質無比

籀文千古稱絕奇秦碑漢碣何足數對此法物應磨治

雪屋二集卷三

八

古嘯堂

世界滄桑市朝變此石舊沒陳倉甚至今一鼓陷作臼

野人曾此資春炊三代蚪蚪僅存爾雖經剝蝕天所持

前朝帝王不敢棄移置孔廟屹鎮茲孔靈夜且倚出入

如見昭代東都時我來摩挲石鼓下徘徊嗟嘆立久之

古文奇字笑揚子小篆旁行嗤李斯鑒閱大開千古眼

摹勒不敢一字遺老檜森擊龍偃蓋雄碑屹立龜伏墀

土埋雨蝕幾千載宮牆乃見神明司夏鼎備物禦魑魅

商彝薦廟歌那倚石文頑璞有何好萬世瞻仰無異詞

天子正昭同文治書生欣見蒼顏師節章率爾繼碑

子何人更說磨崖碑

報國寺雙松

何物蒼龍擘天下雙雙入地生根株風雲一日動鱗鬣  
雷雨百年張髯舒爪擎拏佛瓶鉢偃身拱伏神殿堦  
崢嶸元氣壽盤古奇鬱精靈撐國都翠蓋低垂欄檻  
架青施散作旌幢敷鼓鐘晨響互酬應梵唄夜聲相答  
呼直據天魔雲外駕似迎獅象空中跌乾坤神物尤乃  
擅日月精華老更腴水魑山魘見藏匿天神地祇來護  
扶寺門頻繫達官馬檻石每攜騷客壺結座小涼到夕  
雪屋二集卷三 十九 古嘯堂

帝圖

余性不喜醋戲爲解嘲

教倉粟爛蒸醢團糟紅一滴桃花酸世俗往往愛達臭  
當前噦惡猗欲攢人嗤我性胡獨爾五味毋乃缺一端  
口爽總脂毒五味嘗一般余本嗜淡人不作酸醃肝誰  
云木仁君子嗜豪氣欲洗儒生餐君不見孺飭老蔗甘

可悅那復苦辛人喜歡苦辛可耐酸難耐任君蜚口蹙  
鼻呷呼乾不與措大爭曲直且待鼎梅薦實和春盤

京邸醉述

胡琴碎却五都驚一夕聲華溢帝城日近紅雲開旦  
色鶯啼綠樹滿春聲獻書嬾入平津閣草檄羞歸細柳  
營堪笑五侯門館客但將唇舌擬君卿

夏宴田國威第

博山爐炷水沉香初過中庭雨電涼歌吹自翻新樂府  
膳膏纔賜大官羊池臺高樹凝陰洞簾幕清風拂羽觴  
雪屋二集卷三 三 古嘯堂

莫怪恩波天上溢漢宮日影在昭陽

遊西山碧雲香山諸刹

京塵飛濛濛香界邈西岫引領白雲重一鞭馬羸瘦玉  
泉瀾瀾流灌木森繁秀碧巘凌高霞青蓮結靈構至今  
松梵音猶帶迎鑾奏秋氣中天來蒼然滿襟袖回首夕  
陽微山鐘數聲扣

宿嘉禧寺遲馮驊仲馮沛祖不至

幾訂看山約難偕是勝遊空懷蘿月夜相隔帝城秋  
瘦馬疲登頓清猿嘯侶儔誰因寄風便呼共碧雲樓

龍王堂和劉司馬壁間韻

路轉蹊橋去松風淨晚煙千崖蟠古木一壑寫秋天瘦  
馬馱殘酒寒僧拾莢錢法堂新雨過昨夜起龍眠

題平坡廢寺

坡形真斗卓寺額半塵埋老樹餘僧臘祇園有劫灰饑  
鳥窺石鉢妖虺出經臺策馬斜陽外山樵引徑回

題祕魔巖寺壁

下馬探幽徑蒼茫何處鐘亭臨秋壑迴寺隱夕陽春破  
石龍歸洞巢雲鶴下松區中有靈祕應許冠諸峰

雪屋二集卷三

三

古嘯堂

一宿承恩寺

山靄斜陽裏來依禪榻平雨餘沙界潤月上道心清松  
院淨苔色竹房深磬聲中宵通夙悟猶此事浮名

碧雲寺泉

入山尋古剎泉脈昔曾聞一綫石根出千重松頂分池  
涵功德水樓藹吉祥雲偃坐深篁裏悠然到夕曛

遊石經山一名白帶山又名小天竺

磴道陂陀上幾盤瓊瓏洞穴一凭闌渾流下遶桑乾水  
峭壁天開白帶山梵宇霞光青碧裏帝城雲氣鬱葱

間老僧對客仍歸定占斷靈峰鳥自還

題香山寺來青軒爲神宗聖母書額駕會兩駐  
此

四面青峰帝釋宮鑾輿曾駐此軒中龍蛇日麗奎章  
動雲漢天昭睿藻雄祇樹餘金猶布地空山清梵似呼  
嵩先皇已自仙遊去草木於今尚鬱葱

祕魔巖

洞門幽絕老松杉壑底看松夕照銜策馬祗疑無路入  
白雲封却祕魔巖

雪屋二集卷三

三

古嘯堂

香山寺

梵閣高臨北斗邊來青龍藻出諸天餘薰滿袖飄空界  
玉座猶疑未散煙

淨德寺對清長老乞題

一鞭秋色翠雲重入寺涼陰面面峰僧榻不知淹坐久  
數聲清梵落長松

玉泉山

石脈稜稜不斷流銀泓一道漢宮秋石鯨度作天家渚  
應有題紅出御溝

玉泉山泉

玉河水出山下源一泓瀟瀟葉萸繁石稜剗剗鑿鬼斧  
石竇嵌空畱仙門行宮故殿邈何處但見玉泉齋沸流  
潺湲稻畦柳岸花樹原瀟灑儼似江南園紅塵隔斷幾  
十里高梁橋外無罣煩從茲流入御溝去不照行人照  
宮女洗妝浸作香水溪戲渡還凌石鯨渚天家夜靜秋  
思涼一葉題紅去何許去去崩奔無盡頭涓涓不管人  
間愁老龍伏地噴不竭長護銀泓萬古流

京邸雜言十二首

雪屋二集卷三

三

古嘯堂

蒼龍闕下九街馳路上飛塵撲面吹夾馬吏人持大扇  
不知誰是障元規

車如流水馬雲屯  
祭戟彤軒異數恩  
國母宮中風節儉  
外家休過濯龍門

無故掃門侵早起  
有人入幕任風吹  
可憐結友皆名下  
盡向私家賈謚兒

袖裏彈文將虎鬚  
驪龍鱗逆護明珠  
雷霆一日當廷  
辯局促爭看轅下駒

五色雲低便殿開  
聖人終日御平臺  
小臣爭進匡時

策誰是當年賈誼才

聖朝獻替豈無違  
天子躬親覽萬機  
偪強老臣猶似  
昔不將國是矯  
天威德憲劉山陰家幸鄭建德有  
所論執帝云威福出自朝

九關魚鑰寂行人  
察院傳呼探閤頻  
臥榻有人方鼾睡  
馬頭空向夜街巡

豈是山川蒸玉氣  
誰能痼病發金針  
揣摩高下規時智  
諫草於今有市中心

番兵已進桃林口  
候騎猶援杏子牆  
薊鎮到京三百里  
雪屋二集卷三

三

古嘯堂

破時烽火不曾揚  
龍塞郵亭多故事  
玉門節鉞亦胡盧  
長城若有當關者

那使生靈百萬枯  
樓護雄稱門下客  
灌夫怒發酒間狂  
書生自有迂疎骨

不入侯家曳履行  
上計方言鉛槧閑  
門奇字酒盈尊  
寂寥揚子應多事

猶勝流塵逐馬奔

雪屋二集卷四

常 熟 孫 永祚子長 著

李豐城侯復爵 壬午

汗馬功高榮戟門綠沉槍臥砌苔痕 賜書舊共河山

誓封爵新承雨露恩 聖世絲綸應得請故家弓劍自

長存報 君正值殷憂日未 敕征胡氣已吞

小侯

雙龍卷首舊冠裳玉帶橫腰玉面郎金埒新調紅叱撥

翠盤對舞紫鸞驚牀頭被襖書無恙袖裏玲瓏石不償

雪屋二集 卷四

欲向城東獵原草試彎羽箭射天狼

下第

破釜沉舟氣已并秋風又復落時名懷家難縮三千地

塌翼休論九萬程無力怨天輸計策有時憎命卜年庚

京華何限高軒過羞指牀頭折脚鐙

都中馬上

征鞭初息影眼倦 帝城秋朱絳羞同學青衫怯壯遊

骨高韓愈馬芻倍景升牛有客來相慰先生一蒯緱

九日高郵宗弟孝則泰州陳子明清河汪白生偕

扶風集酒館

海內文知落托多散懷無復陟巖阿爭傳詞客花間集  
漫學佳人金縷歌太白酒家呼不起君平柳巷憶相過  
長安多少高隴馬一日顛狂奈我何

贈別蔣南陔謁選建寧偕譚扶風王開度南歸

黯然魂斷送君觴握手無多又出疆鴈背西風初雨雪  
馬頭南路正迎陽關門歲晏傳烽急山驛宵分倚劍長  
爲語故人新政最天家禁近重循良 時縣令奏最俱權詞林

送別葉水脩

雪屋二集 卷四

十年空自賦三都裘敝驚看載道駒不學相逢狗監

漫希方朔謏侏儒卿心正逐隨陽鴈旅況應同繞樹烏  
揮手河橋何以贈朔風霜柳半殘株

與朱子舒放飲

道上驚靈暗窻中斜日融話深鄉國夢典劇酒杯雄細  
礫堆蘆綠寒蔬壁脯紅他年評出處應憶旅懷同

部試授司李呈文選郎羅宏菴 萬杰 老師 三首

各魄聊爲耳公門桃李殊搜材唯竹箭辨駿必駒駝何  
題明月相看玉壺 聖朝雖破格且欲問真吾

風聞懸水鏡品藻重連城玉德溫而栗冰心湛以清暗  
中真氣合格外異光生小草非吾事因之且自盟

非才慙鳳羽上選託龍門止水無私照成蹊不在言  
國恩昭異數吾道待時騫知已何繇報修能忝素敦

上鄭玄嶽冢宰

時授司李未調選

東山特起斗杓司北闕高名四海馳清簡得人今水鏡  
老成謀國舊元龜非才已入山公啓一顧空慙伯樂知  
敢向龍門附桃李尚餘壯志報恩私

偕客飲長安酒樓

雲屋二集卷四

三

古嘯堂

鶴裳常貫酒壚頭客邸相逢共出遊日暮旗亭風雪裏  
美人若箇唱涼州

長安旅夜

昨日春官首姓名鄉書隔斷在燕京甘泉烽燧通宵色  
金馬公車倦客情向火少薪膚瘰見出門無馬足眠生  
漢宮不買長門賦那得壚頭酒債輕

與王敬哉史赤豹鍾叔舉徐闇公劉濟甫楊冰如

諸君結社長安

四海同聲客京華握手期文心看意氣古道照鬚眉啼

笑非無謂談言盡有爲芝蘭香始合龍鳳目多奇結騎

傾新識遷鶯洽舊知無雙題國士有道歎吾師冀北驂  
驅步天南竹箭姿綸巾諸葛氎油素子雲齋怒割騎奴  
席欣披閨戶惟承凋慙病瘵索米誚侏儒監羞名字  
牛衣笑涕洟聲華洛陽紙氣槩鄴中詞捫蝨餘雄略雕  
龍擅藻思五星東井聚北斗北杓垂赴國簪初盍登朝  
石不移莫言烽火急毋暇用毛錐

燕邸承陳水部時兵垣王孝廉諸相知慰遺柬謝

雪滿長安高臥時門前誰掃慰窮知塗泥自笑鮒魚涸

雲屋二集卷四

四

古嘯堂

谷汲多君腹臘遺賣賦祗堪還酒債就官未是致身期  
天涯幸託雲霄誼伏櫪西風尚有思

徐大司寇寶摩先生惠黃鼠大鯽束謝

雲司廚饌也清虛方物親傳一紙書黃色兼斤關外鼠  
白肪三尺市中魚漫勞周國會題璣何用馮生更歎車  
自是先生調鼎味肯分一匕到寒廬

臘月十九日立春

客窗曙色起遲遲聞道青郊簇仗移瑞日先融鳩觀雪  
晴煙已動玉河漸塞蓋臘底仍裁碧賜餅朝來未滿

匙不是太平春宴廢山東正在合園時

除前三日贈別朱子舒赴晉撫蔡雲怡先生幕

城外驚沙虜南下行人路斷膏塗野君今歲晏將安之  
蕭蕭行李嘶班馬送君揮手城西門同雲壓城日欲昏  
曉來雪滿關山道蹀躞凍蹄何處村鞭影離離指西去  
鴈門遠隔滹沱渡新年照鬢頭水日暮停驂太行路  
路上官兵到處逢公然切客馳西東北門鎖鑰賴冠準  
細柳旌旗應不同我有寶刀忘贈別歸來一泓仍挂壁  
清光照室如照君願化雙龍擲君側君去晉陽行洗塵  
雪屋二集卷四 五 古甯堂

轅門迎笑日相親京華尚有相思客莫戀天邊塞草春

京邸除夕偕王兆吉赴時兵垣守歲之飲 二首

帝城殘臘逗春光且共春盤取次嘗客裏歲時驚序改  
天涯朋舊話情長燭花映面三更酒蘭燼熏心百和香  
不是朝天君欲去便將直接歲朝觴

停杯忽憶徧烽煙旅客心驚守歲筵斷路諸侯違 觀

典當關大將怯籌邊早朝誰慰殷憂 聖私祝還祈厭

亂天憑仗廟謨收勝算捷書指日奏甘泉

人日 癸未

年年 帝里新逢人日來望信尚遲歸塞

鳳皇詩 望梅東風柳陌吹韶令北地花枝借暖

開莫怪春愁澆不散朔氛南牧未曾迴

燈市

鳳城霽日自光華燈市人煙走鈿車油壁露妝紅袖襯  
酒樓含笑碧窻紗官斜舊出傳金盃海客新來汎寶槎  
數里香塵看不足馬蹄歸踏月隄沙

春分雪

柳垂金樓寂宮鴉門外霏霏積玉沙風片打窻驚淺夢

雪屋二集卷四 六 古甯堂

日絲承袖濕輕紗客中何處能忘酒春半那堪更憶家

只有長安女兒好朝來讀而祝桃花

誅失事者

內地縱橫鐵騎嘶誰持節鉞薊門西頭願抱得真成鼠

頸血衝時不值雞漢代尚存三尺法秦關空說一丸泥

帥臣若箇封疆士 天子勞勞聽鼓鼙

大司寇徐寶摩先生去國次元韻賦贈 四首

出處高名重泰山歸歟誰更濟時艱臣心若水壺同徹

天道如弓月與彎漢代持平丹筆下虞廷執法白雲間



聖朝何事難容直，畱得清風激懦頑。

煙柳濛濛滿帝都，歲寒處嶽獨應殊。身違日月懷明主，道壯山河識丈夫。偶見浮雲過御仗，豈容冥翼落江湖。越王臺畔春歸早，尚有啼鶯亂鷓鴣。

光銷貫索刺槐槍，去國身輕心更長。金鏡未忘丹宸獻，赤松權謝袞衣襄。雷霆聖世無終怒，漁釣江南有舊莊。莫道官尊餘俸在，料量明日鶴資糧。

若水鴛湖幾秫田，先憂後樂豈徒然。四方吏計雪埋騎，十月胡塵雪滿鋌。載敕臯陶扶旦日，卽還司馬侍爐煙。雪屋二集卷四

聖明欲慰蒼生望，五色從看線補天。

陳益吾先生擢少司空喜寄

天子疇咨若予工，東山特起貳司空。水衡錢出爽鳩氏，括象圖開玄武宮。驛路鋒車迎朔雪，朝廷補袞待清風。敵人也識中原望，來辦成周奠鎬功。

喜李仲舉何予九見過

二月長安雪擁門，天涯相見便開尊。鵷鷺賤典春醅去，鵲鶴寒呵凍硯存。書就自看疑北海，詩成人號似西崑。邇來喜立粉榆社，一醉堪蘇未斷魂。

送孫魯山先生督師出都

詔書昨下大明宮，天子親臨敕護戎。策馬朝馳春雪霽，傳烽夜戰陣雲紅。旌旗已換臨淮色，裘帶猶存叔子風。兵略自來多算勝，佇看社稷荷成功。

寒食日邑中諸子社集

燕子飛飛社日晴，又聞天氣近清明。禁煙時節春煙滿，過客光陰旅客驚。晝永似聞花外漏，風和徐送柳間鶯。故鄉朋舊他鄉酒，不勸千鍾也不情。

蔡穎生納姬

雪屋二集卷四

人古肅堂

東風二月不禁狂，君爲尋花蝶似忙。春淺小梢含豆蔻，露濃初瓣卷丁香。青鸞過海來傳信，靈鵲先秋渡作梁。憐殺天桃根葉好，便將結子在紅房。

宴陳梅臣水部公署

長安市上拂塵纓，齋閣開尊眼倍明。列柏盡分宮樹色，啼鶯曉帶上林聲。三千里道同鄉夢，九十春光費水衡。一笑東風擗醉去，馬蹄飛踏落花輕。

偕翁時二給諫出都夜走固安

鐵騎當頭十里營，鈴聲不起夜兼行。招搖卷旆如風去，

太白生銛似月明暗裏草荒趨間道曉來樹豁見危城  
幾南半載征人斷野燐時時馬足生

馬上二首

壯心未已賦歸來回首燕王築隗臺馬足驂驪山雨過  
魚腸繡涇暮雲開舊經州縣餘紅瓦新踏丘原半白堆  
亂後瘡痍真極目不知誰是救時才

一路風沙點角巾衝開戰馬客相親野鴻散去菰梁少  
遼鶴歸來華表新有道身逢明聖世無端眼見亂離  
人賈生空抱憂時涕表餌疎謀莫浪陳

雪屋二集

卷四

之

古嘯堂

德州道中苦熱行

祝融噴火燒天黃征衫汗浹如沸湯沙塵滾滾亂撲面  
一陣風吹靜綠香行人暍喉煙灼齒輾轉出井花水  
清冷入口肌骨涼又過古條三十里江南此時鬪茗芽  
紅櫻白筍蘭綠花快閣桐陰日方午那知烈日長途苦  
經阜城往平

夾道垂楊拂袂青傷心鐵騎此曾經空城瓦礫人煙盡  
荒野丘墟鬼火熒往往沙塵餘白骨時時草色帶紅腥  
殘黎自唱關山曲若箇回頭不淚零

馬上望嶽

一路荒荒睥睨平晚風斜日信前征虜營甲騎烽煙地  
霸國山川草木兵劒倚白雲天北嚮鞭橫青岱月東生  
祗憐立馬歸何處細數殘鴉陣陣驚

單家橋

斷橋流水馬駢駢白鷺看人靜不飛一路平沙塵土面  
忽令人憶釣魚磯

入濟

濟水往來道河孺長短亭梅青蒸暑雨魚白上沙汀馬  
足塵初歇鄉心夢易醒乘流從此下不復逐浮萍

雪屋二集

卷四

一

古嘯堂

淮船

淮船少婦哭如訴咽咽鳴嗚到天曙敲珠滴處水不流  
頓令江樹迷煙霧夜來旅客臥扁舟倚枕聽之愁更愁  
未斷柔腸輾轉轉水花苔繡涇吳鉤潯陽江上琵琶泣  
赤壁山前洞簫咽飛來淒韻總關情海雲江月添愁絕  
可憐水上凌波仙曉夜臨風倚舵舳何事嬌啼驚夢斷  
楚陽雲雨隔吳天

古城謁三義廟

太白西流古戍城黃河東注拍濤聲海風入夜靈旗捲  
淮月迎神燿火明荒廟金戈出入重關鐵甲憶平生  
而今滿地餘征戰惆悵英雄到五更

清江對雨東翁時二給諫使漕

長淮風景未全非梅雨蒸衣漠漠飛浦口煙波官渡闊  
江頭烽火客船稀黃河瓠決流難復遼海橋空事幾違  
一綫漕渠軍國計諸君濕淚竟何揮

午日金閭畱別時修來督漕江右

追隨使節到姑蘇正汎家山午日蒲南下競傳長命縷  
雪屋二集卷四

二 下齋堂

北來應佩碎兵符風塵馬足餘鄉夢煙雨船中尚客途  
惆悵吳天分手處儲胥已見尾銜鱸

華蕩舟次望見虞山抵家有作

漂淼煙波是故鄉晴窗隱隱帶斜陽山容似笑歸何晚  
城脚先愁到已忙秋髮風霜添有幾春官名姓遲無妨  
老妻稚子迎門喜且進新炊麥飯香

松陵舟夜

日落如胭紅月出如黥黑獨餘中天青界斷一縷色雲  
脚從風舒舒作孔鸞翼滄波濯纓塵行役淹水食坐對

吳江楓亂螢點鵲鵲仰天一長嘯迢遞秋河直

海鹽舟夜

何意頻爲客飄蓬到處鄉孤舟明月夜一笛早秋涼海  
國濤聲壯谿橋樹影荒況堪蘆花渚淒切有寒蟬

平湖東陳階六明府

淮海元龍氣若何高名較更與樓多雄文扛鼎出精銳  
異政載碑餘頌歌湖水鏡天清映綬桃花封縣錦行窩  
猶然未是棲鸞地指取鵬鷺上諫坡

崑山朱以發齋集謝震生葉水脩顧謐明歸玄恭

雪屋二集卷四

三 下齋堂

柴集勲諸子

今夕是何夕故人羅豆觴酌言酒數巡蘭燭繼餘光席  
中者誰子天涯弟兄行或從京華別或隔水一方各念  
從來意餘情如水長披襟豁談笑撫劍增慨慷濟世各  
有懷肉食方處堂酒闌數起舞吾黨非荒唐且盡今夕  
歡利器隨行藏

顧謐明齋集朱以發葛瑞五王鏊生陳明仲顧流

玉仲莊諸子

簾捲秋堂桂半開綺筵何意集羣才玉山正對烏衣第

銀燭爭催白鳳杯，座客賦成流水接。從伶歌起過雲來，不知太史曾占否？恐有星文聚上台。

西湖飲朱雲子寓樓

停歌行路難握手，故人歡湖上。煙雨夕樓頭，水雪盤暗燈。剪落燼殘酒，溫餘寒共出。新詩詠何知？秋夜闌。

陸鯤庭貽旃鳳堂集柬之

文章自昔稱最雄，牛馬走有太史公。千秋作者誰其繼，當代班生空異同。昌黎六一出精銳，力盡庶與堂廡通。湖上雲間後先陸，雲龍駢駢絕足越西才。子今鉅公雪屋二集，卷四。

卷四

古肅堂

古肅堂

東馬懸車來逐鹿，蜚蜚先登奪赤幟。爭長中原餘碌碌，海內何人尸祝禘宗工？尚有彭義綏歸來一叩龍門奇。豈惜衙官與奴隸，君今霸事看已成。斯文南面稱東帝，渡湖。

渡湖

樺子梭船蕩槳開，湧金門外六橋回。山腰忽見雲頭合，湖面先拖雨脚來。

雨中渡錢塘江

湖平沙落片帆風，安穩錢塘渡已東。忽有雨聲如弩發，一時萬鏃射江中。

過會稽東陳臥子司李

才鋒豈復有前茅，名跡將齊斗杓高。執法不驚炎夏烈，祥刑如渙首春膏。東方竹箭充門屏，北闕除書最吏曹。記取中興賴良佐，始知海內一人豪。

上劉念臺先生

四朝耆舊斗山望，師表人倫大直方。滄海橫流存砥柱，日中節斗出光芒。天威赫赫無終怒，國是稜稜有左綱。却笑當朝槃劍客，何如吾道合行藏。

止李玉完中丞

舊督學吳中

雪屋二集，卷四。

卷四

古肅堂

古肅堂

桃李餘陰舊感恩，至今知遇負題璠。名非甲第慙頭責，身尚蓬蒿賴舌存。日月半愁探禹穴，秋風羈旅託龍門。餘芬敢借吹揚力，暖律應教谷黍溫。

鼓山晚眺

晉代風流山寺前，右軍猶有牧鷺川。遙天草木千峰日，近郭樓臺萬井煙。脩竹蔭畱蘭渚，禊祿采菱歌起若耶船。秋風菰草應消歇，目斷登臨一慨然。

臥龍山懷古

臥龍岡繞舊城隈，登眺於今首重回。埋碣不知文種墓，

枕山何處越王臺鏡湖水淺生菱芡蘭渚亭荒半草萊  
爲問宋家南渡骨六陵風雨暗天來

題張氏陽和書院萬玉山房

臥龍岡足磴三盤嘉樹陰陰斃石寒一水練光浮屋棟  
萬山屏翠繞闌干開房壁下通幽夢推枕窻中盡大觀  
那更秋清送餘響風簾个个碧琅玕

感悼倪光祿三蘭先師兼貽爾微爾貽諸世兄

當年決起在榆枋一顧恩霑上國光桃李蔭餘垂感刻  
泰山顛後失瞻望大名不假侯芭傳小草空荒陸氏莊  
雪屋二集卷四

今日浪遊尋世講秋風還藉慰淒涼

高樓怨

高樓少婦飛瓊仙雪窓霧閣靜且娟胭脂餘紅黛十斛  
磨作丹青水墨煙昨夜西風素綆凍曉來自掃眉痕重  
青春夫婿新別離玉管凝愁寫秋夢

恭謁禹陵

大禹南巡東復東蒼梧淚竹鼎湖弓曾瞻河雒思明德  
一上塗山紀治功碧蘚蒼苔留定石玉函金簡護藏宮  
還從秦望峰頭望縱有豐碑沒草中

遊南鎮

午散秋陰日未中空山一路綠重重古松偃蓋紫藤合  
叢篠編籬黃葉封樵徑側通宛委洞鎮宮前對香爐峰  
何時襍被重遊此聞說仙靈有夢逢

中秋月蝕

八月中秋夜三五老蟾蝕月不復吐桂輪忽盡祗晦魄  
更二直交更四鼓庶人馳走官長拜雲紈天昏黑下土  
小時曾記盧仝詩咄咄愁天一目瞽萬國如在渾沌初  
天邊何物撐腸肚奔星竊藥舊靈婢此夜應教受辛苦  
雪屋二集卷四

一終光蘇雲影中妖墓脫落兔跳舞廣寒宮殿虧不虧  
我有仙人修月斧

題祁世培先生寓山園三首

主人出山去山上餘白雲雲向石根起山從水面分樓  
臺見倒影花藥間幽芬弄槩采菱渡悠然忘夕曛

天地總一寓乃以名其園剗土露山骨疏泉醒樹魂晚

風渚蓮落秋日田禾翻不敢驚羣從休題鳳在門時變遠甚

客在

梅真市朝隱此地猶得名源水引漁棹丹丘結仙楹蓉

菊向我笑鷗鷺隨人行幽構一畱憩林塘初月橫

賦得滿城風雨近重陽

滿城風雨近重陽況復淒清遊子腸篋未授衣催剪尺  
門無送酒質縑紉黃花自綻籬邊樹綠水應通郭外航  
明日擬登秦嶺望故鄉兄弟幾黃囊

倪爾徵送酒至

嬾上龍山落帽臺籬邊細菊向人開他鄉誰慰清秋興  
却有王弘送酒來

錢還淳長史宅觀女優醉歌行

尊星二集卷四

二

古嘯堂

後堂濃麝香風和雙鬟小小肩相搓十三不足十二多  
乳燕試舞新鸞歌紅綃翠袖纖縞拖轉腰垂手名天魔  
徐徐發喉粲齒瑤真珠不換圓陀陀梁塵上激雲停過  
金盤方薦紫釜駝燭花屢剪起娉姿曲房原是仙行窩  
座間況有孟姜娥太真豐臆文君蛾調笑風流狂欲那  
主歌未央客已酣美人起勸雙巨羅中庭新月流明波  
不醉其如秋夜何

入樵風涇

船頭楓葉映溪紅涇口誰爲拾箭翁我欲雲門訪山水

往來應許趁樵風

過射的山俗呼射

疊疊煙巒入野航溪邊無復浣紗妝遙看白的巖頭石  
猶說仙人舊射堂

至平水市

五雲山下衆溪斜平水橋東舊若耶小市人煙雜大蒼  
此中多似避秦家

暮入雲門

小艇輕於葉丹楓面面翻晚煙迷草市秋水入花源落  
星星二集卷四

大

古嘯堂

水千峰宵空林片月昏鐘聲何處發遮莫到雲門

遊雲門寺四首

佛龕清夜一燈然話到無生靜不眠窗外雨聲飄木葉  
牀頭雲氣滄茶煙辯才已失蘭亭蹟杜老重尋布襪緣  
記取谿山最深處千巖萬壑寺門前

繫得芒屨到處便僧攜藤杖卓雲煙山中飽食青泥飯

石罅鮮烹白乳泉荒寺草迷餘宋構雲門有六寺明覺  
已廢昔清慈雲僅  
存廣孝顯聖猶盛碑苔沒記秦年秦望有李斯  
碑篆今已沒高秋

欲盡登臨興正值輕陰薄日天

寂歷林鳥一鳴寺門依舊雨花平穿雲石磴連峰影  
過雨溪橋半水聲樵擔日斜收苦楮僧廚煙起熟香秔  
秋山處處畱人好尚擬青鞵幾日行

峰迴溪合石橋滑第一天南是望秦遺社尚存盤古木  
住山多說六朝人前涇拾箭畱飛鏃東海投竿矧釣緡  
何日采真遊不返葛洪仙井自秋春

又絕句二首

深山古木路重重欲訪雲門何處鐘拄杖老僧相問訊  
石橋南畔翠微峰

雪屋二集卷四

一元

古嘯堂

秦望峰高碣已殘松間捫得寺碑看月華正照霜華重  
羸取空山襍被寒

赴竹筏

采薪樵後下雲門宛曲山溪抱竹園水底磷磷清見石  
一篙撐破碧秋痕

訪陸雍之山居

五雲谿上路人識謝敷家門對千峰近籬因一澗斜童  
歸收橡栗客至帶煙霞怪道中堂絹雲巒助筆花

雍之善書

題倪鴻寶先生園亭

憂樂關天下經營聊一丘林塘多月事樓閣與天謀半  
野廬居地千峰枕席秋東山有芳墅安石舊風流

玉樓怨

四首

玉樓如玉人掃妝弄餘墨畫作雙鴛鴦低頭愁嘿嘿  
樓上摘花枝花枝比人瘦秋容鏡裏知花亦經霜後  
樓前燕已去早鴈猶未來望斷葉砧信一聲秋曉哀  
樓中有長歎時向空牀月啞啞荒雞鳴無人訴愁絕

遊曹山內宕

陰崖鑿出鏡中天下有龍湫百尺淵石壁飛梁虹倒吸

雪屋二集卷四

三

古嘯堂

洞門掩清鶴巢巖瓊瓏半綴凌風榭蕩漾時通汎月船  
我欲買山來學道仙家瑤島或相連

題曹山外宕石

鑿山出山骨嶄然峰一柱上有盤陀石不與孤雲去猿  
猱不可攀鳥雀無棲處空中子晉笙乘月聽鸞御

題倪鴻寶先生云雲閣

間闔門開呼吸聞星辰顆顆綴衣裾當頭欲摘廣寒月  
正面嘗看秦望雲拔地下移旗五丈倚空中駐鶴千羣  
莫言好道樓居日一柱擎天正得君

倪子新招飲水閣

落落開尊略禮文芙蓉池上映微醺山城晚樹初移雨  
水閣秋衣半惹雲客裏歌詩畱贈稿醉中墨妙亂書裙  
年來欲汎山陰棹今夜天南有鴈羣

王玄趾齋集徐世臣沈甸華劉北生呂漢憲張木  
弟潘仲思張季芳章无咎潘獻赤諸子皆從劉  
念臺先生講學至

紫電清霜武庫開名流次第講堂來角排五鹿倡經學  
耳折孫龍失辨才海內寥寥牛耳執座間濟濟鳳毛推  
雪屋二集卷四

弟兄最是天涯好且向燈前醉菊杯

偕劉文可晚步蒹葭園園在城中

安步信所適愛茲池上園滄淪湛秋水藻影涵清源疎  
柳散陂塘蒼葭中沚繁斜城橫抱樓衆峰正當軒采葢  
上山路刈禾通里門彌聞鳥雀靜時見父老言睡鴨隱  
寒沼耕牛歸晚村頗餘郊野趣不著城市喧役役城中  
人勞生一何煩我來亦暫爾睡坐澄心魂天涯自搖落  
日夕多陽暄嘉木及冬榮丹楓過秋翻安事四方志不  
如息丘樊悠哉信悠哉母將羈旅論

張墨妙齋夜集諸子時王紫蒼王素中王漢章劉  
北生偕余狂醉

欲識茂先居石橋蔭嘉木水光漾斜陽門館清秋肅同  
人後先至芳氣佩蘭馥笑語傾風流詩書盛膏沐酒壇  
鼓再行杯竿列更僕令具燾幟張酒兵競追逐大敵鯨  
吞舟小敵虎擇肉轟騰河朔飲豪舉高陽續倒壺如注  
雷落瑛似飛鏃維余雖小戶焉論石與斛主人獨岸幘  
恂恂異顛旭但呼白墮來不數頭巾漉山陰多酒家一  
夜空藥麴

雪屋二集卷四

代笠菴爲心函上人題松弟卷曹水倉問心函願其師情手植盆松

日先是松一年生因呼松曰弟云

欲問山僧臘還看舊種松根孤將化石鱗長漸成龍借  
弟寒蒼骨支兄峭瘦容天親總無着一任白雲封

劉念臺先生示道一則

文章國手推錢老道學門風仰念臺夜氣一箴親授我  
洗心不用更純灰

同張受先生後渡江復遇湖上二首

過江風雪過湖水湖上江邊山數層攜得滿懷春意在



段橋殘酒不能勝

雪廬蕉閣乞裁書箋上新詩又贈余應社風流今半盡  
先生談道獨焉如

循湖隄至七山步

宿鴈驚飛葑蕀中虎跑滿路汲泉翁綠炮忽遇峰頭雨  
白浪還掀江面風

登錢塘江上六和塔

江流蕩膚土石壁削屏障上有層浮圖崢嶸勢增王悲  
風萬里來下與疾翮抗之折富春渚湯湯駛東向瞻顧

雪屋二集

卷四

三

下嘴堂

茫茫洋海門儼相望奔潮東巨峽怒激波濤壯衣帶可  
繫之何有鴟夷浪引首宋諸陵誰將龍骨葬玉盤出人  
間萬古生悽愴廢寺已荒榛山僧猶梵唱

經玉泉廢寺

深山無人百草腓迴泉噴玉空霏霏饑年寺廢僧四散  
妖虺橫林仙鼠飛下馬山門滿垂薜黃金剝面椎螺髻  
可憐幽竹出頽垣日日迎風猶運筆

岳武穆王墓

湖上孤墳木自圍南枝徒見乳鳥飛丹心化水悲金字

白氣衝天冷鐵衣江底華尸波尚怒地間碧血草猶肥  
何年會飲黃龍府惟向空山痛落暉

于忠肅祠

西陵古木鎖寒煙少保祠堂鄂墓邊腔血到頭終灑地  
元功歸手不貪天深山夜夜飛精衛落日時時哭杜鵑  
不是有人安社稷鑒輿何日是歸年

陸敦先刻詩約有贈

二首

一編家學典刑存吾里談詩海內尊誰奉敦盤爭玷上  
直教旗鼓向中原

雪屋二集

卷四

三

下嘴堂

詩壇鼓吹張吾軍數子風流許出羣老我玄亭曾問字  
已知陸氏有機雲

步月七檜壇

七星旛脚麗琳宮明月中天檜影空夜半步虛來鳳吹  
葉聲齊下石幢風

老檜傳聞道士雷至今森衛集靈臺街頭小析三更月  
猶帶仙壇風露回

雪屋二集卷五

常熟孫永祚子長著

寶刀篇

甲申

吳剛鑄就欸無價白氣騰空天神下鵬鵠膏瑩水一泓  
黃金鹿盧玉鞘靶壯士提來出匣看清光一道射人寒  
幾迴醉起舞翕霍四座蜩毛摧膽肝隙月斜飛雪霜色  
腥風猶帶沙場血夜入深山狐魅驚盡揮沸水蛟精泣  
切玉成泥毫不留青虹紫電繞身流三軍閃眼頭盡白  
鏑淬芙蓉太白秋可憐人世難難量威實時時鳴欲向  
雪屋二集卷五

卷五

一

古嘯堂

豫讓空持趙盾中荆軻浪擲秦庭上何如磨厲善刀藏  
養得神鋒銳莫當三尺手中心一片真龍遶日助飛光  
壽范太濛璽卿六十

不從勾漏注丹經翺翺鴻飛自漢廷社稷舊移元化軸  
江湖今見老人星清流月旦猶宗主黃髮衣冠尚典刑  
若遇熙朝訪耆碩玉璫曾釣白雲汀

梁谿顧子方過訪

席門窮巷閉青春忽報扁舟到故人蕉葉有心愁未展  
菜根無味嚼方新悲歌直欲凌燕筑憔悴何妨佩楚紉

酒半揮毫紛灑灑至今意氣薄煙旻

訪顧子方舟次

鄂君青輪水之潯向酒花枝稱劇吟別後幾年燕市夢  
午未談餘一片故人心憂時自草勤王檄報國  
先空結士金盡歎英雄黃誠老春風何事拂牆陰

附顧子方詩

果

瓶花爛熳故人逢共醉孤舟慰路窮南北愴懷同下  
第干戈與慨一推蓬塗泥涸去思漁父長欽歸來念  
薛公淚濕青衫渾似酒憑將有友傲無功

雪屋二集卷五

卷五

二

古嘯堂

瞿給諫稼軒先生招同朱爲谿陸孟龜戈莊樂瞿  
子牧浣溪賞海棠賦謝二首

老杜於今欲補題海棠特着浣花溪高張錦幕扶煙態  
爛熳枝燈照露啼春重帶人癡似蜨月斜撩客醉如泥  
迴塘曲曲垂楊外欲覓來時路已迷

春心費盡娟名園品列神仙袞袞繁新敞迴廊紆月徑  
重移疊石護花根紅雲似捧當年省綠酒初開十日尊  
玉友莫辜梅聘早露華煙色正牽魂

附稼翁和詩

喧風麗景不勝題策杖開吟日繞溪簾額更番呈巧  
笑枝頭百轉換新啼花窺遠岸飄香霧燕掠當筵墮  
口泥未必來遊人盡醉也綠春到已先迷

悠悠淥水傍名園綺陌平橋花正繁一片錦茵開步  
障千層桃浪湧山根風來遙浦寒生席月轉迴廊綠  
滿尊一自同人諧勝賞幾回殘夢滯詩魂

和錢爾弢號北詩

崇禎甲申三月十九日闖賊攻陷北京五月日大

雪屋二集卷五

三 古嘴堂

行皇帝皇后哀詔至自留都爾弢倚上下平三

十韻爲長句望北而號予亦得和如數詞無詮  
次云今存八首

天子離宮望舉烽平安火斷痛重重諸陵王氣忽消

歇十道軍聲自倒攻豈有盜兵稱獲鹿已聞臣虜號從

龍梓宮草茭何曾問只道新朝雨露濃

漢家中葉事全非尚有高皇定鼎幾半壁江淮收燼

合九天日月負龍飛直將淝水功全奏莫把新亭淚但

揮王業艱難宜戮力橫戈策馬入重圍

莫問圍城募帛書離離宗國歎丘墟朝中鱗甲明謀密

河北荆榛將略疎江左夷吾應有在南陽諸葛竟何如  
不求聞達元吾志生計都將問稼漁

淮北連營接鼓聲誓師河上勒兵齊增添勝氣風前鶴  
躍起雄心夜半雞韓范誰教氏膽破殷房何用盛名題  
國家司命安危寄直入虞淵挽日西

淪覆中原盡虎豺天南定策繫人懷中興事業依江左  
北伐謀謨渡大淮安石風流需坐鎮允文慷慨借分排  
書生儘有嫺軍旅要使劉錡魏我儕

金甌無復太平春西北烽煙更慘神赤角妖芒纏太白  
雪屋二集卷五 四 古嘴堂

紫宮宸座暗鈞陳山河不樹降王蠡社稷唯餘殉國  
身九廟英靈鐘鼓在馬前拜舞是何人

崩圻乾坤最震魂祿山金紫覲顏存讀書不識忠君字

臨節相將負國恩富貴僅如巢幕燕身名先似負塗

豚可憐凝碧池頭曲縱有悲懷豈足論

顛車將伯亦徒勞覆劫難憑國手高拒虎更宜封後戶

帶鷹還欲謹前條義旗莫問天西醉縞素應爲帝北

號堪笑死生誠大事泰山不重重鴻毛

夏日吳去塵過訪

陋巷經時刺啄休開門一笑未梳頭  
中俗禮吾何設  
病後清齋客爲爾蕉綠半窗堪謝暑  
葵黃三徑已生秋  
愛時短策無勞問閒殺牀頭舊刺繡

送錢宗伯內召二首

山間嘗得侍春風  
欣見中興佐命功  
元氣三台迴斗北  
橫流一柱障川東  
洛中耆舊唯司馬  
江左風流有謝公  
當宁已教虛揆席  
佇看日月再天中

聖祖龍興王氣苞  
天南再造正殷勞  
中流風浪同舟濟  
異味鹽梅盡鼎膏  
戮力豈應騰頰舌  
洗心猶恐伐皮毛  
雪星二集卷三  
時艱獨賴旋乾手  
爲挽虞淵且旦高

今夜

銀河迢遞隔秋期  
今夜瞻明照並窺  
冉冉天香飄麝炷  
冷冷露氣濕蟲絲  
玉衣覆體愁涼逼  
珠串成行訴夢思  
十二層城自簫管  
祗應長憶倚樓時

秋日飲殷汝若新居池上

池上芙蓉漸著花  
野籬疎石類山家  
隔牆雞犬深深巷  
映戶琴書薄薄紗  
齋近半禪松晚嫩  
酒嘗中聖菊初芽  
歎從南北移居後  
秋月春風幾度賒

秋起詠庭前五花

玉簪

秋曉幾叢白芳萼  
被幽砌娟娟露初沐  
珠瑩葳蕤蒂昨夜  
夜藥峰仙醉遺玉  
摘掃佳人起理妝  
仙姿媚官髻窻風  
不動塵香襲羅衣細

秋海棠

翠草蔓綠雲幽花  
嬌階側嫣然破一笑  
妍華信傾國絕世  
嬌不言一洗鉛粉  
飾華清睡初醒開  
鏡如顏色顧此斷  
腸花臨風愁嘿嘿

雪星二集卷三

秋蘭

流風入秋堂  
菲菲芳襲予  
紫英揚綠華  
不落沅澧渚  
紉作美人佩  
騷魂渺何許  
國香誰見收  
晚晚空目語  
傳以商歌音  
一彈有餘楚

芙蓉

搖落未云暮  
覩此雲裳仙  
如臨錦官城  
婀娜秋風妍  
明妝射霞色  
晚酣春鮮欲  
采寄遠道向  
夕謝朝嬌因之  
坐歎息露落荒池邊

秋葵

亭亭數尺影應此金律  
藏紅粉不受汗儼如道家妝羽  
裳綠參差未褪額上黃  
但得傾丹心秋陽亦迴光何知  
商飈動猶此鬬羣芳

倪鴻寶先生厥車至吳門敬輓

二首

板蕩乾坤圻精忠日月光  
身餘青史壽氣化白虹長陟  
降隨先帝從容異國殤  
讀書真不負畱配古人香  
泰山欽夙望死更重於山  
壯節雄千古丹心柱兩間不  
爲柴市戮寧遜侍中殷  
曳旄吳門過風吹一激頑

舟經茗溪

雪屋二集

卷五

七

古嘯堂

驚湖西去雲溪濱小槩汀洲弄白蘋  
日脚輕雲舒鳳尾  
波心細浪蹙魚鱗  
秋醪香碧新收秫晚膾甘鮮嫩摘蓴  
澤國今年枯見底此中饒愛綠鄰鄰

茗溪曉發

亭皋木葉下凄凄  
客子秋風去住迷  
斜射蓬窗五更月  
亂啼茅屋數聲雞  
行人未曉催舟上  
殘夢先程到雲西  
未識使君清似水  
綈袍肯爲故人攜

霜降日觀祭纛

二首

今日迎霜節旌旗耀日紅  
營中弓抱月纛下角鳴風應

候秋鷹驚騰裝曉騎雄近聞鴻報靜廟算說和我  
白露爲霜日西郊講武時  
血牲宜彘鼓竿首欲懸旗子  
弟兵初合將軍令不移  
但看秋獵罷一旅亦王師

秋過語水與陳建侯陳伯倫飲解曉齋明府署中  
禦兒城上夕雲沉  
話舊挑燈漏刻深  
晚菊澹於行李色  
秋醪濃似故人心  
訟庭啼鳥官清簡  
鈴閣凝香客帶淫  
風景欲追京國夢  
那堪雪涕共沾襟  
壬午冬同客京師  
今夏值國難  
過當湖寓陸狂生北郊  
陶門臨一水鄰架足三冬  
下榻慙孺子操觚讓士龍  
書

雪屋二集

卷五

八

古嘯堂

殘仙蠹飽樹賸葉蟲封莫道飛鴻似還畱  
雪上蹤  
甲申小春偕王子步西郊感興  
天運適中否幽憂未能斷  
行國聊爾爲西郊來挈伴初  
瞰照山椒秋楓已脫幹  
長窠枝青青女貞子纂纂山窻  
有橫琴迎風蒼空窳西爽落几榻  
南榮向亭館丘中時  
隱息物外寄蕭散  
昨人鎬京至惻惻談廟算  
廟算亦何爲野人滋煩懣  
解醒猶以酒救關復暢祖狂瀾  
倒推波時夜妄求卯念亂  
邦何人不如澆大盂尚尋茂叔樂聊  
遂嵇康嬾攜手山山去踏莎歸緩緩  
順途發浩歌長謠

苦節短幽尋倘未賒心事知者罕

送王喜康令姚江感事述情四十韻

行行重行行清晨理蘭橈問予何所發來送仙令喬仙  
今已入雲雙鳥飛餘姚滿酌姑蘇酒平渡錢塘潮舜江  
湛清泚明山高岩崑盤根別利器新硎試牛刀琴堂夜  
月靜花縣春風饒况乃世濟美謝樹敷瓊瑤上苑爭騰  
驥天衢並翔翺拔茅既連茹俯梓亦仰橋楚先與長君  
策名金閨彥結綬方升朝一出宰百里一入登羣僚事  
業各奮興門閥斯明昭咄咄全盛事使予中心挑憶昔  
雪屋二集卷五  
始操觚束髮與君交矯首青雲期指心白首要出入共  
舟馬後先奪幟標落唾珠玉生動筆五嶽搖二三好兄  
弟功名反手邀誰知羽參差予獨尾脩脩鬚毛倏已改  
髀肉不復消榆枋起斥鷃一枝寄鷁鷁庭階詎無玉兩  
兩隨風飄不幸閔泉壤幸者凌雲霄此豈人所能窮達  
命所招顧予策前路出亦司李寮小草計可就老驥志  
猶驍姓名在春官書劒還秋彰壯心雖未灰何繇聯轡  
鑣看君津吏迎行舫喧笳簫彈冠得毋笑戴笠將安驕  
相逢下相揖車乘連翹翹國步多艱難何人斟元杓勉

哉子爲政章甫來歌謠新製燭畫錦小鮮兆鼎調不見  
三槐第美蔭榮枝條奕葉光寵綬種蘭那得蕭福祿自  
茲大中興佐肝宵他年照史冊餘慶豈一朝功成赤松  
遊訪予北山樵

送朱右服同王明府之姚江

同社風流出處殊河橋又復唱驪駒庚寅依幕分廉俸  
苟令凝香借腹儲知已不妨車後載送人寧笑鬼揶揄  
思君幾度錢塘過江上青山識面無

送程稼軒先生擢少京兆二首

雪屋二集卷五

古蘭堂

陽岡鳴鳳舊離離海內猶傳諫草難日近蓬萊開建業  
塵清禁殿最扶風佇聽賜履羣羣建先見旌幢鼓吹中  
河北烽煙方在望廟謨何以固江東

前身原是老疊仙特權今符簡在天槐月缺蔭榮榮葉  
玉煙生暖映藍田京河亞尹風三輔台表崇班望獨賢  
戮力中興支一柱小臣目盼太平年

酬錢履之見贈

亂來何處斗餘生只合鄉交道此名無用掃還資壯濟  
不材全更有張鳴燈前舊好誰先逝枕上新詩鎮不平

幾度迴吟仍覆卷中年哀樂倍傷情

和錢履之冬至連雨作寒遣興二首

朝來小雨潤枯田檐雷煙絲斷復連井脈有泉先救渴  
雲光無日自占年九玉風候嘉平臘百五日春寒食天  
節序催人待乘興雪中還放剡溪船

擁褐圍爐小至天凍雲羃羃雨綿綿似將作雪催風信  
不待回陽動地泉短髮豈能隨線長閒心何用借灰然  
只看喜氣盈原野菜麥青青出甫田

除夕

雪屋二集卷五

古嘯堂

今歲心驚事半非朝隣一任笑斯饑兒童爆竹年來滅  
祖父衣冠昔日威鞭我驥程猶自伏寄人龍種未曾歸  
老妻稚女聊尊酒莫訝蘭缸花葉稀

元旦

弘光改元 乙酉

雲物朝來渾着疑人家猶似太平時溫風海國蒸潮潤  
苦霧江天漏日絲玉座重光初換曆金城四鎮未移師  
只愁棟火尋常見王謝堂前燕不知

呈大冢宰徐虞求先生馳驛歸里二首

嶽立當年一老臣龍興誰爲起司均典刑國表無私志

蕃蔡朝尊有道身鷄過豈堪來鼠嚇麟儀終不效狙馴

孤蹤其謂知心少同出同歸只故人

與劉念臺先生兩同休致

江左夷吾鎮物危元規塵起不勝吹斗杓空用斟元氣  
水鏡應嫌照魑魅瀾倒百川鑄柱後叢枯七日借神特  
角巾歸去存吾節戮力中原更望誰

立春前一日舟中二首

人日飛帆寶帶橋連江雨雪帶寒潮明朝早報東君至  
一夜春風入柳條

宿雨江城暗歲正麥溝到處水流聲推蓬欲候春消息

雪屋二集卷五

古嘯堂

喜鵲喳喳報曉晴

梅里道中盛雪

入春三日便飛花綴葉盈條豔紫華小市魚鰕荒酒店  
豐年穀玉驗農家寒封螺贏蜎蠕戶凍壓丁香倍蕾芽  
獨有扁舟乘興者吳山越水正天涯

陳梅臣推部署中

鼓節初嚴漏滴頻上元燈月夜如銀新年便作遠遊客  
積雪應添乍霽春怪石供爲冬署友老梅香閱宋宮人  
署中有芙蓉石與古梅  
相傳爲宋德壽宮遺物  
生平奇觀今宵絕不信仙家更

有真

上元飲陳梅臣署

水衡使者酒如澠欄檻清華取次登小霽未消前榭雪  
輕寒不入後堂燈香魂客裏通梅思瘦骨宵來做石稜  
爲問近時官況好一清相映玉壺冰

雪中過春山房我問上人索題

寒澗流澌雪未消千峰當面出層霄偶畱泥上飛鴻爪  
小閣商詩酒一瓢

西湖早春二首

雪屋二集卷五

十三 古嘯堂

探春何太早梅柳年來老雪陷馬蹄深忘却西冷道  
置酒孤山閣來探六一泉雪消泉脈動石罅已涓涓

雪齋遊靈隱天竺三首

積雪千山曉澄湖十里冰宿鴻棲亂荻饑鼠墜疎藤斷  
徑無行客寒巖或遇僧偏餘乘興者兒子入層層  
西泠橋斷處北嶺雪深時着屐高平齒支筇短過睂低  
迷荒竹篠偃寒折梅枝何物凌寒好山家獻酒卮  
半句風雪後三尺寺門前石屋疑冰柱山家冷突煙互  
封千歲樹漸入一泓泉奇觀今朝盡湖津已候船

西谿道中二首

雪後東風澹澹溫鳥啼聲碎見朝暾小橋引入西谿路  
篠徑桑園古岩村  
夾樹繁梅屈鐵枝春風消息尚遲遲看花正及含英好  
爛熳開來已過時

繇西谿入橫山

拂面東風日弄晴雪消春碕有泉聲路紆綠篠回頭失  
谿夾繁梅入眼明洞口胡麻人去杳林間雞犬客來驚  
武陵原在橫山內生長兒孫不識兵

雪屋二集卷五

十四 古嘯堂

探永興寺綠萼梅偕陳梅臣水部二首

齊閣官梅宋壽宮虬枝千歲古香叢永興萼綠雙株樹  
也說風流祭酒公傳爲馬開之先生手植

合香園粉寺樓齊樓上花枝壓酒低却喜能詩何水部  
春來先一到西谿

雪陳梅臣畱宿江邦玉橫山艸堂題贈三首

萬个脩篁一徑通迴廊複閣隱簾櫳丹雘飛去啼雲外  
玄豹眠來養霧中澗谷餘寒春尚淺余杉落響梵俱空  
買山何日能移此許我鄰園半畝宮



幽構懸崖履道居煙霞風骨夢蘊蘊采芝斲尤千年藥  
對酒焚香萬卷書層嶺覆檐屏繞後大江當閣帶縈初

與君漸上開奇觀雲外仙人欲擊祛

爲訪高人此破苔却煩廚供艸堂開月移碧嶽浮煙起  
雪化紅泉噴石來一宿定知更世代重遊何處覓樓臺  
當年洞口桃花水記換西谿萬樹梅

江氏擁書樓

宵來空夢境欄雪曉淙淙樓照海中日林浮山外江巡  
花馴野鹿時竹臥春庵豈有胡麻引居然罨畫窓

雪屋二集卷五

古嘯堂

橫山晚歸自朱橋江岸

度嶺穿林萬竹園豁然洞口見平原梅花落落非前路  
桑柘依依又一村溪湧歸雲迷磻屋濤迴落日見江門  
從今更覓橫山去鶴唳猿啼何處捫

晚過雲棲

江濶不起暮生煙忽入千峰落照邊尚有嘯刀畱伏虎  
至今聖水現池蓮六時禪誦嚴僧律九品功圓濟法船

禮蓮池大師塔

雲棲有寶刀  
聖義泉

五雲谷裏時時現萬法山中一一齊示滅祇今畱宰堵  
直將東土入天西

竹閣社賦得燈市蚤投瓊

災膏殘年過繁華舊俗忙吳臺多好事燈市又相將節  
物先迎喜遊觀競賽妝及春簫鼓鬧過臘市城狂剪纓  
傳心巧珍奇入眼芳魚龍看百戲珠玉照千行五木呼  
盧局明瓊占采場何人偏得勝是處劇行觴未夜鉤塵  
滿東風慢綠颺車中人似月橋外地如霜寶曆新年號  
香街樂事荒願賡文穆句長祝太平鄉

雪屋二集卷五

古嘯堂

兩朝忠烈祠

天地有薄蝕日月恒貞明丈夫七尺軀豈以求苟生  
爲河嶽鍾死作山川精討賊志不遂殺身仁可成龍比  
從地下況此當代英忠魂一堂上流虹射其臺空山白  
日暮于岳相逢迎吁嗟國元氣斯人畱烈名行止復仰  
止我以薦芳蘅一水橫西湖千秋流潔清

六橋春眺

錢塘江岸煙山曉十里澄湖接芳艸香塵不斷數遊踪  
盡說西泠橋畔好浩蕩東風吹綠蕪鶯鶯燕燕未成呼

殘梅飛雪放孤鶻新柳弄煙啼乳鳥春思紛紛着春樹  
游絲百丈牽花路木蘭舟汎白公隄油壁車來蘇小墓  
萬井人家桃李村江南春好冶遊喧關西河北同天地  
極目山川空斷魂

見燕

昨夜東風滿四郊差池對對鄰林梢花深小院簾初捲  
柳漫荒池剪作交春社已過新制羽人家猶覓舊營巢  
憑將午夢鳥衣國又教南窓竹數敲

葛無敵出齋祠賴先夢父兩上人飲梅下

雪屋二集

卷五

士

齋堂

東風吹雪後此信滿春江處士先招鶴詩僧漫折幢繁  
雲低小閣香霧宿前窓欲索枝頭笑閒愁仗酒降

送王蘭陔刺史金華

風流太守蚤蜚聲奕奕朱旗繫女城燕寢疑香唯臥治  
春郊駐馬已銷兵蒼龍東下頒符至白鹿前來夾轂行  
曾讀昔年循吏傳漢廷不獨有王成

題門人朱雲章蘭卷

離離楚草思遺媚託幽岫孤幹凌歲寒紫萼發春候吾  
子服其芳流馥筆端迴灑墨露含滋弄姿風濯秀寫以

贈何人卷懷空在袖但見蕭艾盈還傷薺麥茂紉作靈  
均佩曲傳尼父奏猗猗采國香晚晚悲時後蕩哉秉簡  
遊美人方邂逅

酒間贈歌姬

昨夜笙篴嬌來彈陌上桑今日琵琶女來歌渭城雨  
絲濛濛濕楊柳翻手嘈嘈勸郎酒陌上東風吹落花桑  
中不似羅敷家低鬟更進黃金杓濕粉餘香沾素幕調  
笑闌干傾百杯玉樓帶脫玉山頽

與海寧朱近脩梁谿顧脩遠飲孝若樓船觀妓

雪屋二集

卷五

士

百齋堂

沉沉仙舟役垂楊綠正勻喜逢聞耳士新識埽荷人山  
色方亭午風光已暮春停橈一登望遊騎起花塵馬援  
不見高士不聞耳何足貴乎

春暮遊天潭遂谷懷曼倩子建俱逝法然有作

春徑策微步龍蔥竹樹稠洞門杳然入寂歷澗谷幽在  
澗餘考槃飛花隨水流斯人不可作白雲長悠悠高案  
起微風聲響如可求落日下山去回首空林丘

送瞿中丞稼軒先生巡撫粵西

二首

車書風播粵西天特詔各臣出鎮邊徼外蠻酋焚水

寨山中洞主負囊鞭牙旗自繞龍川出幕府遙開象郡  
連爲問伏波功蹟舊漢家銅柱至今傳

保釐神甸輦塵清又見威風百粵行灘水安流銷日羽  
桂林負險事春耕玉簪羅帶朝迎騎虎節龍符暮駐旌  
蚤晚中朝需柱石台星只在五雲明

初夏薄遠之村居

茅堂楚楚傍漁沙萬綠來分窻上紗懷古不芟書帶草  
樂飢應笑米囊花雨餘婦出牀頭酒煙起僮烹芥後茶  
莫向城闌問時事桃源中有避秦家

雪屋二集

卷五

七

市齋堂

悲廣陵

四首

曳落河多羯鼓高軍聲沸似廣陵濤賀蘭塔上徒遺矢  
不遣援兵夜渡濠

孤城力盡淚填懷報國徒擄七尺骸一道忠魂飛入昴  
至今生氣滿江淮關部史可法死之

國殤提戟走陰風十萬平民彗掃空二十四橋歌吹處  
夜深苦霧鬼燈紅

蕃馬千羣邦水溝一特腥血濺揚州空城猶自懸明月  
不照人煙照鬪樓

書五月初十日事

二首

國是紛紛痛莫論銅駝又見棘叢翻穴中屢闢犬窺戶  
堂上羣嬉狼進門熒惑斗南方見象華林夜半已開園  
如何江左龍興地頓使炎精日月昏

見說顏王豈克家補天無復有神媧翟泉地陷飛蒼鳥  
芒碭雲埋亘白蛇秦璽宮中投御井楚歌帳外起胡笳  
不知匹馬歸何處自此臺城有暮鴉

酬贈嚴仲水避亂湖南別業次韻

四首

世上今爲晉村中尚記秦詎知離亂代猶有太平民疏  
雪屋二集

卷五

辛

市齋堂

荷園嘗滿魚鰕市未貧良苗風動處詩卷日應新

湖光浮遠天林色鎖深煙涼簟安池上輕舟繫柳邊灌  
畦老圃業卜宅小山綠莫問人間曆農家自歲年

高臥北窻風無勞車馬通竹深飄落粉荷亂浥殘紅雨  
沒遙空鳥雷收斷渚虹親知猶可賴何必問途窮

雲水自深深長謠復短吟但看天地闊無問海山沉漁  
牧依人事耕桑戀主心相從墟里過向子覓知音

絕句一首

犬尻羊膝朝中客狗盜雞鳴海外臣三百年來涵養出

更無洛下一頑民

夜坐

海上傳烽徹戍樓長江已隔往來舟夜涼猶向中庭浴  
臥看天星四散流

賦得桃李無言二首

金谷年年樹穠華向洛園剪霞千葉密團雪萬枝繁靜  
領春風意潛消月夜魂成谿爭欲往流水竟何言豔發  
天池餘光生露井根無私恩大造不負在公門

天上移仙種人間散玉衡斜臨金谷水穠照洛陽城不  
學屋二集卷五

三言嘯堂

詡盈盈態唯合脈脈情春藏絲障暖晝寂葦綃輕巧笑  
風吹就妝啼露泥成東工何限意聲響任流鶯

酬馮定遠見贈次韻

花谿同分在無復少年人酒殘從流水牀書有積塵笑  
啼應減舊詩翰轉懷新未識今茲隱牆東可結鄰

夜思

夜涼河皎皎千里見飛埃傍海邊烽合孤城戍角催吳  
雲吹欲墮漢月照還來只有關山涕能忘庾信哀

閏六月望月食既

腥風着月生翳黑古銅銷光土花蝕始如破臼繼指爪

斗北妖星芒角赤方諸射水暗不融珠母夜失魚腦空

萬古太陰魄忽死神烏夜語金井桐山河影裂天夢夢

桂宮神斧妖墓弄愁殺人間蟻虱臣城上鼓聲連地動

乙酉七月十一日嚴仲木率舟載歸草蕩村莊畱

連信宿而北兵突薄城下因宿仲木草堂者七

夕城郭已改人民半非嗟兵燹之一空幸餘生

之猶在偶紀連宵如隔異世得若干首

十一夜偕仲木汎月草蕩

雪屋二集卷五

三言嘯堂

船頭涼月天在水樹影離離倒水底青荻銜花蓮墮子

棹歌送酒鷓鴣起今夕何夕身在此飛礮遙聞無百里

被酒還悲行路難生涯擬託煙波裏歸來夜宿草堂空

驚魂噩夢何冲冲起開竹牖望城闕露氣滴池橫落月

十二夜飲毛子晉齋次晨聞警

拏舟空碧南湖曲樹密溪迴飛屬玉湖上主人舛角交

斫蟹烹鳧醉靈醪此中人說桃花源警報何因夜相續

中庭月暈圓重珥星貫還飛太白裏座有能占識兵氣

一縷秋河隱天矢曙光乍開搓眼開城下火光亘天起

十三日北兵薄城下

煙塵騰騰起西北赤雲壓城如墨黑身在東湖望家國  
村莊兒女無人色主兵者誰敵不知戈船怕首空河滑  
城中望援眼簾其駭輪突陣縱橫馳遙向來舟望來信  
只聽轟雷地猶震市聲鼎沸鼓聲死火焚巢車箭如雨  
十四日大風雨城陷

怪風驅雨雲壓營天愁地泣聞戰聲礮摧箭壕騎飛度  
城巷居民尸塞路官軍曳踵紛紛逃爭門亂斫如刈蒿  
胡兒躍馬東西驚血洗弓刀溝水注迴首家園空叱呼  
雪屋二集卷五

十五日中元節人家廢祀

夜來風雨如戰鬪枕上驚魂破屋走起看太白纏妖氛  
西北斷虹連缺堠城中敗鼓聲不聞斫人如麻玉石焚  
血腥流漬言游井齒豁高齊虞仲墳今日中元校生死  
紛紛亂殺應何以人家離散濕雲重空巷紙錢煙不起  
河濱逃者指空腹何況烝嘗薦蘋蓼月微陰燐未分明  
故鬼號飢新鬼哭

十六夜對酒愴懷

逆塘漠漠蘆花颺仰看明月中天流月光薄雲照何處  
胡人歡樂南人愁吾友村居屋茅葺世上滄桑換城邑  
蕭蕭短髮不堪拾野外孤臣飲聲泣

十七日聞北兵去城已二日矣

水鳥作聲呼屋屋簾外西風吹脫木并來枕上作餘驚  
短劍無光弓在箠起看箭閣飛有烏啞啞啄肉連羣呼  
一聲胡哨唱拍去滿船子女牛羊驅陰風蝕月蠻雲黑  
碧火吹巢歸不得青笠綠蓑借君里一葉雲槎釣秋水

題曉髮集後

雪屋二集卷五  
宋國江山葬魚肚嶺外孤臣謝臯羽有時擊碎竹如意  
山澤章皇淚如雨海上潮生雨連越秋槎濕劍歸何所  
即眼看南雲消戰氛隻身天地悲無羣子陵釣臺湛  
江水方于隱村屯白雲集此沒為文擬弔田橫客作詩  
須和陶徵君曉髮一編手持讀讀罷高歌歌罷哭問予  
痛哭亦何為昨夜瞻烏止誰屋



瀑音四卷附碧濤芟逸存一卷

〔清〕苗蕃撰

清康熙刻本

中山圖書館藏

李梅公  
焚雲堂  
內先生定  
張珮

溫  
森

正  
音

洪  
韻  
藏  
版

瀑音詩序

余不佞之得交於九符苗令君也蓋自大廷尉日葵張公云公與余同舉南宮官行人時鄒忠介趙忠毅兩先生呂文章蘄德樹幟南北天下翕然歸之余師忠介廷尉師忠毅而九符同爲忠毅近

李序一

居高足穀氣所孚一見如舊識逮今遂四十餘季矣兩先生千古廷尉亦遠騎箕低回往事不勝今昔之感九符才大如海再上春官不第乃盡謝世緣退而養母於瀑泉山中益博極羣書大肆力於詩賦古文詞深隱自固無復有仕進

意狀余盱衡海內知交每憶與廷尉詩酒過從九符方弱冠初歌鹿鳴輒共晨夕揚扆辨難至丙夜不休磊砢英邁之氣使人不可逼視酒酣耳熱仰天嗚嗚相得也已而相勗期於不負師友嗟乎此何時邪嗣是音問睽隔鵲鳴風雨未嘗不与九符往還於寤寐間也一日閔除目剛已儼狀南城令矣夫此百里者豈九符意哉捧檄而來握手漸故悲喜交集彷彿麻姑過蔡經時曾見桑田三易又如天寶宮人共談遺事聳者不知爲何語余窺九符異時磊砢英邁之氣

李序二



盡舉而歸於澹泊寧靜潛諸久而閱歷  
深余固知百里不足爲君治矣昨秋偶  
泛盱江令君之清風惠譽在人耳目數  
過衙齋見邑治枕一小岡古樹叢篁橫  
側互蔭中建楞華閣祀大士純易傍懸  
石磬時時手自擊之衆山皆響政事之  
餘誦詩讀書蕭然自適一若不復呂官  
爲念者朕冰蘂自矢賦輸克將卽今所  
稱能吏無呂過之余客盱不旬日凡躡  
兩姑憇僧舍譙飲於水邊林下游必與  
同必更相倡和且謂余此亦不過寄焉  
耳夫無意於爲令而能爲令則其無意


於詩而能爲詩可知也頃之出其生平  
所著復加刪定託壽之梓梓成余快讀  
一再過作而歎曰尤符其真古君子乎  
行古人之行則亦言古人之言而已古  
詩不一若陶之淡鮑之逸太白之高邁  
秀脫松陵長慶之悠揚真至所爲變化  
離合總不失其度唯少陵集其大成君  
蓋學杜者也而朱嘗不出之心裁觀其  
集杜而若自爲詩其自爲詩而能爲杜  
又不必言矣余奚足測其涯量乎雖然  
文江之壇坫猶在高邑之風規如存余  
老矣俯仰運會學蘄無成慙負師交乃

有人焉以慨慷歷落之意昇元纏綿而  
不盡於詩文求之者此中覺別有以自  
豎其託寄不已遠乎余所爲讀瀑音而  
爲之三歎是呂論其世也

康熙丙午初夏通家鄰治吉州李元鼎

題於江城之灌研齋中

李元鼎



瀑音序

憶昔時備員文部寓十駙馬街隔垣爲  
太原會館晉中諸君子寓焉予最相知  
者保德王炳藜太史平定張日葵廷尉  
汾陽靳刻泉考功張修其侍御而閩之  
黃石齋先生則望衡對宇石翁龍門巖

題一

業獨炳藜與余載酒過從上下千載志  
節凜然至今思之如昨日事亂後諸君  
子風萍雨絮然寸心炯炯每於穎素畱  
東壁之光比余棲遲蓼上罕接雜賓會  
南城苗九符明府過存倒屣起迎望而  
知爲奇士詢其籍則三晉問其公車則

甲子考其舉主則富順熊于侯咨其目  
常北面則趙高邑而生平之友則張日  
葵也余爲嗒然如見古人如與往年晉  
中諸君子揖讓於一堂相與嗚咽者久  
之九符歷數舊日從游強半於不佞所  
謂風雨如晦德音孔膠者跡其陳誼甚

集二

高何以筮仕太晚或亦有迫而後起不  
得已而應之者乎因思昔之君子迫而  
後起不得已而應之其事業文章流聞  
丹青者最著余讀九符瀑音詩博麗清  
新高嚴老到皆有蒼然之色淵然之光  
至擬少陵同谷七歌又何其慷慨悲憤

一往而深也洛陽劉少師謂詩不必學  
詩至李杜不過一酒漢子嘗哂其失言  
青蓮放達風流猶曰不羈若杜陵崎嶇  
於天寶亂離間飯不忘君此其志節視  
嚼齒穿齦握拳透爪者何以異而謂之  
酒漢可乎先生之詩摹倣少陵不獨肖

集三


其色澤併風神氣骨而備之以是決其  
必傳且鳴琴建武二姑之奇秀日在几  
席間供其嘯咏先生雖筮仕晚而行已  
道上卓然以古道相將期於不負師友  
不負三晉先賢是余之所樂得而揚花  
贊述者也又嘗讀贈金谿知己詩云見

君卽問江南話此日誰爲謝疊山斯言也似與志違然業已仕而得行其道又何志之不可違也予杜門嬾出未能方舟盱水一聽瀑音李梅公司馬過而問序書此以報然因是而有懷三晉諸君子則又不勝風雨河山之感矣

康熙丙午仲春

康熙丙午仲春

鄰治新建熊文舉拜撰



自敘

高山流水有瀑則奇忽狀觀之遂忘一切當此清雄絕俗之響不啻聞雷悟道也責皇東里無山入艮是爲瀑房雪浪濤聲不舍晝夜風行水上天在山中住二十年乃軒改虎谿吉先幾動甫碑淨業就來江西自敘一

入湖口以攷石鍾祭大孤以汎彭蠡望廬山而觀瀑布焉岸峭摩空一碧萬頃昔人謂望嶽望洋始信橫嶺側峰之外有真面目也及抵盱江居麻姑之麓曰後龍山建楞華閣懷瀑也舉目西南玉練雙飛仍爲瀑布到處於瀑有夙緣梓名瀑音應屬前

定若藍水玉山紫煙銀河之咏惟萬斛泉  
淵足以當之後生小子寧敢問津者但觀  
瀑忘機尚畱文字或遇莊叟恐笑筌蹠之  
未化也

肯

康熙乙巳初陽晉東苗 蕃題於楞華閣  
自序二



序

孔毅父喜集句蘇長公以指呼市人如  
使兒戲之觀其寄孫元忠一詩奇稱天  
然不減王半山十八拍也然半山集句  
名一時至江州司馬青衫溼之句竟不  
能得蔡天啓呂梨園子弟白髮新應之  
序一  
乃大悅服此以知集古之難更甚於自  
作也近代此體沿習非一而孫仲衍朝  
雲之篇獨傳其中警句若野艸怕霜霜  
怕日月光如水水如天花邊古寺翔金  
雀竹裏春愁冷翠裙穩合工妍真有天  
衣無縫之儼然止三律耳亦固不能多

也且夫摹古易耳役古以從我則難役  
古從我易耳而使古之意皆我意句皆  
我句而併忘其爲古則又難吾讀

九符先生集杜百絕而嘆其深於詩也  
先生三晉大儒弱冠登賢書爲趙儕鶴  
先生之桓譚與先輩宗伯思白董公廷  
序二

尉日葵張公馳騁倡和騷壇狎主平居  
著作甚富靳不以示人獨是編以少陵  
已言不復秘諱予受而讀之于常思獨  
立諸篇見綿渺之情焉于種瓜植鶴諸  
篇見矜潔之守焉于彈琴釣竿諸篇見  
蕭散之韻焉于讀易禪悅諸篇見靜勝

之詣焉于北海京口蕭山諸篇見淵源  
今昔之感焉于西閣南海星臺玉河太  
清宮甲申三月諸篇見觸緒縈懷牢騷  
慨慷之志焉至其經營慘澹音節句諧  
句就冥中心來天外雖起少陵于今日  
淋漓抒寫亦無以過甚矣先生之能爲

序三

杜也夫艷文豹者眎一斑旨鼎烹者驗  
一爨是集傳亦先生之吉光片羽也古  
名卿碩輔出潛確之餘而康濟羣生敷  
施來世時復有之不止巖築莘犁終始  
不愧而已其處也不苟故其出也可以  
有爲彼蠅營鶩走沒沒于東墻西壘之

間者富貴利達之士非世所賴也先生  
栖遲瀑里擁萬卷而臥百尺凡若而年  
一旦皆至事起不得已而應若神龍之  
啓淵潛挾震電而上下於天其萬物畢  
澤者吾皆於其一物不屑者微之豈俟  
帝崇南國之日而後信哉夫辱綺季之

序四

賢以簿書屈鸞鷟之栖於枳棘事甚艱  
滅頂而望垂首之援灼肌而號焦毛之  
抆情甚急以斯民之深熟知盱之情之  
不能緩也而入水火之中即不復義皇  
以上先生艱可思矣然豈得辭乎予又  
以嘆詩人之能爲吏也元道州作春陵

行少陵誦之以爲安得結輩十數公參  
錯邦伯萬物吐氣白太傅蘇文忠絕代  
詞人而其治杭皆有異政殊績爲民所  
尸祝即以司馬公之勲名品業卓冠千  
古其戲贈武定同幕集句驟筆風雅至  
今猶可想見詩人之益於世自昔然矣

序五

詩又可盡廢哉

治第徐 芳拜手書



敘跋

韓退之以文爲貫道之器是也而輒以  
雄文故欲自附于道統則亦不必其狀  
蓋道能生文文不足盡道或源或委說  
在乎先王之祭川矣九符明府有蚤智  
之譽邇而發科臯落前後趙儕鶴先生  
衆教一

講壇相望九符旣已玩心高明惟是美  
厥內行于天性人倫必求其毫髮無遺  
憾使有心者而一讀先考妣志銘暨老  
母有壯顏詩則孝思未有不油然而生  
者中更世變偕隱瀑房援琴鼓瑟若將  
終焉出潛一舉年友尚書楊崑嶽公實

玉之而我南城是以得大慈父母蓋道  
院清風寓諸楞華之間三教合焉起而  
視其全文長行直秦漢以上有韻之言  
無出三唐以下者而猶深于杜陵集杜  
百篇意格與文山正等此亦何恨于我  
不見古人與古人之不見我凡其爲書

衆教二

所根據亦皆在古之有非我之有矣狀  
而陶煉之極陳言不矜以至絕險抉幽  
盤空出與九符未嘗謂吾言道也而平  
行之使人之不我恠也夫使人之不我  
恠何若使我之能得其意乎雖狀得意  
而自喻之未始得意而自震之九符于



是猶執譙焉文章之事無與于理性之  
精微卽聖門四科亦有首尾九符蓋不  
曰吾知道也而任之且翹人之不同乎  
已也而喋喋焉攻之矣由前一端九符  
似學韓退之而由後二端九符又不欲  
爲退之此其文之所以幾于退之而踐

卷之三

履又將逸之者也森公先生夙知九符  
因推其師友之故爲表章之存其書而  
余友仲光先作敘論詳矣蓋皆不以楚  
材晉用爲諸侯之選者之足以盡賁皇  
氏之美也夫九符齒與意俱新余則俱  
宿其世第之目余僅能與九符差池而

老不聞道遂先進乎九符且以晚聿道  
而先進乎九符者不惟余天下皆其人  
也讀澤音之詩終篇頗有所謂五碩果  
者過而厠余其內余則幸矣九符其亦  
何所取節也乎哉

南昌治弟黎元寬拜題

卷之四



瀑音 卷之一

倚樓吟

讀古詩十九首

韓聚之明府招飲譚河中風景之盛即席

賦贈聚之蒲州相公從子

壽張侍御日葵尊兄且勸駕入都時侍御

有鼓盆之變

北上感懷二十韻

瀑音

卷之一 目錄

一

心觀上人歌

中秋飲三藐菴漏下二十刻解衣贈歌者

戲書之槩

花神雜咏為才人賦

秋日冠山狀元石夫子洞手譚

瀑房寄友

刺史行

太原道中

北上

過上谷次劉蘊東齋頭題壁

自君之出矣十二首

京邸賦呈周仍叔朱允升法友得文字

鐫圖書與金沙法友譚評古學有懷

展熊老師

有懷蕭山 黃老師贈秀水褚父母

問官戲句

瀑音

卷之一 目錄

二

六月自京旋里

雨中渡潯沱

東里篇六十韻效杜工部體

夜雨手譚題延伯彭齋頭

張公振樓落成題之以無悶

寶參知德威招飲西園

王太守旨玄以齏副被誣再過平定贈慰

立春即事

人日宴集賓客知齋頭以 欽齋文集爲

奔觀伯虎五宰二卷予喜而卜夜即席

賦贈

元夜遇雪

壽大京兆日葵尊兄寄呈京邸

壬午春日申都諫天俞年兄過里門具疏

上請暫憇兩月賦別

瀑布山房漫興四首

瀑音

卷之一目錄

三

喜雨

前題

碧濤樓閱房書用東坡句足而成韻

大廷尉日翁尊兄寄題瀑房用原韻和之

附大廷尉原韻

自瀑房遊冠山

冠山古案一百五株皆各極蒼奇之狀欲

一一題贊而未遑

胡桃樹

郊錢公振赴舉兼呈伯彭

大廷尉以杖卜投閒

碧濤樓曉夢鳳儀于沼寤歌四首

入秋無雨夜歎

憂旱行

絕糧

東坡先生謂磨蝎在命宮與韓昌黎相同

瀑音

卷之一目錄

四

以生平多得謗譽故耳山居簡聞星書

余媿類此

八月望前山居讀七十二弟子解有感先

賢商子木瞿對梁叔魚鱸之語

十六夜月

瀑房逼近僧舍凌晨梵音可發深省秋益

清越

曉聞經聲

壬午立冬前視大廷尉於仙人餅菓以紀

遊

瀑林雪意

瀑房冬景迴文雕琢非余好也聊爲戲體

除夕

人日遇雪呈大廷尉

附大廷尉和韻

太清宮西閣

瀑音

卷之一目錄

五

寒食喜雨用杜李句

慈雲寺聽講楞嚴

呂仙祠月下聞遠凌晨紀夢

同李仁孚姚敬輿葉眉初端尼坡惠河晚

涼

瀑音上卷之二

瀑布歌

甲申三月

七歌擬少陵同谷之作

遭亂全生古今同歎有懷盛唐杜李王鄭

四公感而賦之

杜工部甫

李翰林白

瀑音上

卷之二目錄

一

王右丞維

鄭司戶虔

乙酉元日夢牡丹四本盛開尋有花丁教

余種蓮寤而成律

瀑林元夜二首

撫琴十二韻

瀑林春興

乙酉春暮興懷八首

禪巖雨中題壁同大廷尉

藏書五十韻

遣悶

秋林夜雨四首

中秋二首

苦雨篇

十七夜雨霽月明如晝

庭中紅菊二蓼甫交寒露應候而開

澤音二

卷之二目錄

二

移家而作

秋林書閣三絕

讀史表逸二首

讀虎谷集三十韻

弱冠入都復古琴一張斷若春冰色如秋

嶂余時未解音律而心知其為美材也

近頗究心七弦與庭蘭之侶較試諸桐

類多痺敝獨此蒼然清越蓋晚成之希

聲也

讀淵明桃花源記便不作今人想都門獲

一卷于紫標精雅黃雲卧筆也每閱一

過則洞中人物儼然未散蓋米仲詔家

藏屬玄宰標題而逸者

端溪石三種以深紫而潤為第一鵝眼三

等以黑白晶瑩為第一貢硯購自吳人

極硯之美眼至四十有九皆活眼也復

澤音上

卷之二目錄

三

有墨端眼十二款曰巫山十二峰為之

副

都市購古銅御爐圓不盈尺平底而深硃

砂翡翠隱隱週邊款鑒歲寒三友數日

獲龜紋象蓋既古且工扣之不與毫髮

無心脗合奇若延平之劍

琴爐卷硯為余四友廷尉謂四寶詩成信

口信口者了然於口與手與之間也予

、 瞻而下難言之余何敢余何敢再出一

律聊當解嘲

探籌分韻共賦詩籤得九青

大難而後遜跡深山不交州府之客人事

都絕久矣廷尉戒予不合時宜憂心悄

悄不知為誰一時懺之以誌余過

詩籤分韻賦瀑樓新月得一東

贈別

瀑音二

卷之二目錄

四

余不善飲太守酌以巨觥遂爾大醉賦此

走謝

贈拱垣執友戲為長句

丙戌立春

立春後除日雪

除夕

元日雪

元日天寧寺閣

新正二日雪霽陪太守西園飲

瀑閣偶成

新月

人日

白衣菴寫碑

元夕

元夕伯彭招飲

禮大士篝燈如月以瓶梅佐之

瀑音二

卷之二目錄

五

詩懷十二韻

瀑林春興二十首

春月四律

金谿曾毅齋為余津航萬卷致自大江之

南二十餘年書林知己亂後遠至顧余

瀑房喜而感賦攜步成詩

二月九日

清明二首

花雨點文選

春夢

上巳二首

里歎

雨

春溪花月夜

望前

初夏

瀑音上

卷之二目錄

六

初度

初度日大廷尉以詩見投戲答來韻

附原韻

鶯

燕

四月廿日太守過瀑以脫粟邀之

病餘小酌

夏日山居八首

五日二首

葦屋

雨

晴

木主移祀山房權也愴然而作

藥詠二十律

八伏池亭納涼二首

水閣倒影大廷尉同太守催詩月下聯賦

瀑音上

卷之二目錄

二

聖教序

十七帖

新蟬二首

螢火二首

秋初遣病

紀夢

七夕二首

新秋月下偶閱藏書得李衛公傳

秋雨二首

中元日雨餘望月

示內

彈歸去來辭

秋水

中秋月

秋月彈琴

九日

澤音上

卷之二目錄

八

冬至月望

嘉平之月華澤四首

樹園夜懋

臘雪觀漁

妬女殘碑

綿泉瀑布

咏史

九日迴文二首

執友張四拱垣築洞東臯爲熊經鳥申之

所戲爲口號題壁

瀑閣寫懷

走筆簡延孕玉四首

丙戌之後罕親硯北間有一詩漫興而已

戊子冬夜夢得好筆三十餘管管上朱

鐫草篆如詩如銘一一成款復有花玉

華架天巧玲瓏寤而紀異

澤音上

卷之二目錄

九

簡友戲句

嘉平朔夜延孕玉招飲齋頭出古玩清賞

漏下四十刻興會忘疲爰紀二律

寫懷二首

解嘲

伯彭壽日聞琵琶

題伯彭斗室

都人至



懷京

霰

雪

又咏

立春雪夜過孕玉伯彭齋頭即事二首

寄題孫徵君

初度日柏梁體

懷三藐菴

卷之二

目錄

瀑音下 卷之三

己丑春老母有壯顏定知多壽喜而忘憂

遂賦

三月十一日冶西山房次信三日再飲蘇

村之南澗至望日而返吾廬焉即事十

首用呈同志

春興雜咏

四月朔日晚際遇雨

卷之二

目錄

寄懷戲體

柳絮

俠客行

哭大廷尉輓詞五首

七夕晚際玉簪初放

七夕之次日夢龍文一幅字皆金繡體若

右軍行書題名儘多止記白居易三字

最真

艷興雜咏

丈安王孝子歌行

月下移石壁二首

辛卯元夜立春孕玉招飲即席二律

楚客手譚

東軒歸瀑

北窓湯咏

初秋樓月四首

瀑音下

卷之三目錄

二

白髮

七夕二首

秋林夜雨又四首

寤歌

中元望月半夜雷雨有感之作

中秋壽母

重陽雨霽彈琴遣興

九月望前壽母二首

寄懷東園公

壬辰小春望前壽懷翁先生十二韻

冬至大雪歌題伯彭齋頭

臘八日五首

瀑林雪意

除夕

元日讀易

劉岍舫楚產也僑于晉壯遊二載來晉寧

瀑音下

卷之三目錄

三

家復至自楚其跡甚奇以所攜南品過

余余每夜讀以三鼓爲率嘗通宵望斗

時賢苦之按分忘疲僅見此君

元夜新咏

閒情口號

五月十四夜雨中望月紀異

望日登山閱金剛經

秋琴步玄宰先生韻

秋雨再次前韻

偶成二首

琴窓秋月聞雁

代作贈晉方伯

展壠歸瀑三首

瀑林十咏

耳病手譚中秋集杜

鏡

瀑音下

卷之三目錄

四

燈

乙未歲前二律

乙未元旦溪行時將北上

人日

贈楊崑嶽年兄

仲春望日宿場

京邸即事

謁椒園

崇效寺西來閣

西來閣晚際迴文解悶

與靜觀上人平章古玩移石灌花有懷瀑

閣

報國寺傳古獲蛇腹斷琴一碧玉印色函

一石瓢宋款鐫少陵請看石上藤蘿月

已暎洲前蘆荻花之句

關詩咏月遂傳都下即事一律

瀑音下

卷之三目錄

五

初度月下彈琴

贈別西吳陳紫崧寄題費美顓韞生兼謝

選毫

題大悲菴五蘊

寄題西山玉簪寺

報國寺博古再題

出都留別楊崑嶽年兄

乙未六月自京旋里荷花始放志喜

七夕雨中觀蓮

蓮塘瑞草

八月十五夜

州太守中秋生子彌月一律

秋日一首

雪夜二首

山居即事

延方壺自靖江歸里過訪瀑房

瀑音下

卷之三目錄

六

董方伯屬定漢中志

疲發于指以詩自遣

煙

中秋月

劉岍舫齋頭會鄭祿軒談星

丁酉都門畱別楊崑嶽年兄靜觀上人二

首

丁酉初夏自京旋里遊藥嶺

贈李玄一楚憲

贈李太守

還瀑而作

雨中讀玄宰容臺全部稿自京師

太原還里自嘲

馬化

前題

睡起解三碑

瀑音下

卷之三目錄

七

丁酉夏日山居十咏

初度戲贊集韻于詩凡采一章章一句

玉簪

李媿莪七十戲句

七夕雷雨玉簪盛開插古銅瓶

新秋月下得夬字

伯彭補單縣

北海李尊尼以丙申十月卒河中常步齋

十二月卒丁酉六月李觀陽卒合詩弔之

秋懷八首

王司李過訪瀑房二首

都門崇效寺廬開士之徒道儒字文釋余有文殊釋子道通儒六祖為師亦姓盧之偈其徒靜觀贊曰精而悍廣而胖真羅漢為靜觀徒鼎寰幼善財事余今為

瀑音下

卷之三 目錄

八

左善世姚恭靖銜也招余樹園到臨漪亭水雲榭焉三十年四見衣鉢似一世何如也將遊西山寄句

精舍盆梳

瓶蓮

靜開士列古玩簪花木得茉莉索詩

金銀藤結雙壽字用鶴脩先生句足而成

律

大暑三友戲為拘體題西來閣

蘭芽

西山八咏

宿戒壇

次潭柘

凌晨自朝陽養渡河望淨德上隆恩

法海

香山

瀑音下

卷之三 目錄

九

來青軒

洪光

碧雲

發碧雲至萬壽隨喜卧鍾高一丈八尺潤

一丈二尺中外週邊鑄楞嚴法華金剛

華嚴諸品經咒毫髮無遺字畫端楷殊

砂翡翠蒼然鬱朕神物奇特初自洪武

萬曆初封長鳴侯尋卧地頃寺前院災

謂放高麗圓殿可復懸之

端午前與鼎開士遊西山還西來閣值開

士初度即事十二韻爲壽

西山迴文戲句

中秋二首

蓮開

紀異

晉史咏畧二十二韻

漢晉下

卷之三目錄

十

九日登臺咏懷舊跡四首

夢鶴脩先生

讀友夏過莊約畧成咏

祈晴篇

贈龍門河埭士

黃庭云百二十年猶可還拱垣自況本此

今年六十有五廣內境之言拓大衍之

數漫成排律聯祝

贈邢子愿公孫畫箋

除夕

元旦聽華嚴鐘

即事

上已

上已與伯彭公振遇諸塗感所見戲贈之

作

寄王太守二律

漢晉下

卷之三目錄

十一

續蓮字祥光二首

選公晨興功課提燈步月四處焚香景色

聲聞頓超常境一詩以附回向

大雪經聲

冬至夜夢手持白蓮一枝臺上開紅蓮一

枝時閱佛法金湯寤而成律

沙門心泰彙屠赤水雲棲株二集爲佛法

金湯合編上下古今幾箇余補逸兩段

照水龜花赤帝子空山雨竹漢文章護  
法也靜戒定西來了義于豐狐文豹見  
之志禪也時一陽初動八倡偶成與善  
知識結無漏之音一輩初祖謂寫經度  
僧有漏之因有漏無漏是二是一須叅

張音下

卷之三目錄

七

瀑音 卷之四

虎溪嘯餘

之任江西

虎谿軒臨發里門

黃梁夢

自封丘隄渡黃河

再過大梁

堯州

瀑音

卷之四目錄

一

蒙城

懷遠

鳳陽

池河

珠龍橋

醉翁亭

浦口宵征

喜到金陵

江月舟中

繁昌又三山

舊縣寺舟月

過銅陵宿大通

過安慶宿黃石磯

發黃石磯過東流

小孤山

發湖口石鐘山過大孤望廬山作

澤青

卷之四目錄

二

汎彭蠡望廬山自湖口抵吳城百八十里

一日而渡

發吳城過臨川將抵盱江

將抵建昌舟行湯記

舟興

臘月初九日抵盱江署

暮春自建上洪都雨中紀行之作

再過臨川雨中春望

是日清明用杜韻

青麻道上二首

江行十咏

江干禪寓

五日江行

遊麻姑四首

再上麻姑四首

從姑山二首

澤青

卷之四目錄

三

瀘溪四首

贈南豐署事

曉發玳玕

丁字橋

瀘溪回咏

四絕句

瀘溪口號

上五福



發硝石

夾竹桃

湯興二絕

禪意

楞華閣漫興

十二月初九日

臘雪

除夕戲句

添字

卷之四目錄

四

人日

十日凌晨

即事

平章花卉

易事軒讀易至升之三爻升虛邑與時奇

合姑山入望紅梅放春雪意瀑音此而

有作

楞華閣漫興

五月自洪都回建昌漫咏

再上洪都次撫州見停考報喜賦

贈李大司馬梅翁同嚴提臺遊麻姑

飛鰲屈爲從姑雪之

同李大司馬徐太史雪從姑

中洲寺

閤晨

麻源

瀑字

卷之四目錄

五

靈谷

大旱一月喜雨而作

後龍山懷里

立秋

中秋楞華閣五首

曉發橫坂再過萬年橋菴

姜仲聯世兄來顧盱江

九日後龍山

朝雲洞夜坐早發江行

友夏駿公皆出太虛李宗伯之門記史至

關逢泥灘天下賢之先生慟矣山水奇

緣盱江獲晤整停雪舫顧我蘧廬時年

八十有一矍鑠健于伏波風骨真如角

里不意海田之後所話天寶以前握手

而云見小子為晚放膽而對見先生不

孤年今雙忘唱和立定扇頭一律志壽

潘子

卷之四目錄

六

朋也

除日立春守歲

元日試筆

見賀正者

耳病瞻禮

新題即事

浮丘咏贈朱雲湖世兄

李太虛先生臨歲過訪

元日至四日不晴

人日

元夜書懷

即席贈雲湖

南城春望

盱江春雨十咏

聞丹霞志臨顏魯公仙壇帖

觀柘源圖

潘子

卷之四目錄

二

王冠伯山人画

再題

謝選

雨中戲句

仲春臨川雨中紀行之作

陰晴歌

臨盱

上巳日楞華閣

發鉅甬冷然而賦呈仲光徐太史

盱江樓望麻姑漫興十首

徵心

大雨

對雨書懷

合題

盱夢

晨步

瀑音

卷之四目錄

八

也知

四月四日雨中禮景雲寺次何將軍山林

杜韻十首

東橋問渡喜雨二首

硝石回舟喜晴二首

舟望

飛鼇

偶題二首

瑞竹吟

江曉二首

端午蓮開

端午竹茂

五日寄題仲光徐太史

寄贈徐仁長

五月十三日夢中得句若匪清夢能不垢

那復臨風竹有筠寤而惟寅即事紀異

瀑音

卷之四目錄

九

五月望早月食

六月朔晡日食

莞爾亭新浴二首

六月雨出郭口占

暑晨三首

睡起微雨

述懷四十韻

東偏斗室簷總洞開盛暑涼風漫興八首

鰲峰盱水之間獲達磨像眉宇光澤髮聚  
蒼然前其頂而面壁焉輪尻空洞薰而  
試沉香也隨得溝中古斷石啣水衝玲  
瓏嵌透檐阿欲飛回而龕之賦一筆吟  
七夕立秋

盱謠

蒼藤杖

毒公李司馬雪堂熊少宰仲光徐太史選

溪子

卷之四目錄

一

梓瀑音太虛李宗伯顧我蘧廬博菴黎  
學憲投以奇句蹄肱舊德盡在江西空  
往實歸刻竣始悟老杜云詩卷長雷天  
地間釣竿欲拂珊瑚樹南城笳喻耳魏  
喜而賦

千葉蓮供達磨蒼藤杖蒲團副焉口占二  
律

七月十四日晨興

梅翁李司馬寄和日葵張廷尉二律感涕

古處步韻報焉

溪子

卷之四目錄

二

碧濤笈逸存

目錄

瀑布山房記

虎谿軒碑

復魁星閣碑

楞華閣碑

祭大廷尉日葵張公文

先考妣志銘

碧濤笈逸存

目錄

一

瀑音卷之一

倚樓吟

晉東苗 蕃九符著

讀古詩十九首

古詩十九首句句愴予懷半借閨中怨其鳴何  
啻啻重歎生別離同心違所諧娛樂當及時吾  
生亦有涯虛名果何益塵劫似優俳天下繁華  
處來馬洛陽街游戲思閒止莫待燕飛釵那得  
五湖舫西子與之偕

瀑音

卷之一

一

韓聚之明府招飲譚河中風景之盛即席  
賦贈聚之蒲州相公從子

黃河南至襟雷首華嶽西來拱太行天關峙流  
雄晉冀人鍾麟鳳尚虞唐四朝鼎鼐調津邸八  
代文章煥斗芒見說山靈多勝事金甌遺鉢逗  
龍光

壽張侍御日葵尊兄且勸駕入都時侍御  
有鼓盆之變

經歲春明初度今年梓里長庚鳳引簫吹雲渺  
漆園盆鼓歌清達哉夢遊蝴蝶癡者妬食倉鵲  
了了空空色色已已戀戀卿卿媿我猶蒙四諦  
多君已伐三彭當與平格為侶寧昵不齒之儉  
入金門其待詔駟玉虬今上征率爾走筆為壽  
應不俟駕而行

北上感懷二十韻

我生巖俗氣出入宗風雅女俠有奇安可方卓

瀑音

卷之一

二

新寡憐才托我身較書供飢灑歡時案舉眉悲  
來淚盈把甘苦十餘春流光何野馬世情日以  
偷荏苒半天下昂歲欲何之都門結盟社海內  
盡比鄰筆走煙雲寫文成對大方法眼推董賈  
彼哉五色迷吾璞浪投捨搖落且言歸亦愛吾  
廬舍楚騷白雪歌誰是知音者不學龍斷兒干  
進躍其治所志在千秋出門同干野作賦到建  
章殿頭酌虎竿蝸角利名塲入手思真假明哲

詩所云寧能蹈癡啞時事焉可爲魏殺苟全瓦  
山林有副藏風波莫輕惹當日龐隱居老偕虎  
門也

心觀上人歌

師年二十杖孤筇東林虎渡廬山峰南海萬象  
羅心曾歸來事佛滋益恭金剛爲體羅漢丰四  
十餘年護雲封名鐫古玩列鼎鍾一拳半偈總  
機鋒宰官居士躡前蹤東坡佛印怪石供遠公

瀑子

卷之一

三

彭澤籃輿從大師神杰識余悰持此以贊志象  
龍

中秋飲三藐菴漏下二十刻解衣贈歌者

戲書之襲

佳哉秋色今宵月萬斛騷懷借爾狂天鏡瑤光  
流桂影海樓蜃氣逗星芒僧同石屋精禪偈歌  
入龜年古樂章夜靜不勝芳露冷解衣衣子舞

郎當

花神雜咏爲才人賦

柔骨豐肌泥露華嬌羞愁絕又還家今朝不遇  
真才子枉作名園第一花

年來蓬轉步京華物色全無賞鑒家捧研憐才  
真罕遇言歸羣玉賦名花

幾傷秋月惜春華身外功名度外家不是才疎  
明主棄歲寒盟冷悞梅花

較書的的勝才華不讓當年曹大家彤管裁成

瀑子

卷之一

四

君不至教人懸夢筆生花

秋日冠山狀元石夫子洞手譚

石冠冠山玉露秋蒼林如醉勝瀛洲鍾王逸筆  
難拘格董賈雄文未逐流雁陣幾行斜奕譚龍  
圍七腕沁詩喉誰龕尼父西天上選佛場中隱  
狀頭

瀑房寄友

飛來瀑布入山房林壑雲濤引興長紫氣青牛

君道德楚材晉用我賁皇十年古意文章事千  
里時艱兵燹場世濁寧無高隱地西山北海自  
流芳

刺史行

君不見淮陰古塞湧雲樓碧蘚碑蒼鏑郡侯唐  
宋金元僅六五於今邈焉亦寡儔殷開山趙閒  
閒表表千秋那得剛明興草昧經初盛一二伯  
仲當其間我生記得蕭山黃老成儒雅古循良  
漢音 卷之一 五

蒲鞭示辱稱慈父絲繭微廉撫晉陽日月飛縣  
圖凡今不古處牛犢化刀劍冠蓋矜財虜則恐  
失嬰兒柔亦媚豺虎樂只君子來西土道在不  
茹亦不吐無事繁弦總大綱有方砥劑寧小補  
桑田雨足壠雲深琴鶴風清庭日午兩逢初度  
頌期願三祝華封酒介眉庠桑畏壘聃之役一  
時人士又裁詩腐儒東臯灑然異聊將嚙語輒  
書之

太原道中

十霜不問并州道搖落今時涕昔時處世徒令  
懷郭泰高人那復見王維彼汾沮如多殊異我  
馬虺隤入夢思却憶虬頰殘着穩扶餘一角額  
相隨

北上

風簷雪案久何堪北上公車四駕驂始憶從前  
都是錯應知此後不須慙文含騷雅翻招忌品  
漢音 卷之一 六

沉陶蘇却讓貪但得金門能大隱慚趨捷徑走  
終南

過上谷次劉蘊東齋頭題壁

昔年奇夢秣陵濤今年渾醉中山酒北闕風雲  
咫尺天胃中磊塊君知否腰下并刀明月寒多  
時欲作龍吟吼歲鏑韜鋒不敢輕光芒恐射浮  
於斗紅樓十二燦明霞寧爲尋常醉敝帚琴彈  
一再賦凌雲千古知音雙不朽



自君之出矣 十二首

自君之出矣孤枕對殘缸有女懷春夜閒庭無  
吠龙

自君之出矣不飲被花猜紙帳羅浮夢堪憐標  
有梅

自君之出矣記取玉搔頭鬢雲不肩髻光鑑為  
君留

自君之出矣膚不似凝脂衣帶絲絲緩君來可  
添香  
卷之一

試之

自君之出矣滌研弄清漪子石知君重妾心堅  
似茲

自君之出矣無事理冰弦只記思歸引都從心  
曲彈

自君之出矣無語對空枰何日良人返時聞落  
子聲

自君之出矣文火篆浮煙博山沉水意芳心盡

入燕

自君之出矣綉色畫屏紆願得君初度聊看苑  
籞圖

自君之出矣不復理珍烹箇中恐少味知味待  
卿卿

自君之出矣七夕望牽牛今夕其何夕羞見鵲  
橋偷

自君之出矣調笑酒家胡聞說龍門史遊覽帶  
暴香  
卷之一

清娛

京邸賦呈周仍叔朱允升法友得文字

風流儒雅昔曾聞懷古良深畏俗氛二十年來  
歲晚器百千卷內探奇芬愛吟老杜夔州作喜  
讀顓蘇海外文隱不忘君寧肆志應於富貴等  
浮雲

鐫圖書與金沙法友譚評古學有懷于

侯熊老師

京華且莫問雲泥勝事招尋過大隄傳古圖蒐  
秦漢製無聲詩寫晉唐題金壇法友盟江北玉  
壘雄文彙漢西疆仕三年遲不感當場五色竟  
誰迷

有懷蕭山 黃老師贈秀水褚父母

浙水三江秀并榆兩宦清吾師黃叔度之子褚  
先生棠蔭當時樹河山別後名於今綿上叟猶  
頌古遺聲

漆字

卷之一

九

問官戲句

亦知官况險寧待北山移鮑子交難繼文君愛  
未施吾生蕉鹿夢人事爛柯棋游戲絃歌地聊  
爲三徑資

六月自京旋里

塵網何多日栖遲六月還凌風乘葉艇帶雨渡  
煙關險絕驚時變疎狂愧我閒遐哉彭澤意千  
載欲追攀

雨中渡滹沱

悲歌燕趙感時多春去秋來一再過雪浪冰天  
瞻碣石風濤雨裏渡滹沱頻年兵燹驚三輔滿  
目烏狐媿四科 聖主求賢猶若渴壯心未已  
竟如何

東里篇六十韻效杜工部體

楚晉賁皇後庚辰疆仕前何堪羈逆旅雅欲挾  
飛仙弱冠遊京國雄譚說聖篇陶蘇誠所願左

漆音

卷之一

一

史固其先筆陣鍾王蹟噓壇杜李編古求心可  
醉時義力能堅西蜀吾師老東吳社友聯從龍  
觀日表吐鳳瀉雲箋亦謂當霞舉寧知再鸞翔  
慧氛浮斗極炎毒出幽燕皓皓蘆溝月滔滔易  
水淵縱違閼塞馬猶坐孝廉船上谷高歌處中  
山俠士筵披肩抒鬲要倚劒對星躔悲壯詩三  
百淋漓酒十千盟交傾醉飽分手見饑瘠兵過  
多生棘官來橫索錢滹沱波欲竭恒衛壤如奠

遙指并州勝行看綿上田是天時雨及我里小  
東偏但道禾麻秀可期躬兒遷雀符應絕境農  
賈或盈廬恭敬惟桑梓耘收到壠阡牛刀聊莞  
爾堂構儘歸朕勁節依慈竹通心托淨蓮長齋  
帝引逸真果佛齊肩富貴原空夢兒孫在老天  
眼前清事好根底谷神全一局棋消畫三竿日  
尚眠鼎文燒有籀琴趣撫無絃藥裹紺珠訣圖  
書漢玉鐫滄洲畫澹遠端石硯磨穿嫩俗都刪

集字

卷之一

二

却蒼奇那徹縣掀顙小宇宙曝背渾殤錢郊舍  
倅雲岫林濤吼瀑泉漁溪蹲怪石草閣突癭椽  
碧柳遮橋渡清流遠逗漩萊妻偕室隱二仲比  
鄰連樵牧巔隈出牛羊日夕還烹茶消獵味擁  
褐代裝綿卜築山之腹謀歸水一纏幽棲却避  
地閒止詎招權遮莫槃邁癖生憎龍斷綠米騰  
因罷市家窶願豐年君子惟知足凶人弗悔悛  
東陵終向食陋巷蚤華顛淫善爭差爽鬼神何

大玄蒼茫理莫解慷慨意嘗拳膝彼雄文耿乃  
罹厄網延分明黃憲侶羅織范滂愆况復卑疎  
踰烏稱騏驎騫典型徒浩歎軌則未遑研敗絮  
中多蘭蓮餘外不鮮危時疑戮辱庸福且速遭  
禹德奚容間臯忠疇日宣漢江俊虎拜遼海竟  
狼煙世變緊如此吾道昌之焉功業頻看鏡行  
藏獨着鞭挺源靡晉魏洞口自山川不惑將知  
命時哉尚慎旃

集字

卷之一

二

夜雨手譚題延伯彭齋頭

同歲才名久絕羣析疑欣賞共奇文二爻可動  
田龍卦六息將搏瀚海雲大器晚成君似我今  
人古處我憐君詩碁夜雨譚心後賦就樓東遮  
莫聞

張公振樓落成題之以無悶

形勝有餘風土惡少陵亦似賦并州平原寧易  
佳公子潛確斯名無悶樓山郭千家分地險鳳

毛五彩近天喉慚余瞻顧誰儔匹乘興登臨一  
破愁

寶叅知德威招飲西園

風流名勝峪西偏花月催人逼着鞭垂柳盈門  
懷靖節胡桃遺種說張騫當年京兆開山地今  
日叅知別洞天獨有南屏石不老詩狂走筆落  
峰巔

王太守旨玄以驤副被誣再過平定贈慰

瀑音

卷之一

三

千旄幾載別民瞻朝野咸知刺史廉強項副風  
天可鑒蛾眉謠嫉衆應嫌伏波蕙荪曾招靈玉  
局舟航亦坐鹽今日姦賊方害稼更誰火烈慰  
蒼黔

立春即事

牢騷滿腹絕時宜知己相將洽所之孝秀真才  
皆好爵風流爾雅自成詩醉來屢舞仙還悵韻  
叶清歌肉過絲莫道上林音未晚一年兩度報

春知

人日宴集寶叅知齋頭以 欽齋文鼎為

壽觀伯虎玄宰二卷子喜而卜夜即席賦

贈

新看郭外九峰青載酒隨花到桂庭滇海高勳  
傳登齊燕山佳氣入椿靈祥風滿座逢人日湛  
露通宵見德星引興忽披唐董蹟粗豪又甚索  
銀瓶

瀑音

卷之一

四

元夜遇雪

勝地元宵樂事長酒狂聊爾發詩狂陽春白雪  
歌高調玉樹臨風捧巨觴四極鼇山奇補煉兩  
城燈月媚明妝如雲士女東門出蟋蟀相沿已  
太康

壽大京兆日葵尊兄寄呈京邸

鄙上文章推北斗天都京兆重民瞻千秋兩大  
應難荷孝子忠臣乃獨兼况復同生偕晉帖還

須爰立似商巖遙思平格霞觴動尚念責皇古

孝廉

壬午春日申都諫天俞年兄過里門具疏  
上請暫憇兩月賦別

申公世譜自巫臣遂與責皇俱北人格拔風清  
鳴采鳳藍田玉暖見祥麟楚材晉用應同氣柳  
色鶯聲又送春二十年來琴鑑尾孤桐恐異爨  
餘薪

瀑布

卷之一

五

瀑布山房漫興四首

高山流水帶煙霞瀑布東阜一逕斜聯日好風  
吹柳絮昨宵新雨洗梨花攜筇七尺披樵磴灌  
木千章隱釣槎漫興歸來何所憇濤聲吼關是  
吾家

門外陵岑接紫霞中懸鳴湍日飛斜風行水上  
成文穀地湧雲根起石花茆屋青燈籠古樹虹  
橋碧浪繫仙槎問津只對漁郎說爲愛桃源不

出家

平分清旭射朝霞樹入闌干碧影斜垂葉摘來  
堪寫句小窓夢處亦生花身棲萬壑飛雲棟木  
老千尋貫月槎極目煙波真石逸柴車應在鹿  
門家

隔水疎籬掛晚霞相親魚鳥任風斜舫齊倚石  
嘗留月草閣臨溪似浣花悟到世人都野馬機  
忘天海欲浮槎未來已過寧煩計高卧羲皇自  
瀑音

卷之一

六

一家

喜雨

雲漢憂方甚山樓大雨來霓虹應化玉旱魃莫  
爲災亭記坡仙喜詩催老杜裁桑林雖有責造  
物力洪哉

前題

五月將過猶未雨萬家多難那禁愁山川忽睹  
甘霖作風雅還賡大火流有客頻傳方外藥無

錢且住水中洲滂沱徹夜淋簷樹卧聽濤聲入  
畫樓

碧濤樓閱房書用東坡語足而成韻

碧影濤聲閣外池讀書消夏兩相宜凌晨鳥語  
成詩韻傍晚蛙音作鼓吹仁知水山千古壽文  
章得失寸心知牡丹好著胭脂點自恐冰容不  
入時

大廷尉日翁尊兄寄題瀑房用原韻和之

瀑音

卷之一

二

煙蘿裊月掛林科瀑水流花夾岬多半壁紫扉  
樵逕口幾竿修竹野人窩村中自與千峰老天  
外誰憑一雁過寄得新詩寧舊我那堪招隱抑  
如何

附大廷尉原韻

當年弱冠喜登科文雅風流見未多滴露簪  
燈披竹簡臨溪倚石築雲窩因知名士嘗無  
事能解閒行任獨過萬國烽煙今未靖小山

叢桂奈君何

自瀑房遊冠山

考槃適隱碩之寬一帶朝煙策蹇看東澗飛泉  
鳴瀑布西山矗峙象峩冠願言漁父才新沐莫  
誤儒身好自彈高飲明霞歸去晚碧濤樓下倚  
闌干

冠山古案一百五株皆各極蒼奇之狀欲  
一一題贊而未遑

瀑音

卷之一

二

冠山絕頂入雲煙百五蒼案莫記年風動濤聲  
如吼瀑雨來鱗爪欲參天大夫樹樹堪題贈羽  
客翩翩好伴眠漫說徂來新甫盛斯遊每似挾  
飛仙

胡桃樹

胡桃凌碧漢滿院落清陰絕域星槎種將軍墨  
帖臨剛丰披介冑柔澤具仁心果結圓成日風  
霜未敢侵

郊餞公振赴舉兼呈伯彭

弱冠并州日於今二十霜冬烘寧識主秋雨苦  
臨場險絕征雲路平康賀玉郎壯心千里志不  
必問京房

大廷尉以枚卜投閒

聞道飛霜六月陰官占邁種動廷箴河津儀羽  
相顧頽顛上淵源自古今舉矣雲達翔後集歸  
哉澤畔見行吟友朋怨及知君記一榻方邀且

漢子

卷之一

元

入林

碧濤樓曉夢鳳儀於治寤歌四首

曉夢何清迥池頭應鳳毛德輝千仞下聖瑞五  
雲高翾翾儀文羽淵淵動碧濤卷阿將獻吉緊  
爾慰蕭騷

鳳池歌盛美各載早朝詩冠冕開元氣文章大  
雅詞高岡爰可集丹穴豈遑之媿我寧蕭史來  
儀夢亦奇

浮生真大夢高卧即羲皇蠻觸無休日軸道有  
睡鄉吾哀思赤舄世變耐黃梁爾鳳胡歸止無  
寧見楚狂

阿閣今何邈簫韶古亦鮮半生懷鳳侶一覺入  
鈞天文采尋麟友清芬咏醴泉梧桐歌古什應  
待聖人前

入秋無雨夜歎

早深寧穩睡起視夜何其明月奚堪照涼風莫  
澤音

卷之一

辛

可支畏人過夏日望斗已秋時天漢呼星處無  
聊意絕奇

憂旱行

秋日淒淒百卉腓雲岑瀑閣掛斜暉淫虹截雨  
過三伏旱甚焉能有國肥天下兵戈兼未艾陰  
陽燮理竟誰歸機槍不掃橫河上貫索難清近  
紫微職茲召怨靡已極況復誅求勢益逼哀哀  
寡婦無伊利草草勞人寧再食疾病疔羸二豎

深但餘一氣存呼吸參苓緊懼弗堪瘳砒鴆相  
煎何太急我生之初萬曆前舜日堯天五十年  
含哺鼓腹盈阡壠愁有遷無滿市廛學士文章  
猶古制封疆方畧尚屯田委蛇退食朝無闕巢  
許林臯穩晝眠萬事終傷不自保樂極憂來人  
易老舉目蠹賊害種多遙聞南北憂心悄荒政  
十有二惟期百姓足且問今年租租稅從何督  
貧也一粒艱漫說千鍾粟樂饑沁水洋亦在水

集音

卷之一

三

之曲采薇賦山阿亦在山之谷哀我無辜終莫  
告仰瞻雲漢遍呼星休使東陵贈人肉靈雨桑  
田庶既零蒼天蒼天曷惠寧

絕糧

匪兇胡為曠野羣高歌風雅亦凌雲絕糧何病  
真吾道金石聲中有至文

東坡先生謂磨蝎在命宮與韓昌黎相同  
以生平多得謗譽故耳山居簡閱星書余

魏類此

畏人小築落山隅瀑吼清泉直到廚怪石沿溪  
雲作侶飛樓倚樹月同孤卧龍梁父懷諸葛磨  
蝎身宮類大蘇記取明年應不惑莫將吾鳥滯  
幽都

八月望前山居讀七十二弟子解有感先  
賢商子木瞿對梁叔魚鯨之語

秋色平分月影殊溪村煙景澹清癯朱簾捲雨  
集音

卷之一

五

知多少碧水含峰看有無世亂漫誇能射策家  
宜惟願早懸弧飛騰四十明年過敢卜商瞿五  
丈夫

十六夜月

中秋既望月華濃尺霧纖雲總不封鼓角悲雄  
韓信塞星河倒閃玉屏峰燈帷老我雙龍劍繡  
閣分誰一鑑容興到詩成書未了高林輕撞五  
更鐘



瀑房逼近僧舍凌晨梵音可發深省秋益清越

靜寄深山九月餘晨鐘清楚一僧居未遑象簡披雲簡且謝金魚聽木魚流水聲中煙閣曉層雲影外石牀虛波羅誦罷鐺齋熟多少空忙愧不如

曉覺經聲

夢覺禪初起焚香磬一聲天花晨露染貝葉曉瀑音

卷之一

三

雲清魚擊山皆響鐘空水亦鳴十年文字障從此悟無生

壬午立冬前祝大廷尉於仙人欲兼以紀遊

十月猗林玉露紛岡陵朋壽此平今暫移北斗遲黃閣且入東山掃白雲前後籃輿皆廟器追隨杖履盡人文清泉怪石應無負大雅斯遊迥不羣

瀑林雪意

煙雲滿谷鎖寒流帝錫瓊林遶畫樓策杖登峰臨絕頂攜壺尋水過千頭淵泉不凍蒸嵐霧老樹含冰化玉蚪此景只留元鎮寫蒼然澹足可忘憂

瀑房冬景迴文雕琢非余好也聊爲戲體

陵岑聳逸水鳴湍洞口迷津漁樂歡增繳斷雲飛野鶴霰霜遲曉靜幽蘭燈前樹月宜樓小陸瀑音

卷之一

二四

上軸邁在澗寬稜石瀉蒸彼玉暖冰壺挂凍瀑流寒

除夕

四十明朝過賡歌杜少陵感時花解語守歲佛前燈日月如飛駛滄溟息大鵬柴車從此避瀑隱玉壺冰

人日遇雪呈大廷尉

占候於人爲七日利賓觀國又三年那堪兵甲

滿天地況復腰纏無鶴錢瀑布潺湲聊宕逸緇衣茹蘆亦詳妍漫言應制春暉閣只合歸休釣雪船

附大廷尉和韻

陰晴歲序占人日雨雪霏霏卜有年一止月當來泰卦開春廷比試青錢鴛鴦穩卧寧空老桃李乘時正競妍好去龍門燒却尾滿途方覓孝廉船

瀑音

卷之一

三

太清宮西閣

新柳拖金候平橋瀉玉泉淪澌依水月澹宕拂雲煙聚景分奎閣臨塲歎聖篇中原須大志起舞問先鞭

寒食喜雨用杜李句

瀑布漁村客星臺帝里偏清明花外柳樓閣雨中煙選勝閒為主行遲便覺仙升沉應已定凭眺且欣然

慈雲寺聽講楞嚴

慈雲旛影動朝曦寺近宸奎福聖恩橋過虎溪分道岍錫飛鶴路斷名根楞嚴解脫三千劫羅漢皈依十八尊願奉金仙依丈室寧雷玉帶鎮山門

呂仙祠月下聞邃凌晨紀夢

經年為客惠河洲西望瑤池憶遠遊匣裏并刀藏古雪笛中燕月破新愁呂仙肇錫家山夢王

瀑音

卷之一

三

母重添屋海籌無限離騷從此釋風雲應澹碧濤樓

同李仁孚姚敬輿葉眉初端尼坡惠河晚涼

燕山飛雨濯滌虹愛向平橋納晚風石圖雲羅迷上下柳隄煙水折西東三星小月涵清沼一縷明霞帶遠空獨步掀顙誰索解江南好友正相同

瀑音 卷之二

瀑布歌

晉東苗 藩九符著

癸未京師留八月同人一半來吳越聞道新安  
與石壕新婚垂老無家別征夫前路指子歸我  
里來看瀑布飛天下之平繫廷尉欲向東山入  
翠微翠微碧影搖清沼簾葭蒼蒼煙閣小潏潏  
宛在水中央伊人氣與秋天渺我昔從茲還  
瀑音 卷之二 一

林爲卜南村有素心欣賞奇文疑義析曠懷聊  
嘯倚樓吟倚樓看鏡愁雲岑流水高山瀉玉琚  
此中何所有桃源成五柳石上碁一盤花間酒  
數斗匣劍已無仇漫作雙龍吼苟得非所欽時  
萬亦敢希用則帝王師不用窮谷叟君不見閩  
海高良黃石空山陰耆碩劉念臺司農今是倪  
鴻瑤鄒上先生與鶴齊東林三嘯虎溪洄四明  
狂客歸去來爲箇爲某且莫猜樗大天年以不

材秋濤風雨清商發殷其岩夢作輕雷

甲申三月

六謝公車半老農誰期曠劫此生逢王陵有恨  
悲雄劍徐庶無虧引卧龍忠孝隨人緣不忍春  
秋知我抑何從自遭大亂當三月僅得全家隱  
一峰祇欲營庭其必壽爭教柳下不由恭小人  
有母還康彊君子爲朋入禍凶北極星辰原衆  
共東山臯落竟孤踪挺花帶雨涕寒食燕子節  
瀑音 卷之二 二

泥補舊封避地暫求歲蟄窟迹禪始聽法華鐘  
孝廉漢詔元光日杜李唐音天寶冬已往浮雲  
看富貴只留古濕盪心胸他年世外走離叟舒  
嘯飛泉倚怪邱

七歌擬少陵同谷之作

瀑隱瀑隱媿詩史貴皇苗裔晉東里旅食京華  
二十春推撞息機變山水天翻地覆此何年一  
朝顛躓風塵裏嗚呼一歌兮系楚材行教華首

壯心灰

蒲團蒲團紫煙影皈依大士親禪聚毒龍狂象  
逃榛梗晨鐘欲覺須深省岑樓十笏倚孤藤廚  
鑄折脚山空冷嗚呼二歌兮歌始宕鎗披忍辱  
如玄裝

有母有母在北堂八十將登壽且康歟遭大亂  
驚衰老蒼茫寄食野煙莊前脫猛虎後豺狼莫  
余毒也竟慈祥嗚呼三歌兮當三月有懷不寐

卷之二

三

存明發

有琴有琴水之湄鼓瑟湘靈隱舜妃南薰解愠  
音何往落得柴桑歸去辭伯牙海上煙波渺流  
水高山即子期嗚呼四歌兮歌欲就泉飛瀑布  
鳴嵐岫

四郊多壘何偏側大樹瀟瀟砥柱泐極目陰霾  
晝不開東西缺莽無南北我生之後胡罹此嘅  
泣吞聲長太息嗚呼五歌兮歌欲颺為奴披髮

正祥狂

有美人兮駕蒼虬攀鼎舍悲那更求雲龍九子  
皆神種我欲從之到十洲載鬼一車尚未雨坐  
使歲月空悠悠嗚呼六歌兮歌在茲荒山足蘭  
竟何之

為問古來賢聖誰安飽周公以下多枯槁麒麟  
踏蹬鳳凰啼茹苾蒭特美商山皓蓬萊清淺海塵  
飛脫身委命尋幽討嗚呼七歌兮歌當哭淵邁

卷之二

四

永矢且勿告

遭亂全生古今同嘆有懷盛唐杜李王鄭四  
公感而賦之

杜工部甫

開元天寶照心燈只有吾師杜少陵賦奏三篇  
尊大禮詩成千首美通稱生還魏闕瞻龍袞流  
落江湖隱釣罾十二巫峰真送老南溟秋水息  
鯢鰲

李翰林白

謫僊一見賀知章名滿長安動上皇絕調終乖  
高力士全生蜜認郭汾陽金陵江月披宮錦玉  
壘風濤轉夜郎自古文章憎命達可哀寧只爲  
徉狂

王右丞維

高人誰似王摩詰萬戶傷心落泪笳凝碧池頭  
懷往日藍田丘壑見生涯鹿柴柳浪籠文杏經  
瀑音 卷之二 五

案繩牀叩法華爲問輞川詩画蹟前身應屬梵

王家

鄭司戶虔

滎陽品逸特奇哉道出羲皇屈宋才圭臬分星  
游薈叢江山入画寫詩裁九重睿藻題三絕萬  
丈文光著八哀莫道青蠅能點玉仙居島嶼是  
天台

乙酉元日夢牡丹四本盛開尋有花下教

余種蓮

瀑閣春迴動碧波三朝清夢醒婆婆巫山雲雨  
空凝露楚澤衣裳欲製荷富貴名多今已矣法  
華心轉竟云何污泥不染香應遠君子溪亭在  
石蘿

瀑林元夜二首

瀑林元夜月明鏡轉清光樹老橫虬影樓高拂  
劍霜山河同此照桑梓竟何鄉輒憶傳柑勝中  
瀑音 卷之二 六

宵淚滿行

爲問今何夕南隣復見招此生都再世閱歲又  
元宵白日迷煙穗青宵辨斗杓雪菴真有慟不  
是狎漁樵

撫琴十二韻

孤桐嶧陽產發此金石聲不知何代斲獲之自  
玉京歲珍二十載歛爾出求嬰頰碧如秋嶂堅  
斷似春冰膠漆惟存骨霹靂未能驚一彈奮逸

響再鼓揮雄鳴譜曲尋風雅調絃避俗儉太音  
畱澹古桑濮寧足賡匣裏芙蓉雪聽君和且平  
浙蘭馨澗谷援以放歌行伯牙子春邈緬焉起  
深情與君歸瀑布蘿月入鐘清

瀑林春興

瀑水桃花兩岼邊年年石磴瀉紅泉煙簑遠送  
無腔蘧雲衲初分半字禪絕境山川遺漢魏逸  
民身志中清稚蒲團筇杖歸三迳一曲瑤琴漸

瀑千

卷之二

七

自然

乙酉春暮興懷八首

今年春暮尚枝栖去歲春愁不忍題三月鵬花  
啼望帝九霄星斗落宸奎蘆溝煙雨前生過碣  
石滄桑再世迷欲向本來尋舍利浮圖七級梵  
天西

又當三月中旬正是蒼梧上陟辰何物房妖  
門策馬忽諸天市夜飛磷清笳雲湧來山海寶

曆星分改甲申南史傳聞應戴筆春秋誅隱定  
誰真

春明門外水中洲画閣虹梁自昔遊南海風臺  
紅翠窟西山臥佛碧雲頭建文老葬藏金粟恭  
靖雄碑隱玉虬三百年來如夢幻伽藍一琰此  
歸休

萬馬飛空天壽山長陵風雨五雲間東環滄海  
蛟螭窟西控行恒虎豹關每望春星迴斗柄還

瀑千

卷之二

八

從鳳沼近龍顏壯哉涿鹿雄圖地早逐蚩尤不  
敢彎

奎壁騰輝帝座東觀星臺下太清宮璇璣斑駁  
銅龍鎖楊柳飄飄碧檻風四海文章從此集千  
春花鳥總如空惠河半載登臨後回首丘墟輒  
抱恫

毘盧高閣大雄尊閭闔琉璃一望存河帶九門  
通御柳雲籠五鳳射朝暎風旛插漢瞻華表佛

頂來青照碧痕奇絕雙案仍報國虬枝垂影尚盤根

龍蟠虎踞帝王都易水金臺督亢園日月雙懸尊北極梯航萬里發東吳陪京奠鼎知天意孤注當關恃廟謨魏殺春閨寧軋茁堪憐滿眼竟烏狐

宮人紅袖波闌干雨打梨花入夜寒駿骨金臺燕市久雲帆遼海島天寬樓桑大樹車曾蓋石渠奇

卷之二

九

鼓奇文籀已殘集杜五言畱百絕懸忠遺跡問蒲團

禪巖雨中題壁同大廷尉

半生慚覓孝廉船續食京華二十年我未前聞賊比餉人今忽見海成田少陵野老心蘇耒五柳先生影黯然天下之平廷尉隱賁皇用晉楚材遷雞鳴向晦驚風雨昆劫歸灰問佛僊怪石雄濤環絕境飛雲湧霧鎖危巔桃源瀑布應畱

後雪嶺香山即在前金粟如來乘取上鐵冠道士識曾先支離身世終何底千尺名巖擬學禪

歲書五十韻

逸民疇第一孤竹饑首陽朝鮮未封日披髮自徻狂八十老漁父熊飛渭水傍赤舄當此際禮樂典文章是皆大聖人適丁周與商商初有莘氏烹割起空桑周季柳下惠介骨和其光春秋懼而作虞獲繼詩亡鄒魯傳心後是非遂以悻渠干

卷之三

一

屈騷吟楚澤蘭膽挫秦皇椎髻祖龍魄又見韓張良楚漢氣象偉雄哉逐鹿場拔山力蓋世大風雲飛揚信布何蒞醢毋乃弓莫歲孝文克以柔孝武為之剋同時兩司馬一腐一求凰河梁別蘇武青艸見王墻飛燕來新室銅馬接天潢客星移釣瀨竺典入中邦甘陵南北部黨錮悲范滂伯喈曠世才髡鉗徒朔方鼎足三分業昭烈統宜綱橫梁自足霸但莫比文王諸葛綠徐

庶五丈落星芒凋勒爭牛晉何獨罪老莊竹林  
實避禍彭澤迥孤芳六朝隣拓跋掛角扼隋楊  
貞觀龍鳳表寧仇魏與房才人則天后女主應  
圖昌賭裘尊國老浴日返朝堂漁陽搥鼓動長  
源補綻唐詩聖窮夔峽謫仙流夜郎郭李宗功  
罕藩鎮遂披猖五季相淪陷馮道遙翔翔自云  
長樂老此老竟無雙雄州原霧列今乎石敬瑭  
弱宋終緣此澶澗已大創三黨多君子朔洛買

集

卷之二

七

蘇黃半山中執拗因之禍靖康金牌十二下桑  
梓剪龍荒迭出秦韓賈秀夫沒海航綱常三百  
祀獨任文天祥乾坤元混一南詔盡封疆西湖  
指雲氣日月湧三江重暉十五國洪漚四百霜  
遜國多奇節龍髯腹過昂土木天猶順嘉隆曆  
未央忽諸今不祀娥淚洒熊湘英君殉社稷滅  
穀盡亡羊猶然翻要典汝乃是不獲

遺悶

一樓風雨自蕭然龐隱相將憶昔年楚瑟吳騷  
燕月夜香山法海碧雲天須髯欲老舍虬態煩  
惱應除竟雪顛心醉何勞千日酒半成羅漢半  
頑仙

秋林夜雨四首

秋雨山房夜瀟瀟滴到明胡挺隨意落禾黍見  
草生鳳竹千竿尾雲濤八月聲款款彭澤傳終  
晚未忘情

集

卷之二

三

靜瑟岑樓小洲村肅夜過螢飛明古冊瀑吼奏  
清波聽雨涼心火嗟詩却睡魔雞鳴晦不改堅  
臥入雲蘿

風雨知音絕絲桐自取孫秋分更漏永夜靜水  
聲高撫調哀三疊行年歎二毛獨申旦不寐寧  
忍畔離騷

青燈照萬卷夜雨會三餘火宅終烏有紅塵竟  
子虛卿自用卿法吾亦愛吾廬林密山深處心



空迥宴如

中秋二首

中秋瀑閣晚林蒼暗日迷禽透月光滿院胡梅  
橫翠幕一簾湘玉桂明妝長安萬戶砧聲斷天  
柱孤峰桂影長爲愛冰壺能濯魄不知羿羽射  
扶桑

瀑吼東山若海門金波湧出滿溪邨吾廬百尺  
濤聲瀉古月千秋皓魄存雁過白登啼碧落露

瀑音

卷之二

三

流青塚照黃昏幽懷寫向飛天鏡一曲清商指  
下論

苦雨篇

八月只淫霖悲秋起長歎石艾禾一廛先此曾  
憂旱早潦處其偏塲圃愁麋爛大盜走汾東我  
室無遺燬煙痕老布袍素位行患難濯髮思消  
盤長夜何時旦天問二百端未見此塗炭母壽  
八十齡寄食洮江畔只尺竟難遷屈指年之半

西疇行有獲行將聚其散莫使因橫身涕泗洲  
林岫

十七夜雨霽月明如畫

既望更初靜琴牀月影斜解衣心欲睡著屐興  
還奢雨霽披香霧煙籠透玉華小童機未返隨  
意煮清茶

昨夜層雲掩今宵一補之玉盤仍皓皓銀闕正  
遲遲遊寺蘇髯侶明樓老杜詩相看真不最况

瀑音

卷之二

十四

復是秋期

庭中紅菊二叢甫交寒露應候而開

紅菊知時節寒籬逐逐開丹心甘隱逸顏色自  
徘徊飲露鮮如醉經霜晚不頽淵明極善酒愛  
爾賦歸來

移家而作

險哉六百日今家水一方爲農依瀑戶丹壁抱  
其陽林木頗翳鬱山深副可歲時同樵叟坐脫

栗啖其糠復咬菜根味塊匪文繡腸獨有一可  
悅老母壽而康萱齡補椿歲如年復如同

秋林書閣三絕

秋林書閣瀑峰寒靜裏蒲團世界寬  
玄宰標題懸一幅仙風道骨此中看  
草閣秋聲漸冷然風來陣陣響琴絃  
非窗高卧無人到欹枕看書引晝眠

瀑子

卷之二

十五

端溪水硯上巫山十二峰

讀史表逸二首

中宵聽說喜如狂三十年來杜五郎  
只在籬邊雙板屋偶曾桑下一乘涼  
半簾擇日收錢足滿袖閒雲賣藥忙  
爲問讀書何所記淨名經句也都忘

杜生

雲卿高卧世相違露滴蒼髯隱翠微  
園灌東湖鋤帶月案畱西漢壁歲輝  
履霜萬里來秦檜貫

日孤峰見岳飛時宰茫然迷物色  
山樹水滋竟何歸

蘇翁

讀虎谷集三十韻

浩歌水之濱以漸避其次獨畱幾部書  
蠹蟻咬欲碎偶讀虎谷集雲阜聞鶴唳  
宏音久不作還是推先輩古詩核而奇  
著想落天際近體學杜陵不肯輕放字  
戛戛洗陳新跌宕取形勢文章追典冊  
知公秉風慧况復筆如椽毫揮斗大隸

瀑子

卷之二

十六

山中簡統鈞垂史端名世祭酒鐸闕西堂滿  
瑚璉器康呂兩大元遊公門及第先是出弘農  
抗疏無避忌都錢毘盧閣羣公賦清製龍門砥柱  
石石伯甘棠慈定此二大題惟公斯不媿三鳳  
起河東一鶚號於內丹穴相和鳴公與白巖對  
聞昔有異人善相山川氣阜落前後峰靈泚鍾  
爲滙兩誕名太宰奔走天下技我里喬莊簡部  
上趙忠毅公翮翔九苞鼎峙真文瑞嗚呼至於

今高才日凌替化茅而不芳誰更稱蘭蕙家富  
國愈貧心賤貌乃貴帝怒罰極之竟以君社戲  
紙上聆清風莫勝長太喟草閣一燈寒研硃點  
其最居近仰高山庶幾豁蒙蔽

弱冠入都獲古琴一張斷若春冰色如秋  
嶂余時未解音律而心知其為美材也近  
頗究心七絃與庭蘭之侶較試諸桐類多  
痺軟獨此蒼然清越蓋晚成之希聲也

沐子

卷之二

一

雷琴歲老若圭峰風雨虬枝雪夜鐘歸去來兮  
彈一段高山瀑布水鳴龍

讀淵明桃花源記便不作今人想都門獲  
一卷子裝標精雅黃雲臥筆也每閱一過  
一則洞中人物儼然未散益米仲詔家藏屬  
玄宰標題而逸者

錦玉標籤出帝都  
桃花源漁父避秦圖  
紅泉碧嶂拋舟入笑語迎人紙上呼

端溪石三種以深紫而潤為第一鵝眼三  
等以黑白晶瑩為第一貢硯購自吳人極  
硯之美眼至四十有九皆活眼也復有墨  
端眼十二款曰巫山十二峰為之副

端溪墨海紫迴瀾玉德金聲馬琢肝四十九星  
鵝眼活臨池親洗瀑光寒

都市購古銅御鑪圓不盈尺平底而深硃  
砂翡翠隱隱迴邊款鑒歲寒三友數日殺

沐子

卷之二

六

龜紋裊蓋既古且工扣之不與毫髮無心  
昭合奇若延平之劍

何年班駁老銅金  
案竹梅花鑒嵌痕  
怪得天然煙裊蓋  
歲寒三友共清溫

琴鑪卷硯為余四友  
廷尉謂四寶詩成信  
口信口者了然於口  
與手之間也子瞻而  
下難言之余何敢余  
何敢再出一律聊當

解嘲

碧蘚盆罇端石硯桃源手卷斷冰琴三更賞鑒  
還聞匣四寶平章不畏金莫怪眼前常信口尚  
須耳順到從心夜來細與朝雲說空谷難禁有  
足音

探籌分韻共賦詩籤得九青

一函流韻括葩經分得牙籤第九青却媿聯逢  
詩社長那能高出酒旗亭探籌骨色都成調伐  
木嚶鳴通可聽語不驚人休不肖囊收錦字滿  
墨子

卷之二

上

煙汀

大難而後遯跡深山不交州府之客人事  
都絕久矣廷尉戒余不合時宜憂心悄悄  
不知爲誰一時懺之以誌余過

蜀公前輩喜東坡鼓掌掀顛特稍過羣小忌才  
猶如色英雄代哭且當歌如黃婦口何妨走若  
砥龍門定不波寄語休容滄海容鳴皋野鶴恐  
無多

詩籤分韻賦瀑樓新月得一東

歲寒初放廣寒宮瀑照新鉤小閣東光舞潛蛟  
應脫釣影驚高鳥欲歲弓終年銀漢何曾改故  
土關山竟不同太史星占今夜聚分裁玉屑補  
詩筒

贈別

西極詩文迥漢唐鳴琴控鶴起華陽顧廚黨裂  
孤臣活貫索星虛善類長鳳峙鴟鴞行患難辭  
墨子

卷之二

三

遊豺虎定禎祥興歸大老知何日一線清風渭  
水傍

余不善飲太守酌以巨觥遂爾大醉賦此  
走謝

酒趣難於醒者傳那消一爵已醺然不知醉裏  
曾爲客始信壺中別有天騎馬乘船寧賀監揮  
毫草聖媿張顛南山樂只歸來夜佐史應書懶  
弁偏

贈拱垣執友戲爲長句

記我與君同筆硯總角卅兮突而弁我臨二十  
上公車君作子衿多異撰憶昔吾廬失太平賦  
來我里人皆驚逆聞營盤三十里將軍大礮東  
南城羣小逡遁不敢點書生焚炬星光閃電歎  
雷轟賊影飛至今猶詫張生險從此英雄跡愈  
奇大官名老盡爭知六壬太乙參同契遂於誰  
詠不相宜防身遠害全嬌母月焰西郊搏猛虎

瀑寺

卷之二

三

南山白額長橋蛟不得專美吳周處無何沉陸  
變神州竟戴南冠紮且幽義鵲老拳蛇毒酒復  
倚芳蘭隱玉樓江州司馬恨悠悠一曲琵琶在  
上頭我學顓蘇友琵琶也家瀑布水東流君不  
見姚平仲入青城館娃宮走西子美人名將絕  
可憐神龍見首而不見尾

丙戌立春

在野三年又遇春短衣孤劍老風塵李陵蘇武

詩無敵蔡琰王嫱曲有神芳艸知心還可信浮  
雲滿眼竟誰親山中樵叟於東指斗柄初回是  
建寅

立春後除日雪

白雪陽春不易降一年將盡洒春缸龍顙吐玉  
案陰閣鳳尾拋珠竹打牕簾笠孤舟原自一瀟  
陵小塞那能雙折梅寄得南枝信剪碎吳天水  
半江

瀑寺

卷之二

三

除夕

朔風吹雪斗東舍不惑年華又度三枕石山中  
無曆志焚燈案上只瞿曇淵歲日月除將改夜  
氣金銀久莫貪賈島祭詩聊可學新聲再咏瀑  
花潭

元日雪

玉洒龍鱗萬甲翻放勳蓂莢又三年乾坤此日  
猶懷素草木方春也欲滿滿口梅花和肺沁凝

神冰雪與肌妍西看姑射汾陽岫朗誦南華第一篇

元日天寧寺閣

元日興懷萬象新大雄高閣禮慈仁曾聞表抗  
君迎骨今見兵過佛捨身三百年來誰甲子攝  
提月孟自庚寅浮圖插漢千峰雪共醉屠蘇不  
老春

新正二日雪霽陪太守西園飲

瀑音

卷之二

三

五出冰花剪旦元新晴雅集到西園玉屏永結  
高峰塏瓊樹虬飛怪石軒琴鶴雙清瞻刺史莓  
苔初暖醉平原幕天席地呼盧後弓挂扶桑亦  
大言

雪壓茅茨玉作簷瓊瑤錯落倒飛尖新正定卜  
豐年瑞造物應歸太守廉一片冰心郊外賞三  
分春色酒中拈飄然欲惹茶煙溼柳絮因風挂  
紫髯

瀑閣偶成

頻年挽脰挂長鏡判歲移家到瀑巖繡佛燈光  
三世案檮仙雪意一孤帆瀟谿玉印從前號稷  
廟金銘此後緘威發已歸春又至梁魚游泳燕  
呢喃

新月

新正新月瀑林梢雪浪金波影半交鏡破青天  
仍欲照輪飛碧海未全拋七重暈氣纏如食千

瀑音

卷之二

五

頃陂光濁不消燭火無端寧莫息牽牛洗耳附  
由巢

人日

大隱東方易倩身曾占七日取靈辰梅花誤落  
虛傳額菜甲新炊好入唇自古有年應穀我於  
今受賜始為人匣琴流水晴川響州閣春暉老  
逸民

白衣菴寫碑時方雪霽與大廷尉赴觀陽

之約

簡與北踏陽春雪東臯遙望皆奇絕南山一帶  
玉圍屏供我西方寫墨碣云何墨碣寫西方普  
門身現白毫光建此白衣者誰子根盤仙李曰  
觀陽觀陽貪善十五祀今見逃禪大廷尉我迷  
觀影世尊前當年誤作禪林記招提禮拜祈懸  
弧四十商瞿五丈夫齡過不惑當知命懺悔多  
慈學大蘇嶺海餘生行患難飯依十八阿羅漢

瀑寺

卷之二

三

萬斛泉源老愈神尊尊寫照高文贊我臨款識  
綴虛龍弩目低眉義可參過去未來應見在幾  
番染翰幾和南顏平原吳道子韓昌黎杜子美  
天下能事都畢矣然猶未免爲才使况復吾儕  
今若此萬事隨緣聊爾耳一拳打破胡孫藤空  
中樓閣香風裏

元夕

洲邨良夜瀑峰西一葦燈航月滿溪鍊玉烹煙

憐石火融金飛液打花隈虹橋影外開元夢草  
閣光中太乙藜農爰雞豚僧素供碧壺春茗正  
堪攜

元夕伯彭招飲

月大星高望斗東火蜺燈爛照城空漏催銀箭  
聲聲冷酒入蘆笳面面紅煉石有灰消夜雪傳  
柑無語度春風狂歌痛飲雖然罷對客揮毫尚  
不窮

瀑寺

卷之二

三

禮大士篝燈如月以瓶梅佐之

冷艷橫梢月半缸精神捧雪影涵江欲從印度  
參蒸火故汲軍持淨笛腔一點慈光恒自照千  
林殺氣見應降蘭膏定慧崑南海玉骨清暉倚  
北窗

一枝妍瘦挂春缸驛使傳來自大江月吐清煙  
常似伴詩催白雪不同腔龍脂照夜應難滅鶴  
膝翹空未肯降淨聖拈花微笑處暗香浮影透

疎牕

詩懷十二韻

益陬春鳥鳴丁丁聽潄木好風興之來奇詩把  
一東展卷見栢梁如玉方在璞蘇李及文姬嗟  
咽何能讀老騷撫聲雄乃建黃初燾兩晉沿六  
朝桃源足空谷風氣到開元光華洩祕籙都哉  
十二家星文以列宿太白其如月少陵則若旭  
雙懸照今古萬象皆森屬登山復觀海泉源日  
漾斛花潭一艸亭乾坤只在瀑

瀑

卷之二

三

瀑林春興二十首

春來幽事頗相關門外清溪溪外山山上煙霞  
溪上柳都從瀑布聽潺湲  
一汀新綠鎖村流老樹蒼煙隱瀑樓日夕瀟雲  
剛欲捲羊牛引簾下山頭  
家家于報試新疇村北村南岍入洲我也牽蘿  
補石屋晚風吹幕月爲鉤

盈盈一水不容舸柳岍花隄動結棹三尺孤桐  
春欲吼攜來瀑畔試吟猱

凌晨清聽一聲鐘春梵幽花帶雨濃南海西天  
方寸起空山流水宕雲封

春畦亂水瀉桃花薈舍疎籬共一家帶月荷鋤  
人對語只言今歲長桑麻

續紛英落接煙嵐磐石當中碧且藍月大花酣  
來枕漱雷聲噴雨作龍潭

瀑

卷之二

三

垂楊飄醒峭寒初取次春風病欲蘇筇玉一枝  
聊可杖仰觀鴻雁下觀魚

樓東雙秀入雲槐掩暎春光引翠來分付兒童  
輕掃石階前仔細碧莎苔

鬱鬱青青岍岍裡綿蠻黃鳥兩三聲杏花旗下  
當壚問小第初堪酒一觥

煙痕短檝十三年墨點朱斑未忍湔坐臥花柳  
休怪我只因縫在永嘉前



太乙東皇我問之文章煙景自無私華清殘月  
漁陽夢笑冷瑯玕玉萬枝

泥池流北灌村舍藥竈茶煙小島居偶出尋僧  
開竹戶飛花點斷案前書

尋芳日日水之湄一笑先含紅杏枝錢掛高榆  
難作孔眼開新柳欲舒眉

暗水春花帶草堂惕龍隱隱見波光闌干北斗  
看星海昨夜分明照屋梁

瀑寺

卷之二

三九

桃源籬犬自信信風雨雞鳴社飯辰牢面平分  
歸去晚東山古月照陳人

王孫芳艸日萋萋河畔煙蓑雨一犁野老那知  
飛將恨不言桃李自成蹊

紋楸蒼峙瀑西偏紫玉千尋翠碧煙歷盡風霜  
含錦繡高華承露到春天

雙樹連枝便作門門開池月閃波痕碧搖萬片  
蛟鱗綳紅染千條柳肘根

十畝閒閒抱澗道花流石磴水含莎相然蝴蝶  
飛春夢獨寐寤言嘯也歌

春月四律

春月挂樓西天河帶影低玉鈎搖瀑嶂金鏡閃  
花溪太白明於斗清輝靜可梯崑崙星宿海對  
炤試新題

洲村花月夜高柳見棲鴉樂地千春錦憂天兩  
鬢華丁丁揮玉屑悄悄叩星槎砍却團中桂清

瀑寺

卷之二

三

光更一家

大壯平分候清癯半老身韶華都倏忽波月正  
妍新三萬六千日東西南北人瑤臺今獨步桂  
影自相親

蓬鬢三千丈冰輪十二週光分青玉案魄壯碧  
清樓梵唄聞常樂弦歌引莫愁天邊弓欲滿可  
挂倚滄洲

金谿曾穀生爲余津航萬卷致自大江之

南二十餘年書林知己亂後遠至顧余瀑  
房喜而感賦攜步成詩

半世知心翰海間春風還對一開顏  
蘭皋鎖霧藏玄豹瀑水流花惹白鵬  
杜甫文章交有道廬陵節義運相關  
見君即問江南話此日誰爲謝疊山

二月九日

仲春初九笑前身率土公車是此辰  
日月光天

瀑音

卷之二

三

十五國鵬鵬搏海六千人龍頭欲老終當壯  
王荆頻遭愈益真自失東南牛斗氣太阿鳴匣願  
沉淪

憶昔開元大盛時周官文物漢威儀風雲一洗  
陳隋氣龍袞雙知李杜詩羯鼓魂驚馬嵬驛花  
門霧暗曲江池空餘野老吞聲泪雁墀天高叫  
子規

清明二首

杜宇聲初桐始華前溪遙見酒帘又一枝紅杏  
驚春半千載芳魂弔楚些淄淄風雲寒劍履戎  
戎煙雨淡龍蛇綿田萬頃終何用妬女無勞認  
作家

萬疊青岡感廢興清明此日拜高曾麒麟尚刻  
先朝字駟馬何關後世稱柳絮飛煙迷故壘桃  
花流水宕新坪遙知南北江山上苦雨淒風十  
四陵

瀑音

卷之二

三

花雨點文選

九十春光二月餘涵煙微雨靜洲居桃花灼灼  
應憐爾山鳥申申似詈余快向滄浪尋樂只漫  
從風暴惹狂且一瓢瀑布詩三百不是窮愁不  
著書

春夢

一場春夢喚東坡歷劫文高定不磨濯錦常懷  
明月句飛雲還聽大風歌山中樓閣花中雨橋

上垂楊石上波羅釣。歸來舟不繫。非熊隱約老漁策。

上巳二首

蘭亭高會咏羲之。四十三賢共昔時。南渡東偏修禊事。北陵西望動笳悲。觴流水曲風多雅。龍躍天門字絕奇。豈是今人輕落管。漫云龍霸未能詩。

暮春之月被山房。瀑布飛濤動吉光。九十風華集首

卷之二

三

方未艾。三千愁鬢莫須長。桃源面面封秦路。柳色依依隱晉航。一酌東流除宿垢。笑歌纓足濯滄浪。

里歎

過里增新洞。憑高望舊墟。南天呼帝座。東郭指吾廬。地窮千家斷。雲根一線餘。靈光搖魯殿。縱目獨躊躇。

雨

盼得春深好。連陰竟似秋。半天沉桀瓦。幾日出堯牛。鷗鳥真堪狎。城闌懼莫投。桃花三百樹。帶雨亦相酬。

春溪花月夜

半弦初上瀑驚虹。綠戰紅酣碧照東。花影疑人香暗處。犬聲如豹月明中。百年萬變何須道。一刻千金信不同。記取風流秉燭語。深山春夜鼓絲桐。

瀑首

卷之二

三四

望前

雨後桃夭月望前。冰輪高挂綠楊煙。艱難且莫驚蓬鬢。空濶方將問海天。林外水聲幽發響。山中花霧靜藏妍。一年好景三春夜。閣影波心正未眠。

初夏

陶陶孟夏寫羣芳。遶屋扶疎艸木長。衆鳥差池聊有托。余情顚顚亦何傷。小山巖畔熊羆嘯。宿

莽洲中薜荔牆沉覽流觀終宇宙自憐千載魄  
紫桑

初度

皇覽余初度朱明尚病辰碧桃華湛露黃鳥語  
芳春灌木千間履幽蘭一線純水流心不腐山  
靜力當仁綺皓寧違漢漁郎合避秦方劉經大  
難歷劫益奇貧藥鍊青精火烹烹紫氣津芙蓉  
裁作被蔥蒨佩於紳桂權浮沉處荷房隱約身  
溪子 卷之二 三

蒲團焉可放筇竹也相親石壁分三面金波湧  
半輪山川堪比玉康廬莫貪銀不惑更前過知  
非向後新狂歌十九首舒嘯八千椿圖出飛龍  
馬時來見鳳麟光華當養晦日月老頑民

初度日大廷尉以詩見投戲答來韻

高柳黃鸝報曉籌澗谿沼止薦中自欲堅范蠡  
歸湖志故學朝雲佞佛修剝啄凌晨何大蚤推  
敲亭午益相投畫眉老手私窺處天下之平向

此求

附原韻

敲門蚤起看添籌香霧庭中見二自端肅深  
深方禮拜誦持隱隱正焚修階前萱草應逾  
茂掌上珠光會見投此外媿無饒舌處類同  
聲氣爲君求

鶯

萬綠森陰一點黃嚶鳴求友韻清揚眉橫翠黛  
露子 卷之二 五

畱宮樣羽襯金衣學道裝浪說倉庚能止妒經  
傳山海亦攸荒綿蠻睨睨真風雅尚接簫韶引

鳳凰

燕

半軒清晝瀑之嶠燕燕于飛傷耳呼乍韻乍顏  
還乍舞宜風宜雨復宜塗點波較比蜻蜓捷巢  
屋焉知玉謝殊乙鳥開天從古記高祺曾誕大  
司徒

四月廿日太守過瀑以脫粟邀之

簪妾寒桑在曉隄干旄雅隊過村溪山廚脫粟  
難兼味水閣裁詩得好題玉藻千條池斷續金  
衣百轉樹高低艸堂昔枉嚴公駕瀑裏呼然姚  
溪西

病餘小酌

小酌微醺望水山聊當大藥駐朱顏千莖直髮  
憑伊斷十畝柔桑却自閒磊落澗中同石怪支  
集子 卷之二 三

離岩畔與雲頑眼無俗物堪消病只有詩魔未  
可刪

夏日山居八首

碧動柴門影紅披柳肘根淪漣盤燕舞萍藻戲  
魚噴一水環三面前溪遠後村生涯應分定只  
此是乾坤

肺氣夏天舉心旌樂水舒尊生燒藥餌護命狎  
樵漁半月渾如醉聯宵不讀書斯文真我病未

大謂之樗

蒼翠連雲幕青空映碧窗弈音消盡漏熊釣老  
漁艘讀子尊莊叟吟詩醉錦江三年觀瀑布飽  
聽水淙淙

倚樓看古梵微雨洗高楸麥浪家家園泉聲處  
處流小山青兕叫長瀨白鷗浮竹遶闌干遍匡  
牀自卧遊

老杜吟萬莖詩奇詎浪誇調羹嘗細葉執醬點  
集子 卷之二 三

新茅野蕘胡為長嘉蔬遂見遮傷時君子痛比  
賦復興嗟

臨門渾怪柳俯仰動蕭森鳥鵲盤巢頂雲霞落  
水心十年頻大盜五里未相侵歷劫身何補空  
餘古斷琴

有懶堪與孝瞻烏孰止忠亭亭萱艸北漠漠日  
華東書史多當富山抹自固窮雞鳴晦不已一  
任雨兼風

雌雄槐勢湧，奇聳入高雲。連理渾青玉，雙枝瀉  
碧雲。長生須服子，不伐隱將軍。水閣參差處，鶯  
聲画裏聞。

五日二首

天中時節石中蒲，藁上插花頂上朱。世亂真憐  
續命縷，山深猶帶避兵符。雞鳴狗盜高門未澤  
畔，江阜競渡無觀妓。那能如萬楚，新歌醉舞倩  
人扶。

瀑寺

卷之二

三

端午興懷在玉京，筵賓嘉會泰階平。香羅細葛  
文華國，踏柳穿楊武射營。續食曾分九子粽，宮  
衣每羨拾遺名。八年頗飲長安味，已是終身荷  
聖情。

葦屋

柔兆閏茂歲千支，在丙戌筵賓五月初。瀑隱瑾  
庭室，尚媿屋漏痕。汎掃還補葦，茆茨八九間。倚  
樓之南北，兩間闌琴洞。兩間歲副笈，兩間燒藥

竈兩間議酒食。艸閣當其中，方牀自止息。有時  
步前亭，閒玩南宮筆。書在水一方，可望不可即。  
野鶴弗乘軒，翔焉而後集。潛蛟應脫釣，淵兮未  
許測。寧曰逃其名，頗欲享其實。痛定想甲申，豈  
謂有今日。時還讀我書，古人有遺則。尼父韋編  
絕，勤父警亢惕。伯玉善卷歲，知非寡過慝。山水  
况清音，風潭時歷歷。千章夏木陰，俯仰真奇特。  
乾坤何等時，蒼蒼已厚錫。胡為結束久，神明日  
荆棘。幽人貞坦坦，是乃其旋吉。自得貧而樂，貪  
嗔癡莫賊。何法使之然，靜密多內力。眼月當別  
觀，胸鏡須曠識。誣詠無是非，忘懷任信詘。譬如  
看弈棋，局終見得失。

雨

五月來年旱，滂沱向晚來。金騰蛇掣電，鼓震鬼  
鞭雷。大雨三更後，平疇萬寶催。瀑農操狹喜，明  
日報臺貽。

晴

聽說新晴好欣欣雨既零朝煙歲沼樹宿霧起  
沙汀倚閣看藍圓開亭引翠屏綠陰剗缺處補  
出一峰青

木主移祀山房權也愴然而作

白鷺西雖日戾止在周庭今我何遷次山隰弔  
榛苓髮膚懷所始愁鬢歛華星天子至庶人繁  
疇茂孝經唐五八兮古昔也勒之屏屏上百源

敬

卷之二

三

堂玄宰書大名貴皇我東里於傳信有徵春秋  
苗裔遠遶鼎祀家極昆劫更人代抱器走煙汀  
於何取悽愴霜降露先零蓼莪我不忍讀疊之恥  
聲餅采采有白華因地薦菜盛出山泉水渾入  
山泉水清惟士田乃祭在醜半則兵由來供子  
職竭力事躬耕況我影隻立在原鮮鵲鵲於此  
祝祖考於此祝高曾尚念爾孫子尚念爾雲仍  
一龕歲木主興廢感朝榮大哉王風雅禾黍撫

高標

丙戌仲夏采薪之憂偶爾數日看題減囊  
既經肚篋無妄有喜約畧見聞作藥咏二  
十律昔人謂病知居士安心處貧是詩人  
換骨時戲體遣懷聊當自治云爾

半夏清癯對瀑峰天門搖落總如冬苔痕樓繡  
花圖蕊水竇泉懸石乳鍾窠下山精藏琥珀波  
間澤瀉吐芙蓉病餘引掌還疑虎痛絕攀巔那

敬

卷之二

三

獨活楓林近翠微蜻蛉點水日飛飛爐烹紫石  
煙方瘦畦長黃精液正肥晚閣燈心明遠志曉  
披毘布表垣衣東臯嬰真聊堪茹寧待西山采  
白薇

火鼠炎炎起祝融渴來飲水羨冰蟲雙輪佛耳  
傳天竺一片琴心落海桐無奈常山曾豆蔻可  
能石父且防風驚聞大戟方狼毒好結仙茆倚

桂葉

鬼蔡左右宕葉陵柳絮浮萍伴釣槎俯仰山川  
憐地骨婆娑雨露望天花傷心厚朴難存舊舉  
目紅藍遂競華防已但珍秋石髓伏龍擬駕紫  
荷車

詩史深知杜仲長酒經神趣魏蘇方酣然欲醉  
思龍腦薦爾還驚隱麝香到處王孫無宿葉隨  
時太乙有餘糧由來世亂使君子俯首渾如百  
葉子  
朱之二  
艸霜

紫桑甘菊小籬東遙指商山弈橘紅他日閒情  
遺芍藥近來野興種花松千年古鏡飛金屑百  
尺幽藤遶木通何首烏方全不用看余半是白  
頭翁

蕙以文犀起畏途何如九節石菖蒲難求長髮  
憐瞿麥易說輕身笑漏蘆包圍青芽思管仲樓  
船橫海問真珠紛：雲擾車前子若箇能追劉

寄奴

鬼箭犀心歎未曾釀成世界盡鈎藤無邊木賊  
何年掃有種靈仙詎易登瘦牖吹破故紙蒲  
團榻冷密陀僧北堂螢艸憂堪解山院東流一  
水澄

補骨勝殘戶可封京觀那復由荏苒食雲吸露  
調蟬退載玉啣芝養麻茸為愛人參雖自貴却  
妨鬼白亦多齒冠警餘毒寧全竭泪洒君臣看  
葉子  
朱之二  
蜜蜂

瑪瑙冰漿一盞春微和血竭隱麒麟香能辟惡  
知安息力可通學見細辛天寶荔枝寧益智公  
門桃李莫存仁牽牛欲飲歸何處岫色空青瀑  
布濱

延年側柏葉青青塵囿堯階落英蕙肥遜無名  
依諸石善刀有膽晒南星一溪清水生雲母千  
片寒霞鎖茯苓村小未驚羊躑躅山幽厭絕馬



兜鈴

千秋百部草雄才肯屑三稜雜種材畏虎空投  
番木鼃避蛇常帶辟虺雷自來辣性違官桂已  
是酸心作老梅淡竹蕭蕭呼韻友石林寒水一  
船苔

碧含青黛曉嵐光金色黃連柿葉霜驚管書空  
熊骨老兔絲滋蔓女蘿長欲清蒼耳溪邊洗只  
剩丹砂腋後方吟遍澤蘭緣底事歎獻王子不  
堪言

卷之二

三

留行

鶴毳雲臯萬仞搏降真香處一聲寒劍南八陣  
還已戟冀北層城尚射干氣挫普天迷地膽魂  
搖驅鬼斷雷九風靈動是蛇床子到此焉能百  
合歡

青蘋葉葉竟何之只有丹皮孰秉葵半世飄流  
渾海蕩三年憔悴賦江離脂鮫牛膝莫堅骨髮  
斷鯉腸休染髭萬籟清風案節下與君長往別

靈芝

黃耆赤水老煙蘿白果紅花落澗波按劍莫食  
罌子粟看星合佩鼻陀羅拾來橡栗分猿狙製  
出衣裳剪芰荷羌活生還悲典屬淫羊曾伴使  
臣歌

白芷幽芳泣鼎湖誰教塗血變青蚨味知蒟醬  
還思蜀醉把茱萸莫過吳羽客彫弓蒐脰鮪  
人鐵網釣珊瑚含生欲問金公訣夜向玻璃未  
可無

卷之二

四

女苑清標帶紫霞晚涼心火試兒茶電風相馬  
終朝海蠻觸爭牛但是蝸蚌老珍斑穿蛤蜊果  
圓金朶落枇杷決明還倚山慈穩飽飲星精啖  
五加

蛇含鴨跖尚餘妖烏啄飛廉竟未梟塞外移根  
春苜蓿胸中假墨海螭蛸涓涓露滴蓮房淨冉  
冉雲來菰米漂忽憶蕪菰京國酒天壇沒藥慰

無聊

石斛金釵玳瑁簪柔桑采采碧於藍世間怪事  
硝蒙玉物類同房馬奪盤詩興船如華岳藕賦  
成酒是洞庭柑更窮盧會波斯產水落沉香大  
海南

入伏池亭納涼二首

大火流金日涼風過野園水環三面樹雲護百  
年堂故國渾如夢居鄉媿未原只畱書數卷引

瀑千

卷之一

三

睡到羲軒

消夏無如此山廚渠瀑流吁重勤掃石避客懶  
梳頭檻外聞三嗅胸中見十洲不須勾漏令隨  
寓即丹丘

水閣倒景大廷尉同太守催詩月下聊賦

浮空水閣聚羣巒畫棟雕甍上下看樹擁波心  
翻石岬雲飛落底落風湍山川忽變天歲鏡日  
月如驚海遞九迭照西銜陰靜直欲探星斗劍

光寒

瀑布東流接美陂仙居蜃氣舞淪淪懷民步影  
遲蘇子山簡催題到習池天下文章風渙水空  
中樓閣月明時能開是主應須記獨倚行藏媿  
小詩

聖教序

經自唐初譯書從晉後臨是言皆積玉靡字不  
兼金大教無如聖真空只此心至今麻紙榻舊  
瀑音

卷之二

四

斷重碑林

十七帖

不獨蘭亭蹟千秋莫亂真筋藏鍾太傅骨換衛  
夫人草聖期無俗將軍愈入神流傳十七帖風  
雅尚如新

新蟬二首

怪柳藏橋雨帶煙初驚宋玉一聲蟬九拋黃壤  
塵多劫殺換青霞骨欲仙時刻炎涼勞爾報短

長歌咏向余憐士龍五德真堪賦愛聽清商派  
古弦

高榆百尺逗秋煙見說螳螂會捕蟬湛湛露零  
渾吸玉飄飄羽化似登仙韻資天縱高難及清  
畏人知絕可憐爲問先機誰蚤覺焦桐神物自  
鳴弦

螢火二首

熠燿宵行照閣帷冷然腐朽化神奇風吹不夜

集

卷之二

聖

金莖露雨洗常明玉液池一點珠璣光欲燦千  
年蚪蚪洞無疑古人秉燭聊相代初漏迢迢睡  
正遲

晦明風雨抱書帷竹攬飛飛夜照奇霞斂文星  
生暗室月流丹鳥動臨池車囊映讀貧仍樂隋  
斛徵求盜愈疑歷盡重陰還合浦時丁蓮養未  
嫌遲

秋初遣病

碧清樓外正秋初善自寬心病可除倉頡爲書  
天始粟橫流微禹我其魚名山有副能藏史在  
水之湄得結廬落筆詩成搖五岳百城南面竟  
何如

紀夢

夢裏入深山陰絕勢如梭峰回麓之西波濤陡  
雄澗沿溪轉而南欽睹招提院欣然淨土方耳  
目遂一變入庭即瞻禮大哉世尊殿殿上閣三

集

卷之二

寺

層殿內厯所見悉挽皆倒垂中央宛如奔金壁  
懸諸天氣象具千萬東曰三大士說法身迫現  
西齋謁伽藍光澤潏於面真禪無愠顏大勇有  
餘善比丘多貌古機鋒反余羨語之頗伽音須  
史出其卷貝葉襯金縵翡翠光可鑑衆生壽者  
相執事都成眷與僧步迴廊八九何來暖秋水  
出蓮花和南若有薦阿難摩登伽聊以試其幻  
依稀到山門寤寐聞清梵恐怖顛倒中病魔從

此懺

七夕二首

河鼓輕清湛露華，盈盈脈脈恨無涯。  
七襄雲漢支機石，萬里崑崙貫月槎。  
曬腹有文憐蕙葉，穿針爲網悞靈花。  
長生殿上當時語，會向瑤臺更一家。

聞道填河鵲駕橋，一年一會一無聊。  
悲歡有限

分天漢信誓難窮，入海潮鵲鵲停雲浮。  
太白滌

朱消

朱消

朱消

濛濛陰雨暗招搖，休言人世支離苦。  
牛女從來怨

朱消

新秋月下偶閱藏書得李衛公傳

流火初宵月挂簾，扶疎孤影見新蟾。  
地分瀑隱真山水，人是元光古孝廉。  
此際青天開碧海，偶看紅拂遇虬顏。  
殘碁一局橫汾冷，龍在初爻蟄正潛。

秋雨二首

秋瀑如虹倒飲池，蓁葭楊柳動淒淒。  
其雙村霖雨

歲幽築半夜，燒燈讀古詩。  
有迹飄飄何所事，無

端悵悵不能辭，澄清滄濁方難定。  
千頃汪洋叔

度陂

村居渾不識衣冠，靜裏延年自可寬。  
却會聯宵

秋雨注竭能高卧，白雲冷萬山深處。  
荆扉掩一

水中央，竹閣寒檻外，晚來雙入画煙。  
簑牛背老

漁竿

朱消

朱消

朱消

中元日雨餘望月

離離禾黍雨兼風，瀑布飛濤吼蟬螭。  
繡澗生苔三尺劍，爨餘焦尾一孤桐。  
莫謂佛障儒仍障，能解榮空辱亦空。  
霧溼蘭盆霞送月，會應欵放廣寒宮。

新秋月望雨初收，潑潑金波照滿樓。  
鵲繞南枝

雲挂鏡，澆流北澗水鳴球。  
雙頑穉子追螢火，半

老佳人望斗牛，卧看天街無限恨。  
小星三五在

河洲

示內

日月流星四十年風波忽蕩孝廉船白衣蒼狗  
聊從俗瘦雨翻雲欲問天百歲春光慈母竹一  
枝秋水法華蓮含瑕忍垢乾坤辱患難依棲亦  
可憐

彈歸去來辭

聞昔陶元亮嘗蓄無弦琴但得琴中意此語曠  
且深母乃偶之頗類流酒中凡事無固必隨  
處任天真後人蟲測海遂謂不解音及彈歸去  
來始見古賢心正聲妙俗韻逸響寫高襟入泛  
渺無際嶽嶽幽可尋小雅怨不怨國風樂不淫  
歷考絲桐譜紫桑庶足倫何以擬其似清商妙  
入神九皋雲鶴唳千丈水龍吟

秋水

石林當八月秋水瀉平橋倒影翻看字棹空江

起鵬但畱莊更釣莫挂許由瓢此際知音罕  
桐慰寂寥

中秋月

月明三五夜極盛是中秋正出東山頂平分瀑  
布樓幽窗懸玉鏡怪樹影蒼虬何以呼靈兔流  
霞一二貞

獨步中庭望溪民送野歌塵勞何小小真率反  
多多可惜山川勝都將少壯過高樓明月照得  
句魂東阿

秋月彈琴

誰斲龍門百尺桐聲飄瀑布州樓東九宵環珮  
三秋月萬里風煙六代宮太古以來雲化碧普  
天之下葉飛紅無邊蕭瑟憑何遣盡在箕山一  
曲中

九日

花之隱逸菊奇哉達節知時冒雨開萬卉凋傷

驚穉事一枝妍冷備幽坐東籬晚翠西山外南  
雁初寒北海迴吹帽霑衣成底事興來初舉少  
陵杯

南陽谷水自甘鮮大菊流芳飲欲僊三四才家  
渾幾世上中下毒厯何年青城枸杞聊如此瀑  
布潺湲也復然記取花開酒美候翠微深處起  
茶煙

冬至月望

幾年冬至朔風剛冬至今宵月正望淚拭明光  
臨亞歲灰飛天意動初陽詩書苦被才名誤土  
物寧爲眷屬忙昨夜普門新錫夢別開胸鏡照  
玄黃

歲柔兆閏茂嘉平之月雪中驢子上興會東  
遊宿拊園僧舍承天軍抱關宵征邀余凌晨  
而入攜壺坐柳林石橋碧澗青蒲煖氣如蒸  
水中見三大魚藍鱗金尾紫鱗銀尾金鱗赤

尾皆二三尺許蓋前所未有贊爾張網遂獲  
一焉所謂金鱗赤尾也即岍烹鮮羞以昌歎  
飯以雕胡衆頗醺然余亦浩浩落落時臘八  
日也何減江南漁樂邪昔少陵觀打魚歌干  
戈兵革闢未已鳳凰麒麟安在哉吾徒胡爲  
縱此樂暴殄天物聖所哀而柳柳州咏漁翁  
夜倚西岩宿曉汲清湘然楚竹煙消日出不  
見人款乃一聲山水綠流風遺韻易地皆然  
耳明日又尋姑女碑蠲齋沒于土捫薜蘿斑  
辯其句讀高文法字筆出唐人非近代所及  
綿泉百道觀於主瀆清而駛若梭并帶無異  
春夏秋水磨飛輪比隣遠屋椒柿蕭蕭逐征  
吼豹森然逼人響若風行雷雨不啻噌吰鏗  
鞳已也太白匡廬吟子瞻石鐘記設也丁此  
不知如何寫照况當歲發栗烈乃連獲此奇

勝豈非稀濶之遇也哉太史公覽天下名山  
大川歸作史記宗少文卧遊撫琴動操欲令  
衆山皆響乃封境之內如是佳山水非當前  
錯過即多年不來對景興懷可勝浩歎爰即  
興會所至而系以詩紀特遊也且盟後鈞雄  
清怪石寔聞此言

椒園夜懋

策蹇雲林帶夕陽樹園遙望老君堂鹿心虬卵  
落子 卷之二 五

村千樹鶴浴鷺浮水一鄉佛子山空晨禮磬將  
軍闕隱夜飛觴此行風有煙霞契夢覺初分月  
半牀

臘雪觀漁

葦澤奇遊臘雪初虹梁一帶煖煙噓攜壺有興  
欣高鳥舉網無心獲大魚赤尾金鱗真罕特香  
蒲白粲况兼餘烹鮮就所當冬日江漢尊鱸恐  
不如

妬女殘碑

之推古廟萬峰巔妬女幽踪作頌傳大曆高文  
天寶後殘碑永壽地靈偏龍蛇起陸山曾烈虎  
豹當關水自綿風雨千年神介妹屈原有姊此  
開先

綿泉瀑布

笑兀清泉湧寨南飛濤鼓浪遠煙嵐家家香磨  
波臨窻樹樹霜枝柿敵柑石洞號風疑虎嘯水  
落音 卷之三 六

簾噴雨作龍潭山靈瀑隱茲今約來往無期欲  
結菴

咏史

判歲罕裁詩為讀廿一史研硃點定之一萬三  
千紙編年繼獲麟威烈王斯起溫公大眼力道  
源特外紀同纂十九年爰至五代止浩瀚苦難  
披欠伸莫竟尾當時能終篇獨王益柔爾偉哉  
胡天台音注有奇理博處解千言約句斷肯綮

辨誤三十卷精嚴伐其髓從軍江上時拏免在  
丙子梅礪蠓居人十年何疊疊宋元疇著焉毘  
陵取得體西北兩大事藝祖已失軌我不可不  
監今之夏殷耳袞鉞無恕詞是非寧曹倚姦雄  
及鄉原每奪朱於紫有幸有不幸誰譽復誰毀  
委曲抱天良隱忍多內美所恃千秋識快膽雪  
其恥奇雲瀉碧漢塵霾為之洗大海吐明月胸  
鏡亦如此史斷至於斯嗚呼觀止矣何以作春  
秋敦詩又伊始

卷之二

七

九日迴文二首

秋林畫閣月華清滿院虬枝見樹明流瀑遶村  
環翠岫落霜連夜澹紅英遊堂臥處吟長句夢  
入空來照短檠幽致插瓶銅綠古洲中水菊寫  
瑤瓊

東籬泥露土黃華勁質丹心素味嘉紅壁帶霞  
龍火浣玉盤凌月點霜葩同花逸秀重陽節隱

士高垂五柳家空碧印清秋照晚鴻驚篆字走  
天斜

執友張回拱垣築洞東臯為熊經鳥申之  
所戲為口號題壁

拱垣新洞澗之阿笑兀凭空嘯也歌桂魄升東  
真月窟瀑泉吼北自雲窩赤僊辟穀應曾未黃  
石畱書竟若何記取烹爐分火候雞皮三少幾  
摩挲

卷之二

七

七

瀑閣寫懷

碧濤樓上數峰青萬態陰晴改画屏每夜讀書  
如服藥幾年忍事敵灾星寫碑刻字開山寺倚  
樹臨洲結酒亭漸喜交遊却日減於今瀑隱果  
鴻冥

走筆簡延孕玉四首

南陽華胄鳳毛兮濁世翩翩大雅遺海上三珠  
懸圓樹山中一局爛柯茶平章風月他年興閱



厖滄桑古處時驚俗聞然終底事延津龍嘴未  
嫌遲

丙夜西窗剪燭紅輸贏難定一槃中器如管仲  
猶嫌小夢入莊周始覺空滄海蛟宮涵日月霍  
華仙洞老檀栢知君解得人間世走筆題詩步  
雅風

昔日株林有夏南於今國手但清談雁行布陳  
君方列虎穴藏奇我欲探護棘塞門隣仲二舉  
杯邀月影成三近來擬學逃禪醉攜手相將飲  
菊潭

不必雄文作解嘲自憐幽豁舞潛蛟耳餘勢利  
開兵釁廉蔣英雄定石交局入輓轡潭末劫指  
間星斗動初爻欲知勝敗欣然處流水深山好  
結茆

丙戌之後罕親硯北間有一詩湯興而已  
戊子冬夜夢得好筆三十餘管管上朱鐫

草篆如詩如銘一一成款復有花玉筆架  
天巧玲瓏寤而紀異

昨夜奇哉夢管城朱鐫款識最分明玉盤承露  
金莖柱藜火騰煙太乙精吞篆魄非韓吏部生  
花却羨李長庚也知尚欠詩魔債風雨寧堪落  
筆驚

曾獲端溪異所鍾涵煙鎖霧莫從龍荆山一片  
玲瓏玉筆架三台古怪峰如電如電還夢幻既  
雕既斲復陶鎔驚池洗滌真同賞尚待羅文萬  
石封

簡友戲句

君才一展便投閒縱是微官未可刪期月止嘗  
寧國水孤雲還望敬亭山空囊薄宦胡勞比短  
髮齊民却似頑二十五年余續食相逢何處不

開顏

隔斷長溪別一垣山窮雲起水潺湲蒼藤如鎖

迷樵磴明月為燈照草軒有妾今成缺口鐫生  
兒曾喚小桃源興來過問何須主獨寐寤歌可  
勿談

嘉平朔夜延孕玉招飲坐頭出古玩清賞  
漏下四十刻興會忘疲爰紀二律

小閣焚香共歲寒虛檐十笏海天寬晚來身分  
因詩大始覺生平被眼瞞陽羨真壺風檜雨端

溪古研玉煙瀾君交七友刪存二刻燭高談興

暮年

卷之二

五

未闌

寶玩稱七友焉  
余以二物為取

坡上銅壺忽四更暮聲輒罷又詩聲安玄曙墅  
曾風鶴咸藉穿林但步兵澤裏煙霞終帶面橘  
中著數欲藏名坐談合有田光老經紀陰壇酒

一觥

寫懷二首

飛泉一曲抱山樓臥起繩牀眺望悠盤谷非遙  
應有命斜川真賞竟無俦三聲猿啖吹梅蘂兩

袖竿裘釣雪舟清福從來天帝吝知機此外又  
何求

晚閣冬寒不肖明半天星斗滿河檉瑤池霞隱  
三珠樹良嶽風搖五鳳城往往逃禪憐慧劍遲  
遲應劫度危杵養生齊物逍遙外甲子都忘不  
守庚

解嘲

漫道詩窮然後工多材赤鳥是周公高吟總自

濤干

卷之二

五

關生氣善奕原來養讓風勢屈潛蛟蟠尺蠖胸  
開朗月挂孤桐行藏會有他年夢一笠煙蓑老  
渭熊

伯彭壽日聞琵琶

凄其天寶後聞樂即傷心痛絕梨園部甘投繯  
水得三年寧過密四海尚幽陰棧道淋鈴溼秋  
槐落葉深聽宮知不返画角動相侵十八笳中  
拍琵琶馬上吟一聲何滿子雙淚到千今玉樹

曾臨閣江風半入雲中丞雷朗夜司馬賦沾襟  
同歲長庚燦傾壺大斗斟攀麋簾隔影桑濮戶  
通音誰識圍碁客胎仙好鶴琴

題伯彭斗室

西山之麓麓之西延予山房在治溪千嶂生雲  
穿月塢一灣流水護花畦逶迤滌帶花河峪玉  
屏龍井萬虬枝路入天台應採藥石當愚谷好  
題詩我生太平曾到此日之夕矣雞栖埒指點

卷之二

卷之二

卷之二

卷之二

煙村謂延予避地舍此抑焉之甲申三月蒼茫  
走盡室相將龐隱居澗芳襲卧分藍袖峰翠窺  
人作遠睂每混南山玄豹霧頻看北斗玉衡移  
世家甲第風霜古春城草木與之齊三徑蓬蒿  
幾薙剪一庭竹檜尚支離別院幽深割大厦半  
閒洒掃暫枝棲君過長安見禾黍此是乾坤何  
等時况復踴然堂構好斗室香浮却自宜海棠  
睡足東園畔槐陰斜映面樓低酒酣茶醒商歌

罷月照西窗客賭碁華屋菲茨無不可此心安  
處即軒義壁間剩有衡山画煙水桃花望欲迷  
都人至

都人千里至如見舊長安天闕金波暗河橋玉  
影寒血藏應化碧心在不成丹五載江潭蟬龍  
鍾淚那乾

爾在春明外南城第幾衙朝天宮路斷報國寺  
門通蘭若原泡境平康若夢中遙瞻一片月還

卷之二

卷之二

卷之二

照鳳樓東

海岱東門北慈雲夾惠河星臺涼月古燈市煖  
煙多旂影千竿繡荷香百頃波傷心悲往事玉  
樹後庭歌

繁華天下取江米巷東西繡錯官城錦文昭冊  
府奎人多吳楚越寶盡玉珠犀一炬憐焦土嚼  
空始破迷

懷京

八年遊藝住神京大隱猶嫌暑倩名羽客書傳  
王次仲仙姝雅奏董雙成金笙旭影搖三殿玉  
海泉光帶五城踏遍天街灰劫至騎來一杖是  
龍精

霰 臘月廿二立春日

萬壑堅冰萬姓饑今年瑞雪竟全稀蒼天集霰  
噴銀粒青帝傳媒導玉妃水閣珠光方瑟瑟山  
椒鶴影欲飛飛應知春色回寒谷遍點瓊瑤滿

翠微

雪

渴想和梅隱築巖立春之日雪飛簷故飄書閣  
侵茶竈又灑村臯撲酒帘歲動葭灰方透瑣詩  
成筆凍幾呵火藍田玉種耕雲溼窠候靈氛問

吉占

又咏

雪裏高吟抑若何因風柳絮浴池鶯陽春寡和

人知少華夏豐收帝賜多三友竹孤興北海一  
堂繪素近東坡獨憐聳逸奇峰老隱釣滄洲白  
鷺巢

立春雪夜過延孕玉伯彭齋頭即事二首

偏側當春未易降騷吟初播郢中腔姑隨冰蹇  
尋梅轡且罷飛熊釣雪艘五出飛花含遠岫四  
更殘月吐明窓挑燈更看桃源画欲把并刀剪  
半江

澤子

卷之二

卷八

國手前身定橘仙一壺春茗一爐煙尋常鼎足  
三分話疑憚星文六甲篇鶴籀奇鐫銅雀瓦蝸  
涎蒼款建安年與君清賞猶餘興月照樓東尚  
未眠

一 寄題孫徵君

聞道容城出古賢敬修之後接真傳一雙龍劍  
千秋眼九萬鵬雲六息年地老天荒應益壽桃  
源柳迺自相憐僑居只有先生早安樂富中是

百泉

初度日栢梁體

述老彭信錢鏐遠思彊記費元精喜嗔毀譽莫  
相撓七情六慾俱來拌獨戒房中豈遂清四十  
九妻誰是媿五十四子竟何名氣調文武鍊妃  
英西葵之亂中乃弼余也深山以筆耕手談仙  
洞爛柯經面生異骨帝所旌體有奇毛俗始驚  
蓬萊清淺憶方平麻姑仙爪寫壺瀛匡廬瀑布  
響同聲春谷東方隱歲星述老彭信錢鏐

懷三藐菴

三藐僧仍在一字信難捐曾記人中景還憐方  
外交昔公師燥可令我魏由巢四大禪牀假真  
如未可拋

阿師七十幾不復計年華孟秋調龍虎簷臺落  
雨花真空歸舍利飛夢見頻伽遠榻涵窗外西  
山一片霞

瀑音卷之三

晉東苗 番九符著

已丑春老母有壯顏知多壽喜而忘憂遂

賦

王母居瑤池西海屋通蓬島東菊花潭山之南  
萱艸植高堂北我母今年八十一鬢如鶴影顏  
童質每日三上佛壇香拜跪跣趺有餘力齒間  
炒豆噉有聲山岡不杖步能陟酌彼瀑泉漱水  
漱竭力純其藝黍稷那堪想甲申幾爲虎口噬  
素位五六年患難時夕惕忍詬藏輝詎有他只  
爲依依常在膝慈竹三峰意出群祥慶五色雲  
如織身無病而心不憂果然康彊其逢吉從此  
班衣學老萊蒼天蒼天始厚錫

三月十一日治西山房次信三日再飲蘇  
村之南澗至聖日而返吾廬焉即事十首  
用呈同志

不謂花門亂還雷水曲春風光三月半煙景一  
朝新東北曙星斗西南得友人相邀三十里來  
問治溪津

之子同羸蹇寧云歇後詩鞭稍遙入盡亭畔隱  
圍棋治水浮新艷冠山見舊儀相看應不巖卜  
夜頗忘疲

發起看村意陰雲急向西鳬臨怡水面菴李亂  
花畦羸氏雖相并齒山且共攜閒閒十畝上煙

紫掛耕犁

別燭聽新雨欣欣眷物華隨風噴柳甲帶霧洗  
桃花病解相如渴春從子美賒喜聞農父語但  
道長桑麻

高齋三兩日雅致總超然御筆欽皇祖鸞詩見  
呂僊香醪還落落精鑿出娟娟却笑乾元叟窮  
途剩一錢

明日遊南澗濱頭逸鳥喧老蛟蟠石洞稚子出

槭源山靜真終古花蹊自不言芳艸嘗藥味只  
此近農軒

巨石蹲斑豹紅枝逼老梅花酣當晚照月大正  
東來天地爲余枕山河入酒杯蘇村名甚好髯  
客止茆齋

盤礴支離影楸枰絕澗音濤風來兩袖檀氣出  
高林莫訊無窮事應存現在心七賢寧酒隱但  
不廢登臨

倚晚花迷路歸兮奈若何望廬依瀑布回首澹  
雲蘿一鹿巖之畔三星幣爾過南陽持道氣心  
目不曾波

花照籬門水風開柳岬橋遊嵐攜晚翠邀月度  
良宵堂草萱尤茂仙源槭倍嬌春深何處好已  
在瀑山椒

春興雜咏

讀罷南華却病魔畏途食色隱千戈深山流水

槭花院明月橋頭子夜歌

近代奇書張二水先民寶翰祝枝山遊春兩獲  
真名勝忍負芳辰寂寞還

城南滿徑落花飛玉井銀牀見宓妃靨輔明眸  
聯髻鬢湧泉亭畔拾春歸

綠戰紅酣入畫圖嵯冠高聳一峰孤後凋大樹  
支離叟却媿秦封五大夫

五日尋春處士家濛濛煙雨度風斜主人來舍  
花繞放次第籬邊吐異葩

千條弱柳護茆垣郁李天槭掩碧軒水繞柴門  
山抱口分明逼近武陵源

山寺將懸閣皂鐘半天風雨吼髯龍欲知春興  
歸何處詩在東南八九峰

繞閣羣芳綻錦鮮花經雨洗倍嫣然正當好景  
春三月人在蓬壺小洞天

紫霧紅霞襯碧開年年箇錦是誰裁再生顧陸

丹青手只有天工畫不來

飛泉怪石亂波紋柳外花香水雲野老那消  
機事苦一灣溪水狎鷗羣

四月朔日晚際遇雨

山房瀑布碧濤寒春夏之交遂改觀一點黃鸝  
歌伐木千竿綠竹瀉鳴湍荷塘淺戲新魚藻菊  
圃初分小藥欄獨坐前軒添逸興晚來飛雨過  
層巒

瀑

卷之三

五

繞屋垂花幾百栽雨中一半夏方開金拖弱柳  
含霞舞玉嗽新泉濯錦來山水壽人寧偶爾乾  
坤別境亦奇哉年年此際余初度却媿雲臯隱  
鶴胎

寄懷戲體

子卿海上動情芽五色雲平是內家縣圖明珠  
將照夜蓬萊仙果欲生花美人曾得飛磨勒俠  
客今無古押衙最是英雄楊越國憐才取次遣

雙娃

柳絮

初夏溪干雨乍收微風新轉柳花毵波光上下  
飛瓊玉雲陣輕揚隱白鷗起絮曾經道韞咏裝  
綿欲作少陵遊若非四月芳菲見錯認陽春雪  
滿樓

俠客行

雄州之俠曰改菴壯遊東海渡江南畫虎未成  
驚脫兔屠刀忽放叩珠龕瀑布峰高函古月龍  
泉隱射芙蓉雪並轡延陵到藥欄剪燈告我言  
奇絕淋漓悲壯逼人寒指揮星斗髮冲冠萬仞  
巔頭擬碎骨千頃波中欲濯肝明日孤征且東  
去寄問燕丹在何處擊筑高歌漫說荆漆身吞  
炭羞稱豫改菴改菴狂也且月慎休教劍術疎  
背水山前寄我書可憐張耳及陳餘袴下風雲  
歲幣達君不見淮陰曾拜李左車



哭大廷尉挽詞五首

大暑陰方動河山，隕貫星蒼天。摧老宿，白日斷  
虛靈。廷尉仍畱漢，旌常已勒銘。泓朕真一慟，撫  
輓孰堪聽。

弱冠魁三晉，方剛對萬言。閭中稱孝友，鄙上問  
淵源。望出東林重，聲騰北斗尊。臺班曾領袖，諫  
草至今存。

天下之平未泯，問若臯陶枚卜寧。先嚴歲寒應

後彫

卷之三

七

後彫是不愁一老海，已閱千潮冉冉清。魂去歸  
來聽大招。

自從失詞伯，不復更論文。二語常憐我，三年尚  
待君。何期憂患甚，此日古今分。野鶴孤鳴瀑，翹  
空有斷雲。

風雅關心久，情深二十年。唱酬皆善謔，尋訪即  
同眠。屬續之前月，肩輿到瀑泉。吞聲從此訣，遂  
掩伯牙絃。

七夕晚際玉簪初放

天漢連陰晚氣涼，幽花初放滿庭芳。雕鐫難上  
瓊瑤質，冷艷全欺菡萏香。七夕星看高士卧，一  
枝雲擁美人粧。何時剩得填橋會，共醉冰壺鑑  
玉光。

七夕之次日夢龍文一幅字皆金繡體類  
右軍行書題名儘多止記白居易三字最  
真

後彫

卷之三

八

昨夢何祥未等閒，龍文迥不類人間。依稀玉案  
泥金牋，髣髴天孫織錦班。字似右軍王逸少，名  
真太傅白香山。也知素位皆天數，一覺黃梁任  
往還。

艷異雜咏

芙蓉兩頰遠山眉，消渴相如竟以之一世文章。  
曾橫視傷心不忍食，蜚蜚卓文君  
壁魚野蘭突紋函，舟起樵風瀉石帆。禹穴三千

年一出賜衣蛾綠手慘慘 吳絳仙

膝上嬌憐不可當水晶如意頰痕傷丹脂那似

真妍媚白獺精髓琥珀光 鄧夫人

自張朱砂養守宮風飄仙裾月明中唐人閨怨

何須讓玉笛三青透碧空 程一宰

### 文安王孝子歌行

槐華瀑布春三月玉尺冰壺臨澈石廣陵半冊

驚異聞名宦鄉賢兩奇絕文安主簿蘇老泉賦

輒爲兒天下傳文安大孝王君子日月爭光古

無比大孝生當襁褓時猛哉苛政分橋梓母子

依依二十霜泣涕吾恃在何鄉婚姻甫畢供甘

旨陟岵號旻尋四方燕南趙北東海表日之夕

矣田橫島颶風鼓浪滄溟翻地天爲動神明曉

十年一夢土神祠日光當午入招提荷苦羹甘

附子膾腕兆靈於大衍著塵凡那得知其故記

得頻伽偈兩句如來如來真個來好去好去還

須去瞿曇幻出老人身指點大孝圖南路鶴鳴

子和寧在陰天性精求莫可禦蘭足漳沼洹水

邊蘇門遙望百泉間孤栖雪嶺室門外夢覺禪

林是帶山凌晨蘭若伊蒲煮延之入座相其語

忽道鄉音及乳名抱哭悲恫淚如雨法林說法

地詩僧臨行捧喝法華經父子同歸享大耋子

孫相繼謁承明百行之原風首善天顏喜溢動

宸旌孝哉華胄晉陽李餘慶無疆福我里大泌

卷之三

卷之三

十

雄文李翼軒宏甫藏書兼載此弱侯玄宰惜逸

之壁出金聲茲足矣邇來隱怪蕩貞風忍違生

我轉如蓬得斯真孝氣爲雄元直何妨指臥龍

相邀况復多名勝高山流水響泉東

### 月下移石壁二首

天然石壁產霞阿月下移來立澗邁迤照雙池

搖海嶽飛雲一片湧煙蘿渾疑玄豹藏金霧巖

見蒼龍走碧波十斗春醪酬鼎鼐山農野老共

謳歌

壁立紫扉照石梁扣之鏗爾色蒼蒼顛如老米  
惟呼丈仙若初平亦叱羊綠竹婆娑應作友紫  
苔斑駁可爲牀題詩更欲鐫其上真是狂夫老  
更狂

辛卯元夜立春孕玉招飲即席二律

豈緣燈火倚城垓只爲春星點榭臺君不可無  
窗外竹妃焉能有洞中梅但憑大笑誰聞道何

瀑音

卷之三

二

碍高吟我辯才莫謾山翁窮老衲指端明月正  
東來

漢甯遙華只有延花中祭酒橋中仙八年走瀑  
尋蘿月七友題軒度茗煙退矣猶龍寧處後簡  
兮如虎竟當前陽春元夜談高手此日賁皇未  
敢先

楚客手談

有客黃州赤壁來相看瀑布亦懷哉清雄絕俗

聲如鶴美秀而文氣若梅半篋圖書龍馬出一  
盤星斗橘仙開班荆而語春秋後誰識賁皇是  
楚材

東軒歸瀑

每於夏日畏多蚤瀑水浮鷗可狎羣隱逸籬邊  
歲上壽法華亭畔躡清芬十年作賦愁平子五  
岳鳴琴臥少文靜寄東軒時一迈門前高柳入  
停雲

瀑音

卷之三

三

北窗漫咏

瀑閣紅霞古樹林平分南北洞幽深瀟湘影動  
牀簾玉琥珀光浮枕簟金一部杜詩當大藥幾  
聲陶句落瑤琴老來更祝禪真味隨處應生不  
住心

初秋樓月四首

竹閣青峰秀新秋試一登屢空隨物幻古處與  
書朋圓照看明月逍遙笑大鵬自從昆劫後有

識似西僧

西天原自近南海亦非遙水月婆娑樹山梁雌  
雉橋雕龍能作賦引鳳憶吹簫此是他年技于  
今亦不消

瀑水千山腹心燈萬卷餘庖涼奴僕罕地僻友  
朋疎樵叟來看奕溪童去釣魚敢云仙所好十  
載幸樓居

倚樓看怪樹蒼翠拂濤濤皓魄懸金鏡幽花放  
朱之三

玉簪清香分兩洞新露引孤琴碧海新秋爽青  
天此夜心

白髮

髮斷寧勞白彈冠不用之崑崙太古雪鬢鬢美  
人詩渭水風雲老衡山日月遲杜陵披褐褐幾  
歎鬢如絲

虛白驚雙鬢真空解六塵綿田奚魏子菜絲尚  
娛親紅萼高秋露青蓮晚碧津畫中看四皓髯

髮總如銀

七夕二首

瑟瑟聽秋雨瀟瀟響樹枝牽牛渚上飲織女石  
仍支乞巧何如拙相逢未免離呼星詩絕險此  
夕正淒其

昔日芙蓉殿銀盤弄化生天孫仙月窟帝冑錦  
官城八載雙痕淚三秋七夕情幽香花晚對冷  
艷玉簪清

秋林夜雨又四首

山院秋霖響瀟瀟玉漏初燈明斜射竹席煖卧  
看書腐艸飛丹鳥神仙飽蠹魚眼前幽事足聊  
爾伴三餘

蕭然無一垢晚磬聽山僧折柳勤樊圃憐蛾護  
撲燈銀河飛瀑雨古木挂蒼藤老境宜堅臥秋  
宵正曲肱

落句驚風雨高歌羨八僊非熊卜獵後唐竭命

官前沉靚還同燼膏明竟自煎多能終底事一  
定學逃禪

雲陣千峰雨洲村獨夜身鵲橋空墮淚燈火自  
傳薪九十康寧母山林野逸民數年無大過會  
見出風塵

寤歌

白髮三千丈巫山十二峰青蓮明鏡影宋玉楚  
雲封何日應儀鳳終宵見惕龍寤歌臨瀑寺清

楚五更鐘

中元望月半夜雷雨有感之作

玉露瀼瀼水樹清山村野蘧動秋聲赤蛟朱鷺  
當年漢碧海青天此夜明七月蒸嘗羞二簋千  
峰雷雨動三更畏塗忽見南華叟古案燒燈寫  
達生

中秋壽母

金波瀑影照慈航南極中秋見壽昌池熟蟠桃

王母宴畦分瓜瓞邵平莊百年洞閣書千卷八  
月簾葭水一方不敢盤遊娛彩舞老萊衣染桂  
花香

重陽雨霽彈琴遣興

重陽風雨送秋歸雨霽朝暉寫翠微紅葉滿園  
題韻險黃花入鬢敵霜威杜陵老去還多興彭  
澤年來已息機一曲清商聊復爾響泉聲落十  
三嶺

九月望前壽母二首

九十慈庭望百年依依隻影鬢皤然東方杳熟  
偷初度南極星高照大千籬菊錦斑承曉露藜  
牀黔突湧秋煙太真元直從人選菽水天分瀑  
布泉

伯玉知非已近年高堂山水共欣然星朝寶月  
當三五蕙補靈椿定八千半醉霜林飛細雨滿  
庭慈竹繞祥煙東流不舍供甘旨可似南陽飲

荊泉

寄懷東園公

洮江湄畔結花龕太白仙風壽老聃自昔羊求  
鄰是二於今蓬犬鳥仍三歲星遙射冠山麓海  
月平分瀑布潭欲問黃皇東里舊懸碑將作虎  
溪菴

壬辰小春望前壽懷翁先生十二韻

北斗瑤光動南冥海運連東方字曼倩西極祖

澤

卷之三

十二

彭錢醉白開高第耆英見樂天芸臺驄馬後華  
嶽漢江前陵陸田曾改崑崙圖自懸精神堪比  
玉榮辱若浮煙矍鑠隨龍吟鳴臯上鶴肩庚寅  
週十二世界大三千仰止冠山壽從遊瀑水偏  
貧來詩骨換富有道心傳橘隱黃公弄絲聲謝  
傳筵呼盧隨衆飲詩是酒中仙

冬至大雪歌題伯彭齋頭

壬辰冬至廿一早瀑布野人乘蹇小大雪紛紛

古郡城復過南陽敦故好竹影梅梢大夫枝不  
改真風解意表太羹玄酒隱春深如蘭之臭益  
幽州舊識新知意態閒鵬背胆高寧悄悄黑白  
雌雄弈一盤目醒心睡麈清曉鳳背磨角尚須  
煎秉續操衡都一掃百里聞雷君可期十年不  
字余將老居易以俟素而行嗟余疇昔當天寶  
天寶之末真可哀老杜古今流落魁許身稷契  
令人咤致君堯舜心已灰萬變浮雲何有哉東  
來

澤

卷之三

十八

臘八日五首

今年奇險若洪荒檢曆還餘二十行伯玉知非  
行已過羲皇大衍用猶長深山豹霧交風吼小  
閣琴徽透月光休歎無兒頭白早百齡強半尚  
中央

十二時中英浪研時時把命付青天鳳圖隱瑞

真難賞鬼域含沙亦可憐案上三身觀繡佛棋  
寬一着近柯仙蝸牛蠻觸尋常事每夜心燈照  
大千

玄黃猶血竟何之十載空音迹也奇北斗星臨  
處士屋南山雪老夫枝行歲自卜惟周易風  
雅相親只杜詩記取明年知稼穡間間十畝莫  
違時

左徒天問寄騷經瀑布峰頭獲兩筵海島仙桃  
落

卷之三

十九

遲結子岡陵台鼎遠舍星春迴玉枕榮萱草水  
過雲龍放鶴亭歷盡波槎應出險嘉平良朔北  
山靈

雪餘擁褐曝前軒屈指年華又且元大願寧垂  
東海釣忘憂惟恃北堂憲一分勢敵千鈞業半  
世名根萬劫寬若使身先寧處後還從紫氣問  
真源

瀑林雪意

古案奇書照雪華瓊瑤作飯玉爲家高堂斂色  
存姑射皓潔希聲老伯牙酒入歌樓險以說詩  
歸漁棹正而葩党姬久最粗豪味凍瀑敲冰夜  
煮茶

除夕

歎老徒爲耳憂貧可奈何乾坤原自卦山水且  
當歌艾髮添新壽韋編減太過高堂九十上得  
力養天和

瀑

卷之三

十

元日讀易

昭陽元旦見春星讀易乾坤一草亭時變全包  
廿一史文明初肇十三經爆音滿谷童燒竹雪  
影前村叟負苓悟到羲皇無畫處碧溪煙柳半  
痕青

劉岍舫楚產也僑于晉壯遊二載來晉寧  
家復至自楚其跡甚奇以所攜南品過余  
余每夜讀以三鼓爲率嘗通宵望斗時賢

苦之投分忘疲僅見此君賦贈紀異

江漢郵籤報水程劉郎近棹在新正荔枝尚帶  
揚妃笑茶葉真傳陸羽烹家在楚麻聊逆旅僑  
居晉父且班荆少陵先得同然句遮莫隣雞下  
五更

元夜新咏

元夜金波新滿一輪正照東樓秋月教人冷歎  
春月與我忘憂

卷之三

三

野鶴違心市井孤雲任意山村竹影琴香水閣  
梅花燈月柴門

亦有銀紅冶艷不無茶褐遊僧滿樹飛花金火  
方舟瀑水河燈

樓對高山流水案頭古帖斑爐月掛蒼楸如鏡  
聯宵人在冰壺

閒情口號

掃地猶如改過築牆可似收心修竹當窗卧起

停雲與鶴謳吟

薔薇花含玉露驚驚藤遶青筠雅絕天然錦繡  
香於世上金銀

寶鼎煙飛古篆綃牀影照紅梅鶯燕三聲互喚  
羲皇一覺初回

殘夜水鳴清咽三更月午中洲誰駕冰輪寫照  
助予琴響岑樓

卷之三

三

檻外奇雲出岫門前瀑水流花好友三峰恠石  
知心一卷南華

秦漢圖書玉古鍾王墨跡珍奇親滌端溪鴈眼  
再寫老杜夔詩

五月十四夜雨中望月紀異

仲夏之半苦炎熱與僧晚坐景奇哉東山月湧  
明星出南浦雲飛大雨來險絕黃昏千樹裏平  
分太極兩邊開冰壺濯魄非常境為照珠光老  
蚌胎



聖日登山閱金剛經

清涼法界畫方初瀑布峰頭讀梵書經是金剛  
無不斷言皆筏喻又其餘菩提路上聞三藐電  
露光中見六如欲問此身何所住虎溪煙月亦  
吾廬

秋琴步玄宰先生韻

勲業頻看鏡拂塵秋濤琴響和文臣十年不字  
班今日三月無君弔古人荷葉半蒸雲子熟玉

集

卷之三

五

簪初冷鬢華新自從曠世中郎後誰向焦桐識  
尾薪

秋雨再次前韻

三日為霖洗甌塵碧濤山院若波臣霧中豹蔚  
歲君子雲裏龍田見大人屋漏圖書皆色古秋  
陽禾黍亦懷新應憐不已雞鳴夜一陣金風慰  
采薪

偶成二首

四海經過鼎沸十年鮑歷波查古是貢皇侯選  
今成瀑布漁家

命也方違衮舄時哉合佳山林分得茆檐石洞  
頗能鍊藥修琴

築窗秋月聞雁

秋山古月吐初更雁足南征放晚聲欲雪花  
能避地啣蘆走字盡依兄渚臨磐石方衍飲羽  
入雲遠莫強翔二十五弦彈夜後龍池鳳沼為

集

卷之三

五

君清

代作贈晉方伯

七政金臺上三韓碣石西海中華表柱天半玉  
虹霓軒冕承龍袞躬桓領介圭保釐周弼亮方  
岳晉銅鞮姑射神凝峻橫汾德敏黎矢音諧漢  
魏落筆洗梁齊光燄騰黃閣丹青照紫泥才高  
同繡虎道大引醢雞冀北應憐駿車南幸指迷  
升公同叔玠房魏可標題

展壠歸瀑三首

新秋展拜壠山頭正面紅飛百尺樓見說文昌  
巍閣起洮江龍耳秀并州

獨嘯東臯歎古今翔龍五道抱青岑冠山不改  
迴頭顧瀑布為家解易林

西嶺殘陽一半開片雲飛雨自東來秋風禾黍  
無窮意霹靂空門八月雷

瀑林十咏

瀑音

卷之三

三

飛流石壁斷青空萬綠蕭森草閣東怪柳藏橋  
常竹戶澄嵐倒浸玉屏風

一道清泉幾折來平分荷菊兩邊栽法華不染  
炎蒸垢隱逸凌霜九月開

玫瑰幽夢放野塘鷺鷥藤遠綠簑簪玉簪花接  
舊溪露盡在蒹葭水一方

百尺仙榆歷歷高張騫西域老胡槌古槐連理  
鳴雲際樓閣堂中遠碧濤

碧濤樓上挂雲蘿靜坐蒲團戰睡魔水月雲霞

臨道予晚年禪喜似東坡

石洞瑤琴響北窗龍吟虎嘯水淙淙聞來親滌  
端溪硯戲海羣鴻落一雙

閣之南洞可藏書經史詩文小石渠漫道祖龍  
燒得盡胎中武庫是焚餘

燒燈夜讀古義經鴻漸雲遠見歲星月照高樓  
千樹裏瀑音悲壯五更聽

瀑音

卷之三

三

誰云刪後更無詩老杜千秋是我師不賴文章  
光燄在十年搖落總誰知

恥學揚雄作解嘲何須洗耳附由巢花間蝶夢  
俄然覺尚有南華方外交

耳病手談中秋集杜

滿目飛明鏡

八月十五夜月

清秋鶴髮翁

遠聞呈嚴公

斯文

亦吾病

早發

耳從前月聾

耳聾

才高心不展

寄李

古

來偏側同

贈蘇

天意高難問

送馬

不擬哭途窮

大卿

陪章後緬思桃源內征北嵐壁鳥繞通池天山居精典

籍題大兄栢門巷落丹楓秋層軒皆面水懷錦雲逐

渡溪風州泰之子時相見題張氏交親氣槩中贈

軒夜闌接軟語贈閑立飄零任轉蓬容且將碁

渡日寄賈一雁入高空晴

鏡

尚餘寶鏡照心龕冷落多年碧玉簪岳徹秋濤

形聚五輪邀古月影成三貞觀入夢懷金鑑容

溪音卷之三

貌如愚近老聃勲業頻看樓獨倚少陵雙鬢百

花潭

燈

秋林竹閣一燈懸與爾相親又十年陽燧方諸

猶未到幽牀古洞必須然星河搖影初更後山

水清音半夜前靜對寤歌猶不寐平吟太乙湧

青煙

乙未歲前二律

混跡漁樵十二春誰期又向曲江濱朝鮮東旭

曾陳範渭水西風豈釣綸鼎革爐中翻大瘡婆

娑影裏笑前身未來已過寧逃數命也天民與

逐民

朔風凜凜透山樓咫尺新正賦遠遊千里有方

瞻涿鹿十年無奈向蘆溝匣中意氣黃金盡世

上功名白手休屈指萊衣何日返杏花春雨到

芳洲

溪音卷之三

乙未元日溪行時將北上

今日為何日新正第一行尋源穿瀑布繞樹看

詩房威鳳懷丹穴騰猿戀豫樟遲疑瞻碣石定

省近蘆堂素履應无咎遠遊抑有方游魚畱爾

別高鳥笑余忙策蹇疇資斧防瘕但藥囊家貧

豈盜憎馬老尚途長去去知名險行行念母康

歸來挺正吐花滿樂天莊

人日

瀑布呵冰吼若雷溪邊州甲向陽開詩題人日  
驚新句易見天心卜大來劍氣雙飛騰玉篴  
聲千里過金臺自從應制春暉後誰是文章落  
上台

贈楊崑嶽年兄

弱冠同儔拜鹿鳴芒寒色正特長庚星槎曾泛  
登龍尾壇社仍堅載笠盟奇數十年憐小弟雄  
飛雙鳳見難兄欲開東閣平津邸雲裏蘭臺在

澤青

卷之二

三

帝城

仲春望日宿塲

寸天尺地斗房春皓魄孤圓入照親十二年前  
曾此月三千隊裏竟何人墨濤震澤文章遠煙  
鎖星臺層象新假寐不勝寒料峭小爐羽扇自  
傳薪

京邸即事

瀑閣初爻見伏羲愆期歸妹到京師風簷咏朔

忙中逸菊偶分簾怪絕奇資斧將空猶買硯奚  
囊已破尚尋詩送窮忽讀韓文句笑叱龍賓寫  
退之

謁椒園

萬善門東萬歲山椒園左右護禪關水環鳳闕  
三千頃樓罩龍舟十八間雲榭近瞻華錦砌金  
霞遙憶紫宸班塲懸圓殿諸天佛傳道昭陽祝  
聖顏

澤青

卷之三

三

崇效寺西來閣

西閣相違十二年再登西閣望悠哉錫飛雲表  
環聲遠葦渡江中鳥影傳春日花香共命鳥後  
園井渫醒心泉應無所住金剛說四大禪牀只  
整眠

西來閣晚際迴文解悶

西樓挂月晚花香北閣涵煙塲影蒼溪虎過橋  
真畫古石龍蟠字舊碑荒淒淒一榻蒲團臥落

落雙眸法海藏遲却望雲觀瀑瀉題詩借筆走  
閒房

與靜觀上人平章石玩移石灌花有懷瀑  
閣

幾年夢不到頻伽此日幽閒叩法華鴻雁穿雲  
畱古篆蜻蜓點水動新涯方移介石虛心友又  
插宜瓶過眼花登閣與君西指月飛濤吼瀑是  
吾家

瀑音

卷之三

三

報國寺博古獲蛇腹斷琴一碧玉印色函  
一石瓢宋款鍋少陵請看石上藤蘿月已

映洲前蘆荻花之句

大慈仁寺古案林改步增華萬貨臨莫象神奸  
遺夏鼎可朋巨冉重南金碧涵羣玉珊瑚印燮  
響孤桐霹靂槩迥出晶屏新樣外石瓢宋款杜  
陵吟

聞詩咏月遂傳都下即事一律

點活危枰勝橘仙都人猶問孝廉船見幾寧抱  
煙霞癖明哲方來日月邊御史同年因不失司  
徒宗伯竟相憐聞詩偶咏畱津邸藏副應投瀑  
布篇

初度日月下彈琴

初夏長庚射晚暉一勾新月照琴徽對花搖影  
偏其反信手彈聲胡不歸孔釋麒麟遲抱送梧  
岡鸞鳳尚依違白頭吟咏今何夕知向高堂盼

瀑音

卷之三

三

舞衣

贈別西吳陳紫崧寄題費美髯韞生兼謝

選毫

十年不見費修髯天際歸舟問孝廉冀北空群  
無伯樂江南高尚有陶潛黃金不買長門賦形  
錫方珍毛穎尖何以報之青玉案同盟聊爾寄  
郵籤

題大悲菴五蘊

出水蓮花第幾枝芳心抱苦少人知華池扣玉  
藏甘露鬢髮裁雲隱儵眉遊覽西山觀佛日飄  
流南國到家時聞君善解相如操遮莫臨邛屬  
大悲

寄題西山玉華寺

清涼蘭若破塵顏七處徵心辨八還滿院新槐  
籠北閣半軒微雨放西山棚塲作戲從人熱法  
界皈依可自閑早辦資糧將買寺玉華高在碧

澤青

卷之三

三

雲間

報國寺博古再題

久客都門無一事解愁賴有慈仁寺平章古玩  
性所酣鑒賞珍奇品其次虎賁不必定中郎眼  
前聊爾藏遊戲諸家墨跡混螭蛸轉輪藏東玄  
宰字江山風月閒主人玉骨冰肌存道氣西涯  
老筆少陵詩祝石林寫龍蛇勢西湖客子售三  
幅獲之不減瑚璉器懸桂西廊卧雨窠鱗爪參

天仍拂地老柏森森八九株枝葉扶疎欺翡翠  
時艷羣鶯五色迷晴向成弘尋鼎屬更叅密變  
補陀身此是長安真古意

出都留別楊崑嶽年兄

自笑不知非行年將半百三十二年中九作燕  
京客今年客燕京頗與從前別春初發里門屈  
指稊賓節四見哉生明五月西山雪聞道太恒  
西雪深亦盈尺裘敝甚所便却夏不須葛禪舍

澤青

卷之三

三

聽晨鐘經聲蓮花舌策蹇古長安異同辯堅白  
囊漣一錢看詩窮自風昔惟我同蘭講天閑今  
省月媿余脂柴車入望瀟樓碧綿上汾之陽姑  
射真奇絕叅天仰後彫庶幾明且哲

乙未六月自京旋里荷花始放志喜

正月離家六月來普門恰待法華開應憐君子  
芳心苦故發佳人雪藕裁冉冉紅渠香遠近亭  
亭碧照水滌泗十年製芡寧泥染此日芙蓉任

剪裁

七夕雨中觀蓮

雨華凝露滴荷房  
淨友相宜納晚涼  
外直中通如定慧  
朝開夕斂似行藏  
葉高巨冉遊千歲  
錦奪天孫屈七襄  
歷盡炎蒸曾不垢  
苦心遲子抱幽芳

蓮塘瑞草

幾莖瑤草伴蓮香  
瑞葉扶疎遠復揚  
何處春深

瀑音

卷之三

三

秋雨露無名  
江上水中央也知屈軼黃階遠  
故入池塘謝夢長  
丈六金身應爾變  
曾干錦里壁詩堂

八月十五夜

尚憶春塲咏流光  
忽判年大刀還古瀑明鏡寫  
新蟬歸去聞三運  
飲中賦八仙何須驚  
耄序鼓缶且陶然

哉生明入望  
絕盛是中秋  
好雨晴添喜  
高堂壽

解憂香風金粟殿  
皓月碧清樓  
分定應山水  
瑤光向此求

對月真吾友  
登樓只爾親  
霓裳開桂戶  
瀑布駕冰輪  
肺氣高秋爽  
詩情入夜真  
清空移水樹  
一看一迴新

山房有古色  
得月更光輝  
惟石金波壁  
青蓮綠舞衣  
龍蛇搖竹影  
霹靂響星徽  
半夜山猿叫  
如斯何不歸

瀑音

卷之三

三

州太守中秋生子彌月一律

秋水精神玉色新  
頂磨天上石麒麟  
一輪丹桂香生甲  
九日金花月滿辰  
積善公侯原袞袞  
發祥定角自振振  
海中仙果寧遲兆  
會見嵩高甫及申

秋日一首

落木秋容淨  
寒庭菊自花  
竹枝搖翠鳳  
藤架走朱蛇  
一水煙初煖  
千峰醉莫遮  
橋邊有大樗  
雷

爾泛仙槎

雪夜二首

雪夜鐘聲一曲琴碧濤天籟寫清音  
猊噴沉水成初籥茶煮蒙山助夕吟  
氣煖玉樓文火靜光搖銀海凍雲深  
應知姑射仙居邇綽約冰肌引道心

紛紛大雪滿空山石洞雲窩一水間  
瀑煖蒸波從不凍歲寒暝讀有餘閒  
連天積玉應難比遍

瀑音

卷之三

三

戶飛瓊未可關為問尚藏桑落酒  
醉中得句莫須刪

山居即事

野老柴門在水湄風來楊柳動千枝  
桔槔引瀑寧須寶鳬鴨呼名即到池  
瑤艸凌室香吐異石聯倒影字翻奇  
山林經濟聊如此鼓缶長歌未歎遲

延方壺自靖江歸里過訪瀑房

薰風兩袖別飛涼白面虬髯涖靖江  
高等曾標國史院仁聲寧第子男邦  
中流桂楫瞻南斗退食蘭香倚北窗  
見說歸帆無一物深山還訪鹿門龐

董方伯屬定漢中志

秦坤蜀艮剖天荒江漢朝宗牘署堂  
拜將淮陰奇事業出師諸葛大文章  
五盤詩險驚雲棧一騎塵飛笑海棠  
已入董孤良史筆撫謙猶自訪

瀑音

卷之三

三

賁皇

痰發于指以詩自遣

瀑林潛沼動鯢鮪判歲微痰在指端  
展帖尚臨鍾字寫調絃猶抱宋琴彈  
千竿翠竹清為伴六月新荷秀可餐  
山作醫王水是藥支離不厭兩相看

蝗

為問今何歲柔兆涸灘載螟蟥從東來  
蝥賊湧



崔嵬蔽天仍覆地山川爲之改食葉蕪食心根  
節皆成痼東昇舉炎火彌望煙氛歟田上詎行  
舟呻吟如款乃民以穀爲命曾是耕也鉅蟲志  
亦有言其出應公賄貪殘寧赤首黑首行如毒  
災變不虛生蒼生則何辜吾聞唐太宗吞蝗厭  
凶悔捕石十四萬良相姚崇在飛而不入境河  
上神明宰安得馬伏波魚鰕入于海

中秋月

瀑音

卷之三

三

今年早月湧中秋古樹明輪瀉滿樓不着冰壺  
塵一點只畱銀海澗雙眸山深斗折星辰靜林  
表雷轟瀑布流龍杖若還公遠在霓裳應作廣  
寒遊

劉岍舫齋頭會鄭祿軒談星

退之磨蝎在身宮斗射東坡又復同總是才奇  
招謗譽斷非流俗決英雄月華鳳采金波裡日  
表龍文玉照中不過子真誰教我劉郎仙棹引

春風

丁酉都門畱別楊崑嶽年兄靜觀上人二  
首

又着征鞭入帝鄉隨緣寧復定行藏三春老杜  
重遊寺十笏瞿曇小洞房岫遠雲迷西子黛風  
和月照白丁香連宵夢在濤樓下所謂伊人水  
一方

畱滯周南望翠微西山何處典春衣支公相馬  
瀑音

卷之三

四

憐神駿莊叟遊鵬羨怒飛但獲文章交有道縱  
沾霜露願無違遙思瀑布沿溪柳寒勒桃花付  
我歸

丁酉初夏自京旋里遊藥嶺

萬壑嵐光湧大猷朱樓縹緲正當中千年石洞  
遊羅漢八部天龍詫鬼工虎嘯雲巖蹲恠穴鶴  
歸華表唳高風竭來景物方初夏若吸懸泉傲  
吟翁

獨坐中峰大石頭再看古剎兩層樓羣嵐翠葉  
籠金翅匹馬紅雲捧玉虬欲去應畱真面目此  
來寧復等閒遊金臺抵里方三日即訪名山望  
十洲

贈李玄一楚憲

海黛門東甲第家營蔥佳氣湧京華根盤仙李  
從來大世沐恩波况復賒江漢名藩雲夢又河  
山良牧水心衙會看弓冶承休日御苑新堤正  
澤音 卷之三 聖

築沙

贈李太守

二月都門動所思有懷孔邇更何之遙知熱氣  
烹鮮日正是青田望雨時路入井陘天下陰民  
如石艾世間疲南山樂只從今咏寧獨春陵老  
杜詩

還瀑而作

郊畿千里偏瀑在恒山右抱疴一紀餘公車槐

所就憲庭望百齡益欲保其壽豈曰為貧仕北  
上今年又一再入長安亦惡顏之厚北山有移  
文句句莫予宥蜻蜒點水來濤閣林鶯味軒靜  
四垂簾可以排清畫一飯步前溪灌木仍依舊  
轍跡何其多云昨來身繡身繡誇水山胡為欲  
除授偶然如捧喝能使疑團透心事且勿告斯  
言拜而受

雨中讀玄宰容臺全部攜自京師

澤音

卷之三

聖

半載東西客歸山媿老萊息機凭畫閣望道讀  
容臺壽考逢明世仙風寫逸才此行何所得赤  
水抱珠來

太原還里自嘲

不混風塵裏馬知石隱高入門無數竹登閣老  
胡梳洗耳聽黃鳥清心灌碧濤問君何處返底  
事又賢勞

馬化

乘爾雖三月追風歷九遠誰當換叱撥何處匹  
權奇望水遙光練藏山古幣帷馴良兼美駁題  
起動人思

前題

萬物都泡影疇不返無形愧余未聞道太上乃  
忘情天閑渥洼種來之自玉京龍顙而鳳視豹  
章而虎膺五花奇絕文韓幹画不停賞如支遁  
癖千里跨房星一朝還造化乘除理自平家人  
澤音

卷之三

三

睡起改三碑

日高猶睡足真境宿桃源栩栩遊清夢炎燄悟  
大言記懸瀑布水碑換虎溪軒改句銘奎閣研  
硃露正繁

丁酉夏日山居十咏

自姚非遷史生平特好奇胡爲牛馬走只合水  
山宜有興千竿竹無懷一首詩隨緣今始悟野  
逸已嫌遲

只尺風霆怒山樓惟雨來幾乎大木拔忽爾吉  
雲開掃葉驅茅塞披蓮養聖胎譬如經劫難造  
物有言哉

更欲求何境無過在瀑房清流隨石轉老樹與  
雲翔尚友書千卷藏身水一方始知騎馬倦輪

澤音

卷之三

四

我北窗涼

一落微塵易常居清福難徵心能選佛入世乃  
求官古月依山靜閒雲在澗寬讀書過一紀寧  
作等閒看

天水涵森木林阜橫野橋入門呼怪石轉徑引  
芳椒京客來詩酒山童任牧樵鯢鵬與鷺鷥大  
小各逍遙

欲貴寧如逸因貪始覺貧清心惟寡欲別境况

無塵黃鳥緝蠻止青蓮淨直新安閒身不病便是古皇人

九十淇澳咏五千歲史言自修年與進日損道之原聚景登濤閣心空卧竹軒沿溪忘遠近漁父武陵源

凡事惟求減方知博溺心如虹還比玉看鹿不貪金問強從南北忘懷任古今水山真靜壽興到即登臨

漢音

卷之三

星

甚愛應須費忘機始澹寧出泥荷湛湛有斐竹青青耳順花方子身輕老復丁乘涼桑下過那記淨名經

京華三月住曾見少林僧不遠輕千里來干第  
一乘人皆畏夏日我獨忍冬藤世上金銀比清  
香能未能

初度戲贊集韵于詩九采一章章一句

闌闌雕鳩呦呦鹿鳴鶴鳴于九皋念彼周京蒲

今簡今碩大無朋懷哉懷哉我以為兄考槃在

澗既安且寧羊牛下來鹿之以肱魚躍于淵言  
綸之繩于焉逍遙乃寢乃興我思古人展也大  
成其詩孔碩通駿有聲或佐之史無忝爾所生  
四月維夏鳥鳴嚶嚶楊柳依依綠竹青青有蒲  
與荷其香始升彼姝者子顏如舜英穆如清風  
俟我于庭乎而澆池北流東方明矣西有長庚  
如南山之壽我姑酌彼兕觥

漢音

卷之三

星

玉簪

玉簪開七月晚際發幽芳素體美而艷采采欲  
盈筐首為補陀薦餘以佐文房帶露含新蕊  
茉莉亦尋常甘與子同夢通宵芬我床凌晨酣睡  
足三嗅尚馨香

李媿我七十戲句

無數玉簪香滿瀑九十武公如萊竹君之兄弟  
幾嚶鳴橋井墮邊憶鶴鶴為問老成誰在矣蓬

葉而行聞諸耳杜云七十古來稀七十如君百  
與期周南高咏益斯羽羨君五男又十女說說  
宜爾復振振三十有八內外孫修穎天半裁眉  
雪新雛雙抱真奇絕藉茅生梯誰與同蚌發珠  
光照守宮

七夕雷雨玉簪盛開挿古銅瓶

今夕何夕大雷雨為問牽牛與織女萬古相望  
東直西橋胡填鵲石支機詩人奇崛無聊賴天  
漢呼星寧語恠陰陽夫婦義好述仙槎通處是  
河洲一年一度心如搗人間乞巧徒相黽長生

澤音

卷之三

四七

殿上願無涯堦前冷艷玉簪花柔骨豐肌半吞  
吐光而不耀軍持古古翠朱斑挿素娟有如通  
德伴伶玄

新秋月下得夬字

丁酉年之判書空咄咄怪滿腹不合時新秋月  
可曉牽牛織女星兩隔銀河派零露夜滾滾擬

欲浚沆瀣天漿滌我腸炎熱底有身秦宇發其  
光曠彼大千界大千碧且虛何處著睚眦夕靜  
水聲來瀑音正清泠為歎鳴豫人何似石而介  
讀易近有獲慎哉始與共

伯彭補單縣

寄語鳴琴宰今誰十九人掣籤寧涉險補印又  
懷新距晉方千里登燕只一句長班稱大喜短  
債認鄉親路近多姻眷郵偏少弁紳香奩借碧  
溪音

卷之三

四八

王吉日遠紅巾阮籍將脂轄貢皇敢問津雖狀  
居灤澗也或到城閨處處皆沙飈奔奔鮮洛神  
恥隨市井伍幸結水山隣綠竹斐而壽青荷露  
可珍選官如選佛詩富亦詩貧飽閱棚場世叨  
全素位身公車還向北老驥尚同春秉轡看輕  
重披裘任屈伸監河三百貨東海有波臣

北海李尊尼以丙申十月卒河中常步齋  
十二月卒丁酉六月李觀陽卒合詩弔之

君不見商山茹芝四皓翁當時羽翼漢春宮今  
日鯢溟李北海八十自號東園公敵手騷壇歷  
三紀時常千里寄詩筒并予集杜一百首題碑  
謁帝玉樓中又不見黃河之水象天街華岳中  
條岫兩厓舜都自古多鄉相爰有同年曰步齋  
咸陽十載無錢贖嗟君劒術亦疎哉天道無親  
常不常我里小善失觀陽不是龍蛇是申酉一  
年未及悼三良

澤青

卷之三

聖元

秋懷八首

露淨高空放廣寒竹林深處倚樓看天飛玉鏡  
聊開眼海湧冰壺欲濯肝曩倩儻能當大隱少  
陵不及見貞觀應知無限悲秋事為問嫦娥可  
自寬

聞道星槎與漢通分來為瀑日流東養琴已古  
成秋嶂和鶴而歌透碧空萬竹琅玕青玉立千  
峰翡翠紫煙籠日旰更喜西山對懸圃金霞一

望中

吟到蘭皋新水邊如虹吼瀑響秋山三千鵬路  
逍遙外十二巫峰想像間宋玉高才寧鬱鬱莊  
周大智可閒閒牧童牛背斜陽穩笑指煙村自  
往還

又是浮雲過眼新鴻飛遵渚雁來賓名壻利壠  
人間世髮短心長自在身簞食雖窮書畫古考  
槃縱小水山真於今淡絕尋常事漫做陳思寫

洛神

卷之三

辛

睡醒芙蓉玉照池瓊英雅艷世無之胡然天也  
胡然帝在水中央在水湄三尺絲桐彈綠綺五  
洵煙雨伴西施美人遲暮還遲暮秋以為期又  
過期

陟彼崔嵬望舊郊停雲靄靄未能拋冠山簞峙  
迷丹鳳瀑布飛濤怒赤蛟刪後無詩歸大雅畫  
前有易動初爻只今汾水秋風起簫鼓樓船憶

上交

碧濤樓閣月為缸欲照詩魔未肯降東壁清輝  
懷夏屋西嵐真氣入秋窗詩箋濯錦濤疑薛夢  
筆生花淹過江誰隔銀河千萬里風流寧許伴  
無雙

突兀奇嵐劍出面商飈昨夜洗秋砒石邊對弈  
看黃肉竹裏傳盃問籍咸家近龍門歲副史天  
高風汎見孤帆小山叢桂畱公案金粟清芬落

梁奇

卷之三

三

滿衫

王司李過訪瀑房二首

濛濛煙雨憶停雲遊目山川媿右軍每向天門  
疑虎卧曾為道士寫驚羣千旄逆調尋幽討爾  
雅高音避俗氣怪底聯宵秋瀑吼風行水上共  
論文

茂林修竹滿崇山亦在汾東隱秀間僕射曾期  
三益友庭堅直在五臣班未能追琢鐫青玉但

見浮鷗友白鵬作賦登高聊可韻南華秋水大

方剛

寄題靜觀上人與鼎開士遊西山

目錄有

寄語楞嚴頂宗門古梵林一天花雨院四大石  
牀栴東塏碑應寫西山寺可尋真空何以報布  
地盡黃金

精舍盆栳

孰與芳蘭伯仲奇奇哉陽羨古盆栳雙葩素艷  
瀑音

卷之三

五

甘凝露六蕊幽芳翠捧枝合德臨瀾新浴後文  
君對月晚聽時可憐回向菩提路休夏園林好  
自恣

瓶蓮

一枝新水法華蓮古籀軍持分外鮮久辱泥塗  
曾不垢甃流清露倍生妍亭亭抱玉房皆子辦  
辦凌波步欲仙料想瀑符同此月遙香隱約發  
天然

靜開士列古玩時花木得茉莉索詩

平章聲卉頗幽尋試問高僧走道林  
追電五花神駿画沉香八尺古牀琴  
也知到處應無住只欲隨緣使得心  
況復南枝相失久科頭肯負茉莉簪

金銀藤結雙壽字用鶴儔先生句足而成律

儔鶴先生一艸堂  
忍冬藤句寫孤芳  
山家蘿落

保音

卷之三

去

從來雅世上金銀無此香  
瀑布蒼棚臨菡萏京  
盆巧偶類駕耒雙  
經壽字如僧老錯認清芬似  
故鄉

大暑三友戲為初體題西來閣

六月之朔庚寅伏夏日可畏  
異尋常燥來何事  
同人熱靜勝無心乃自涼  
星石水寒梔子伴膽  
瓶碧冷荷花房茉莉再從南國至  
大暑三友共  
慈航

蘭芽

曾聞君子況幽蘭  
今見蘭芽仔細看  
香國由來為棘妬  
吟壇只合與芝歡  
同心之與金應斷  
空谷何人秀可食  
泉石煙霞無限意  
西峰遙望倚欄杆

西山八咏

宿戒壇

聞道西山有戒臺  
先從遠處看雲來  
仰盤祇樹

瀑寺

卷之三

三

連箕尾俯視桑乾動  
雨雷塢影壇空存舍利日  
光海照引蓬萊華嚴百八鐘  
聲省第一登臨法界開

次潭柘

太古名山入望初  
先傳勝境後幽都  
柘畱白象千年骨  
潭繞青龍九戲珠  
虬蟒慈祥真佛性  
策杖威猛少師圖  
印公邀語禪林夜  
海底濤吟尚耳呼



凌晨自朝陽菴渡河望淨德上隆恩

西來一掌波虹波雙寺環峰旭影過淨德左宜  
雲樹密隆恩右有雨花多範金寶璫轉輪藏  
帛藤胎大補陀十里尋源龍井岍上方雷鼓在  
煙蘿

法海

微雨平登法海門無邊路柏掩承恩画橋三轉  
鼇吞口翠枯千班豹吐根玉井高流分内外蘆

溪音

卷之三

五

溝遙望失清渾殘碑尚勒英宗號始信空餘見

佛尊

香山

香山南轉轉山香窈窕潺湲水樹涼忽聽黃鸝  
啼午夢再觀錦里戲虹梁當門接引冲霄佛曲  
徑高低倒峽廊更上一層天欲近平分雲漢界  
洪光

來青軒

白衣岩畔望都亭樓閣空中近帝庭世廟綸音  
稱獨翠神宗御筆寫來青朝曦散霽仍熾霧夜  
月流輝可摘星隨意推窗檀氣滿蒼龍教子鶴  
聽經

洪光

欲問洪光何處尋十盤九轉栢森森山腰閃影  
人中画案頂明珠月在心蒲馥並將吞石髓雨  
飛真似吼雷音毘盧圓殿朝鮮樣千佛蓮花面

溪音

卷之三

五

面金

碧雲

碧雲鵬際看皇州十日奇觀結壯遊玉沼青林  
恣夏榻珠龕寶歲會西樓凝香丹桂長廊蔭洗  
鉢清泉適戶流宸是烹茶談竹院水天一色聖  
題畱

西山名勝甲天下拳懷久之時節因緣乃在  
已亥遂隱之異想獲鼎寶以同構曰彤家

取逆仁道先難首戒壇而尾碧雲波隆恩而  
超法海潭柘之古香山之幽洪光之奇來青  
之遠雨中雲畔蘇袖賡詩玉色金聲清僧洗  
硯龍湫卓錫竹間佳茗烹來般若伊蒲花裏  
香廚捧出荒涼臥佛已倦津梁杳霽西峰但  
聞鐘鼓避囂在四月之末入深爲十日之遊  
經萬壽禮大鑪而殿焉所歷有吟聊識如右  
發碧雲至萬壽隨喜臥鐘高一丈八尺閣

瀑音

卷之三

六

一丈二尺中外週邊鑄楞嚴法華金剛華  
嚴諸品經咒毫髮無遺字畫端楷硃砂碧  
翠蒼狀鬱狀神物奇特矧自洪武萬曆初  
封長鳴侯尋臥地頃寺前院穴謂倣高麗  
圓殿可復懸之

誰將海藏寫銅龍丈六金身變大鑪極品部經  
皆佛鑄長鳴侯爵自天封閣前炎上空諸有殿  
改圓通庶可容從此不須翻貝葉懸之宇宙更

無鐘

端午前與鼎開士遊西山還西來閣值開  
士初度即事十二韻爲壽

大教欽玄獎修齡孰可班性香雲樹鼎寧照海  
天宸指月觀宗鏡臨漪識聖顏經翻白馬部衲  
佩紫衣環萬善隨人悅三飯到處開戴君蓬斗  
笠襟我玉絲斑橋過京塵外峰高法界間放參  
羅漢古點化石頭頑休夏桓林榻由旬桂嶺灣

瀑音

卷之三

三

夙緣同寶筏他日定禪關鹿洞千年筭鵬圖六  
月攀攜來詩裏面公壽即西山

西山迴文戲句

拋塵遠步戒臺參次宿名嵐古柘潭蛟枕晚煙  
迷水澗鶴飛晨影度橋菴巢禪淨德隆恩北石  
怪香山法海南梢月洪光千樹轉嚶嚶喜晤碧  
雲曇

中秋二首

此夜都門月中秋選佛場刀環真不遠柳肘復何傷

癘發于左  
眩之曲

且喜江平報平分酌滿觴西方

瞻桂影千里近萱堂

役役寧知止京塵又判年西山吾老友秋月爾

同眠河漢原通海兼葭別有天水瀟何處是應

照瀑東偏

蓮開

奇文點罷瑞蓮開閣外黃鸝報語來六月方酣

瀑

卷之三

室

野馬汗一枝初晒法華腮亭亭玉立金纓蕊  
瑟珠光赤蚌胎爲愛泥中曾不垢晚香韜穎靜  
池臺

紀異

歲在庚子夏六月廿之七萱慈九十二大雨崩  
其室驚聞魄已碎其勢急于霹靂不以身代嘔  
泣何嗟及倉忙空旁入泥高門已塞椽椳襟元  
礪杆杖四面集余母竟無恙所坐僅容膝嘗誦

晉門品仰大威神力十四無畏中少此奇險吉  
不謂余狂瞽仍得見天日神明過於護悔吝尚  
夕惕母齡何處算再從百有十

晉史咏畧二十二韻

一葉削桐珪天子言無戲太原汾水東惟此陶  
唐冀絳都翼曲沃寧容兩大勢驪戎獲妖姬毒  
昨先墳地嗚呼恭太子危於金玦佩重耳及難  
初四十有三歲在戎十二秋冢相定而逝逸足

瀑

卷之三

室

到臨淄晉文齊桓堦懷安實敗名登車心已醉  
逐犯竟引戈奇情聞所未過曹不禮焉野人與  
之塊何以報楚君中原三舍避送渭復微行秦  
繆王城會險阻十九年定霸六十二五蛇從一  
龍其一綿田退身隱焉用文寒食千春祀臺上  
觀避丸熊脬藝亦創董狐自有筆鉏麇安肯割  
祁奚真不黨叔向知季世悼後遂莫強萬盈大  
名魏舜華寶鳴犢回轅架操喟卿才諸侯選吾

祖賁皇裔

九日登臺詠懷舊跡四首

臺上亭先題正殿以對冠山得名

西山不改尚如冠九日登臺正對看蓬鬢真將  
羞落帽高峰還與笑凭闌一雙古檣涵秋影百  
五蒼案歷歲寒側注風雲寧再遇漫言新沐必  
須彈

四十年前作賦臺兵戈之後剪蒿萊山城空翠  
朝暉裏樓閣遙紅晚照來采菊東籬懷靖節切  
湛音

卷之三

六

雲西嶺望崔嵬吾廬堂壁瞻狀在絲竹金聲隱  
碧苔

玄宰標題著大荒正冠亭下百源堂頗伽音雅  
案盛淨脈望規奇寶樹香玉露金英時隱逸楚  
材晉用自賁皇千年鶴唳歸華表台斗星高認  
戴匡

昆明池劫換年華自斷何勞算海沙菊到重陽  
方雨露山畱冠冕但煙霞細川別業歸天竺銅

爵西陵走暮鴉瀑布飛濤吾欲老東軒久擬遠  
公家

夢鶴儕先生

部上趙家宰文章絕代雄生平所著作每見即  
心融鴈門畱史韻寤寐若為通東里秋宵宿月  
照屋梁空分明夢見之是為儕鶴翁素冠組袍  
古蒼顏面向東余也侍側陳公文素所宗公云  
如此世爾宜委曲從若狀斯二語烏稱忠毅公  
瀑音

卷之三

七

顧廚公領袖曾歎揚大洪乃知巽行權雅有大  
臣風聞昔杜子美見夢蘇文忠遺恨吞吳解千  
載訖心胆

讀友夏遇莊約畧成咏

萬卷丹經何句總真人之息在於踵用心若鏡  
感而通緣督為經鍊鉛汞豹養其內虎外來殺  
養其外熱內涌東陵殉利西山名不材天年寧  
擁腫九萬鵬背自逍遙三多華祝克猶恐蜩媒

栩栩漆魚遊輪尻神馬雷心統入水不濡火不  
焚哀樂不動胎焉悚無搖爾精勞爾形無俾思  
慮營營冗古人糟魄書莫讀詩禮發冢誰作俑  
不導引而壽云何象罔赤水玄珠湧無卜筮而  
知吉凶終日握手其德共老聃新沐應微初一  
人儒服公門聳韋編三絕變南華莫認莊周真  
罵孔

祈晴篇

瀑音

卷之三

突

燕燕舞前軒蟻穴封于後昨宵月離畢大雨為  
之驟六月十之三姊乃蒼龍闔狂怕不暫停淫  
霖夜復盡偈側何偈側誰為補天漏乞晴皆云  
止怕來仍還又凹堂寧芥舟桀瓦都湮透甲子  
困泥塗歎室憐閨秀尚憶雨淋鈴瀑房移中雷  
七里碧濤樓萬卷書痕舊吾虛作虎谿總仗楊  
枝祐

贈龍門河清士

東里貢皇換虎溪迦陵新轉竹林西星躔文斗  
朱衣點雲裊仙風恠石梯不二法門寧倩月大  
千世界盡菩提神通佳手從吾願金湧蓮花已  
出泥

黃庭云百二十年猶可還拱垣自況本此  
今年六十有五廣內景之言拓大衍之數  
湯成排律聯祝

瀑音

卷之三

突

拱垣吾執友自非有鴻材壯險雄風過平康老  
境來巽梯函玉蕊乾柱聳春臺虎鍊三彭月龍  
吟五內雷每心存古悔亥子認嬰孩玄牝觀其  
微丹田灌幾迴鉛紅將問鼎須漆見于腮槃澗  
青蒲肩荷房綠葉杯比逢初度會正是法華開  
週復看義卦寧云百念哉

贈邢子愿公孫西筵

楚材騷雅出清塵一握春風賞鑒新書重子愿  
邢太僕画尊慈靜馬夫人右軍之後來禽館大

士云何現月身家學丹青澤老氣公孫貽贈可  
歲珍

除夕

一燈除夜照心龕母歲明春九十三爆竹山中  
聲愈壯屠蘇殿後飲寧貪納新吐故應須壽歎  
老嗟卑恐屬愁秩秩斯千波欲煖晚香清夢可  
熊男

元旦聽華嚴鐘

溪音

卷之三

三

鐘聲催曉撞華嚴此是新政第一占茶咽洗心  
懸水瀑音聽盈耳良山兼匪我伊蔚焉能孝干  
止羞毛已太廉四十九年非也寤眉光應放白  
毫尖

即事

攝提歲在寅又見改元春山水還依舊風雲變  
態新看詩到小雅展易得同人始媿當年少早  
克觀國賓

上已

上已欣然事祓除花明柳媚惠風初仲春三日  
周官制曲水流觴晉法書可似彼羅云不垢更  
參點爾對何如一勾新月西方現向晚鐘聲又  
起予

上已與伯彭公振遇諸塗感所見戲贈之  
作

徒步值上已忽逢舊知己滄桑起人心法器應  
溪音

卷之三

三

不爾脩禩字名佳知命順于耳黃沙枯髑髏其  
面本桃李金菊對芙蓉今昔何彼此應作如是  
觀一酌東流水

壽王太守二律

仁聲赫奕吼新雷此日南山頌有臺樂只千秋  
洵樂只歸哉百姓盡歸哉使人易事殊難悅與  
物中孚斷不猜申甫祥鍾光岳氣星朝北斗近  
三台

洮江左控古并州右掖神京速置郵天與廣陽  
廉父母民當大夏祝春秋省財力似千鈞鼎容  
衆心如萬壑舟湯說庚桑楚畏壘竚看三接晉  
康侯

續暹字祥光二首

凌空錫杖倒飛尖直問黃皇古孝廉九月金霞  
佛界續五燈寶藏海濤暹種蓮慧業何其遠采  
菊陶然可以潛險韻成詩聊捧喝應知究竟作

澤音

卷之三

三

楞嚴

東里當年勒發祥百源今日應毫光雲經哲帝  
天花淨月洗心燈寶篆香梵唄千聲聞紫極禪  
牀四大伴純陽虎溪真復成三笑讀罷金剛解  
遇莊

暹公晨興功課提燈步月四處焚香景色  
聲聞頓超常境一詩以附回向

早起焚香步艮台山高月大正西來玲瓏栢影

雙飛塔圓滿心燈四照臺磬韻清新驚蝶夢魚  
聲空洞吼轟雷細聽佛號如天語字字高呼謂  
善哉

大雪經聲

造化特好奇物理欲顛倒瀑布反爲家東林作  
三寶拈拈九月餘喜得暹公好大事甫成功歸  
家補禪襖半夕即言旋吾師又洒掃同雲湧霰  
丸一夜乾坤老白雪滿崑崙師又發清曉梵唄

澤音

卷之三

三

徹空濛六出天花繞玉屑竟空飛爲洗心中州  
冬至夜夢手持白蓮一枝臺上開紅蓮一  
枝時閱佛法金湯窟而成律

聞說西方九品蓮就中紅白更天然紅疑陽燄  
朝霞射白與方諸夜月鮮貝葉書遺補二段法  
華心轉夢初圓昨宵况復黃鐘起淨植真空對  
大千

沙門心恭彙屠赤水雲栖株二集爲佛法金

湯台編上下古今幾備余補遂兩段照水拖  
花赤帝子空山雨竹漢文章護法也靜戒定  
西來了義于豐狐文豹見之志禪也時一陽  
初動八倡偶成與善知識結無漏之因一革  
初祖謂寫經度僧有漏之因有漏無漏是二  
是一須參

色居五蘊之首眼為六識之尖只恐阿難破戒  
說起一部楞嚴 淫戒

淫音

卷之三

三

不垢蓮開十丈大乘門演三車只緣火宅猛聚  
說出一部法華 貪戒

楞嚴究竟堅固法華權實同歸二字華嚴海會  
更于何處尋癡 癡戒

牛曰一元大武十九年矣善刀養生聞言而得  
是以君子遠庖 殺戒

大盜為蹻為跖言銛克至穿窬發冢金椎徐控  
又偷口裏含珠 盜戒

船舫誰飄羅刹無明頓起黑風飛劍將琴撼碎  
純陽已服黃龍 嗔戒

意三身三口四溪聲舌何廣長欲識貫道之器  
性天湧出文章 口四戒

謗佛毀尼寧免西天南海心胞鸚鵡念成舍利  
漁山梵奏空中 皈依

淫音

卷之三

三



瀑音 卷之四

虎溪嘯餘

晉東苗 著九符著

之任江西

雙別汾沔綿上田紅涵秋水是文淵匡廬奇秀  
三千里甲子泥塗四十年敢謂金風驚伯嶼可  
能玉茗問臨川南針肯向迷津指宦海壺中別  
有天

虎谿軒臨發里門

瀑音

卷之四

一

無心之感卦爲咸湖口鄱陽放飽帆廬嶽溪邊  
三笑虎麻姑殿後七星杉建陽講紫隣何近顏  
魯書壇字豈九故國遺踪曾泐未蘭亭一卷是  
誰函

黃梁夢

湖海長征起太行邯鄲古跡問黃梁英雄究竟  
飯仙佛鍾呂傳真自漢唐一枕方酣飛日月半  
鎗纔熟滾滄桑請看司馬南門宅碧嶽苔斑護

短牆

自封丘隄渡黃河

鴻飛朝引渡黃河四十年來一再過西從星槎  
曾到否東尋良嶽竟如何霞開初旭通三島柳  
夾長隄護萬舸遙想匡廬真面目楚狂寧復接  
輿歌

再過大梁

天漢龍津八面郵昔年曾到大梁遊北惟萬乘

瀑音

卷之四

二

分千乘南未杭州作汴州盜決黃河金穴底民  
栖艸屋土浮頭來時錯認城門路良塢歸狀枕  
濁流

亳州

亳州精舍譙之東紫氣猶纏天靜宮指樹流星  
生道德讀書射獵起英雄行恒王屋千峰遠淮  
海維揚一水通南國風光十月景盈隄柳碧柿  
心紅

蒙城

八股方驚愧五車北窗特喜誦南華昨經蓬萊  
猶龍樹今過蘆蘆夢蝶砂一水盈盈帆掛月孤  
城隱隱塋凌霞毫蒙靈異江淮聚莊老仙風魏  
武家

懷遠

懷遠花封蘆鳳頭當年神禹會諸侯塗山玉隱  
荆山玉淮水舟通淝水舟雨過小春雲斷壁波

溪

卷之四

三

來桐柏舫中流辛壬癸甲無多日四海爲家即

宦遊

鳳陽

中都入望屬初冬瞥見當時王氣宗名是朝陽  
應起鳳信知無首不飛龍乾坤日月鍾離表吳  
楚東南定遠峰不設城池門作九層層玉帶鎖  
砂封

池河

晚宿池河驛漸欲分舟馬晨興上山麓寺燈猶  
未熄轉入佳境高絕頂煙雲惹陸行二千里到  
此心神灑佳名仙居澗枯禪正般若晨炊大柳  
蒼蒼碧單層瓦羣峰走其門雨過添風雅醉翁  
不吾欺環滁皆山也山水田多香稻堪盈把  
造化忒好奇陰陽爲炭瀉勢欲隔江淮故使山  
踞治不往大江西誰見茲山者

珠龍橋

溪

卷之四

四

雨歇珠龍橋僕夫畏晨走前塗泥滑滑動欲掣  
其肘徐行解脫之險阻復何有稻畦水潺湲十  
月青青柳山根古招提山腰何峻陡絕頂洞門  
開其勢將捫斗過嶺復伽藍香龕皆漢壽谷滿  
歲寒枝雨竹如親手僧屋露老梅千鳥見三友  
愛此釋肩與徒步一回首若遇謝樗仙落筆煙  
波吼俯瞰是滁陽明日到浦口

醉翁亭

六一亭何處當年醉此翁  
西南林壑美東北醺  
泉通讀記遊曾遍登途興未窮  
夕陽無限好回首半山中

浦口宵征

甘露亭三字心燈磬一聲  
分明聞梵籟險絕走江城  
路覺金繩引津途寶筏擎  
林中天柱壽水面對南京

喜到金陵

梁音

卷之四

五

當年曾夢鳳臺高  
晚泊秦淮逸興豪  
只有文章尊李杜  
但憑忠信涉波濤  
石頭雄據猶疑虎  
葉渡輕飛尚憶桃  
六代衣冠渾往事  
新亭亭外又勞勞

江月舟中

星月含虛湧大江  
樓船簫鼓奏吳腔  
鉦鳴濤面龍吟笛  
艦照蘆中鳳吐鉦  
聯日烹嘗建業水  
三山迴轉讀書窗  
宵征護國峰前過  
采石磯頭話

舊邦

繁昌又三山

三山之外又三山  
萬里江流第幾灣  
李白當時捉月處  
石帆今日指雲間  
鳳凰臺上青天半  
螃蟹磯中碧水關  
兩岬奇觀應歷過  
詩仙復起更開顏

舊縣寺舟月

梁音

卷之四

六

舊縣濱何寺飛航  
向晚過左環羣岫  
翠右俯大江波玉  
鏡方來照蒼虬未  
改柯浮圖風鐸吼  
罽岬滿漁蓑

過銅陵宿大通

舟望池陽閃落暉  
大通佳次晚相依  
誰家喬木藏金穴  
何處山翁賞翠微  
秋浦銅陵今所歷  
冬官水部昨何譏  
傳聞荻港殊神異  
已過江中太子磯

過安慶宿黃石磯

吳楚咽喉大壑峙皖城于此扼乾坤千竿艤棹  
三江面一帶圍屏八卦門寶塔高空梯漢表正  
風雄穩鼓濤痕蘆花罾滿魚鷹戲黃石磯頭湧  
月輪

發黃石磯過東流

曉發黃石磯挂席帆不正減米散同舟杜言真  
可敬郵籤報冰程江心風忽硬飛濤兩丈立孤  
舟爲之橫危哉整時人足以懲梟獍顛沛三十

漢音

卷之四

七

里露貫幸而旋夜對洞關千悲極復稱慶明早  
過東流東流平若鏡此地古彭澤菊圃依陶徑  
霜巖花吐節謚美江還靖昨日驚險絕今日喜  
慧定坎止任流行於此知天命

小孤山

晚投彭澤縣羣峰走而臥捨舟從口入恍似拖  
源過江心拳石起奇特勢一箇山腰懸殿閣山  
頂雲亭座昏鴉葉雪巔萬點如漆澗岑陵聳逆

峰陶句高難和江西第一觀小中能見大語小  
德不孤天下莫能破

發湖口石鐘山過大孤望廬山作

湖口東西考石鐘大孤遙望祭江龍碧波朝海  
三千頃玉笏冲天八九峰纔是廬山真面目始  
知彭蠡曠心胎虎溪軒別黃花候明日吳城已  
拜冬

漢音

卷之四

八

汎彭蠡望廬山自湖口抵吳城百八十里

一日而渡

遠公鴈門秀廬山天下奇淵明陸修靜三笑過  
虎谿虎谿之下臨彭蠡楚材晉用賁皇子吾廬  
昌改虎谿軒山右江右五千里軒大士洞純易  
六星臺象文昌刻石見匡廬嗟余亦大孤正當  
長至日風送鄱陽湖湖光四望開我顏廬山原  
對大孤山

發吳城過臨川將抵盱江

吳城北望謝鄱陽再發輕篙上豫章千里清流  
皆碧瀉萬家古木半梅妝桃源岼交藤路臘  
月丁丁起竹房五斗折腰寧不媿冰心委吏戒  
吾航

將抵建昌舟行漫記

典城到盱江去家五千里回首碧濤樓乃在瀑  
中汎九月黃花節驅車爲之始迺遷太行雲安  
穩黃河濟過毫又過蒙老子復莊子鳳陽及滁  
瀑音 卷之四 九

陽浦口天連水錢塘屬江首漢口居江尾安慶  
據江腹險哉黃石磯小孤入大孤匡廬鎮彭蠡  
鄱陽一天風仙舟快如駛吳城換小船南征碧  
見底岼岼盡桃源竹瓦千棹裏冬雨過臨川前  
山建昌矣家人問水土飲食精鑿美頗慮衙胥  
滑貌愚言且但閩粵在南荒麻源瘴一洗前此  
皆妄憂到此寧浪喜但恐樗材疎畏途勞復憇  
前定皆天也安之若命耳何日賦歸來波順孤

帆啓抗蘇歷邦溝汾東望吾梓

舟興

舟行啓蓬窗岼石聳奇質石下碧照千石頭古  
塢乙榜人欸乃歌漁蓑蓬斗笠濛濛煙雨中面  
圖復落筆

臘月初九日抵盱江署

二陽之月日居陽風氣清和入建昌一路水田  
皆白粲兩邊山木盡青棹自來仙吏爲中隱幻  
瀑音 卷之四 十

出桃源似舊鄉南北天懸回首望大寒冰雪滿  
恒行

暮春自建上洪都雨中紀行之作

案牘勞形可奈何暮春春服渡春波偷閒半月  
尋雲水大放雙眸看澗道修竹千竿橫翠壁奇  
楓百尺挂斑蘿禪居石屋何清唄花底秦宮亦  
善歌但脫匆忙期稍稍少能真率勝多大大鵬  
海運思濱遠好爵卑鳴欲漢摩倦卧肩與看画

舫飯來席地坐輕莎洪都新府從來賦古晉陳  
人又復過時雨瀟瀟江岼草停雲霽霽瀑林窩  
未之思也夫何遠山右江西但伐柯

再過臨川雨中春望

嘉平之月過臨川九十春光又一天水向煙吞  
方寫照山經雨洗倍生妍當年丘祝還家廟此  
日桑麻尚井田設險關樓今建撫無私花柳共  
嫣然

澤音

卷之四

十二

是日清明用杜韻

遠宦經春且放寬近郊奇賞動幽歡五千里外  
來參案十二時中欲挂冠穀雨江邊衣乍煖清  
明綿上食猶寒何年禁火花村畔士女如雲一  
飽看

青麻道上二首

界山分建撫入境稻泉香上下天雙境高低水  
萬塘青麻邀吏隱黃鳥罵余忙何日飛船去兼

鼓也一方

兩邊奇嶂盡窈窕送青來嶽嶽高窳老亭亭立  
竹孩千家應月照百里莫驚雷蘇晉長齋後使  
君茗一杯

江村十咏

青麻曉發雨濛濛碧水新畬到處通怪石龜形  
駝古寺棹楓兩岼映山紅

清音盈耳水淙淙岳口波來橋口雙鑑玉奇光

澤音

卷之四

十二

四十里兩姑山下是盱江

麻姑山下從姑山僊有經壇宇有顏彭蠡為門  
盱作與水心衙裏洗詩斑

太平橋望萬年橋兩道飛虹勢欲朝寄語東吳  
來画舫淮安腰鼓廣陵簫

樓船簫鼓遡江來儒雅風流欲逸才謾說公門  
畫桃李蒙泉先賞一枝梅

沙棠之棹木蘭舟雙借公題作遠遊欲續滕王

高閣賦再尋高士到南州

雲中江樹雨中帆曲水藤橋隱秀巖擬是前身

爲石屋後來禪榻解征衫

楓樹千章稻滿村層層逆折水車輪桔槔莊語

應翻案俯仰無心起慧根

大方原不碍枯禪花雨江楓盡戒羶公案叅來

皆活句何妨寶月對韓嫣

江路煙波帶雨香禪關曉發正端陽烹茶領畧

漾青

卷之四

十三

伊蒲饌次第征帆盡法航

江干禪寓

昨夜宿招提今聽招提唵豈曰兩尼之合是如

來種

問村曰焦石到村皆水樹始信宿根人多被浮

名誤

一景復一景一景一吟詩詩成甫一景舟向岬

前移

不是悅才人即是愛佛子易地則皆然兩者真  
法喜

五日江行

何必中洲水竹灘龍舟五日闌江千不恭柳下  
聊程楊大笑淳于絕索冠過矣西京天寶事遐  
哉南服建江官幾時得抱芙蓉被只尺匡廬見  
葉難

遊麻姑回首

漾青

卷之四

十四

不意今如此聊當賦遠遊祇緣牛馬走已悞鳳  
凰求玉練懸青嶂虹橋渡碧流連朝天氣好爽  
籟發清秋

判年塵不了今始上麻姑白露煙痕斷西峰日  
照初田田滋碩大步步接清虛野鶴孤雲外秋  
濤向耳呼

龍門橋上下瀑布水雌雄一勺傳神酒雙飛瀉  
鬼工於斯登佛路由此入仙谿聞說坎吞吼潭

深宿此中

大竹千竿聳細流接羽門已荒蔡氏跡不復魯  
公存鐵畫銀鈎泐紅泉石磴噴只畱觀瀑後燈  
火照黃昏

再上麻姑四首

十月十二日

朝煙橫岫出城闌橋綠橙黃正小春再報龍門  
看瀑布麻姑一上一回新

半嶺茶亭吼瀑聲仙源信犬傍人迎山中喝道

瀑音

卷之四

十五

皆回去恐辱麻姑寫治生

麻姑山頂萬尋高玉練雙飛鎖碧濤上有平疇  
千百頃擗麟把酒奠神臯

獨嘯奇峰俯瀑雷兩姑中斷遠帆開冰輪欲滿  
飛天鏡十二清光照晚來

從姑山

每對寶峰欲寫騷駕言東出理江臯從姑豈屬  
麻姑仲廣水原通新水漕無數依桐棲鳳竹有

時裂石試牛刀危欄欲磴扶搖上一線天橋獨  
立鰲

麻姑以瀑奇從姑以石怪瀑則吾所居怪則吾  
欲拜巨靈何時劈衆畏不敢邁一哂皆孩之直  
踰凌霄界虹梁仙弈頂始悟孔登太所異修志  
錯識者胡不汰平定作定州媧皇竟引賴吾莊  
東浮山五色石猶在文裕晉學使畱詩存梗槩  
補天與斷鰲列子寓言外

瀑音

卷之四

十六

瀘溪四首

欲眺山林引興長如陵如阜復如岡樓籬竹壁  
無闕市鴨浴鷺浮有稻梁兩派清流橋半戶萬  
峰深處石方牀夜來肱篋聊莊語博得青蒼一  
飽嘗

蒼梅大竹滿溪前到處遊觀係舊緣不是遠來  
叅案牘那能親見此山川波光上下琅玕碧林  
入秋冬錦繡鮮此景若畱摩詰寫行人應似畫



中仙

也無沾戀也無拋歸妹愁期豹變又凡事隨緣  
觀自在適來難定代誰庖楓垂水面搖魚尾馬  
勒山腰動竹梢但得眼前奇趣過任從蠻語妬  
還姣

瀘溪原屬古南城改設瀘溪為緩征萬杵漁春

兼玉版千峰杉樹側金橙勝遊歲月年居甲奇

景橋梁字作丁有丁字橋布粟諸徭皆可讓高山流

溪音

卷之四

二

水尚須爭

贈南豐署事前韻

南豐亦屬古南城改自孫吳上不征百里清風

臨古篆一年好景正新橙驅魚避獺寧由已騎

竹迎琴尚有丁漫說獨孤曾對月解嘲庭下看

無爭

曉發珎珎

曉發珎珎橋重叟集雨岍虹梁一臨之勢欲萃

而溪前此使君誰財聚則爾散疇謂此溪山爭  
田不讓畔農樸提挈肥水春皆白粲士秀熟中  
庸可以行患難前村有綠林盡洗因犯亂毋令  
李涉詩到處畱公案

丁字橋

下山丁字橋奇絕更幽古東與南流合石梁在

中渚家家竹紙房飛輪為之舞輪飛水自春不

見誰操杵澗柏次垂杉蒼筠莫可數驅車且停

溪音

卷之四

六

停欲訪溪林虞却怪陶彭澤五柳亦幻語家近  
盍來茲勝似桃源譜

瀘溪回咏

秋嶂如古琴清商存大雅修竹峭摩空陡澗幽  
湍瀉石怪虎豹蹲骨高勒我馬眼前固嵯峨胸  
中甚瀟灑筍與僕如猱登峰飛上下隨處即指  
手攬奇欲盈把水輪擊鮮春杉片成蒼瓦庶幾  
懷葛風不似城闔假歷盡桂叢阿未見招隱者

四絕句

瀘溪楓葉點朱衣  
鳥道猿梯入翠微  
誰謂南宮無北強  
湘妃竹與僕如飛

二水交叅丁字橋  
蒼筠奇木上青霄  
中懸藥室神樓散  
點綴雲林遠市朝

亭亭翠竹隱秋山  
葉葉高林赤玉斑  
列子泐風心亦醉  
滿前大藥駐朱顏

羣山矗矗翠屏收  
闔鎖淙淙大石頭  
可以武陵

瀑音

卷之四

十九

柁渡口漁郎到此放仙舟

瀘溪口號

過嶺復過一嶺渡溪又渡雙溪澗底敲金戛玉  
林中吠犬鳴雞

溪口雪橋銀粟山腰兜竹斑欄糾葛江南亦冷  
輕裘塞北寧寒

虎豹深山似北鳬  
驚泛水知冬信  
斧誰揮竹紙  
飛輪自擣溪春

昨宿溪斜晚翠今來旭捲朝霞半霧半晴山麓  
如圖如畫人家

上五福

兩月不出門今日喜東出橋東萬里船橋西麻  
姑瀑茆茨棕蓋偃籬落湘妃竹僕夫健於猱上  
下山之腹山中多虎豹虎豹莫余毒天際遠帆  
歸選勝浮家宿驚見野梅花子半天心復漁火  
照江星明日到五福

瀑音

卷之四

二十

發硝石

益王墳山高勢逼青龍斷肘四  
獸未得和平到硝石豁然開朗

硝石朝曦瀉紫煙  
斯圖別是一山川  
冬青樹裏穿花馬  
永壽橋邊轉畫船  
地入南溟休認雪  
農當子月尚芸田  
更奇誰斧天荒峽  
款乃聲來便覺仙

夾竹桃

何手栽雙樹中庭  
錦繡遮枝皆竹葉  
瓣瓣是桃花  
老幹歲奇骨新胎  
長嫩芽江天已判  
歲隨

地即吾家

漫興二絕

江天桃李水心街雙樹  
今起赤霞二月噴開  
至十月淇澳綠葉武陵花

屈宋才高亦作衙清  
冷艷玉含霞晚來懸伴  
湘妃榻銀結絲籃茉莉花

禪意

晉東冀以北江西城之南山  
水何嫌酷詩書未

瀑音

卷之四

三

改貪不須誤爾雅有分  
近瞿曇莫駭頭方白將  
登雪嶺來

楞華閣湯興

盱江到處有魚塘粧點山川亦莫當  
二百園中聯福廣十三府外比蘇杭  
前分賓主楞華閣近與桅蘭茉莉香  
戛擊鳴球清磬半數聲  
蒼響綠實當

十二月初九日

嘉平初九瑞函煙屈指臨盱遂一年繞屋梅花  
成韻友蹲臺怪石比頑僊撫絃動操聊莞爾流  
水浮雲總澹然漫說囊空羞澁畫又百五尚  
餘錢

臘雪

南方不冷只知炎誰翦冰花六出尖地暖梅開  
香繞屋天寒雪化玉飛簷茶朱雅伴湘妃竹桂  
素幽隣佛手柑四季盱江風景見水心只在瀑

瀑音

卷之四

五

之巖

除夕戲句

去年如駛又今年那有楊州跨鶴錢銅篆一方  
羈栗里犀尊五合醉坡仙南隣交趾西江地東  
里賁皇冀北天亥子嬰孩惟獨坐何須再訪悟  
真篇

人日

曼倩恢諧漢武庭蟠桃偷去度仙齡又于南土

逢人日再向東方問歲星瀑布山中雙玉練麻姑江上數峰青蓬萊清淺尋常事且寄乾坤一州亭

十日凌晨

孟春初醒澤中雷陸岵分明入夢來慧眼遲眠惟望月清心早起只觀梅竹桃碧蕊歲仙骨佛指金柑護聖胎忽憶元宵雙檣影冠山應照六星臺

瀑音

卷之四

五

即事

兩年總未一開顏一月何曾兩日閒玉練乍觀如瀑布麻姑錯認似冠山縱然守及瓜將滿博得歸來鬢已斑幸有夙根能解脫楞華高閣出人間

平章花卉

正月方歸二月來羣梅開罷寶珠開海棠睡足楊妃貌佛手柑分淨飯胎萬里滇茶少所貴百

年桃竹老其材後龍山是麻姑麓每日遊觀定幾回

易事軒讀易至升之三爻升虛邑與盱奇合姑山入望紅梅放春雪意瀑音感而有作

天半麻姑瀑布淙鶴鳴清和子男邦高峰白雪原知九繞屋紅梅不用雙易事軒中藏大器升虛邑外走盱江并刀剪得雌雄水古月新茶味

瀑音

卷之四

六

竹窗

楞華閣湯興

楞華高閣倚窗東四牖玲瓏面面風且竹且蘭且茉莉也書也弈也絲桐興長每待山林引吾短應須禮樂攻一吸西江聊爾耳又玄門上是真空

五月自洪都還建昌湯咏

瀑隱虎谿東遠公鴈門賈前後晉中來非有兩

蓮社匡廬爲之兆既見我心寓半萬里南城補  
過未能寡忠信涉波濤間侃寧癡啞建昌次蘇  
杭誰爲此言者尖澆比屋涼肝名真不假參苓  
懼莫瘳療毒奚堪丹將以慈衛之出門同于野  
一再滕王閣凭江意瀟灑三五舊名老相愛握  
盈把所話天璫前靈光畱大雅五日遡江千三  
宿皆蘭若清夜聽經聲心燈莫或地游戲道之  
餘電露騰飛馬班竹見湘妃宣磁勝漢竿寓意  
澤音 卷之四 圭

不畱意屢空宴如也

再上洪都次撫州獲停考報喜賦

一載容肝江問天還自斷正供不敢虧浮費萬  
之半滂咄窮且丟財聚則民散平生性豪華到  
此反寧澹憶昨獻歲餘青蚨八百片左右暗訝  
之南城衆所看若至選佛場何以渡彼岸筭與  
向南州郵命睡中喚停考自天來薦文高兩漢  
奇福先錫余擊節還展玩波瀾特老成毫髮無

遺憾如此故時章數年爲之冠不獨養廉恥從  
茲無患難君子有令圖令圖天所贊

贈李大司馬梅翁同嚴提臺遊麻姑

聞道招提興不孤南山策杖上麻姑長庚今日  
應司馬元帥前身似大儒瀑布雙飛仍舊有炎  
蒸六月此中無紅泉石磴先奇賞從麓天光尚  
一呼

飛鰲屈爲從姑雪之

瀑干

卷之四

三六

石丈千秋屈既姑且從之捫蘿小歇處過峽壯  
觀時蟾窟江中異鰲峰天下奇雨來新洗面似  
索雪寬詩

同李大司馬徐太史雪從姑

怪石凌空見若鷲傲然不屑與羣爭是誰屈作  
麻姑從自我尊推米丈兄一線天開呼帝座雙  
虹水合鎖江城長庚下榻談詩外槃礴飛鰲欲  
上征

冥兀奇觀入翠微神鰲鼓浪勢將飛劈開巖屨  
金爲翼迸出琅玕玉作梯客有三星懷斗北坐  
來一口吸江西直今立雪姑名從天步丹梯照  
晚暉

中洲寺

七月中洲寺千竿大竹林眼前皆筏喻耳半忽  
蟬吟紫氣青牛過高山流水臨折腰何日滿蓮  
社可招尋

浪干

卷之四

三

閣晨

早起看清旭羣峰暎碧牀江存夜氣瀑步引  
朝光茉莉薰琴柱芭蕉扇草堂天球晨一擊靜  
坐自焚香

麻源

麻源尋佛似桃源小口嵐光秀可峻斷壁青空  
林窈窕沿溪遠近水潺湲危橋接引鐘將省大  
宇摩挲石未言北郭南城關是主吾虛久換虎

谿軒

靈谷

靈谷尋仙照碧灣仙都迥不類人間高飛杰閣  
低飛水左磴危欄右磴山石竇雲梯觀道窳風  
來雨陣洗詩斑試將蘿薜簪纓對幽計還偷半  
日間

大早一月喜雨

旱魃曾吟大雅詩毀壇罷覲雨來奇焚如之後

瀑音

卷之四

三

淋朱鳥賜若干前潤圻龜山海荒經雖志怪雲  
雷屯卦未愆期天河帝勅寧封固墨洒飛濤有  
硯池

後龍山懷里

貴皇東里望汾洮瀑布搖光瀉碧濤在水一方  
離室遠過溪三笑改軒高画非有色餘真面琴  
是無絃只雅操間起楞華誰寫照後龍山竹鳳  
揮毫

立秋

年半盱江寄身忙意自閑風來翳翠竹秋到鳳  
凰巖石磴紅泉謝銀鈎鐵畫顏炎威已過去畢  
竟讓西山

中秋楞華閣五首

建武中秋月行年是甲辰霞噴樵竹古露瀼橋  
橙新星野臨閩地賁皇自晉人離家半萬里皓  
魄總無塵

瀑音

卷之四

三

此君原不俗竹笑出天然怪石臨蘇米岑樓寓  
佛仙鳴琴思補過指月峻逃禪繞郭皆山也盱  
江帶案前

金粟如來影天香桂子梯高齋恒嶽北古月大  
江西蘿甲千尋挂筠龕萬卷齊手談班石几夕  
露湯需衣

變易奇而法吟詩史亦葩文章尊老杜性命賴  
南華望水如歸瀑登山即出家玉輪今夜滿約

定汎星槎

秋月冬青頂方諸圓照時牛刀孔戲耳蒲壁舜  
班之自初楞華閣殊荒幼婦辭廣寒千祀蛟應  
亮後龍碑

曉發橫坂再過萬年橋菴

曉發山郵問竹君夜來秋雨尚紛紛千塘碧湍  
肥紅稻一帶青巒瘦白雲鴈繫誰書來北斗湘  
流何涓洒南薰逢僧便說匡廬話未讓紫桑獨  
瀑音

卷之四

三

逸羣

姜仲聯世兄來顧盱江

老蚌珠光照月華吾師奇胤世其家盱畱陰德  
銘潛谷浙起徽音號子牙七十門生擬孔服三  
千江路望金沙誰知碩果姑山麓尚與趨庭問  
古衙

九日後龍山

九日公餘意自閒攜壺聊上後龍山黃花直使

金無色綠竹新添玉有斑  
伯虎圍屏十二扇  
湘妃牖戶兩三間  
犀鐱奇款教人醉  
一一斟來未可刪

朝雲洞夜坐早發江行

山中雲洞澤中雷  
夜氣星虛道氣來  
弈數一盤聊險着  
琴鳴三疊本仙胎  
自心入宴方將息  
亥子之交可認孩  
忽聽擊杵乘曉發  
又遭煙水惹詩裁

溧音

卷之四

三

友夏駁公皆出太虛  
李宗伯之門記史至  
閑逢泥灘天下賢之  
先生慟矣山水奇緣  
盱江獲晤整停雪舫  
顧我蘧廬時年八十  
有一叟鏤健于伏波  
風骨真如角里不意  
海田之後所話天寶  
以前握手而云見小  
子爲晚放膽而對見  
先生不孤年分雙忘  
唱和立定扇頭一律  
志壽朋也

曾歎猶龍特仰睥後身  
今復在江南周家藏史

原爲李楚國言詩只與譚  
四海攸歸宗大老八  
音過密問哥男闔門令  
尹遙相媿又見青牛出  
建嵐

開春十二咏 丙午

除日立春守歲

三年比及涖江盱  
欣賞奇文幸不孤  
宇泰何須驚爆竹  
門清焉用鎮桃符  
無私夜雨心方洗  
有信東風耳欲蘇  
只爲帟谿公案據  
楞華閣外是

溧音

卷之四

五

麻姑

元日試筆

今年試筆意如何  
那得新詩雪舊魔  
欲作無題仍獨立  
尚畱有韻與人歌  
廣陵潮信期寧約  
太史藏奇副未多  
繞屋古梅方半吐  
怡顏聊爾盼庭柯

見賀正者

到處經營爲賀正  
千家紙礮響江聲  
日來月往



天行從棄舊迎新世俗情佛手村拳印欲結梅  
根窟蚌削難成此身素位無南北每夜心燈不  
守庚

耳病瞻禮

耳聾托咏意奇哉子美吾師忼慨魁佳節兩年  
忙裏過古民三疾性中來老而愈辣因官桂富  
不如貧只友梅自訟無窮懺已晚漁山梵唄磬  
新開

瀑奇

卷之四

三

新題即事

賤子何人起冀方幾年隱躍混江光忸怩顏厚  
由中赤禮節恩寬總上蒼附郭休潛真鬼蜮使  
君不判野鴛鴦生平八賦乘新寫竚望祥雲擁  
太行

浮丘咏贈朱雲湖世兄

昔日侯門富執躬先生雅尚古人風黎陽水割  
浮丘半大伾峰飛定楚中有斐蒼筠臨怪石後

彫老相倚青桐山如屋裏來城外合浦珠還似  
未窮

李太虛先生臨歲過訪

八旬一歲老尚書耳目聰明力有餘怪底聯朝  
來紫氣歡然相得咏黃初采薇充蚓寧同調柳  
下墻間豈混趨領取南華休說劍拏音仙棹聽  
琴漁

元日至四日不晴

瀑音

卷之四

三

元日連陰四五朝麻源雨雪未全消山迷瀑閣  
千林外江隔天涯隻影遙晚器空空尋佛老畏  
塗實實讓漁樵返其初服寧無意莫認柴桑爲  
折腰

人日

七日爲人幸不陰東方仁壽歲星心花經新雨  
成香國琴入春風變好音易事軒中如道岍後  
龍山上即禪林他年若問行歲跡一榻蘆簾鳳

尾吟

元夜書懷

恒山之右太原東上艾元宵莫與雄鍊石花騰  
銀火樹雕冰燈展玉屏風珠簾翠袖千門月寶  
馬香車十里烘漫說盱江室是遠只消清夢駕  
橋虹

即席贈雲湖

元夜撈華最上乘飛鰲遙拱欲同升江西總是

澤言

卷之四

三

山西月萬點無非一點燈新放官梅聊酒佐遠  
來庭鯉竟詩朋當年唱過行雲興消盡歲寒甚  
未曾

南城春望

江縣紅梅若遠村參霄喬木在公門竹林短柱  
高臺屋花嶼粗泥細作盆浮磬天球發迤響孤  
琴洞越隱蒼痕鳳凰之麓回龍顧有叟飄然古  
意存

盱江春雨十咏

聯宵新雨漲盱江間照虹橋玉帶雙竹裏中洲  
人不見一聲款乃唱漁腔

停雲霏霏雨濛濛石艾麻源萬里中一葉孤舟  
天際遠大江西去大江東

南城朝雨自東來縣古槐根盡碧苔蒼絕盆兜  
將蛙斷龍筋鶴骨放紅梅

朝雲暮雨宓妃篇前賦高唐後洛川地近八閩

澤言

卷之四

三

吁可怪漢宮春亦有韓嫣

秋波一轉是春波禪悟文高般若多水照柳衙  
僧禮磬撈華閣半是雲窩

篆草平分印一方夜來小袖舞郎當絃歌聲律  
煙霞面案牘春深隱法航

青帝傳媒欲問之何斯春雨莫違斯娟娟小吏  
沙中語不比官錢又作詩

極目西方望吳人三年南海一波臣形管有堞

聊貽悅老杜當春實怕春

天外麻姑入眼青  
州堂雲蔽閔春星  
逢僧但說如如偈  
與吏曾書況況亭

還須解脫寄天涯  
萬劫名根起一哇  
咽茗每於回味好  
看梅全在未開佳

閔丹霞志臨穎魯公仙壇帖

匡廬犀峭紫雲間  
彭蠡汪洋照碧灣  
湖口爲門開怪壁  
麻姑入奧隱仙班  
有容乃大朝宗海  
不

瀑音

卷之四

三

惡而嚴天下山  
靈谷鰲峰旰射處  
楞華書案自

臨穎

觀桃源圖

仲春之月返江皋  
展卷幽栖欲問陶  
橋過三賢今更虎  
門前五柳昔云桃  
超然蓮社藍輿醉  
幻出漁郎渡口篙  
漠且不知寧晉魏  
改潛頻上已

添毫

王冠伯山人画

曹霸遙華魏武廷  
藝成而下且丹青  
十洲風味聊盤礴  
五岳胃襟寄障屏  
画苑久分高士傳  
山人多是少微星  
從今不染胭脂暈  
添寫旰江一州亭

再題

冠伯當學顧虎頭  
惜乎美人画掩之  
動輒旰江十二景  
八寸三分隨所施  
余也相其骨不爾  
飲中八仙試一揮  
今始画骨不画肉  
君不見飛鰲

瀑音

卷之四

三

曾有雪寃詩

謝選

高山流水瀑音寒  
琴遇鍾期始得彈  
天下文章交有道  
地靈人傑晤之難  
香焚新閣雙虬舞  
筆怒陳言一鑑寬  
何幸南州懸榻後  
再來江麓兩相歡

雨中戲句

兩年旰郭味增益  
不能多涉江二千里  
曾見大

風波清明煙雨中遠景認山河事成險以悅看  
破佛無魔外物不可必究竟本靡他財者抑末  
也何勞唯與呵忽韻文明卦叶日昊之羅弱則  
威六極副而勸九歌前塗泥滑滑行不得哥哥

仲春臨川雨中紀行之作

爲甚馳驅煙雨淋西江二月正春陰水耕火耨  
雲中出陡澗危橋霧裏尋何處青峰副露頂誰  
家翠竹忽披林隨時大塊文章有不遇真題不

澤音

卷四

三

寫心

習習東風雨正來忽然一半遠山開難名江畔  
新生草莫禁肝聲昨夜雷此徑那能湮古道彼  
蒼何故老吾才藤坊涑水魚梁樂羨爾羣鷗泳  
不猜

風雨飄搖曉發初宦塗寧復似泥塗煙迷深港  
觀魚者雲蔽高牕擊磬乎出去久策三逕竹埽  
來始歎一庭梧古今大無多如此可惜無心赤

水珠

東陵胡敢況西山一入南華有笑訕寇與墨胎  
分道岍佛畱花雨護禪關楚江巫峽來雲半清  
簾疎簾看奕閒何日頻伽共命語那須霧重豹  
添斑

陰晴歌

風颯颯雨瀟瀟胡不歸兮尚折腰彭澤廢詩八  
十日當時莫過廬山高慧遠曾飛鴈門錫貢皇

澤音

卷四

四

今換虎溪橋三身原自在再來未可知宰官居  
士現說法蓮爲之深入肝江與孤霞落太奇君  
不見昔之縣令古諸侯禮輯五王樂天球周士  
自貴秦士賤三千七十孔門遊位卑而言高罪  
也委吏乘田在上頭魯褒若反詞錢神真可敬  
昭明漫分章金剛在究竟豐狐文豹藏已言戒  
慧定知其無奈何而安之若命天晴日霽吉雲  
開麻姑面目亦西來飛鰲之峰立不思貴富于

我何有哉人間真壽只雄才始悟嬰兒之未孩  
大哉無可無不可一榻楞華即五臺

臨盱

摩詰太原人乃改輞川宅誰謂八荒遙同人本  
一畫江山欲渾西南北皆飛瀑暫作有情癡莫  
賦無家別平生好幽討來此山水窟平生頗著  
書來此善剗刷蜚翠睹猊噴丹青想盤礴懸榻  
待高人欣賞皆奇絕劫塵總滯狀多歲早一雪

瀑音

卷四

聖

渡江已三年目中不見蠍厯盱近八閩耳畔時  
聞獼遙道即齊物周也夢蝴蝶

上巳日楞華閣

渡江猶是晉中人那復羣賢共暮春亭半有蘭  
仍上已眼前無棘即佳辰茂林修竹山今古風  
閣天門字故新所以興懷致一也楞華煙雨祓  
微塵

發鋤甯冷然而賦呈徐仲光太史

誤讀昌黎送五窮竟來江外撫孤桐仙都幸遇  
麻姑院聖瑞還憐信國公鍛鍊千磨金愈勁風  
波萬折水惟東若非徐孺時相慰莫向山川吐  
白虹

盱江樓望麻姑漫興十首

盱江樓上望飛泉遙指西方自在天玉練雌雄  
懸古瀑蓬萊清淺住頑仙

寅賓出日問為邦西望麻姑東矚江山水之間

瀑音

卷之四

聖

不在酒春深何處盱無雙

丹霞五老間麻姑晚向南城射紫盱莫異子文

為令尹賁皇族本穀於菟

此是同人第幾爻江邨隱隱尚于郊景雲寺外

中洲寺何足真空算斗筭

珊瑚照水映山紅每過林皋便不窮綠稻分秧

三月半春風琴裏換薰風

忽借公題可以興江天吏隱護詩城他年但得

相譚識此日寧孤徐孺名

麻姑迤非是麻源靈谷飛來似欲言石磴紅泉  
真紀錄知君又換虎谿軒

不識盱江路幾千況乎瀑上有仙綠擬磨試與  
丹砂較肯把南城讓稚川

自誦清書自不貧仙詩瀑裡記鸞真多情盱水  
來相擾黃鳥縣蠻亦可人

後龍蒼樹隱江村剩有珊瑚異骨存每似再來

瀑音

卷之四

墨

還一望青煙白露襯山痕

徵心

三點疎星月一灣胎仙疊舞逗禪關漸從戒定  
方生慧頓覺真空不是頑出水蓮花何得染遊  
雲野鶴自然閑行將劍挂囊琴碎又袖匡廬到  
九山

大雨

雲雷屯象欲催詩幾陣滂沱雨甚奇猶報山東

大旱處幸邀江右不違時田租之半應曾免日  
月其除尚可思正是分秧插稻候天恩浩蕩至  
於斯

對雨書懷

靜寄東軒咏若陶美人遲暮寫千騷亭亭不染  
荷衣芰灼灼其華柳葉樨詩豈窮工原未富財  
當劫濁反成高只消時雨天公道媿向南薰奏  
雅操

瀑音

卷之四

墨

合題

三年于此既來之每向麻姑印合奇瀑布山房  
如玉練貴皇東里即江湄宰官居士兼而有易  
象詩音不可離總是忍容當大藥到無心處到  
軒義

盱夢

緣督為經豈近名晚年不睡益心清晉雲何遠  
三千里盱夢惟消一二更鏗爾琴囊寧悉索冷

然詩途只孤行自憐隻影原無弟莫笑錢神未肯兄

晨步

凌晨信步後龍山新竹千枝玉筍班豈作腐儒言且且聊方傲吏智閒閒一聲擊磬天球響數筆臨鍾海鶴頑日出勞形憑底事莫搖詩興動江關

也知

瀑音

卷之四

七

也知田賦甚攸干無奈盱江行路難小艇而漁猶可釣大車以載幾曾寬雨峰鰲壁因風砥四月虹梁帶雨寒只有南州高士到仰天長嘯一凭欄

四月四日雨中禮景雲寺次何將軍山林

杜韻十首

南城初度日東郭太平橋雨落高江水雲飛厚碧霄如來方獨立現在且相招丈六金身好呼

余尚未遙

思矣昏衢濁懷哉寶路清奇棹蟠怪辟古竹嶸新鶯腹果蒲伊饌眉開般若羹頻伽勤致語他日定西行

來結蓮花案中通蔓不支眼前開佛國門外放生池仁者因而壽天平豈莫知禪牀忍辱鐘暫借一時披

題額書聯去紛紛落雨花文羞窺虎豹字媿走

瀑音

卷之四

七

龍蛇錯認無拘碍多能祇浪賒本來尋面目鐘磬梵王家

日月其除迅津梁本自開渡江纔碧華過嶺即黃梅假寓名三世圓通定再來并刀久放下綉澀已生苔

突兀飛龍柱攸同舞雪泉報之青玉案換以白兜綿方竹渾如杖圓荷欲作錢真空隨所至險路盡長川

雨足新秧綠煙迷野蕙香國風遺楚熱心火自  
清涼縱免田之半何時舍則歲回頭天竺望遙  
現一峰蒼

沙蟲尋常事江濤咫尺雲東軒陶古意西子孟  
奇文峻極高難問陰行善未分迺禪應一掃簷  
蔔正續紛

到此姑云爾歸兮可若何溪干尚父少雲際野  
僧多每欲拈花笑應憐對酒歌雞鳴晦盡已符

瀑音

卷之四

三

喻且相過

霞雨翻雲甚孩之有梵書帛溪懸瀑布並龜望  
匡廬小過如飛鳥中孚欲格魚此心無所住隨  
處即禪居

東橋問渡喜雨二首

東橋晨間渡煙樹失中洲山頂雲為笠江皋雨  
入袞古今都野馬覆載總虛舟畱滯周南久胡  
塗尚未休

撥霧尋樵磴山間石戶農縱橫田滿腹上下水  
披胸忽想當平世於斯盡素封那堪雲擾後到  
處不從容

硝石回舟喜晴二首

硝石回舟日天晴意自閒盈盈一帶水楚楚八  
仙山風黑何能久雲奇却似頑漁郎莞爾笑利  
與善之間

青峰兩岫對碧水不興波僧寺依楓竹人家在

瀑音

卷之四

三

薜蘿往來皆画舫遠邇盡雲窩汗馬馳鞭影何  
如桂棹歌

舟望

麻姑入望瀑懸冰碧水舟中雙眼登雨後分秧  
栽稻曲溪邊添網釣魚習偷閑半日名何有欲  
取兼金利未能陪帝卑田無不可莫畱喜怒任  
沉升

飛鼇



奇峰煙艇遶清濤真景催詩水平萬於此知予  
歸放鶴也曾爲爾改飛龍萬年橋外流清遠一  
線天空解鬱陶鳥爪揮鞭渾往事端然特立五  
雲高

偶題二首

風馬牛何及相遭亦有緣莫須形不正只自矯  
其偏清靜民寧一慈祥世大千恢恢天網定時  
到想當然

瀑布

卷之四

果元

仰愧將天問遊江但卜居古今險若此久速斷  
於斯有耳風吹樹無心月照池臣刀年十九所  
見即空之

瑞竹吟

飛龍于前靈谷後盱江其左麻姑右南城古縣  
天畱之入火不焚入水壽我來始上後龍山金  
銀夜氣銅餘臭鼎峙三槐屹莫移數十冬青寒  
橘柚可憐四顧絕流漁識以楞華閣頗秀三石

天球第一清一立一臥透而瘦稜蓋芭蕉錯落  
裁此君聞之夜發驟翠茸琅玕勢萬枝班班玉  
筍童孫幼不知何處送窮來一派詩朋皆立就  
衆女曾嫉蛾眉兮每畏人知不肯宥亞聖英風  
尚未融三自反也微言又橫逆之來皆玉成應  
歲忍辱仙人話見怪不怪渾其心得過且過居  
何陋但得良苗亦懷新迺予初服依然舊昨日  
聊書莞爾亭鳥倦知還雲出岫

瀑布

卷之四

辛

江曉二首

盱江煙景在清晨朝氣方酣領畧新幾葉輕舟  
乘碧浪半輪初旭引紅塵車書天下爲今日仙  
佛場中問古人老壯窮堅詩百首山川於此見  
精神

盱郊平且可與觀雨過江皋四月寒山色維新  
常似洗水流不腐豈猶湍但傳丹洞無姑酒欲  
抽鬢雲有建蘭軒政猛於虎也噫只餘幽事頗

相干

端午蓮開

尋常六月看蓮開  
端午凌晨竟異哉  
特現法華塵不染  
似從淨土印如來  
何勞君子圖走蔓  
尚憶佳人雪藕胎  
莞爾亭香清益遠  
菖蒲寧比醉荷杯

端午竹茂

端陽猶是後龍山  
瑞竹森森霄漢間  
無數青筠皆特立  
有時風雨亦開顏  
七賢曰爾逃於醉  
一日非君俗且頑  
怪石虛心真共友  
主人忙極尚能閒

五日寄題仲光徐太史

案牘杰閣鼓吟絃  
每望飄風欲仙  
冒雨千竿將醉竹  
迎風五月早開蓮  
歲山畱副今遷史  
踏海連音古仲連  
猿鶴沙蟲還一笑  
南州高士楫宜懸

寄贈徐仁長

丹霞紫氣照宮牆  
旭日揮戈即擅場  
陟岵峰頭原水木  
趨庭海內大文章  
有嚴古道真知已  
無忝新硯厥良鼎  
峙雖三仍未足上鉉  
金玉自清剛

五月十三日夢中得句若匪清夢能不垢  
那復臨風竹有筠  
寤而惟寅即事紀異

豈貪夜氣識金銀  
夢裏吟詩得句真  
若匪清夢

瀑音

卷之四

三

能不垢那復臨風竹有筠  
異哉正逢竹醉日海  
剛峰記點于寅燭  
照春秋存浩氣瓊山忠介尚  
逢辰津喉閩廣飛龍立吏求不俗  
史求惇懃語時賢應一笑  
古之人後古之人

五月望早月食

問月何爲食天高數莫移  
忽然初青候半似上  
弦時盈損真難免  
尋常竟絕奇可寬  
君子過更也亦如之

六月朔晴日食

日有食之朔九分亦甚哉刻蓮司玉漏影艾測  
冰臺揮汗將爲雨聚蚊皆可雷夕陽圓復永赤  
水放珠來

莞爾亭新浴二首

湘妃竹舫欲浮家十二闌干暎碧紗俯晚幽芬  
籠茉莉凌晨清露插荷花瀑音繡梓枵華閣桂  
影蘭湯月柳衙熱不因人心自冷只憑靜勝更

瀑音

卷之四

七

無他

心空有斐竹奇斑畫舫之偏又半間葛正覃兮  
同火浣蠅當莞爾避冰顏帝憐西子容新沐詩  
悟南華喜舊刪雲淨月來蘭氣好焚香小史亦  
能閒

六月雨出郭口占

欲望清幽法界尋紅屏石嶂白雲深東西日月  
從風雨南北炎涼自古今靈谷水來荷湛湛後

龍山上竹森森誰能執熱將心洗萬斛泉源有  
瀑音

暑晨三首

大暑真涼在五更月輝西轉抱長庚牕懸岑陸  
方同醒瓶插荷華始放英每向此時登道岍再  
於何處聞詩城碧紗輕透湘妃舫風響冰絃寫  
福清

瀑音

卷之四

七

新湛露枵華閣竹老成林三年風雨飛鼉伴一  
部文章瀑布音漫說西江無所得南薰解阜竟  
誰琴  
炎烝只怕又蠲菜喜得清晨細雨涼地入八閩  
幾鳥語天行六月且蘭香此君南國班爲管彼  
美西方瀑有房擲戟溫侯皆契字雲來羣玉想  
霓裳

睡起微雨

小歇筠牀午夢酣商霖何處洒旰南任凭有憾  
風濤險但仗無私雨露甘大勇英雄歸佛老可  
憐天匠別巫函缸鱗盆隘蓮花案海濶天空寄  
一龕

述懷四十韻

楚材傳有之苗裔高陽始令尹穀於菟貴皇晉  
東里甲乙世元魁則可謂云爾二十舉孝廉阿  
瞞亦如此英雄作聰明認賊而爲子早充觀國

瀑音

卷之四

三

賓服膺只子美三百五篇後杜寔勝于李六十  
四卦來變易惟莊耳加我數年學可無大過矣  
緬想弱冠時裘馬輕狂喜西北有高樓岫雲翠  
園裏快意五六年游俠寧知止愛敬兼有嚴號  
柏性幾毀壯而入長安流氛已大起往還燕趙  
間辱哉四郊壘一科錄計偕再科半點鬼推撞  
乃息機勇退瀑中止題在水一方碧濤煙閣啓  
無何有甲申鳳兮真已已王陵與徐庶母老將

焉倚其間不容髮餘生脫虎齒未焚十三經尚  
存廿一史梵笈等道書領畧盡三紀乙未活危  
枰行也若或使掛園水雲榭天際仍一履潭柘  
逆碧雲西山鏡其尾庚子大雨雷普門祐黨社  
慈壽將百齡幾先動乎體吾廬改虎溪軒與柴  
桑抵魄兆來江西南針爲之指於峰見匡廬於  
波見彭蠡麻姑實與居瀑布真同揆楞華閣鳴  
珠莞爾亭有斐湘妃舫三楹紗輕透蘭芷筠籠

瀑音

卷之四

六

薰茉莉宣磁插蓮蕊阿堵則讓焉自反亦云禮  
以茲曠頗閑不甚勞且憇但爲小史嗤囊中尚  
餘幾空心琴一張將及三年比朋壽後龍山且  
吸盱江水

東偏斗室簷窗洞開盛暑涼風漫興八首  
曲房窈窕海天空戶牖玲瓏面面風蘭馥缸魚  
涼月到金波鱗動廣寒宮

簿書何急更相仍琴上薰風絃上冰室化芝蘭

鮑肆遠但甯紅拂未招蠅

蒼然莞爾古遺亭晨取青蓮插膽瓶興引山林  
門似水郎官猶是少微星

不知古玩是耶非欲抵官錢一笑微二水曾書  
赤壁賦石林又寫鶴雙歸

院落紗廚共碧虛涼風六月似來蘇戶樞不朽  
觀流水自與仙胎寫道書

推窗檀氣向風開白雪心胸自五臺法界清涼

澤音

朱之四

五

何處起文殊一塔渡江來

仙仙蝴蝶戲花香知爾中宵也夢莊喚罷幽蘭  
尋茉莉飛來飛去早乘涼

隨緣款致不須雙甘露開門月照窗疎勝寒兮  
靜勝熱吟風一葦渡清江

黿峰盱水之間獲達磨像睂宇光澤瘳聚  
蒼然前其項而面壁焉輪尻空洞薰而試  
沉香也隨得溝中古斷石嚙水衝玲瓏嵌

透擔阿欲飛因而龕之賦一葦吟

泛溟南海自西來火浣袈裟額捲腮般若緣  
天竺國廓然無聖雨花臺觔龍骨鶴奇龕木落  
水沉香怪瘳胎一葦九年熊耳後想於蔥嶺又  
東回

七夕立秋

三伏生涼雨既零金風銀漢鵲橋青忽飄丹桂  
梧桐葉正渡牽牛織女星碧水新波江上舫巧

澤音

朱之四

五

雲古繡月中亭當年此日方平會更向姑峰問  
蔡經

肝謠

顏魯仙壇帖麻姑日月光南城古劇縣後乃改  
建昌不知誰作俑建昌比蘇杭蘇杭抑何地是  
故來益王益王之來也聞說請于張於戲一鼎  
甲元氣不可巖山清而水淺真不媿盱江蔡經  
宅弗遠今日果滄桑我來千載後城郭已洪荒

高牙大纛偶天一山之易咽喉通閩廣爰方日  
啓行盈盈一水間焉能走大航二百三十圖誰  
復視如傷百姓山推魯雀鼠言之長悅彼懶與  
鷗安知非吉祥吾黨有性天主峰自文章艾選  
毒天下況乃近東鄉美惡週必復夜氣未可亡  
紅泉靈谷瀉雪瀑半天淙飛鼇砥柱立宛在水  
中央南州高士榻寧敢是不義只有強為善曠  
劫信西方附郭變蘭若四海一空囊在楚穀於

瀑音

卷之四

五元

苑來吾則責皇幟以榜華閣潏然水心堂莞爾  
有琴師師曰擊磬裏

### 蒼藤杖

几杖寧安老鳩刻失天然長房隻影騎龍去蒼  
藤九節扶飛仙余之所得乃更異奇紋凹凸屈  
而堅三十六宮其分兩將爲羅漢開禪關達磨  
在前蒲團在後絳綵在左碧環在右惟爾挺立  
瘦而秀鶴骨龍觚其必壽江上桃竹紫玉生出

入爪甲鏗有聲我學少陵重告曰杖兮杖兮爾  
之生也曷自哉木有瘿兮石有罅屢有通兮藤  
有茲幾經灣折老其才發其光恠倚青苔東林  
淨業遠公開教爾作伴瀑音雷杖兮杖兮歸去  
來

梅公李司馬雪堂熊少宰仲光徐太史選  
梓瀑音太虛李宗伯顧我蘧廬博菴黎學  
憲投以奇句歸然舊德盡在江西空往寔

瀑音

卷之四

三

歸剡竣始悟老杜云詩卷長畱天地間釣  
竿欲拂珊瑚樹南城笳喻耳媿喜而賦

弱齡不知幾知幾其神壽目逆而送之色空皆  
已舊大孝首重華瀉汭娥娛媾少艾及熱中子  
興言之透有懷玉不如無心雲出岫去彼沮洳  
汾京師天在宥時維甲子年東林四明闢大哉  
趙忠毅固喬公領袖雁門一犄戈世事不可收  
從此十餘載洪水流爲寇柏谷總潼關哥舒翰

寧又推轂乃括蒼豈曰林甫曹阜陶庭堅乎不  
祀忽諸驟大廷尉亦張且與惠雖遺賁皇瀑布  
身三紀藏於詒東里虎溪軒果與匡廬構海內  
五碩果盡在西江右爲余選瀑音剗剗皆手授  
安飽何求焉深幸有道就况復古南城山水奇  
而秀寃親平等觀素位居何陋既脫此餉危母  
享百年後文章交有神誰知垂宇宙自反再來  
身始悟皇天祐

瀑音

卷之四

五

千葉蓮供達磨蒼藤杖蒲團副焉口占二

律

千葉蓮紅玉兩枝蒲團藤杖怪仍奇九年千葉  
公先矣一葦而抗我附之吸盡西江瀑布水袖  
來東里虎溪詩每當月照紗厨候正是吟風忽  
動時

吟風忽動欲如何但嗅蓮香欲製荷七尺孤藤  
來莞爾一聲浮磬現波羅江天驚立開詩府平

且雞鳴醒睡魔西竺東尼明道破空空如也竟  
無多

七月十四日晨興

淵淵五鼓吼輕雷紗透湘簾月轉來每動金雞  
鳴夜氣况當玉露點蒼苔入夔以後詩應別渡  
華而前善愈開時屆蘭盂明日是中元遥晤六  
星臺

梅翁李司馬寄和日葵張廷尉二律感涕

瀑音

卷之四

五

古處步韻報焉

吏部文章擢牙冠開元天寶昔追歡皇華一路  
畱青史大海迴風蕩紫瀾仙李於今存碩果楚  
材自古近騷壇瀑音滿谷聲同久得晤匡廬已  
曠觀

誰可爲龍誰作雲南鄒北趙兩停分恒山仰止  
星辰大吉水從來意氣慙只有長庚懸太白遂  
於彭澤析奇文相憐廷尉仍藏碧天下之平不

黨羣

瀑布

卷之四

三



碧清笈逸存

晉東菑 蕃九符著

瀑布山房記

州民七里古瀑東流萬峰之腹平畦十畝淵停  
環抱中沚而蔚蔚者瀑隱山房也瀑隱卅時悅  
歲之撰曠如也弱冠出京口同節姜先生西蜀  
千侯熊先生黎陽石雲朱先生之門與年友之  
雄雉者繫馬垂柳斗酒十千亦喜遊俠壯而入  
碧清笈逸存

都晨光熹微但抱長安古意寓物寄懷兜率則  
西僧拂硯平康則越女操音問異產於波斯訪  
幽踪於石鼓從三唐兩漢尋四始之源由星鳳  
戲魚辨淳化之骨有究極人間古玩名鐫逸画  
奇書之想窮大失居往還八載迨庚申始摧撞  
息機決意歸休筮于易遇大畜三之豫三三爲  
天在山中介於石也而山房遂築於是年引清  
泉而入巽臨森樹以起樓樓傍有洞洞前有軒

軒外有池池上有橋橋影天生怪壁額曰石林  
曰碧清曰在水一方因號瀑隱云居無何而丁  
甲申之變於戲李易安金石錄敘興衰聚散好  
古博雅亦文人之戒瀑隱圖籍遽亂歸然蓋貂  
敝囊空久謝阿堵之名梁上君子未暇及焉非  
憐之也秦火魯壁之餘藏副而家焉十三經梅  
硯蠅居註鑑左馬莊騷陶杜燕許韓柳眉山暨  
梵笈道書韻林字海幸畱善本鍾王皇索顏歐  
碧清笈逸存

旭素晚香海嶽至趙吳興巉巖子山玄宰子愿  
二水尚存真跡而博山鵲眼玉篆晶函解衣盤  
礴之有款識者尤屬呵護瀑隱貧哉滴露研硃  
焚香啜茗焦桐嘯月弈響疎簾密掩柴門貧簞  
無數左蓮右菊不設牡丹暮靄朝嵐親魚狎鳥  
囁囁然且一紀凡所經所感所慕所屈所通見  
于吟咏曰瀑音若干卷詩宗老杜晚好韋編則  
知命之際乎乙未北上點活危杵有臨漪亭水

雲樹象臺月西山雪諸作六月崑來荷花映日  
蒲劍凌風萬綠陰中金衣百轉奚只武陵漁父  
至桃源也桔槔灌園雖犬桑麻之畔煙霞朋侶  
簾篠楊柳之湄鐘鼎山林隨時素位稍一凝滯  
則亦貪癡故不著名字特曰瀑布山房爾乃歌  
曰華清夢幻朝川招提過此以往未之或知爲  
琴臺乎爲虎溪乎堂千大雅乎耦而耕乎采女  
山君竊比彭乎大椿莊乎猶龍伯陽乎抑而責  
碧濤笈逸存

三

皇乎晉何用楚何產乎師材而雲仍諸侯之選  
乎鼓缶而歌一聽洪鈞動靜樂壽尊足者存詩  
卷長畱天地間瀑音在耳後豈無間津者

### 虎溪軒碑

老杜出峽詩云喜近天皇寺先披古畫圖謂張  
僧繇寫素王十哲於江陵梵壁以歲不毀也抑  
三教之筏喻而道一之鞭影乎貴皇苗裔隱瀑  
之淵停雲東里翔集山梁綠督爲經應無所往

曰時曰玄曰空嘆之欲破矣關逢澗灘晉東遠  
路所掠尋燹而吾廬巋然固歎一切有爲泡影  
電露惟日月如聖仙佛同源即欲擬朝川改招  
提焉或曰子歌於斯哭於斯聚族於斯也堂構  
之謂何而茲此奇特乎瀑隱曰唯唯否否卑勲  
華十六相以迄於今堯許鯤鵬遽爲天海王侯  
螻蟻盡隨丘墟而況吾儕何人其能久有此乎  
且殷楹不以鯉傳猶龍不以宗傳釋迦不以羅  
碧濤笈逸存

四

暎傳必待嗣以傳寧同人曠遠而無私乎與其  
兵燹瓦礫廢井雙桐也曷若成就一段大事捨  
之而反以存乎幾動吉先永貞原筮會有異感  
乃克營之先慈壽近百齡雷雨崩室僅畱所坐  
不損一毫由是菩薩威神力故堦補陀淨聖於  
莽法華普門楞嚴圓照總觀自在爲大導師耳  
轉而良背臺對西山則文昌在焉圖書祕府孝  
友神明一十七世九十七化皆以宣揚木鐸而

六星匡斗意天之未喪斯文歟臺之洞爲純陽  
呂祖兩舉進士不第黃梁一寤飛劍韜鋒丹接  
雲房遙宗紫氣嘗瀑閣揮鬚有五千年外植靈  
根猶有寒枝古葉存之句合而參禮於聃史宣  
尼瞿曇之要領睹矣顧無瞻田難爲守也東臯  
三十晦入齋廚資住持但真真緇高羽與隱逸  
詩宗達來其間庶幾有當昔遠公起山右卓錫  
匡廬送陶元亮陸修靜遂成三笑抑亦三教之  
剪齊爰述并

五

筏喻而道一之鞭影乎爰榜曰虎溪軒軒後仍  
舊祠屋董玄宰先生爲余大書百源堂迦陵慈  
珠呵護罔極此身他日化鶴來唵將無同華表  
漆書邪於戲迷則火宅悟爲寶地滌除玄覽歸  
之造物真空不壞慧業常新行年五十媿四十  
九年非而獲此就緒也緊時哉時哉是役也聲  
氣相同作大檀波則康憲張公颺明府胡公虞  
濟廣文劉公符赤皆楚材滋晉與責皇氏共落

而成焉銘曰

何楚何弓責皇晉東考槃于瀑遊此春宮風  
行水上天在山中隨時渙良乘化玄空天兮  
日月人兮孔孟柱下漆園尊生貴靜曇影西  
來雷音震聽外跡中通元明互鏡亭亭慧遠  
產於鴈門太行雲起掛錫東林忘懷得失彭  
澤一人蓮社罔入與陸同襟三笑莫逆心寫  
則悅而後之徒樹黨磨軋吠所怪也匙咄匙  
碧濤梵逸存

六

復魁星閣碑

晉之雄州四西蒲南澤北代皆名區也而平定  
之形勝首甲於東魏之奇峰九冠山上嘉玉屏  
尤地靈也而文昌之聳傑適丁乎巽當成弘嘉  
隆之世踵接台垣多父子兄弟之科肩承苗裔

即真風稍歇而古氣猶存建閣權輿在歲己酉  
登龜食墨既景廼岡斗望京華葉守引燕雲之  
宿文高典冊翼軒雷大泌之碑三十餘年春秋  
繼榜富貴而溢教化竟衰昆劫驚灰營室時蚩  
尤之舍咸池慚浴泉虛兼桑濮之音童我狎水  
弱而揚波沙蟲見金多而射影客實原於總貨  
悔莫甚於近名奎壁潛光詩書遘厄虎昂泮沼  
龍泣圭峰未之前聞至於此極上帝曰咄非  
碧濤策還存

火浣其垢曷發參昴之輝欲鼎取其新始復河  
山之秀乃命祝融鼓鼈箕伯怒呬百尺巍哉半  
晡煨燼柳柳州之所以賀而薪盡之所以傳乎  
盛之象曰先甲三日後甲三日壞極而有事也  
革之上六曰君子豹變小人革面蔚乎其文也  
值員嶠夏竦侯來典斯土昭質未虧初試干將  
之錡以魏義李明府爰董是役老成尚在羣集  
席上之珍致工有方就緒取捷砥礪四柱梯進

三階簷阿飛聲棟宇歧翼居中則梓潼帝座本  
孝友爲化身更上則斗轉魁星向陰陽而指顧  
通護文廟遙拱辰樞朝暎送青旸霞來真璇璣  
銀漢倚雕甍繡闥而可捫浮化洮江作華表捍  
門以相衛比之舊貫壯哉偉觀而琬琰未鐫蓋  
鼎勳難舉會司李王公炤千振風雅之宗文章  
歸乎李杜同太守李公黃恒扶堪輿之奧精神  
見於山川指星巒而謂瀑隱曰魁閣落成而牲  
碧濤策還存

宜刻玉立於磷緇之際雞鳴於風雨之中思永  
將來惟子勒記於戲問野人而媿先進經歲寒  
而幸後彫詎能邯鄲淳之辭恐辱石忠孝之拔  
耳不敢語麻自外聊泚筆而碑焉銘曰  
側注西山天作如冠屏開玉表川湧嘉濶高  
下連城跨河之腹三派交參若揖清旭龍頭  
層此文閣凌霄陶唐風古志弊儀臯昔人建  
閣福慧雙合伊誰云憎閭乃灾颯今閭復成

墮而再升後人爲善鬼域不與有覺其極空  
中噲噲登斯閣也匪徒一拜一十七世士大  
夫身九十七化用章俊民星高魁斗懸毫陰  
吼風水陰功左宜右有道未墜地文未喪天  
神之聽之慎旃慎旃

楞華閣碑

佛頂楞嚴究竟堅固妙法蓮華出泥不染山河  
大地磨鑄英雄僊佛皈依於是乎在經說阿難  
碧濤笈遺存

多聞第一摩登伽女攝入淫室如來世尊胸涌  
卮字咄微祇桓七處微心八還辨見都無實義  
勅選耳根廿五無學諸大菩薩惟觀世音獲證  
圓通五十五位真菩提路鍊魔入佛引權歸實  
亦猶法華火宅化城繫珠鑿井以至普門皆屬  
寓言紫玉呼于藥山諷李勃然色變黑風吹船  
一念清淨烈燄成池一念警覺舟登彼岸我無  
恐怖如械自脫我無忿恚如獸自奔十四無畏

三十二應作如是觀補陀大士真寔爲人無浪  
語者是故呂祖兩舉不第一枕黃梁嘗遊廬山  
題歸宗寺丹田有珎對景無心道經黃龍紫雲  
成蓋飛劍韜鋒琴囊撼碎西來屈指七祖無人  
豈只呂祖發於蒲坂雁門慧遠特叙東林龍門  
王勃滕王作賦太原樂天爰記艸堂凡我晉人  
於斯有緣責皇苗裔世家汾東亦有瀑布在水  
一方先人敝廬改虎谿軒神情魄兆遂來江西  
碧濤笈遺存

初到湖口攷石鐘山大孤小孤濤心壁立匡廬  
真面彭蠡輕帆溯洄而上是爲建昌太平萬年  
虹橋雙影麻姑從姑斷岫江流灰劫之後南城  
巋然前堂對沼題曰水心上後龍山鬱鬱蒼蒼  
三槐鼎峙楓老薛蘿萬竹森發迺闢蒿萊而移  
怪石欣然肯構淨聖入夢虔請居尊誰作導師  
緊惟呂祖在家出家既換虎谿在外非外還同  
瀑布閣名楞華如前所云歲在甲辰六月閏望

拜手稽首而說偈言

黃皇楚材晉用之瀑隱東軒兆虎谿樓船簫  
鼓大江詩廬山面目天下奇羣笏摩空玉練  
飛碧搖彭蠡片帆暈盱水姑山寔與居南城  
前沼後龍歸古木蒼藤綠竹披閣起楞華入  
翠微大士純陽同此栖山右江右寧二西淨  
土蓮臺即在茲

祭大廷尉日葵張公文

碧清笑遺存

二

嗚呼公之生也在萬曆旃蒙作噩適五十年熙  
洽之中事親能孝移君必忠一室之內孟光梁  
鴻弱冠舉孝廉果果乎溟旭之方東吾鄉之近  
鄙上也只尺山斗儕鶴先生爲海內文章經濟  
之象龍公負笈從遊十載磨礪筆存史漢之氣  
詩歸唐晉之風陰符既得金門遂通一時登龍  
之彥如湛特峯陽石竺鴻珪現聞念臺諸名宿  
接鄒趙顧韓楊左周惠而繼起爲東林歲寒之

喬案公剖白玄黃風清輦下行行且止而避聰

於是領袖臺班保全善類則仲山甫補袞之功  
至貫索星虛邁種德而官占也枚卜功臣寧曰  
惟吉之從惟時潛蛟脫釣高鳥歲弓千頃之陂  
萬壑之嶺居無何昆火代劫乃厄疾之交攻三  
年不起甲子六十有五而已嗚呼生老病死春  
夏秋冬去吾身之大患得性命之真空公昔自  
號素位居士矣信乎可均可蹈可辭不過賢知

碧清笑遺存

三

隱怪之尋常事而不可能者惟天下之中庸嗚  
呼香山伯道胤子尚窮公庭皆蘭玉氣白如虹  
能問安而侍饌復厚德以慎終跡公之宦津歷  
涉而不朽千秋也於山見嵩華恒岱於水見河  
漢江淮於師見趙忠毅公功成名遂身退天之  
道應無所住而生其心又成儂成佛之英雄蓋  
公常棲心玄釋嫻於內典而兼守黃庭之官者  
某等白首執友後進顧索詩朋姻鄰夢想音容

悅人心風俗之同身值老成典型之莫宗撫棺  
並挽而泣然雪涕也非闔聲氣之附會實比骨  
肉之哀恫嗚呼慟哉尚饗

先考妣志銘

高陽之苗裔一語冠騷譜楚也楚越椒子責皇  
奔晉晉與之苗因姓焉歷宣成襄昭壽源悠久  
所謂卿材而為諸侯之選凡苗氏之顯晉者皆  
其後也而晉東為盛系及高祖積善首載郡乘  
君清父逸序

七

見郭襄山碑本支奕葉魁紳先考以任俠著先  
妣王其元配也大司馬趙公懷東志先考曰心  
性剛直膽識宏越遇事重大仗義敢言見人危  
迫解紛排難感意氣忘利害絕盡璣屑曖昧之  
態為物所嫉行乎患難者凡幾終歸無咎蓋惟  
天理不傷大本不薄乃能若此嗚呼言出尚書  
萬千傳史既歷三紀捧讀法然謹追緒而實厥  
事先考之及於難也三筵告吉一薦頤邪占曰

禍去福來越境乃免與喬莊簡之胤臨洮貳守  
歷山肝鬲莫逆於贊皇陳文學獻夫為魯朱家  
走天津暨無閭之地有外室懷安是懼違之即  
數千里外必密寄資斧以養先大父母先妣無  
違言也歲大旱瘞芋哺孺推食解衣存活不計  
仳離無辜尤脫手相贈至囊無一錢先妣無忤  
色也宅兆卜自高曾先大父卒日有陰術暗奸  
者先考立斥擇墳發于獨斷逾二年而生不孝  
君清父逸序

七

甫七齡失生母董黠定正穴皆出先考昭茲來  
許易牲而耐于女君也不孝童志熾狂不喜八  
股蒲觥先考垂艾而子愛之勞之先大母嘗暨  
先妣顧我復我以至弱冠叨拜甲子鹿鳴先考  
浸皤然古稀矣會座師熊于侯先生復命過里  
門名公洪飲有美酒尊中置千斛之想先考咄  
嗟立辦于侯師偉之先考飲不過五合顧春秋  
高猶馳馬善棊搏揄擲萬與豪壯聲伎相歡也

丙寅秋以疥爪瘕舉附于身者未及治稍勿藥  
因求襲秘重購八圍樺傍奇特遠自西域加漆  
九層山碧外紫金繪其五面先考驚顧而慟曰  
使爾宦遊未若在側也歲至龍蛇而孤不孝痛  
哉啓原穴而營之椁位三勢難狹也土五色如  
裁肪氣孔四鑄弁抱金書青陽朱明玉露玄英  
盤針指南以五福向天馬門聳巽峰辛廬備展  
墓焉先考生于嘉靖戊午十月十九日卒于崇  
碧濤笈述存

十五

禎己巳正月初九日享年七十二歲于四月十  
一日襄事諱號嫺嫺詳本志先妣稱未亡人時  
重新花甲矣辛未即吉祠屋告成學於京師往  
還觀省兵戈在眼顯揚寔難庚辰息機考槃瀑  
布迨甲申世變先妣七十六歲王陵徐庶母身  
所以安危也間不容髮幸出大險東里不可居  
移家於瀑嗚呼在醜而爭則兵善惡兩忘刑名  
不近保身全生養親盡年勉副未遑也茆茨密

通南山山腰開洞鐵戶重扇翻閱大石通於古  
窰爲先妣避兵處庚寅寇至皆黃錢釘甲不可  
嚮通依母攸寧者近二百人壬辰大水暑溽先  
妣八十四歲疣腫千項堅熱如熨斗狀不孝仰  
天啜泣吾友李觀陽藏白下神膏方商確而治  
月餘瘰玉枕皆黑髮也乙未北上賴大司空楊  
崑嶽年兄知我有老母戊戌己亥有方尋返慈  
顏禮佛尚能百拜庚子先妣九十二歲六月雷  
碧濤笈述存

十六

電大雨崩室不孝魂落錯愕而入則僅畱母坐  
不損一毫皆門品十四無畏赴此度脫也今年  
正月以壯語責不孝勉赴公車壽躋期願飲食  
起卧何敢須臾離無何飴蜜滌瀝漸減得清淨  
身語惟知足誦佛屬續之夕六根不亂謂不孝  
勿哭幾於無怛化旭初升端然而逝時與先考  
全先妣生千隆慶己巳九月十四日卒于順治  
辛丑二月十一日享年九十三歲節慈止矣痛



712 1.7  
200d(110)



ZW 21101000025267

哉不孝負影隻立難阻備嘗無期功之親紀綱  
之僕萊衣有愧菽水多虧母近百齡考終天祐  
值時物騰價歲穀冰災雖棺槨衣衾差肩先考  
旌帛題主斷準紫陽而其餘節文不能習熟已  
爰有感於柳若子思之言也曰四方於予乎觀  
禮盍慎諸曰有其禮無其財弗行也吾何慎哉  
惟是三月之事必誠必信勿之有悔焉者人子  
自盡莫大於紀述平素貽簡幽明假詞他人恐  
為傳矣遂作

不足以歎自盡之義唐穆員為其親作玄堂志  
敗竊比焉復擬杜壙之韻以勒銘銘曰

惟重光赤奮若之歲卑四月六日之佳辰合  
葬我先考妣于青龍五抱之主穴于玉屏之  
山賓嗚呼閔滄桑而壽金石此貴皇東里之  
古墳